





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.130







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.130



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.130





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.130

1. 6. 130










IOANNIS CASÆ  
LATINA MONI-  
MENTA.

1  
6  
130



Quorum partim Versibus, partim  
soluta oratione scripta  
sunt.

CVM PRIVILEGIO.



1668



FLORENTIAE,

*In Officina Iuntarum Bernardi filiorum*

*Iterum edita Nonis Sept. 1567.*


12



IOANNIS CASAE


LATINA MONI-

MENTA.



Quorum partim V. cibus partim  
solus oratione scriptis  
fuit.

CVM PRIVILEGIO.




FLORENTIAE.

In Officina Iuniorum Bernardi Pistorum  
Hieronymi edita Roma 1567.



HANNIBAL ORICELLARIVS  
PETRO VICTORIO  
S A L.



NON videor mihi posse amplius ob preces multorum, qui vndiq, idem hoc etiam atque etiam petunt, vel potius flagitant, in consilio permanere: nec, quæ primum suppressenda censueram, IOANNIS Casæ, auunculi mei, latine ingenij monumenta dormi tenere: quibus omnibus omnis hominum generis postulatis, non parui apud me ponderis, accessit auctoritas tua: qui diligenter mihi suastisti, ut hoc sine ulla dubitatione facerem: nec paterer diutius tam suaves admirabilis naturæ fractus reconditos abditosq, iacere, priuaremq, cupidos ipsorum magna solidaque voluptate, quam se inde hausturos sperant, nec frustra ita, ut tu idem asseuerabas, ac sine causa sperant. Cum tu igitur auctor accesseris, vel (ut verius loquar) sponsor, qui quasi damni infecti promiseris: meque hoc tuo periculo facerem iusseris, vix possum amplius tot honestorum homi



num voluntati refragari. Quare totam rem tibi trado,  
& amoris tuo magno erga auctorem ipsum fideiq<sup>3</sup> com-  
mitto: facies igitur quod ex dignitate illius, commu-  
nique utilitate esse iudicabis. Unum ego illud doleo, et  
moleste in primis fero, quod ea, quae maiore animo,  
nec minori (ut arbitror) consilio, aut iam inchoaue-  
rat, aut tota mente complexus fuerat, absolueri, non  
potuit: ita enim fortasse sitis illa ingens, quae animos  
fere omnium inuasit, legendi ipsius scripta, expleri po-  
tuisset, nisi potius ipsa eo pacto excitata fuisset: neque  
enim modus ullus est, finisque honestarum & ingenuo  
viro dignarum voluptatum, sed, quanto plus aliquis ea-  
rum capit, tanto magis desiderio ipsarum inflammatur,  
ac semper ulterius aliquid ardentius appetit.  
Unde autem id factum sit tu probe nosti: vel cuncti  
potius, qui cognitum hominem habuerunt, atque in  
iisdem, quibus ipse, locis aliquando vixerunt. cui enim  
perspecta non sunt multa & magna quae ipsius occupatio-  
nes? cui iidem inaudita est imbecillitas corporis, dolor-  
que acer articulorum, quo saepe ille miserabilem in mo-  
dum conficiebatur? ut de vita si non breuitate, saltem  
non longinquitate taceam, cum illa potissimum atate  
mors eum oppresserit, quae mens hominis perfici incipit:  
& plenos integrosq<sup>3</sup> fructus edere potest. Sed huic quo-  
que rei tu occurris: affirmasque huiusmodi partus  
optimorum ingeniorum non ex numero moleque ipso-  
rum, sed ex vi naturaq<sup>3</sup> spectari debere: & hanc sem-  
per consuetudinem fuisse eorum, qui recte & ordine  
iudicant:



indicarunt: quorum institutum verum esse, multis & veterum & recentium laboribus perspicui posse. cum videamus quadam parua monumenta ingeniosorum hominum in honore & pretio esse: alia autem magna aliorum, qui non tam polite sua scripta limarunt: nec laborem illum emendandi tulerunt, contemni magnopere ab eruditis, & omni laude carere. nihil vero ipsum minus unquam studuisse, quam populo placere: contentumque semper fuisse omnibus in rebus iudicio paucorum. postremum autem hoc quin verum sit, ac prorsus isto modo se habeat, non possum inficiari. Restat igitur vnum, quod valde me pungit: vereor enim ne parum pie faciam, si aduerser voluntati mortui, & hominis eius mortui, cuius in primis voluntatem ratam esse & mandata omnia firma optare, & pro viribus etiam eniti debeo: non multos enim dies ante, quam e vita discederet, cum mentio facta esset horum laborum, quid fieri de illis vellet, si quid ipsi accidisset, plane significauit: deleri enim funditus ipsos, in ignemque imponi statim imperauit. cum tamen socios multos habeam huius culpæ, si culpa illa appellanda est, exciterintque omnibus temporibus alij, qui hac in re vltimæ voluntati mortuorum non obtemperarint, sed potius communi bono consuluerint, studioque ac cupiditati honestorum virorum morem gesserint, facilius (ut opinor) crimen hoc sustinebo, & a manibus ipsius mortui veniam impetrabo. Nuper certe idem factum est ab hæredibus, summi ac singularis viri, Francisci Guicciardi:



ni: qui cum historiam illam suam, tantopere nunc omnibus probatam, imperfectam ac minime expolitam relinqueret, mandauerat diligenter ut occultaretur, vel potius interrogatus a scriba, dum testamentum componeret, quid de illa statueret, magno, & constanti animo respondit, comburatur. Illi tamen recte fecisse existimantur, quod ipsam ediderint: & non solum scelere liberantur, verum etiam eximia quadam laude digni putantur, & maximo beneficio cunctos mortales affecisse creduntur. Idem igitur mihi euenturum, si idem effecero prorsus confido. id est apud multos me gratiam initurum, & affinem quoque meum mihi ignotum. Præsertim cum id, quod ille omnino voluit, præstari a me nulla ratione potuerit: neque enim valeo plurimos cohibere, in quorum manus iam pridem non paucæ scriptorum illorum peruenerunt, & ne ipsi ea diuulgent impedire. quod iam de nonnullis ipsorum usu venit, ac non sine magno meo dolore factum est. Postquam igitur animo ipsius satisfieri vix potest: cum ipsa vndique emanent, ac formis etiam vbique excudantur, existimaui me rectius facturum, si omnibus ijs de causis ipse illa integriora correctioraque edidisssem, atque ita assiduis uocibus multorum, acerrimisq; desiderijs obsecundasssem. Quod tamen tui iudicij esse volo, & (ut initio dixi) a te totum proficisci, cum diligenter prius, an fieri debeat, cogitaris. Cur enim ego in hac re non sequar sententiam tuam, & quod tibi probatum fuerit, id verum esse prorsus putem, quem  
de



de his litteris recte existimare posse vna omnium voce  
compertum atque exploratum est. auunculus certe  
meus tibi primas deferebat, ac de tua eruditione diui-  
nitus sentiebat. Sed, vt omittam nunc doctrinam, &  
præclaram multarum honestarum artium cogniti-  
onem, illud in primis me in hac opinione confirmauit,  
quod video, quanto amore illum mortuum prosequare,  
quantaq; beneuolentia memoriam ipsius colas. Cur igitur  
hoc tuæ potissimum curæ non committam, quod  
vnum nomen ipsius plurimum illustrare potest, & ab  
omni iniuria temporis, obliuioneque vindicare? Nam,  
cum mos semper fuerit, vt tu optime scis, consuetudoq;  
etiam veterum illorum Græcorum, doctissimorum vi-  
rorum, labores suos mittendi ad fortunatos homi-  
nes & maximos reges, quod ita putarent se patrocini  
multum gratiaq; suis scriptis comparaturos: nec non  
laudis etiam aliquid illorum ipsorum nomini allaturos,  
cum aliter se cupidos eorum esse ostendere non possent,  
statui ego, quidquid honoris ac dignitatis hoc pacto ad  
quempiam peruenire potest, tibi potissimum deferre, &  
tuis proprijs laudibus ingenijque commendationibus ag-  
gregari. Quem animi mei sensum tibi non semel an-  
tea significavi: & si tu semper id modestiæ causa vehe-  
menter recusasti. in eo uero ego non solum iudicium  
meum sequor: & id, quod magnopere multis modis con-  
uenire intelligo, facio; verum etiam aliquo pacto vo-  
luntati illius, cuius honori laudique ambo toto animo  
studemus, pareo: quodque ipse præstare non potuit, &

ad

40



ad exitum perducere, gero: scio enim illum in animo  
habuisse magnum opus efficere, ac salubriter copioseque  
de tribus plenioribus politioribusque linguis, tamquam  
alterum M. Varronem, vno volumine disputare, ac  
tuo nomini vigilas has suas, qui in idem studium toto pe-  
ctore incubueris, & ad summam intelligentiam ipsa-  
rum perueneris, apte (ut aiebat) congruenterque dica-  
re: & si ille doctissimus uir suum in primis proprium-  
que sermonem celebravit: ipse vero non eum tantum  
in quo natus erat, sed Græcum etiam Latinumque, cu-  
ius imago quædam ac vestigium noster est, frequenta-  
re & colere cogitabat, & veterem etiam ipsorum ori-  
ginem fontemque aperire: atque omnem denique coniun-  
ctionem ipsorum ornatumque explicare. Cum igitur  
magnus hic ipsius conatus impeditus fuerit: & in me-  
dio cursu tam præclara uoluntas fracta, qua ego ra-  
tione potui, volui desiderium ipsius implere. Quare  
hoc amantissimi tui hominis leto animo munus accipe:  
requæ id ab auctore ipso, architectoque huius operis accipe-  
re existimato, qui tui semper studiosissimus fuit,  
ac, dum vixit, demum (nihil enim maius excogi-  
tare valeo ad ostendendam egregiam ip-  
sius uoluntatem erga te) cum u-  
late tibi in amore  
respon-  
dit.  
Vale Roma Idib. Nouemb.  
MDLXIII.



PETRVS VICTORIVS  
HANNIBALI ORICEL-  
LARIO S.



VOD mihi suauissime Han-  
nibal onus imposuisti, quam  
uis sua sponte magnum fue-  
rit, numquam tamen graue  
mihi duxi: libenter enim id  
tuli: & in singulis ipsius par-  
tibus tractandis voluptatem  
non paruam inueni: nam,  
quod in primis alicui mole-  
stum esse potuisset, dubium  
que ipsum habere, an edi hec scripta oporteret, mihi ne-  
gotium non exhibuit: nec ullam in partem suspensum  
me tenuit: iam pridem enim mecum statueram rectum  
hoc esse; dolebamque potius tam sero id fieri: ac de re,  
quæ scrupulum non magnum in se haberet, tantopere de-  
liberari. Impulit autem me in hanc mentem, fecitque ut  
certi prorsus animi essem de omni hoc facto, iudicium,  
quod olim feceram de ingenio doctrinaque huius eximij  
viri, in quo me socios comitesque multos habere præcla-  
re intelligebam: qui & ipsi existimabant nihil limatius,  
ac politius his monumentis inueniri posse: nihil auctoris  
ingenio acutius perfectiusque. Quos certe fructus an-  
tea admirabilis nature ipsius videram: videram autem  
multos: hanc profecto opinionem de illo in animo meo  
excitarant. Possem autem multa de summo ingenio hu-  
ius hominis: infinitaque cura, quam in hoc genere scri-  
b ptorum



ptorum poneret, vere prædicare, quæ me ab omni reprehensione culpaque temeritatis (vt opinor) vindicarent: atque id non tam vt me tibi, cui hæc omnia nota & perspecta sunt, quam vt alijs omnibus purgarem. Sed, cum res in eum locum iam venerit, vt cuncti mortales ex his præclaris monumentis specimen aliquod capere illarum rerum facile possint, vel potius perfecte de ipsis existimare, iudicia ipsorum non præoccupabo: nec crimen arrogantie subibo. de his solum alienis scriptis illud ex animo pronuntiabo, quod M. Cicero aliquando de suo quodam libro, quem valde probabat, ac perfectum vndique esse arbitrabatur, in epistola quadam scripsit. me non recusare, si forte aliter quam ego sentiam, de illis aliquando existimatum fuerit, quin quantum de his libris, tantundem de mei iudicij fama (si vlla ipsa est) detrahatur. Nam non parui etiam ponderis, vt hoc securo animo facerem, apud me fuit, quod videbam hos viros his scriptis sempiternæ memoriæ commendatos, quorum laudem ac gloriam libenter omnes probi & honesti homines audituri essent, ac si quid etiam maculæ ac vitij aspersum foret in eorum splendore decoreque illustrando, ipsum illos dignitate eorum captos, & iucunditate illa perfusos, non animaduersuros. improbum vero fuisset, ac nefarij sceleris profecto simile, tam præclarum argumentum occultare, ac vitam horum honestissimorum virorum perpetuis tenebris dicare: quamuis enim ingenti ipsorum virtuti scriptores deesse potuisse non videantur, non tamen (nisi fallor) facile parem huic nostro, & iudicio, & facultate dicendi, præconem illa inuenisset. Quod vero pertinet ad labores, quos magnos variosque sustinui, vt liber purgatus & ab omni macula vacuus exiret, omnem ego hanc molestiam indignitatemque deuoravi, vt amici hominis laudi honorique seruirem: nec vquam odiosos mihi labores illos esse cognoui, non modo enim ipsos grata memoria sodalis condiuit, sed omnem peni



penitus inde tristitiam amaroremq; depulit. Leuauit quoque non nihil hunc meum laborem, quod eodem tempore me gratum tibi facturum esse cognoui, quem etiā perspexi eidem rei toto animo studere, ac curare quanta maxima diligentia posses, vt hæc affinis tui monimenta integra prodirent. in quo ego officium hoc tuum vel pietatem potius, vehementer laudo: ac maius quidem te in illum beneficium contulisse iudico, cum memoriam ipsius ita viuam tenueris, quam si illum in vitam reuocasses: cum enim ille mortalis natus esset, necessario non multo post extinctus fuisset. hæc autem (vt spero) æterna erunt, & nulla iniuria temporis vetustateque delebuntur.

Remitto igitur ad te librum excusum, & iam communem omnium, publicumque factum, qui prius tuus priuatusque erat, uel potius magis nunc, quam vmquam, tuum, cum ornet plurimum, atque omni dignitate augeat eum, qui tibi auunculus fuit, ac veris propriisque ipsius laudibus celebret, non suspectis & aliunde, vt sæpe contingit, ascitis. quin autem redundet quoque in te aliquid huius gloriæ dubitandum non est: neque etiam parui illud estimandum. Gaude igitur non parum eximio hoc tuo ac præstanti bono, contigisseque tibi in vita cum alijs multis animi & fortunæ donis, vt nascerere e sorore huius præclari viri: & si es tuo nomine nobilissimus, non mediocri tibi laudi ducito: præstatoque te dignum, vt facis, tanta sanguinis egregiæque virtutis conjunctione. quin certe te ille plurimum amarit, & summa cura studioque mores ingeniumque tuum expoliuerit; dubium non est. Sed hæc non sunt huius temporis: illud magis addendum est, & ipso tota hæc epistola concludenda. Gratum admodum, acceptumque mihi munus tuum fuisse, præclarissimum honestissimumque munerum omnium, existimareque me beneficio hoc valde honorem meum creuisse, postquam, de quo tecum prius sedulo egeram, efficere nolui, vt personam aliquam tan-



to dono digniorem inuenires: satis enim me, satisque testimonij ipsius crebris in hoc volumine ornatum putabam; ac mihi aliquo modo æternitatem partam rebar. Nam consuetudinem illam antiquorum Græcorum non improbo, quam tu in tuis litteris attigisti. vnde memoria proditum est quendam ex illis, sapientiæ studiosum, habitum fuisse eo tempore contumacem, qui nullum vnquam suum opus ad principem aliquem virum miserit, cum multa præclare scripisset, quasi eos contempserit, & illo honore indignos putarit. Romani vero scriptores illi veteres: & qui florere ante, quam resp. in vnus potestatem caderet, hoc non faciebant, neque institutum illud seruabant, quia maiores nullos se, aut opulentiores habebant: quare ad amicos, familiaresque suos hoc traducebant, quos tu imitari voluisti, cum tamen contra hæc ætate magna copia ipsorum sit. Sed postquam tu affirmas hoc etiam in mentem auctori ipsi uenisse, vt me huiuscemodi aliquo munere honestaret, non possum id, vt cetera ipsius omnia consilia factaque, non magnopere laudare: eoque nomine immortales tibi gratias agere.


Vale. Florentia IIII. Id.

Iun. MDLXIII.





PETRVS VICTORIVS  
LECTORI S.



**N**ON putavi alienum hu-  
manissime lector de non  
nullis te admonere, quæ  
tibi cognita esse oportet  
initio huius noui operis  
perlegendi: non tam no-  
stri muneris ornâdi cau-  
sa, & auctoris ipsius ce-  
lebrandi, quam, ut laborem tuum leuem, & in-  
struam te ita, ut uerius iudicare de omnibus his  
paruis ingenij magni monumentis possis. præser-  
tim autem ijs ipsorum partibus, in quibus quip-  
piam ignoratum aut existimationi ipsius labis ali-  
quid adportare, aut sensum animi tui impedire pos-  
set, diligentius id faciam. Nam quædam sunt, quæ  
nulla mea opera egent: nec suspensum te ullo pa-  
cto tenere possunt, quia non minus ipse quam ego,  
statim ut legeris, percipies cuiusmodi illa sint,  
& quantum ipsis tribui debeat. Hæc autem sunt  
primum carmina, quæ primum etiam locum obti-  
nuerunt. Illa uero uarijs temporibus condita fue-  
re,



re . quamuis maiorem ipsorum partem scripserit  
postremis uitæ suæ annis , cum se in Euganeos  
montes abdidisset : recessumque illum coleret , in  
quo non paruo temporis spatio bene beateque ui-  
xit . nam & multo melius illic , quam alibi umquam ,  
ualuit , & totum se litteris scriptionibusque inuol-  
uit : unde si se auelli passus non esset , & uiuum  
adhec eum superstitemque haberemus : & uolu-  
men hoc plenius , copiosiusque manibus tereremus .  
Sed multo plus apud eum consilia aliorum ualue-  
runt , quam uerum ipsius iudicium , quod fecerat  
de fortunæ uarietate , inconstantiaque rerum hu-  
manarum ; quæ non satis prudentia consilia inui-  
tum ipsum illinc retraxerunt , & quasi de statu  
mentis deiecerunt . Huius autem animi ipsius  
testis ego ( ut opinor ) non omnino leuis esse possum ,  
qui cum eo illo ipso tempore totum pæne diem locu-  
tus sum in itinere : cum ille , pontificijs litteris euo-  
catus , Flaminia uia Romam proficisceretur : oc-  
curri autem ipsi Pisauri : uisus enim mihi est non  
ualde securi animi fuisse de euentu illius consilij ,  
doluitque sibi inuito , ac recusanti extortam fuisse  
bonam mentem , in qua manendum sibi esse , quod  
reliquum erat uitæ , secum deliberauerat . Quod  
sequitur in editione hac : pertinetque ad uitam no-  
stram informandam , & multis grauibique mole-  
stijs liberandam , multo prius ab ipso scriptum fue-  
rat : cumque illud sæpe Romæ lectum & ponde-  
ratum



rit  
eos  
, in  
uia  
uam,  
inuo-  
uium  
uolu-  
emus,  
ualue-  
cerat  
in bu-  
inui-  
statu  
ipsius  
sum,  
locu-  
s uo-  
oc-  
non  
filij,  
fuisse  
quod  
quod  
no-  
ole-  
fue-  
lea-  
m

raturum esset ab eruditis & ingeniosis uiris, quorum  
in ea urbe omni ætate magna copia fuit, semper  
eorum iudicijs maxime probatum fuit, & summis  
laudibus in cælum sublatum, & propter oratio-  
nis elegantiam & propter sententiarum grauita-  
tem, totiusque illius disputationis acumen & sub-  
tilitatem. Vita præterea Petri Bembi, in qua  
ille litteris mandanda multum laborauit, ut amici  
hominis, & qui in iisdem studijs, quibus ipse dedi-  
tus erat, totus occupatus fuerat, atque in ipsis ui-  
tam cum summa laude consumpserat: (quamuis in  
ipsa nihil amicitiae dederit, & omnia summa cum fi-  
de uereque exposuerit) perfecta ab eo expolitaque  
fuit. Contareni uero uita, numquam satis lau-  
dati hominis, quamuis omnes graues & honesti ui-  
ri in eius doctrina, probitate, castitate, pruden-  
tia, pietate erga deum celebranda inter se conten-  
dere uideantur, non omnes numeros absolutionis as-  
secuta est, neque extremam auctoris manum obti-  
nuit: ut, quemadmodum ille uir integer, & undiq;  
perfectus absolutusq; fuerat, ita etiam libellus, qui  
uitam ipsius explicat, & cuncta hominis consilia fa-  
ctaq; memoriae prodit, uulla parte mancus debilis  
que foret. Inuidisse igitur tantæ ipsius gloriæ ali-  
quo modo fortuna uisa est, nec passa fuisse, ut quem  
admodum in huius summi uiri uita nihil labis aut  
culpæ inesset, ita etiam omnis macula notaque ab  
his politissimis scriptis abesset, quanto magis au-  
tem

84



tem illa fini extremoq; propinqua est. tanto magis  
rudis inchoataq; est. quod ijs omnibus, qui legent,  
cognitum esse debere existimaui. ne si quid forte  
illic incuriae uitijque aliquando offendatur, illud au-  
ctori assignetur: ipsiusque inscitia aut negligentia  
commissum esse credatur: nemo enim est scriptor  
eruditus, laudisque alicuius & gloriae cupidus, qui  
non diligenter sua scripta relegat, ac nouo quo-  
dam studio laboreque suo illa purgare ac nitidiora  
reddere conetur: cum hic noster in primis in  
ea re diligens accuratusque foret, & plurimum  
studij in suis omnibus laboribus emendandis adhi-  
beret, quod morte praeventus, aut subitis magnis  
que occupationibus inde abreptus, praestare in  
eo, quod maxime ornare & omni uirtute expolire  
cupiebat, non potuit: cum argumentum ex senten-  
tia nactus esset, & quod omnem ornatum lumen-  
que orationis sustineret. patet autem quanto ani-  
mi ardore aggressus hoc sit, & quale quasi uesti-  
bulum aditumq; huius praecleari operis struxerit.  
Restat nunc, in quo maior adhuc scrupulus, mea  
sententia, est: quodque magis me sollicitat honoris  
causa huius praestantissimi uiri, labor quem po-  
suit in uertendis in Latinum sermonem contioni-  
bus Thucydidis: cum enim semper arduum esse ac  
difficile existimauerim conuertere aliquid e Grae-  
cis scriptoribus (si quis recte & cum mediocri  
etiam laude munus hoc obire uelit: nam, ut pleriq;  
hoc



hoc faciunt, qui nullo ornatu adhibito, nullo se-  
lectu uerborum, nullo iudicio, quoquo modo sen-  
tentias expressisse contenti sunt. si hoc etiam ipsum  
præstare possent nihil est tam proclive & para-  
tum) in primis semper durum & laboriosum puta-  
ui attingere hunc scriptorem, & aliquam ipsius  
partem in alium quempiam sermonem comporta-  
re. contiones uero has propter obscuritatem sen-  
tentiarum, orationisq; breuitatem ne dicam aspe-  
ritatem & duritiem, maiorem adhuc molestiam in  
se continere non sine causa (ut arbitror) credidi.  
Et tamen hic noster tot tantisque difficultatibus  
deterritus non est, sperauitque se posse studio &  
diligentia sua ipsas superare: uel potius ingenij &  
industriæ suæ periculum facere uoluit: experiri  
que, ut fuit semper audius ueræ laudis ac gloriæ,  
an ex hoc quasi certamine honeste discedere pos-  
set, & tamquam palmam inde domum reportare:  
nihil enim sibi umquam facile prouumque proposuit,  
sed semper cum ijs, qui summum locum in qua libet  
laude tenent, contendendum putauit, & aliquos  
etiam ipsorum fortasse uicit & omni honore spo-  
liauit: hoc enim uerius esse puto cum compertum ha-  
beam, maiorem partem horum laborum ab ipso ex-  
ercitationis causa fuisse susceptam, cum maiora  
quædam meditaretur, ac doctrina ingenioque sub-  
digniora, ipsas tamen quoque edendas putauit, ma-  
gis utilitatis aliorum causa, quam illius ipsius de-

A coran



corandi, qui multum operæ ac diligentiae in ipsis po-  
suit, quippe cum nihil, temptatum ab ipso, iudicem  
negligendum: huiusmodi que, ut nullum fructum  
ferre possit studiosis, habendum. nec tamen hoc  
quoque (ut apparet) opus absoluit. nam conatum  
hunc magnum ingenij ipsius summam laudem inuen-  
turum fuisse, si exitum habuisset, dubitandum non  
est: fecisse enim, ut prudentissimi grauissimiq; scri-  
ptoris orationes subtilissimæ & magnorum consi-  
liorum plenissimæ, eleganter & erudite scriptæ,  
ab ijs etiam legi possent, qui illius ipsius sermonis,  
quo primum scriptæ fuere, rudes & expertes om-  
nino sunt: ac ne nunc quidem, & si omnes illæ ex-  
pressæ non sunt, dici potest id non aliquo modo præ-  
stitisse: uel prope saltem ad id ipsum accessisse: qui  
enim primi ad rem aliquam arduam aggrediun-  
tur, rationemque illius laboris superandi ac uiam  
monstrant, ij aliquo modo illius negotij, difficilisq;  
operis confectores haberi & appellari possunt.  
Siqui autem extiterunt, qui in aliquibus locis ab  
hoc nostro interprete dissentiant: atque alium  
fuisse sensum auctoris, quam qui ab ipso expressus  
est, contendant, ij meminisse debebunt, semper ha-  
bitas esse has orationes obscurissimas, & ijs etiam  
temporibus, quibus sermo Græcus uigebat, & hic  
luculentus scriptor in manibus disertorum erat, ne-  
gotium ipsas facessere solitas ijs, qui ipsas accurate  
legerent, quippe cum M. etiam Cicero ita de illis  
existima-



existimauerit, & hoc suum iudicium monumentis li-  
terarum mandarit: cum enim Thucydidem ipsum  
magnopere laudasset, quamuis, contra sententiam  
quorundam, oratori nullo modo utilem, nec foren-  
si generi dicendi accommodatum affirmasset, hæc  
addidit. Ipsæ illæ contiones ita multas habent ob-  
scuras abditasque sententias, uix ut intelliguntur.  
Si igitur tanta caligo ipsas semper textit, ut uix lu-  
minibus penetrari ad multas partes ipsarū eo quo-  
que tempore potuerit, quid mirum si nunc, in maio-  
re multo harum rerum cæcitate, diuersa ingenia,  
& ea quidem acuta & ualde exercitata, diuersos  
sensus inde eliciunt, & aliqua opinionum uarieta-  
te distrahuntur? Nam iudicium huius nostri aucto-  
ris nullo modo arbitror contemnendum, cum sit no-  
tum omnibus & exploratum quanta fuerit acies in-  
genij illius, & quantam curam diligentiamque ille  
adhibere sit solitus in ijs omnibus, quæ litteris pro-  
debat, & in manus eruditorum peruentura uide-  
bat. præter quam quod cum ille natura consuetu-  
dineque factus esset ad res magnas publicasque &  
cogitandas & administrandas, multo melius ad  
occultos hos reconditosque sensus peruenire pote-  
rat, quam qui numquam in re publica gubernanda  
uersatus esset: nec ullo tempore cogitationem ali-  
quam talis hominis propriam suscepisset. conside-  
ret demum secum, si forte ipse antea hoc opus ag-  
gressus esset, quam sæpe multumque secum dubita-

A 2 tu =



turnus fuisset, & non in paucis fortasse locis hæsu-  
rus, ut humanius clementiusque postea de scrip-  
tione aliorum iudicet. nam hoc in primis genus exercita-  
tionis expositum esse uocibus maleuolorum, & fa-  
cile ab obrectatoribus reprehendi accusarique  
posse, omnes nouerunt: nulli enim adhuc in hoc ne-  
gotio ita felices fuerunt, ut non incurrerint in ma-  
ledicta inuidorum: inuenerintque aliquos, qui ex  
eorum erroribus laudem sibi comparare studue-  
runt. Sed hoc relicto, in quo ille aut uacuius est ab  
hoc omni periculo maloque, aut si qua illic offensio  
est, nostra est, qui ea, quæ ipse animi causa exer-  
citationisque studio scripserat, edere, & in ma-  
nus doctorum hominum tradere uoluimus: cum  
sciamus ipsum plures epistolas summa, elegantia et  
eruditione refertas uarijs temporibus scripsisse,  
paucas tantum, quas ederemus, inuenire potuimus:  
cum bona pars illarum aut amissa sit, aut una cum  
alijs quibusdam ipsius diuersi generis scriptis cu-  
stodiatur, quæ in his locis collocata sunt, ut his tē-  
poribus commodè tractari, inuestigarique non po-  
tuerint. Nam doctam illam & grauem episto-  
lam: si tamen epistola ipsa appellanda est, quæ an-  
te historiam Petri Bembi sine nomine iam excusa  
fuerat, putaui auctori restituendam: quod enim  
ipsum tunc mouit, postquam ut scriberet eam coa-  
ctus est, ne cuius esset eo tempore intelligeretur.  
(noluit enim existimari nimis honoris cupidus, si  
suum



suum nomen in fronte alieni operis, & illius quidem  
ualde illustris & clari, adfixisset: nec suæ digni-  
tatis id esse ullo pacto arbitrabatur) cum incom-  
modi nihil nunc gignere possit, non putavi attenden-  
dum: contra enim hoc tempore nulli alij rei stude-  
tur, nisi ut quantum fuerit ingenium hominis ab o-  
mnibus intelligatur: atque ita ope horum monimen-  
torum uiuum ipsum celebrequ; contra tenebras mor-  
tis uetustatemque teneatur. quare non putavi  
partum illum esse negligendum, qui & ipse meo iudi-  
cio ad nomen ipsius celebrandum ualde aptus est.  
quod autem narraui, uerum esse nouit cuncta illa  
nobilis & beata ciuitas. Si ipsæ igitur, quæ adhuc  
latent & abditæ sunt: & hæc, quæ reddita ipsi  
est, colligi potuissent, non parum (ut arbitror)  
uolumen hoc auxissent, & utilitatem etiam nõ par-  
uam ijs, qui legerent, attulissent. Idem etiam ac-  
cidit de alijs non nullis, quæ præclare inchoaue-  
rat, ut alia de causa, quia scilicet plane perfecta  
non sunt, ipsa coniungi cum his non potuerint, &  
specimen quoque & ipsa dare cum reliquis magni in-  
genij, singularisq; doctrinæ huius summi uiri. Sed  
multo maior iactura fuit, quod ipse mature extin-  
ctus est, qui non solum hæc, quæ instituerat, absolue-  
re & expolire potuisset, uerum etiam alia maio-  
ra multo & grandiora conficere. quod ipse, ut iam  
dictum a me est, & multis quoque notum, tota men-  
te cogitabat, & magna cupiditate huius eximij o-  
peris



peris efficiendi ardebat: is enim profecto fuit, &  
tali ingenio præditus is uir, ut, si diutius uixisset,  
gloriam omnium, qui inferiore hac ætate uixea-  
runt, omnigenere suorum scriptorum, non solum  
adæquaturus, uerum etiam superaturus esset.  
Vale.



Pateat vniuersis & singulis qualiter R. Do.  
Alexander Strozza Prepositus Flor. In-  
quisitor hæreticę prauitatis, visis latinis  
monimentis Ioannis Casæ, partim versibus,  
partim soluta oratione scriptis, ea tã-  
quã in nullo discrepantia a sancta & cath.  
doctrina sacrosanctæ Rom. ecclesiæ im-  
primendi facultatem concessit. Die 7. mē-  
sis Iunij. 1564.

Alexander Strozza,

129  
E



In hoc volumine continetur.



<i>Arminum Liber,</i>	<i>1</i>
<i>De officijs inter potentiores,</i>	
<i>&amp; tenuiores amicos.</i>	<i>27</i>
<i>Petri Bembi vita.</i>	<i>53</i>
<i>Gasparis Contareni vita.</i>	<i>77</i>
<i>Plures orationes Thucydidis</i>	<i>135</i>
<i>In historias Petri Bēbi prefatio ad J.D.</i>	<i>193</i>
<i>Epistola ad Ranutium Farnesium Car.</i>	<i>82</i>
<i>Epistola ad Petrum Victorium.</i>	<i>208</i>
<i>Epistola Petri Victorij ad Io. Casam.</i>	<i>202</i>



IOANNIS CASAE  
CARMINA.



LAMINII manes, instar mi-  
hi numinis umbra  
Flaminij, hæc campis cernis ab  
Elysjs?  
Antibi, quæ nostri fuerat tam  
seruida cura

Cocytus nigris eluit amnis aquis?  
Tu solitus Priuliq; ausus compescere inanes,  
Et molli versus frangere voce truces.  
At nunc ille malo Galateum carmine vexat,  
Et sanctum nobis pellit ab vrbe virum.  
Tunc ausus Priuli Galateum pellere ab vrbe,  
Aspera q; in dulcem dicere verba senem?  
Tunc auctor Romæ montani vt munera vici,  
Fumosi vt curam præferat ille laris?  
Aureus ille senex, vitæ cui licia Parca  
Intacta ducunt candidior a nive?  
Qui nec Principibus, vrbi nec scilicet agræ  
Formidet medicas adplicuisse manus?

B

Quemq;



Quemq<sup>3</sup> adeo nemorum custos, pecorisq<sup>3</sup> magister  
 Mandarit sacro summus adesse gregi,  
 Hinc eat, & fuscas ignoti ad flumina Melpha  
 Pascere cum vili coniuge pergat oves?  
 Quid si animis iuuenumq<sup>3</sup> senumq<sup>3</sup> est illius aequae  
 Dulcior Hybleis alba senecta fauis?  
 Quid si illum retinent quicumque Amaryllida curant,  
 Huius ad exemplum peccet ut illa minus?  
 Uxorem hunc tamen ad vetulamq<sup>3</sup> humilemq<sup>3</sup> releges,  
 Frigida ut in viduo ne cubet illa toro?  
 Quae puras pridem didicit perducere noctes,  
 Et monitis casta est & proba facta viri.  
 Sed tu Flaminij potius iam nobilis umbra,  
 Et multum insigni conspicienda lyra:  
 Nite caeca huius cepere obliuia lucis,  
 Cum tibi mors audas intulit atra manus:  
 Huc ades, & Priulum compescus; nam male nobis  
 Iamdudum insolito versus in ore sonat.

**V**T capta rediens Helene cum coniuge Troia;  
 Lento homine atque animi lenis, nimiumq<sup>3</sup> remissi,  
 Incidit in caedem ipsam & funus sorte sororis,  
 Quam praecipit miseri virtus iugularat Orestis,  
 Succisam de more comam missura sepulto  
 Germanae cineri, fertur dempsisse capillo  
 Vix tandem e summo paulum, ne forte placeret  
 Tonsa minus metuens Spartanis improba moechis:  
 Haud aliter Galatee malis erroribus actus

Nuper



Nuper ego, & Phrygios nautas, Paridemq; secutus  
 Ausugi longe: atque idem, redijt tamen ut mens  
 Ad sese peregre nimium remorata, proteruæ  
 Ornamenta fugæ sensim lenteq; repono:  
 Parui etenim refert Veneris ne cupidine, ut illa,  
 Incensus, pulchra vel saucius ambitione,  
 Tramite declinem recto, violemq; pudorem.  
 Debueram dudum crinem secuisse decorum:  
 Hoc est argentum, comites, & stragula, cænas,  
 Lususq; & musas missas secisse loquaces,  
 Intrepidus nuper curatæ mentis & acer  
 Corrector: sed enim prauus populi pudor obstat;  
 Hunc propter pauidi phaleris amicumur ineptis:  
 Nec sicci madidam audemus, veriti bene potum  
 Conuiuam vulgus, collo dempsisse coronam.

Dedecus ambitio pulchrum est, vitiumq; fauentis  
 Laudatum populi studio: I bone quo tua uirtus  
 Te uocat, i pede fausto, & nomen laudibus auge,  
 Aequales aiunt, comitesq; piq; propinqui:  
 Quod si natura, aut ratio, virtutis habendos  
 Germanas propriasq; notas euincat honores,  
 Publice ut æs signant, extemplo ut noscere, nummus  
 Quanti quisque fiet, possint: per turbida Ponti  
 Curramus rapidi maria, & gelidas properemus  
 Ipsa hieme in media tantum ad decus ire per alpes.  
 Obliti podagra, nervos urentis & artus.

Nunc prauos inter tituli discrimen inanes,  
 Atq; bonos nullum signant: sæpe & roga pectus

B ij



Candidius multo, & maius pulla arctaq; texit,  
 Quam laxi, Tyrioq; infecti murice amictus:  
 Nam si legitimum nobis virtutis inurant  
 Fasces & tituli signum; merchetur honores  
 Ipsa vel vita, informis ne prodeat: inq;  
 Excusus, Priulusq; bonus, simplexq; F. æternus.  
 Prudens & vera virtutis cultor uterq;  
 Vitrea quos numquam titillat gloria, febris  
 Purgatos huius. Nos quamuis cesserit horror  
 Atque æstus, sani nondum tamen vsque valemus;  
 Sicq; animus positam reminiscitur ambitionem,  
 Vulnus ut obductum prurit tamen, hæret asello  
 Ut nudo clutellis nonnumquam vlcus in armo.

Vos agite aureolum tondete a vertice crinem  
 Lasciuo huic capiti, atque domi cohibete, seueri,  
 Non Menelaus uti, erronem me: tu, Priulusq;  
 Utroque & melior Polus ( quod dicere uestra  
 Pace mihi liceat ) nitidaq; extrudite Roma  
 Restantem: ut duri mulam quandoque cerebri,  
 Luctantem in trivio, atque equiti parere negantem,  
 Sibilo agunt primum & magnis clamoribus; inde  
 Profiliunt longis armati fustibus: illa  
 Nixa diu, tandem plagis deterrita currit.

Si te cura vigil sophiæ delectat: & acre  
 Ingenium uires si sufficit, utere porro  
 Munere tam claro diuum: sic rectius atque  
 Commodius multo, longeq; decentius ani

Quod



# IOANNIS CASAE

Quod tibi cumque neant parca victurus amica.  
 Nec de te plebis quæ sit sententia, magni  
 Securus pendas: ignarum pleraq; vulgus  
 Prauo metitur modulo: tu negliges, & isto,  
 Qui nunc te exercet, fugias decedere campo:  
 An populi arbitrio quisquam, plebisq; bonorum  
 Posthabeat sanus plausum, quem iure feres tu:  
 Quandoquidem cunctos quicumque feruntur eisdem  
 In spatijs, iam recto nimirum ac sapiente  
 Iudice præcurris Bembo: cum hic interea nos  
 Desidia arguimur populo; ne forte probari  
 Credideris genus hoc vitæ simplex: etenim ad res  
 Versiculis, missisq; iubent accedere nugis:  
 Ex umbra & tenebris in solem exire, diemq;  
 Et gnavi me segnem culpant: Altera blando  
 Pars animum integrum queritur me dedere amor  
 Per luxum, & patrum verbis obiurgat acerbi:  
 Qui simul ac stomachum, quamquam permulta ferenti  
 Ut placem, morunt: rehero graviora receptis:  
 Ut proprium servas auri sceleratus aceruum  
 Undiq; congestum: neglectis, iura fidemq;  
 Exponis tota venalem, legibus, vrbe:  
 Cum miserum atque inopem deiectum rure paterno  
 Deferis, atque adeo prudens, nummisq; redemptus  
 Prodis: & emunctum producta lite clientem  
 Usque adigis, dum ædes etiam proscribat auitas:  
 Turpiter aut ultro servis, plerumque furentis  
 Mancipium domini: Manibus teni ferre catinum

Canani



Cœnanti ingenuis? aliam ten' sumere mentem  
 Deterioris heri ad nutum atq; aliam? haud animo par  
 Est generi, quicumq; suos apud ortus honeste  
 Imperio abiectus paret, trepidusq; ministrat.

Quid quod amicitia, caro dum cuncta lucello  
 Metiris, cultus tu nullos, nullaq; nosti  
 Officia: anormiq; decor concinnus inepto  
 Quid distet nescis? pecudis nã nos cute tectam  
 Naturam inspicimus. quid publica cum geritur res  
 Per te, si furtis quo sit locus atq; rapina,  
 Bellorum causas iussus præcidere, nutris;  
 Desidia, aut tu me censor culpaueris ori?

Flagras ambitione, ardesq; cupidine sæua  
 Purpurei, haud uitam hanc mores ue decentis, amictus.  
 Uror amoris ego haud me dignis ignibus; esto  
 Quando ita me insimulas; quid tum? peccamus uterq;  
 Nil est cur tu me prior incuses, grauiora  
 Offendens multo, & nimium distantia recto:

Nam qui vel paruo conductus peierat, & qui  
 Tamquam turbata victum sibi quaritat unda  
 Piscator, pacem bellis ubi miscuit, idem,  
 Iudicium atq; crucem si demas, ire latrones  
 Inter iam velit & iugulare homines. sua quisq;  
 Defendunt lenes vitia & minuunt; aliena  
 Carpere pleriq; austeri, nimiumq; seueri.

Adde quod incurata gerens, serpentiaq; intus  
 Ulcera corrupto tandem pulmone peribis;  
 Purgandum illius cum te committere morbi

Non



Non medico studeas; annus non vnus & alter  
Imminuat quicquam: pulchris macrescere captum  
Diuitijs frustra tantum doleamus amici:  
Ne mea post paulo febrisq; reliquerit vltro  
Frigidior veniens morbum cum leniet atas,  
Intere aq; veterinus non animum grauis vrget,  
Ne tamen insequitur populus: quid si nihil omni  
Est actum in uita nobis, quod ledere quemquam  
Posit? non ego rem, mihi sollers quam pater auxit,  
In Venerem effundam, neq; lite petitus amator  
Iniusta, omittam fundumq; laremq; tueri:  
Nec fuerim, mimam quo sit mihi laxius vnde  
Munerer, vsquam inopi nimium contractus amico:  
Deniq; non mos, non atas alienior: adde  
Ille etiam, laqueo statuit qui neetere collum,  
Aurata ne trabe, an de putri pendeat vlmo  
Si quicquam referre putas; quam ego honestius ac tu  
Intereo; seu me Musis & Apolline claro,  
Seu quis me pulchro captum culparit amore:  
Ne tamen insequeris colloq; ac faucibus anguis  
Inflat viro vitam deducere inertem  
Indignum clamat fucos, segnem malus vrget:  
At tecum si quis sic egerit: Itur ad urbem  
Europa ex omni, credo, vt vestigia summo  
Inspiciant veteris veneranda in colle Quirini:  
Siue in Auentino Romæ. ac non perditus exul  
Expes vt quisq; est, huc sese contulit, vt si  
Bargulum ad Illyricum dicas, latrociniumq;

Con



# CARMINA

Concessum; nimium merito dicatur acerbis.

Oderit & rabidum populusq; patresq; venenum.

Non ego: nec vulgi si irritor vocibus hoc nunc  
Immeritum quemquam latrarim: possum ego multos

Eximere e numero, turpis contagia morbi

Quos nulla attigerint, sanos, recteq; valentes:

Sincerum ut Molsæ pectus, lauere salubres

Pierij quem fontis aquæ: puroq; Camœnæ

Curatum cantu seruant. Studioq; referti

Spectatus dudum tanto plausuq; theatri

Ubalinus, inops agriq; larisq; paterni,

Virtutis locuplex. populo spectante Quirini

Hunc non donatum scæna decedere turpe est.

In mulieres nuptas Hippolyti.

ex Euripide.

**C** Oncinnum in auras luminis hominum malum

Cur protulisse dixerim te feminas

Iuppiter? etenim erat si serendum hominum genus,

Haudquaquam oriri debuit de femina:

Sed emere liberorum oportuit sibi

Semina genus mortaliū, ferens tua

In templa tantum aut aris, aut auri granis,

Ferriue, quanti vnus foret quisq; pretij,

Domosq; habere feminis sine liberis.

Nam nunc in ædes vehere cum malum parant,

Ex templo opes pro eo rependunt patrias.

Atque



Atque hoc liquet malum esse magnum feminam,  
Namq; ad alienos pellit hanc ex aedibus  
A se pater progeneratam & eductam, suis,  
Additq; dotem, ut liberet sese malo:  
At ille contra, stirpem in ades noxium  
Qui ad se recepit, letus est cum pessimam  
Pulcherrime ornat statuam, & auro & purpura  
Certat, beatas sumptibus miser domos  
Exhauriens: atque hæret: etenim splendidis  
Affinibus gausus uxorem asperam  
Perfert: proba at si ea, sed propinqui fuitiles  
Euenerint, bono miseriam comprimit.  
Verumtamen commodius euenit, quibus  
Nullius vxor sedet in aedibus preti,  
Ac fatua: nam sapientem ego odi feminam:  
Meæ nec intra venerit limen domus,  
Quæ, quam mulierem sapere par est, plus sapit:  
Facilius etenim perspicaces edocet  
Astutias, dolosq; Cypris improba:  
At fatua mulier ob stoliditatem sapit,  
Penetrare nempe ad feminas oportuit  
Nulli licere familiarium, simul  
Sed beluarum includere rabiem domi  
Loqui insciam, sermonem ut inferre alteri  
Ipse nequirent, nec alij illas adloqui:  
Nunc facinora, intus quæ male mala cogitant  
Domina, foras hæc familiares efferunt.



Cum ab Vrbe profectus, Venetias iret.

**H** Umida Tyrrheni fugientem flamina venti  
 Calumq; pestilens Lati,  
 Me Venetum excipient mitissima littora, & aura  
 Salubriores, putribus  
 Iam membris senio, & podagra turgentibus acri;  
 Quæ flare suerunt nec mala  
 Imbutæ tussi, neq; in ipsis fluctibus vda  
 Faerne, mireris licet:  
 Prorsus, qui Romam liquit, rerum ille carebit  
 Pulcherrimo spectaculo;  
 Nec cœtum æque illustrem hominum, nec Palladis æque  
 Instructa pectora artibus,  
 Terrarum ut cunctas lustret circumuagus oras,  
 Offendet vsquam gentium;  
 Fragmina nec muri aspiciet maiora vetusti  
 Non diminutis vrbibus;  
 In primis Bromij latices & frigida siccis  
 Requiret idem faucibus  
 Pocula lympharum sub terras condita opacas,  
 Aut fossa Lucanam in niuem:  
 Ipse ego, feruenti delapsam ex imbrice lympham  
 Nuper, nec altos in scrobes,  
 Et vappam, salices inter quæ nata palustres  
 Cœni saporem patrij  
 Potanti offundet, medijs feruoribus, ardens

*Arente*



Arente fauce traxero :  
 Ast idem hospitibus placidos & dulcia pacis  
 Impertientes commoda  
 Mortales cernam, & locupletem ciuibus urbem  
 Dispar probantibus nihil:  
 Cernam loricam violentam, ensemq; superbum  
 Inermibus suffragiis  
 Constrictum, & diræ execratum cedis amorem  
 Longe exulantem gentium:  
 Illic cum cano prudentia sera capillo  
 Paret vicissim, & imperat:  
 Illo se nusquam propendens conulit æquum  
 Bonæ comes concordia,  
 Fraudibus Hesperia vt pulsum est, timuitq; rapacis  
 Uncas licentiæ manus.

## De Vbaldino Bandinellio.

**T**A M caro capiti iam nimium diu  
 Munus Melpomene lugubre, Naniam  
 Debemus: querulam prome puer lyram.  
 Siccis non ego te genis,  
 Mærore aut vacuus pectora lurido  
 Laudabo: neq; desiderium moræ  
 Nostrum diminuunt, aut hominum atterens  
 Furtim tristitiam dies:  
 Te morum studium, te sapientiæ  
 Cura, & nobilium fecerat artium

C ij



Ubaldine quies gnaua, operosaq;  
 Musarum otia diuitem,  
 Non auri, pauidis addere mentibus  
 Mordacem validi sollicitudinem,  
 Non ostris, experiens quod reparat Ligur  
 Nobis merce superflua:  
 Irritet, fugiens pauperiem, æquora  
 Iracunda leui nauita palmula;  
 Aestatem Libyæ perferat igneam  
 Idem, idem Aemonias niues,  
 Vestigans lapides, semina quos petit  
 Vel flauo capiti, vel tereti decus  
 Collo. Mentibus Atlantiades Deus  
 Calcar subdere inertibus  
 Ludens dum cuperet, fertur inutile  
 Prompsisse aurum, acuens illo hebetes, uti  
 Exercet. puerum non vegetum nuce  
 Mater sedula futili:  
 At fortes (quoniam robore stat suo  
 Virtus, Peliaca ut quercus, & æquoris  
 Saxum Carpathij) nec famula decet:  
 Auscultare pecunie,  
 Nec firmos fragili fidere: desinit  
 Fortuna, ut subitis auctior imbris  
 Extemplo aret aquæ riuus inops suæ,  
 Nimbos si pepulit Deus.  
 Tu dulcem es Latij copiam adeptus, &  
 Graium diuitias, & dominam urbium  
 Artem:



Artem: quo mihi nunc & patriæ occidis  
Nullo flebilior tuæ:

Arni mæret enim fluminis accola,

Florens ingenijs accola fluminis

Arni, tot te animi composuisti diu

Thesauris, tacitum mori:

Ut nauim pelago præcipitans notus

Verit; quæ remorans, largiter alueum

Implerat spatiosum: illa Arabum ferens

Gazas, illa ebur Indicum,

Et gratum redolens thus superis ferens,

Et pexæ folijs vellera sericis,

Aetnaeæ Cereris plenaq; frugibus,

Portus strenua patrios

Ditaret, populos & procul oppidis

Effusos studio ad seraperet lucri:

Nunc sæui arbitrio voluitur Adriæ

Cæcis obruta fluctibus.

At tu, progenies aurea fulmine

Gaudentis Iouis, o desere ne meum

Carmen, Musa: diu sed vigeat sacri

Custos pagina nominis,

Hic me Castaliæ tramiis arduos

Flexus, Aëoliæ hic me docuit Lyrae

Ictus; O nebulam obliuio & arceat

Furuam a nomine splendido

Noctem: ne volucris filia temporis

Ne rubiginis atræ admoueat meis

Dentem



*Dentem carminibus, neu nigra nubibus  
Condas Italiae decus.*

*Ad Hannibalem Oricellarium nepotem,  
diligentissime cauendum esse ab  
adulatoribus.*

**M***Entem blandiciae perdere credulam  
Norunt non secus, ac mortiferas male  
Multo melle nouercae  
Olim cum medicant dapes.  
Viro imbuta malo dulcia murmura  
Mendacis fuge lingua; & teneras neque  
Falsis laudibus aures  
Admoris, cupidus puer  
Verarum, bona ni decipit indoles;  
Et tete excutias, tinniet improba  
Nugas cum modulans vox;  
Quas atro rapidi ferent  
Cum fumo boreae & puluere sordido:  
Ni quicumque libens dicier audies  
Verbis, te labor illum  
Rebus finxerit arduus.  
Sensus ut iuueni pellicit intimos  
Virgo candida, cum turgidulas tegens  
Nulla veste papillas  
Atolli illum recipit sinu,  
Sic laudes animum, vera ubi concinunt,*

*Per*



Permulcere solent: nec mulier tamen  
 Ut cantu sine dulcis  
 Spernit psallere tibia,  
 Sic virtus, populus si taceat, sedens  
 Cessabit: nihilo nec minus obsita  
 Noctis ferueat umbra,  
 Et deserta silentio,  
 Quam cum per medias incluta ducitur  
 Urbes, & celebris voce fauentium  
 Direpta hostibus arma  
 Affigit foribus deum.  
 Cum laudis faciem sumpserit impudens  
 Fraus, affinxerit & cum tibi non tua  
 Blanda nomina voce,  
 Et dulcem illecebram struet;  
 Ne te præcipitem trudad amor tui,  
 Ne nugis capiare, ut volucris solet  
 Dulci paruula cantu  
 Tecti reprobis aucupis.

## Ad Fortunam.

**E**Xpers consilij, quæ pede lubrico  
 Incedis, zephyris mobilior Dea  
 Et fluctu lonij incertior æquoris;  
 Te, cum leta sinum pandis, & vberes  
 Fundis diuitias, ac miseris ades  
 Improvisa, boni progeniem lous  
 Dicunt.



Dicunt. Tu ratio, tu sapientia,  
 Seruatric eadem crederis urbium,  
 Virtutisq; sedens in solio nites;  
 Sed mox torua domos regum ubi concutis,  
 Et congesta diu munera, turribus  
 Deiectis, subito turbine dissipas,  
 Vana te comitem stultitiæ ferunt  
 Deliram; Immeritum tu, titulo bonis  
 Dempto, nobilitas; frena superbiæ  
 Atris tu manibus detrahis ebrici  
 Successu, & ruere hanc sic temere ad suum  
 Rides arbitrium, mox humilem truces  
 Vultus deposcuram: O vinam meæ  
 Oblita ostiolum prætereas domus,  
 Seu tu sanguineis oppida territans  
 Bellis, ingrederis per Latium fera,  
 Seu pacemq; gerens, & populos beans  
 Pennis inuolitas versicoloribus:  
 Nam sic instabilem visere te meos,  
 Vel letam atq; hilarem, pertimeam lares.

De Francisco Tornuno Cardinali.

Q UO tollor pauidus? quo feror insolens?  
 O quæ Castalijs fontibus aureos  
 Crines, osq; lauis virgineum, genus  
 Magni Melpomene Iouis,  
 Cruri purpureos induc candido

Soccus



Soccus : nam iuga transmittimus alpium

Soli : vnus enim est mi comes argui

Mendaci metuens pudor :

Vatem diua tuum tu moneas via :

Si pure colui vestra puer sacra

Feruens mente noua , si senior tua

Nunc vestigia persequor

Quercus umbriferas inter & ilices

Quarens aërias . Non ego diuitum

Vanis edidici perstrepere auribus

Empto carmine : non ego

Corruptus pretio nunc meditor parum

Castæ ducere te ad vestibulum domus .

At tu prome puer , prome age barbiton

Cessantem nimium diu .

Spartanus veluti , per nemus asperum

Dumis insidiantem vt pecori lupum

Egit , cum fremitu & laude fauentium

Pagorum redit ad gregem ,

Villorumq; globos sanguine sordidos

Fert rictu generoso , e iugulis feri

Uulsos hostis , aquas sic repetit sui

Tornunus Rhodani , bene

Defensa Hesperia clarus , & impigri

Compresso celebrer militis impetu ,

Bellonæ ancipitis numina militis

Horrere immemoris diu :

Alterna sedenim ille admonuit ferum

D

Fortuna



Fortunæ, celeri vertere turbine,  
 Gaudentis vacuum corpus, vti choros  
 Lasciue iuvenes vbi  
 Ducunt, & Zephyris huc agitantibus  
 Atq; illuc, Phrygio Sidonias acu  
 Illusas chlamydes, instabili citæ  
 Lustrant atria poplite.  
 Directa ingrediens passibus equitas  
 Ad normam paribus, nec modulo sibi  
 Maiore, atq; alijs commoda diuidens,  
 Quorum non dubia est comes,  
 Illos ære micans non peditum cohors,  
 Non sauis equitum turma frementium  
 Horrens cuspidibus terreat, aut mari  
 Vectæ cæruleo rates:  
 Nam recto fauet, & iustitiam bono  
 Plerumq; æquus alit Iuppiter exitu,  
 Obscuram & tonitru, & fulmine territans  
 Fraudem, atq; implicitos dolos  
 Nudans. At vigilem fallit amabilis  
 Acrem simplicitas, & super aneas  
 Accersita fores, & super ardua  
 Pernix mania transilit.  
 Hanc puro retinens in gremio fouet,  
 Sincere Italiam & diligit hospitam  
 Tornunus, patriam cuius vii suam,  
 Natorum, & memor aureæ  
 Cuius coniugis: hunc purpureus pudor,  
 Elutisq;



Elurisque fides candida sordibus,  
Et presso digitis ore silentium  
Arcanum insequitur, neque  
Infandumque nefas ense domans Themis  
Districto comitem se negat inclyto  
Impolluta seni, mundaue veritas  
Albo lucida pallio.  
Ergo permadidos felle animos nigro  
Regum diluere est ausus, & aspera  
Permulcere manu pectora turbida  
Plena iræ, intrepidam struens  
Pacem, quæ manibus sanguineis diu  
Attrectata, magis post niteat, velut  
Fulgentes lapides, æraue lucida  
Cum tergere volunt, luto  
Conspurcant: id agens egregius senex  
Celtarum procerum sanguis, & oppida  
Firmans obtinuit Marte labantia  
Quassante, & miseris suas  
Urbes restituit ciuibus, impigram  
Pacem, tela cruenta inter & asperos  
Procudens sonitus ferri: etenim gelus  
Torpens quam peperit timor  
Pacem, seruiet illa, horrissoni simul  
Bellonæ strepitus ingruerint feræ,  
Imbellis. sedenim desine feruidos  
Dulcis Melpomene modos:  
Nam nec cuncta pudor fert, neque veritas

D ij Cum



*Cum lucro alma decorum explicuit caput  
Semper: tum melius tecta silentio  
Virtus inuidiam later.*

**S**unt qui versiculo minutiore,  
Verum pernitido atq; persfluenti,  
Tamquam palladij liquore oliui  
Complures properent linire chartas:  
Atque, araneoli angulos domorum  
Ut tela tenui solent replere  
Quantumuis facile, ore fila paruo  
Nentes longa, ita compleant libellos  
Totos versiculo minutiore:  
Hi vatum in numero an ne sint habendi  
Vulgus viderit, atque siqua vulgo  
Pars vatum est similis, quibus Thalia  
Flacci sordeat, optimi poetæ,  
Quod is versiculo minutiore  
Atque persfacili atque persfluenti  
Totas spreuerit occupare chartas.

**De Margarita regis Gallorum sorore.**

**H**U mos, ut atris sæpe coloribus  
Contaminatus purum animum inquinat  
Vix eluendis sordibus per  
Tædia solliciti laboris:  
Ne vitreis & fontibus & coma

*Silue*



Silvæ virentis lætura, & amabile  
Ruris silentium sequentem  
Aoniæ puerum camæna  
Mersere sacri gurgite fluminis,  
Intacta ut essem candidior niue:  
Immun-da sed mox polluit me  
Roma luto nimium tenaci,  
Quod longa nec dum discutiat dies;  
Sacri nec amnes hæctenus abluant;  
Quin horret & me, & ora cæno  
Fæda nigro refugit Thalia.  
Vul-gus venenis vertere Colchicis  
Plerasque mentes aptius, eripit  
Sensus priores, atque mutat  
Alba nigris, maculisque gaudet:  
Impurus atra quem populus manu  
Tractarit, ille & decolor & niger  
Erit diu, obductamque facem  
Vix iterans remouebit annus,  
Notam relinquens: at mihi candidæ  
Mandanda virgo est regia pagine  
Farnesio iubente, bacca  
Purius illa nitens Eoa,  
Intaminato digna cani, deæ,  
Est ore, lucis Castalys deæ  
Quæ vulgus arcetis profanum,  
Et nitido prohibetis amne,  
O cætra tandem consilia hæc bonæ

Oblivioni



Oblivioni tradite turbida;  
 Labemque nobis rore sacro  
 Abluite, illuuiemque vulgi.

Deflet mortem Horatij Farnesij.

**T**E flebimus flos Hesperiae puer  
 Madente multis carmine lacrimis;  
 Et, debitam laudi Thalam,  
 Nenia lugubris occupabit:  
 Ille, ense pectus qui tibi candidum  
 Traiecit, iisdem vulneribus Lati  
 Cecidit & spes, & virescens  
 Italiae decus ense carpsit  
 Horati eodem. Non ego sauciam  
 Ictu parentem mortifero tuam  
 In lacrimas culpam ruentem,  
 Nec viduae gemitus puellae  
 Compescere ausim carmine: lugeat  
 Immo illa dulces funere nuptias  
 Miscens amaro, nec sat umquam  
 Te misera illacrimata fletit:  
 Iam nec capillo parcere, nec genis  
 Aequum puella est regia, lacrimis  
 Efflagita Martem cruentum  
 Uteribus, pueri cadentis  
 Dulces ocellos, & tua gaudia,  
 Quae conciderunt exorientia:  
 Ut stella, quae vix dum coorta

Hesperium



*Hesperium occulitur sub aequor.*  
 Non ille auorum, nec soceri immemor:  
 Dulcique flagrans igne tui, neci  
 Ulro obuios gressus superbos  
 Intulit, intrepidumq; pectus  
 Obiecit hosti, qua violentius  
 Bellona nigris fada cruoribus  
 Est visa Martis saeuientis  
 Sanguineas glomerare turmas.  
 Nunc letus umbras vulnera nobiles  
 Ostentat inter pulchra, nemus tenens  
 Beatum, ubi Hectorque & Latini  
 Sunt veteres, Rutulique Reges:  
 At Thestys o grata sororibus  
 Obluiofi pellere temporis  
 Idonea umbra, atraque mortis,  
 Gloria, vulneribus mederi;  
 O trade Musis & Polyhymnia  
 Custodiendum nomen Horatii  
 Clarum, & domum Farnesiorum  
 Hanc Latij, Italiaque lumen.

## In Petrum Victorium.

**N**Obis Calliope magnum alienum æs superest vetus:  
 Nam pride ratio scripta mihi est pectore in intimo:  
 Tu quæso patere a te soliam quidquid id est dea.  
 Non Victorius est exiguis versibus, aut lyra

*Aptandus*



Aptandus tenui: vester amat Phœbus eum, neq;  
 Ulli plura bonum munifica crediderim manus  
 Largitum: vber enim sicut ager, ruraq; pampino  
 Mutis florida lacchi, & Bromio & frugibus oppida  
 Circum plena hilarant, muneribus diues Apollinis  
 Etruscos populos ingenij fruge bona bonus  
 Ille enutrit alens. Sic senior vertice Pely  
 Olim Phyllirides frondifero semifer vberi  
 Graios nobilium seminio dicitur artium  
 Ditasse. Ille dies e medio tollere qui potest  
 Ritu Cecropio scripta tibi clara volumina  
 Victori, eripiet roriferis sidera noctibus  
 Idem subtrahet & piscibus, idem aquora nantibus.  
 Contages populi te tetigit lurida morbidi  
 Numquam, te ambitio curriculum prætereuntium  
 Obliquis oculis aspiciens nec pepulit, neq;  
 Illi roboris hoc attribuit Iuppiter, vt sacrum  
 Phæbo discutiens commoueat pectus, originem  
 A Cæo licet, & Porphyrione a valido trahat  
 Conatis solum Cælicolum scandere fratribus.  
 Non res, cui cumulus semper abest, cuncta ve metiens  
 Aurum te pupugit: te nitidum Musa salubribus  
 Fontis Castaliy lauit aquis candida, tu meæ  
 Es lumen patriæ percelebris: sat mihi fructuum  
 Ignaua hæc tulerint exilia in montibus asperis  
 Quæsitæ, argueris desidiæ ni tibi debitum  
 Carmen, ni ve inopis quod citharæ dinumerem modos,  
 Acceptum id mihi te ferre neges, iureq; respuas.

O quæ



**O** qua terrificos vicina e turre cietis  
 Tot nocte æra sonos tinnula, totq; die;  
 Si mihi ventura noctis dormire licebit  
 Per tot tinnitus particulam misero,  
 Nec cum defessos iam iam contingeret ocellos,  
 Vos metuet subito, diffugietq; sopor,  
 Ipse ego cras vobis ultro tortiq; rudentis  
 Spiras, & firmo e robore fulcra dabo;  
 Tutius ut sonitu boreamq; laceßere sauo  
 Positis posthac, & maria, & tonitrus.


**C**UM cinctum nimbis, & nigra nube sedentem  
 Deficient olim flammea tela Iouem:  
 Cum sueta in pontum plenis decurrere ripis  
 Præcipitem sistent flumina prona pedem:  
 Fluctibus & raucis Siculum pertundere littus  
 Ionis cum iam desinat vnda maris:  
 Tunc quoq; vicinis suspensa in turribus æra  
 Cessabunt bombos edere raucifonos.

**C**UM mare nec fremitus edet, nec sibila venti,  
 Nec nimbi, abruptis nubibus igne, sonum:  
 Et cum nubigenæ Thaumantidis ora sinumq;  
 Deficiet croceus, purpureusq; color:  
 Cum pontum nitidi pisces, cum littora pictæ  
 Concha, cum densum deseret umbra nemus:  
 Turre tua tunc Corneli dulcissime raucos  
 Tinnula cessabunt æra ciere sonos.

F I N I S.

E







DE OFFICIIS INTER  
POTENTIORES ET  
TENVIORES AMICOS:



MAGNA omnino veteres, diuturna  
que molestia caruisse mihi videri  
solent: qui non, quo modo nobis  
sere institutum est, ingenuos ho-  
mines, sed plane seruos in famula  
tu habuerint: quorum ad victum,  
cultumque, & ceteras vite oppor-  
tunitates, opera ac ministerio vte-  
rentur. Nam cum hominis natu-  
ra celsa, ampla que, & erecta sit, longeque ad imperandum  
magis, quam ad parendum accommodata, in eam vigen-  
tem atque integram herile imperium, quod nos facimus,  
exercere qui volunt, ij molestum negotium, atque odio-  
sum aggrediuntur. Itaque veteribus in edomitos iam, &  
quasi mansuefactos, quippe quos prius aut compedes, er-  
gastulumque; aut a pueritia vsque captiuus animus ener-  
uasset atque emollisset, neque difficilis, opinor, neque in-  
iucunda dominatio fuit. Nobis contra cum robustis, va-  
lentibusque, & tamquam adhuc feris res est, qui & pro-  
pter naturæ spiritus dominatum aspernantur & oderunt,  
& propter libertatem dominis etiam resistunt: rationem  
quidem dominationis iniquius interdum, sæpe tamen iu-  
re, ab ipsis heris requirunt & repetunt: ex quo querela-  
rum, expostulationum, litium plena sunt omnia. Sic e-  
nim est profecto: Nam iniusti rerum nostrarum ratiocina-  
tores sumus: ac, cum sua quisque, quam alius æque bona  
nimio carius æstimet, eoque plus in omni ratione ferat ex-



penſum, quam acceptum referat, res conuenire non po-  
teſt: hinc acerba illa ſane querimonia atque exprobratio.  
Ego me domi tuæ contriui: contraque. Ego te ſuſtenta-  
ui, alui, in honore habui. Quam quidem inter homines  
controuerſiam, quodque diſſidium, vt, quantum eſt in  
nobis, ſedemus & componamus, a nobis, hoc eſt ab homi-  
nis officio minime duximus eſſe alienum. Quamobrem,  
cum in eam cogitationem ſæpenumero incumberem, præ-  
cepta quædam, & tamquam artem de neceſſitudine, & com-  
munionem ea, quæ potentes inter, ac tenuiores coniugatur,  
quæque ab ea re, quam imitari plurimum viſa eſt, ſeruitu-  
tis, acerbum ſane nomen inuenit, degenda compoſui, eam-  
que litteris mandare inſtitui; vt labore noſtro, ſi modo,  
quod cupiebamus, aliqua ex parte aſſecuti ſumus, nor-  
mam vtri que haberent, ad quam dirigere ſi ſe vellent, ijs  
commoditatibus, propter quas eam coniunctionem, quæ  
ſane vna omnium maxime turbulenta videtur, copulaſſent,  
placide, tranquilleque fruèrentur.

Quoniam igitur communionis, ſocietatisque vnius cu-  
iuſdam inter homines præcepta tradimus: plures autem  
ſunt hominibus inter ipſos, & variæ communitatum ſpe-  
cies, quarum aliud alijs propoſitum ſit: principio hæc ipſa,  
de qua ſit nobis hoc tempore explicandum, ſecerni a cete-  
ris, ſeiungi que debet; vt, quamquam de omnibus quædam  
communiter præcipi ſoleant, quæ ad vberiore quandam,  
amplioremque artem pertinent: tamen, quoniam huius  
quoque generis ſeparatim præceptiones ſunt, eæ a nobis  
diſtincte, dilucideque exponantur. In omni itaque ſocie-  
tate vincienda aut voluptatis dulcedine, fruendæque iucun-  
ditatis ſtudio homines ducuntur, aut rerum, quibus vtun-  
tur, facultatem, potentiam, opes & copias, ceteraque id ge-  
nus adipiſci, tuerique, aut etiam adaugere volunt: quæ o-  
mnia in rationem vtilitatis cadunt: aut honeſti, rectique,  
ac decori pulchritudine & ſplendore excitati, illeſti que ra-  
piuntur. Ac priori quidem in genere (exemplis enim res  
fiet apertior) libidinoſi amores ſunt, & quæ deliciæ appel-  
lantur,



lantur, ceteraque eiusdem modi. Vtilitatis autem genus latissime fultum est: continet enim rempublicam primum vniuersam; deinde singulas fere ciuitatis partes: nam inita est ciuibus communiter inter ipsos societas eam ob causam, vt congregati, salui, incolumesque esse possent: tum multæ quæstus, lucrique causa communionibus sunt priuatim contractæ. Tertium autem genus amicitiam complectitur, non hanc popularem, sed illam bonorum, cum scilicet honestum, laudabile, decorum, non emolumento captans aliquo, sed sua ipsum vi ac dignitate inductos homines virtutis amantes coniunxit arte, atque deuinxit. Tenuiores autem homines cum se ad principum ciuitatis amicitiam applicant: contraque clari, potentes, opulenti cum obscuros, infirmos, exiles in contubernium, ac familiaritatem recipiunt, neutri fere honestatis decorem consecrari, ac ne attendere quidem videntur, sed vtilitatem modo, aut voluptatem sequi. Id ex eo intelligere licet, quod neque illi bonos quosdam viros, iustosue, aut fortes, ac moderatos, quibus inseruiant, sed gratiosos, ac locupletes, si vtrumuis liceat, delegerint, & fortunis ditati, confestim, tamquam id operis habuerint, discedunt, aut certe cupiunt: atque hirsutum laboriosum quemlibet, aut industrium, & sollertem, frugique exquirunt, eosque insigniori aliqua virtute præstantibus longe præferunt. Quare, quæ de vera illa, & germana amicitia præcipiuntur, cum morum similitudo, & conuenientia bonorum animos stabili quodam amore, & caritate deuinxit; huic necessitudini conuenire non poterunt: diuersorum enim generum eadem præceptiones esse non possunt: neque vero eadem esse genera, quorum exitus, finesque diuersi sunt. Atque alia est etiam humanarum societatum diuisio: nam aut pares inter se copulantur, quales fratrum coniunctiones sunt: aut dispares: cuiusmodi parentum est, ac liberorum inter ipsos communitas. Per multum vero refert ad inueniendi officij rationem, utro quis in genere, eam, qua de agimus, necessitudinem constituerit: quamquam in promptu id quidem est: ambigi



ambigi enim non potest, quin ad posterius referatur. Sed cum fere constet, dispares hoc amicitie genere copulari, illud parum percipiunt, aut certe non satis constanter ad extremum usque retinent. Stabiliendum est enim, firmandumque quid sit illud, cuius praestantia princeps in hac necessitudine, & tamquam herus cernatur, ne vagari, errareque huius ignoratione cogamur. Principem igitur locum non, ut plerisque in rebus, ita hoc in genere doctrina, nec aetas, nec nobilitas, nec vero virtus obtinet, sed pecunia modo & dignitas, & potentia dominatur. Atque haec quidem ut concurrant omnia, optabile est: sin minus, vel vni deferuendum est. Satis est autem ad hoc argumenti, quod saepe vnius conuersione fortunae, ratio omnis amicitie commutatur, multique cum ijs, quibus diu, tamquam praesuerint, non modo exaequantur, sed etiam ijs ipsis efficiuntur humiliores: a quibusque antea coli soliti sint, eosdem aut pecunia auctos, aut honoribus amplificatos contra ipsi reuerentur atque obseruant. Quamobrem sit hoc ceterarum communionum, si quibus ita videtur, praescriptum, & tamquam formula, ut, quod in vnoquoque boni sit, subductum habeant: ac tantidem se quisque faciat, quanti sit, tantidemque ab amico aestimari se vel postulet, vel patiat. Nobis autem alio quodam modo rationem institutam esse, intelligendum est: plerosque enim fallit; quorum est error tollendus, ne, quod faciunt, turbent omnia. Cum igitur ratiocinabuntur, meminerint adnumerari, appendique par esse non omnia, sed pecuniam modo, atque potentiam; quando ea est haec societas condicione contracta, ut potentibus, ut locupletibus propter id ipsum, quod opulenti sunt, tribuantur omnia. Quare qui se se paupertatem ferre posse non tam negant, quam re ipsa ostendunt, quibus questito opus est, quique aliena egere se fatentur potentia, definant molesti esse: neque ingenium, aut nobilitatem, aut doctrinam, quibus rebus, quamquam pretiosae alioqui sane sunt, ne ipsi quidem magnopere confidunt, magnum quoddam pondus habere postulent, ut comparari se propterea



præterea, quod ijs instructi sint, superioribus, aut etiam ante-ferri putent oportere. At vir ego, inquit, sum melior, eruditior, nobilior, vna modo re inferior, quæ ipsa non in virtute posita est, sed ex fortuna pendet; Sit ita sane: mitto enim, quod plerumque nimium semet ipsos diligunt, nimium amplexantur; sed, vt ita sit, tenendum tamen illud, nihil in hac communione relictum esse iis rebus, quas illi commemorant, loci: principem esse pecuniam, imperium obtinere potentiam placuit: accepta semel condicio est, quæ aut tunc recusanda fuit, cum ferebatur, aut ne nunc quidem improbanda. Fuit olim apud Aethiopas lex, vt eum regem facerent, qui procerissimus reperiretur. Num igitur philosophus, brevis si forte fuerit, atque Aethiopiæ regnum affectet, non ea lege puniendus sit? At qui sapientia proceritati, omnique corporis staturæ longe antecellit: nemo negat id quidem: sed ea tamen Aethiopes lege viuunt, quam violare sit nefas. sic nos eam seruare legem debemus, quam nobis, quasi populo, vsus, vitaque communis promulgauit, & tamquam sua sit, quamq; adeo ipsi sanximus.

Tantum enim abest, ut quicquam adscribendum cuiquam sit, præter id, cuius haberi semel rationem placuerit, vt sæpe id ipsum, adiectis ijs, quæ plurimi alioqui sunt, vilius efficiatur: vt meretrix pudore deterior est: ad quæstum enim eius æstimatio refertur, quem pudor, quamquam laudabilis ipse per se, tamen imminuit: petulantia vero, tametsi sua ipsa vi, naturaque turpis, auget. Neq; vero aliam ob causam quibusdam in ciuitatibus institutum est, vt eximia quadam virtute ciues populi arbitrio innocentes relegarentur, isque mos ab Aristotele, quanto, qualique philosopho? non admodum improbatur, nisi, quod cum vna equabilitate res eorum publica contineretur, omne, quod emineret, cuiuscunque tandem id modi esset, amputandum, & tamquam complanandum censebant: vt ne virtuti quidem, se se nimium attollenti, parcerent. Quare diuitiæ tantum, atque opes in ea re censenda, atque æstimanda ponderentur, quibus semel principatus, & dominationis



minatio data est : reliqua circumcidantur : his se virtus, nobilitas, doctrina submittat : hoc qui recusant ( magnus est autem numerus ) seditiosi vt in republica ciues, sic in amicitia turbulenti existimandi sunt. Vinciuntur igitur necessitudine hac longe potentia ac diuitijs dispares : vinculum autem est non caritas, sed vtilitas : ex quo illud conficitur, quod antea quoq; dictum est a me, errare eos, qui hanc necessitudinem verę illius, iustęque amicitię legibus temperari putant. Nam hoc quoque genus importunum est, magnam quandam, æquabilemque beneuolentiam, atque ardorem amoris requirentium : distinguenda sunt enim necessitudinum genera, ne temere omnia ab omnibus expectentur : quibus enim sua cuique priuatim vtilitas proposita pene ex conuentu sit, eos nostra causa tantum velle putare, vt alienum commodum anteferant suo, temere optantis est, non considerate iudicantis. Neque vero eadem vtrisque proposita vtilitas est, sed operam atque obsequium a tenuioribus potentes expetunt : inopes contra a diuitibus, atque honoratis pecuniam, aut dignitatem : illi enim, vtpote diuitijs affluentes, nullum sequuntur emolumentum, sed id modo attendunt, quod eam sibi coniunctionem ad dignitatis splendorem honorificam, ad victum autem, cultumque, atque res gerendas, cum iucundam, tum vero multis sane locis peropportunam esse intelligunt. Inferiores autem propter paupertatem, atque inopiam, pecunię fructum, aut dignitatem querunt : tum propter imbecillitatem factiosos, opulentosque amicos sibi, tamquam adminiculum, parant. Quibus ita constitutis, quoniam expedit cum vnaquaque in re eum nos bene cognitum habere, qui cum negotium nobis futurum sit, tum in huiusmodi necessitudine vel in primis refert non ignota nobis esse eorum, quibus cum viuimus, studia & voluntates, vt vel ad eas nos dirigamus, vel rem totam, si modo fieri possit, repudiemus; operę pretium est, locupletum, ac potentium, contraque tenuium, atque inopum naturam, & tamquam formam quandam, & speciem, quoad possumus, inuestigare



gare, in medioque ponere. Neq; vero exquisitam quandam ad rationem exigi hæc a nobis debebunt: quoniam nec omnibus æque in rebus subtilitas quærenda est, nec vero postulandum, ut pressius agatur, quam ipsarum, quæ subiectæ sunt, rerum vis & natura patiatur. Ac locupletes quidem ita fere sunt morati, ut superbia, & fastidio efferantur: perinde enim affecti viuunt, quasi bonis omnibus affluant: & quoniam, quanti vnumquodque sit, æstimari ferre nummis soleat, eaq; ratione argento venire omnia, quia eo ipsi abundant, omnium penes se rerum pretium esse opinantur. itaq; beati sibi videntur. Ad hoc accedit, quod homines magnam partem in re facienda, atque exaggeranda occupatos, diuitijsque inhiantes vident. Quare illarum possessione, tamquam excellenti inter homines bono quodam, quod vnum expetant, quodque admirentur omnes, ipsi gloriantur: reliquos autem despiciunt, nec homines putant: quæ quidem arrogantia insolentiaque ea quoq; re augetur plurimum, neque adeo immerito, quod multos multa locupletem rogare necesse est: tum arbitrantur sese dignos esse dominatu: propter copias enim, quibus ipsi affatum præditi sunt, dominationem, regnumque expeti putant. Gloriosæ itaque, atque insolentes diuitiæ sunt: eadem petulantiam habent, superbiæ comitem: difficile est enim, nisi si forte ratio adsit, prudentiaq;, secundo fortune cursu non auferri. Eorundem est diffluere luxuria: nam & delicati, mollesque sunt, & copiarum ostentatione beati videri volunt. Ad summam stulta pecunia est, sed fortunata, & felix. Præterea autem multo hæc sunt eadem noui in diuitijs deteriora, quam in veteribus vitia: repente enim diuites facti sunt, abundandi, ut ita dixerim, imperiti; ut plerique Romæ: in quo si qui fortasse fuerint, qui de trahi sibi a nobis querantur, ij meminisse debebunt, non hunc nobis de hominibus, sed ipsa de re institutum esse sermonem. Potentium autem mores partim cum locupletum natura, & consuetudine congruunt, partim aliquanto sunt etiam probiores: nam & honorum studium in his



est, et animus virilis, atque ad agendum promptus: præbet enim potentia facultatem, & propter dignitatem grauitas quædam inest. Ac de locupletum quidem, ac potentium moribus hætenus. In paupertate vero atque inopia omnia ijs contraria reperiuntur. Sic igitur animati erga potentes & pecuniosos tenues amici esse debebunt, vt illorum incommoda, contumelias, iniurias, ineptias non modo facile perferant, sed amanter etiam tegant: eosque, quo ad fieri possit, diligant: colant quidem certe omnibus locis, atque obseruent: diligere enim volunt, propterea quod existimant, a quibus amentur, ijsdem sese probari. Itaque cum omnia sibi diuites arrogant, amicorum obsequijs, atque obseruantia magnopere delectantur: sui enim de se iudicij habere eos ascriptores putant. Difficile est autem diligere eum, quem non probes: nihiloque factu facilius sic moratos, quemadmodum dictum est, probare: verumtamen, vt ait Tiresias ille,

*Quando pauperiem missis ambagibus horres,*  
deuoranda hæc sunt, ferendumque æquo animo, quod corrigere nequeas: præsertim cum non virtute, & probitate hæc necessitudo contineatur, sed emolumentis, & fructu. Stulte igitur faciunt, atque inutiliter, qui, tamquam Horatianus Dauus, decembri in dominos abutuntur libertate:

*Tu, cum sis, quod ego: & fortassis nequior:* pernitiola enim hæc sunt, præsertim aduersus potentiam, superbiamque. Quare non modo dici, proferrique hæc non expedit, sed ne cogitari quidem sine detrimento possunt: retrahunt enim nos ab obsequio, & cultu potentis amici, sine quo contineri necessitudo hæc diutius non potest. Non minus est autem eorum vitium, damnum certe idem, qui de superioribus amicis in omni sermone absentibus detrahunt, eosque, quos reuereri, & colere non modo decet, sed etiam fructuosum est, lædunt. Itaque dupliciter accusandi sunt, & quod ab officio recedunt, & quod eorum cum factis minime consentit oratio: cum eo enim re viuunt, quem sermone improbant. Superbi etiam, atque arrogantes monendi sunt, atque,



que, ut ab hoc studio desistant, hortandi: nam nihil obsequio, atque obseruantia tam est aduersarium, quam arrogantia: obseruamus enim & colimus, quos insigni aliqua re antecellere nobis putamus: omnia autem sibi qui arrogant, nã illi longe abest ut cuiquam obsequi velint. Ac sunt omnino quidam nulla de re tam solliciti, quam ut ne cuiquam succumbere, aut quicquam cuiquam concedere videantur: ij sese inferiores appellari, mortis instar putant, pauperiores tantum dici volunt: austeri, tristes, duri, omnia summo iure, seuere agentes, atque acerbe: qui si appellentur modo, continuo ad calculos abeant, confestim sua, atque aliena digitis metiantur: rationem subducant, a qua ne punctum quidem cuiusquam causa decedere ius esse arbitrentur: ij, ut antea dictum est, ad aliud studium traducendi sunt, ne ætatem sollicite anxieque degant, & ea exacta, frustra, quod nihil processerit, fortunam, quod facere solent, accusent, cum ipsi in culpa sint. Nobis autem leni homine opus est, molli flexibilique ingenio prædito, qui & de suo iure decedere didicerit, & parere fortunæ: idque animo hilari, aut certe æquo facere possit, ut non appareat coactum obsequi: nemo enim, quem colit, illi inuitus obtemperat. Quoniam igitur superbiæ occurrendum est, nihil est autem ad eam molliendam, ac demulcendam valentius obseruantia, atque obsequio, in eo exiles, atque inopes amici elaborare debebunt, ut in superiores omne officium, omnemque cultum conferant: id partim in dictis apparebit, partim in factis. In sermone igitur, & congressionibus non modo comitas, & suauitas adhibenda est, sed quedam etiam reuerentia: assentatio autem, de qua mox dicitur, procul amouenda. Permultum vero id refert: nam neque quicquam est, quod tam crebro incidat, quam ut loquamur; & ad conciliandos hominum animos summa in oratione vis est. Illa igitur primum cautio adhibeatur in verbis, ut summissa, ut humilia sint, ut prope abiecta: blandum enim in sæculum incidimus, cuius in errore nihil est cur versari nos cum reliquis pudeat: contumax est non mo

F ij

do



do monere, sed etiam consilium dare: reprehendere vero non ferendum. Longum est autem singula persequi. Quare genus ipsum indicasse sit, opinor, satis. Deinde repugnandum, si qua in re forte fuerit, ut pedetemptim, timideque fiat, & tamen & raro, & non nisi necessario: neque enim est obsequientis aduersari: sæpe autem in congregationibus, aut in conuiujs disputationes inducuntur incertis, aut subtilibus de rebus, in quo docti quidam homines, & ingeniosi facere sane imprudenter solent: arripiunt enim ipsi tamquam suo iure sermonem, obloquuntur, interturbant, pertinaciter resistunt, redarguunt denique, idque acerbè, atque acriter: non sunt hæc obseruantia, aut obsequij signa. At non mea, inquiunt, culpa est, quod homo rudis, atque illitteratus, & fortasse hebes, de rebus obscuris atque inuolutis balbutiens me lacessat, irriter, in contentionem vocet, præsertim eam ipsam artem, ad quam disputatio pertineat, professum. sed parcendum tamen est, quasque cum amico lucteris, non cum aduersario, non est viribus utendum: scitum est enim in loco cedere, aut succumbere: victoria vero sæpe perniciem habet: ex quo vetus illud *ῥῆν καὶ μὲν*. At difficile est, inquiunt, præsertim concalescentis iam altercatione animis tum in eo ipso, quod profiteamur, cuiquam nos cedere videri, pati non possumus. Ego neque hoc disputo, & si postulant, etiam concedo: Illud teneo, atque denuntio, inutile id illis esse; plane etiam perniciosum. Quare superbiam excutiant, animum molliant, aut amicitiam sese gerere nescire fateantur: diligenter etiam caueant, ne quando committant, ut cum potenti amico iocari aggrediantur, nisi ab eo ipso inuitati, ac prope iussi: inest enim in ioco equabilitatis significatio, & securitas quedam, qua superbia irritatur: cauillationem autem, & dicta superiorum, quamquam habebunt sæpe aculeum, & contumeliam, hilaritate & lepore excipiant: iracundiam, nequa sorte erumpat (efferuescet enim illa quidem) quam diligentissime poterunt, comprimant: ac, ne si acrius quidem pupugit, quicquam mordere audeant: neque



que enim est obedientis, doloris sui poenas persequi: quo autem cuiquam vberius erit ingenium, atque acutius, eo difficilius is præstare hoc poterit: multa enim occurrent falsa, quæ vix reticebit. Estque omnino haud quaquam mediocris patientiæ, cum sæpe vapules: telum autem semper teneas, numquam referre: sed iracundia tamen perquam diligenter cohibenda est, neq; cum superiore, ne iusta quidem de causa, concertandum: nam & victi oderunt, & pares cum discedunt, tamen vinci se putant. Itaque alio se se conuertunt, & eos, quorum tractata semel læsit asperitas, in posterum non attingunt. Quo autem modo iucunda consuetudine, assiduisque sermonibus, & comitate superbia mollitur, ita silentio, seueritate, & tristitia recrudesceat: tum stultum est, quorum contumelias perpeti necesse habeas, eorum non ferre iocos. Quare ita se se tenues comparare amici debebunt, ut potentis vel immoderatam in iocando licentiam, non modo bonam in partem accipiant, sed etiam, quo familiarius tractentur, habere se gratiam significent. Reliqua vero in vitæ consuetudine ea moderatio adhibeatur, ut in sermone plurimum hilaritatis: plurimum & festiuitatis insit, non effusæ, sed ad voluntatem nutumque diuitis amici omnis oratio temperetur: tristitia vero, & taciturnitas absit, quæ minime amabiles, & plerumque inuisæ, suspectæque sunt: quos enim tristes animaduertunt, ipsi se suspicantur non satisfacere. Præcidatur etiam loquacitas: est enim reuerentis adhibere modum: neque vero sermonem ipsi priores inducant, nisi si forte iussi sint aliquid in medium, consumendi otij causa, ut fit, proponere: ad superiores enim pertinet iudicare, quæ potissimum de re velint audire; neque immerito is arguitur, qui præfestinet, ubi herus adsit, præloqui. Quod autem dictum a me est, procul ex hac consuetudine amouendam assentationem esse, videamus, quàm vim habeat: non sum enim nescius, secus a plerisque solere præcipi: qui cum adulationem vnam omnium rerum fructuosissimam esse contendat, facile permultos nominant haud magni pretij homines,



mines, qui vna assentatione adiuti, non modo diuitias pararunt, sed ad summos etiam dignitatis gradus irreperunt; sed, quamquam ab vtilitate profecta hæc ratio est, non debent honestatis, & iustitiæ obliuisci. Itaque, ne quid turpitudinis, lucri causa, contrahatur operam dabunt, tuebunturque iustitiam, si non summam illam bonorum, at hanc popularem saltem vulgi: etenim vnum pecuniæ fructum sequi si volumus, neque honestatem audimus, eos ipsos superiores amicos spoliemus licet, aut aduersarijs prodamus. Cauendum est igitur, quamquam ab vtilitate profecta hæc ratio est, ne longius si progressi erimus, iustitiæ fines transgrediamur. Quid est autem, quod ab honestate longius absit, quam assentatio, & blandicia? quarum cura & nutrimentis hominum educuntur, sæpe etiam gignantur, & procreentur vitia. Metuet igitur.

*Scurrantis speciem præbere, professus amicum.*

Finitima est autem obsequio blandicia: tum in vnaquaque re difficile est statuere quatenus: sunt enim vitia cum virtutibus prope continentia, aut ita certe inter se coniuncta, vix vt appareat commissura: sed quædam tamen est regula, qua vt qui volent, neque a probitate discedent, & vtilitati tamen consulent. Est igitur in congressionibus sermonis quædam temperatio, & modus, quam quidem virtutem, cum ea vocabulo carere videretur, ab amicitia mutuati, *Φιλία* Peripatetici nominauerunt: quod, eius compotes qui sint, talem ad omnem congressum humanitatem, affabilitatemque adhibeant, qualem adhibere inter se amici consueuerint. In eo autem posita est, vt neque omnia ad voluntatem loquamur, & petulantia tamen absit, & tristitia, austeritasque vitetur. Ad eam autem mediocrem retinendam per magni refert, qui cum loquare, quique ipse sis: id quale sit, vt pleraque omnia, in ijs animaduerti maxime potest, qui, longo quodam interiecto tamquam interuallo, inter se distant, vt in parentibus, & liberis, vt in priuatis, & ijs, qui sunt in magno aliquo imperio: quæ enim in priuatum commodè dicta existimantur, eadem in magistratum



tum collata petulantia habentur non ferendæ. Ac parentes quidem obiurgare flagitium est, magistratum nefas, parem vero non dedecet. Hanc in sermone mediocritatem retinere hic noster vel mordicus debet: lubricus enim locus est, ut neque ad assentationem delabatur, minimeque sit amarus, aut agrestis. Id autem, nisi quid me fallit, ea ratione efficere non incommode poterit, si, quæ superiore in amico probanda erunt, ea & suo loco, & pleniore etiam aliquanto, ut dicitur, ore laudabit, peccata vero non attinget omnino: ad pares enim amicos monitio, atque obiurgatio, non ad inferiores pertinet. Qui vero ea laudant, quæ non probant, improbi hominis funguntur officio, & vani, ac fallacis, & fraudulentis. Omnis autem sermo verecundia plenus esse debet: non modo quia sic omnino bene moratos decet, sed quia securitatem etiam petulantia præferre videtur. Absit igitur obscenitas: tætræ etiam, immundæque res ne appellentur, singulisque cum dictis, tum factis significatio quædam insit, non negligere tenuem amicum, quid de se superior sentiat. Prouideant etiam, ut gestus, motus, incessus, status, sessio, accubatio, manus, oculi, vox, non ineptijs modo vacent: est enim id alius cuiusdam disciplinæ præcipere, sed ut reuerentiam quandam erga potentem amicum, cultumque indicent. Remouean tur igitur cachinni, & clamores, & palæstrici quidam motus; tum oscitatio frequens, atque excreatio, reliquaque id genus, quæ soluti, liberique sunt animi, ad amicorum equibiles congressiones referuentur. Vestitus etiam ratio habeatur, ut elegans, ut mundus, ut aptus sit: volunt enim ostentatione diuitiarum, quemadmodum dictum est, beati videri: tum ad luxuriam pertinet, quorum utantur ministerio, eos non agrestes, nec sordidatos habere, sed elegantiss & ornatos. Quamquam autem in sermone plurimum cultus obseruantiaque elucet, permultum tamen etiam in factis apparet. Quamobrem superioribus inferiores præsto sint, obsequantur, obtemperent, neque re tantum ipsa, sed etiam significatione quadam, & specie: nihil enim necesse est



est tantas amicorum cateruas domi alere: ad speciem comparantur, & pompam. Quare ne hæc quidem negligent: adsint, astent, sectentur, assiduitatem præstent, molestiam caueant: neque sic cogitent, non hæc se sibi datas esse partis, sed certum quoddam munus assignatum: sunt enim communes inferiorum omnium amicorum. Qui vero cunctantur, qui tergiuersantur, & cessant, perniciosum genus in hanc communionem inducunt: parce enim, ac restricte munus ipsi suum cum exequuntur, potentem amicum prope admonent, ut benignitatem ipse quoque suam contrahat, ac minutatim, exigueque præbeat omnia. In rebus autem gerendis, curandisque mandatis, primum fides, integritasque præstanda est, non modo quia decet, rectumque est, sed quia fructuosum est etiam: quos enim fideles experti sunt, ipsi sese totos committunt, & tradunt, eoque bene etiam illis facere coguntur. Deinde cura, & diligentia, & sollertia, quasi in re propria adhibeatur, maior etiam si fieri possit: quo difficilior est cura rerum alienarum. Sed hæc communia societatum omnium: illud huius coniunctionis est proprium. Neque enim, quod commodissimum, aptissimumque quaque in re fuerit, spectare debebunt, sed illud modo attendere, quod maxime potenti amico probeatur: id quod una in re notatum ad reliqua omnia transferri poterit. Qui igitur vlllo fere in gradu dignitatis locati sunt, homines eruditos, atque in scribendo exercitatos seorsum parant, qui de omnibus rebus, quæcumque inciderint, epistolas componant, ut ex superiorum amicorum nomine reddantur: ipsi per sæpe ea præcepta seruantes, quæ magno labore didicerunt, hominibus illitteratis, a politaque, & accurata oratione abhorrentibus suas lucubrationes non probant: optima quæque, aptissimaque inducuntur: omnia peruertuntur, retexuntur omnia. Quid igitur est tui consilij? illud scilicet Euripidis de Phœnissis:

*Potentium stultitia perferenda est:*

*Et (quamquam difficile factu est)*

*Vna cum insipientibus desipiendum.*

Vnam



Vnam igitur habebunt non scriptorum modo, sed etiam actionum omnium regulam, potentis amici voluntatem, ac iudicium: ad eam se formabunt, eaque metientur dicta, factaque omnia: neque vero perpendent, quam recta sit, aut praua, sed tantum elaborabunt, ut eam bene cognitam, obseruandoque notatam habeant: dabuntque operam, non ut recte, si quid mandatum est, curent, sed ad voluntatem superioris amici apte, atque accommodate. Itaque inferior amicus imperium herile discat, ut quod frons velit, oculi sciant. Hæc fere sunt inferiorum partes, atque officia amicorum, vel stirpes potius quædam atque initia, e quibus ea orta, ac protecta sunt: expositis enim generibus, singulas tamen secare, ac persequi partes, cum infinitum duximus, tum vero etiam minime necessarium. Locupletibus vero & factiosis multo, ne errent, huiusmodi præceptiones attentius audiendæ, retinendæque sunt: est enim potentia, nisi si quis artem, hoc est, rationem adhibeat, ipsa per se licentior. Itaque solutam eam, ac liberam paulo si diutius si ueris, ubi se corroborauit, exultat, effrenateque effertur, ac ruit. Quid enim mereat quis, ut non nullorum, quos significari a me, quam nominari est equius, immanem, ac barbaram superbiam ferre uelit? qui quidem eo usque sunt odio digni, nihil ut mirum sit, si abiectissimi quoque homines egestatem, vel summam perpeti malint, quam eos non modo ferre, sed ne aspicere quidem. At tennes, atque inopes, fatis ab ipsa necessitate, quod sui sit officij, admonentur: & si quid tamen peccent, sane haud deesse corrector potest. Statuant igitur diuites se quoque legem tenere: quando patrium etiam ius quibusdam quasi cancellis natura circumscripsit, quos transire nefas, impiumque sit: nec quos fortuna, atque opibus anteeunt, eos tamquam desertos omnino, ac neglectos, pro nihilo habeant: nec vero abiectissimum quoddam obseruantie genus, cultumque seruitio proximum omnes ab omnibus requirant: dilatantur enim interualla, contrahunturque, quibus alij alios præcurrunt. Ad eorum igitur magnitudinem, & spatium te-



nuium officia amicorum referantur: neque enim par est Superiorum omnium præstantia. Itaque deum (plurimum enim inter se distantibus in rebus id, quod monstrare volumus, apparebit maxime) deum igitur veneramur, & colimus: homo autem paulo locupletior sacrificium sibi quoque ad aram fieri ab inopi amico si postulet, insaniat: nec claros quidem, atque illustres ciues pari obseruantia colimus, ac Persarum regem. Vt igitur inferioris partes sunt, obsequium ut præstet non grauate, sed libenter, nec semper monitus, sed sæpe ultro: ita superioris contra est officium, eorum sedulitate nec abuti, nec acerbè obsequium exigere: sicque cogitare, amicorum uti se se opera, si non gratuita, at voluntaria, at certe libera, non autem seruis imperitare: liberi enim sunt, nec lege tantum (nam id quidem perspicuum est) sed etiam natura: siquidem is natura seruus est, cuius vnum est, aut certe præcipuum, in corporis, membrorumque usu positum munus: quique ita rationis est particeps, illam ut sensu percipiat, non ea ipse ut præditus sit: ij autem, quos iandudum inferiores amicos appello, non ut operarij quidam, ac baiuli, membrorum robore, ac laceris, sed potius industria, & ingenio, & rerum usu, animi denique viribus, non corporis commendantur. Liberi igitur sunt: verum consuetudo, atque dicendi mos famulatum, ut antea quoque dictum est, tristi sane verbo, conjunctionis huius necessitudinem nominauit: sed idem tamen molliuit: etenim vel superiores qui sunt amici apud eos, quos diligunt, quamquam tenues sunt, seruitutem seruire se se, quia ita mos est dicendi, dicunt: ut iam benivolentiæ id, obseruantiaque nota, non seruitij vocabulum sit. Sed verum inuestigantes de rebus, opinor, potius quam de nominibus sollicitos esse oportet. Nam quamdiu veteribus seruos bella suppeditarunt, nec habere eos lege prohibitum est, nihil magnopere fuit, cur liberorum opera, & ministerio vterentur. Itaque nihil mirum, si non suum propriumque est ei rei vocabulum impositum, quæ fere esset incognita. Vbi vero & bellica nostris in hominibus fran  
gi



gi virtus cœpta est, atque hominem religionis socium seruitute premere impium existimatum, verisimile est, ut infimi initio homines mercedula adducti eum facere quæstum occiperint, ut opulentioribus Seruorum vice ministrarent: deinde vero re paulatim in morem inducta honesti quoque homines eum ipsum quæstum non sint aspernati. Verum sero viguit hic quidem mos, eo scilicet demum tempore, cum ij e medio sublati sunt, qui ei rei nomē cudere, & tamquam fabricari poterant. Itaque in re noua vetus vocabulum quod usurpemus, nisi quid me forte fallit, non est: nouare autem nobis quidem non licet: jis enim hæc tractare conamur vocibus, quæ multis antea sæculis prope conticuerunt, quam hæc inuenta communio sit. Sed nos eo redeamus, vnde digressi sumus. Tenuiores igitur amicos ad famulatum vsque qui deprimunt (quotus autem quisque est, qui id non conetur efficere?) ij non modo inhumaniter faciunt, atque inclementer, sed etiam iniuste, ac plane tyrannice. Cuius enim est dominatus, in xysto multas horas quotidie ambulantes amicos adesse ad vnum iubere, eosque a pertis capitibus dextra, sinistra stantes ne respicere quidem? Regibus igitur hæc, atque huiusmodi imperia relinquuntur: qui vero parem illis præstantiam assecuti non sunt, definant eorum speciem affectare: ne & suis odio si, inuisique sint, & irrideantur ab alienis. Nihiloque clementius illud est, cum leui quaque de causa contumelijs, conuicioque, & clamoribus honestos sepe homines confectantur: idque palam in publico. Quid vos seruis faceretis? ut enim sit impotentium amicorum ferre omnia, vestrum certe est, quantum eos oneretis, videre. Nam qui cœque proterui sunt, atque effrenati, ut manus etiam hominibus liberis afferant, eos tamquam desperatos aliquos coercendos censemus, non admonendos. Negat Aristoteles, vllum esse officium, quod in seruum, quia quidem seruus sit, tueri dominus debeat: sed quia homines tamen serui sunt, aduersus eos quoque humanitatis leges inuiolatas seruari censet oportere. Nec vero illud incommode, quod falsus ille



Sauria, quamquam seruus, & quidem nequam, homini libero respondit in iurgio.

*Tam ego homo sum, quam tu.*

At ij ne liberos quidem homines putant, quorum etiam durior est, quam bestiarum quarundam, apud eos causa: etenim quibus equis ipsi vehi consueuerunt, eos curari diligenter student, neque labore nimio defatigari, fessosque recreari, & conuiuiscere volunt: hominibus vero quando aut quisquam parcat, aut medetur, aut ulla in re consulit? aut quod nam Romę genus est tam omni indignitate, atq; iniquitate exercitum, quam potentium tennes amici? sunt hæc non modo Christianę caritati, atque humilitati repugnantia; sed ab humanitate quoque hac communi, longe, longeque abhorrent. Ne igitur humanitatem fortuna obruat, neque opes, & potentia libertatem coerceant.

Difficile est autem omnibus in rebus modum non solum tenere, sed etiam, qui sit, cogitatione inuestigantes statuere: variantur enim officia personis, temporibus, ætatibus, rerum natura, hominum moribus, locorum consuetudine, rebus alijs prope innumerabilibus: quam quidem varietatem vno aspectu intueri, & comprehendere, hominis est acute, celeriterque dispicientis. Nos neque acrius cernere nos quicquam putamus, neque id magnopere nunc quidem necesse esse arbitramur: satisfieri enim huic loco posse statuimus, si præcipiemus vt ea, quæ superius memorata sunt, retinere velint. Sunt autem duo, vnum, ut amicorum obsequio, atq; opera tum clementer, & benigne, tum etiam iuste, hoc est, congruenter, vtantur; alterum, ut ipsi minime sint amari, minimeque difficiles ac morosi. In munibus igitur assignandis, dandisque negotijs personarum ratio, & delectus habeatur, vt, si quid sordidius tractandum inciderit, vilissimo cuique mandetur: neque per homines nobiles, quod nonnulli peruersitate quadam adducti student, verrantur ædes, aut e triclinijs, conclauiusue immunditię efferantur: laboriosa vt ne imbecillis, ne ve subturpia quædam honestis, aut ludicra & leuia grandioribus natu impendantur.



rentur: Nec enim Homerus Phœnicem Achillis iussu pocula ministrantem facit, hominem senem & grauem, sed adolescentem, æqualemque suum Patroclum. Illud etiam præsent, vt nihil omnino cuiquam maioris aut oneris imponatur, aut laboris, aut contentionis, nisi necessario, aut certe magna de causa: præcipit enim humanitas, vt ne aliena sollicitudine, & cura, præsertim quæ grauior sit, tamquam animi causa, abutamur. Nam ij quoque, qui serui plane sunt, ferre hæc grauitè, egreque pati solent.

*Hæc heri immodestia coegit me,*

*Qui hoc noctis a portu ingratis excitauit:*

*Non ne idem hoc luci me mittere potuit?*

Ferramenta, & vectes, reliquumque instrumentum animale habuisse Dædalus dicitur: num igitur eum censemus, aut quæ ferræ essent opera, cœlo mandare solitum, aut eam ipsam, cum moliendum tamen nihil esset, vetuisse quiescere? Hunc igitur imitentur, sitque imperium in amicos iustum, & clemens: Qui vero acerbe ab amicis operas exigunt, qui semel atque iterum cessantibus suscenset atrociter, qui se se implacabiles, atque inexorabiles præbent, præterquam quod iniuriam faciunt, non amicorum cateruis se se stipatos esse cogitare debent, sed hostium. Atque etiam est in sermone, & conuictu superiorum comitas quædam, vel seueritas potius, sed humanitate, & iucunditate condita, qua præditi qui fuerint, eos domestici amici, quasi parentes verebuntur, non autem, vt tyrannos, metuent, eoq; etiam diligent. Omnes enim, quem metuunt, eundem oderunt. Verum plerique familiaritatem nimiam vitare dum volunt, quod apud eos, qui in consuetudinem se se penitus immerferint, retinere se dignitatem vix putant posse, contumaces sunt, atque inhumani. Ac fuit omnino Deiores quidam Medus, vir sapiens in primis, qui cum propter iustitiam, vt est apud Herodotum, rex esset constitutus, cum alia multa dicitur habuisse salutariter instituta, tum illud in primis, quod ad maiestatem pertinet: quæcumque



cumque enim inciderent, transgisse per interpretem dicitur, ut Medorum audiret ipse neminem, neque cuiquam aspiciendi sui potestatem faceret. Metuebat scilicet vir magnus inuidiam: ægreque laturos sentiebat ciues suos, qui cum pari dignitate tam multos annos vixissent, eum ipsum tanto sibi honore præferri. Huic igitur malo occurri ea ratione putauit posse, si se se non familiaritati modo, sed etiam oculis ciuium subtraxisset: fore enim, ut paulatim ab ea, quam de se cogitationem habere soliti essent, desuefacti, maius quiddam animo conciperent & mente: sic est enim omnino: nam quæ incognita, intractataque habemus, ea maiora plerumque animo nobis fingimus, & suspicamur esse. Neque vero ego is sum, qui superioribus id præcipiam, ut se se inferioris ordinis amicis, quasi germanis fratribus, patefaciant ac nudent: sit hoc simplicis, sinceræque, amicitie proprium: sed, ut hoc non probarim, ita austeros, tristesque, & duros esse eos nolim. Recte autem Deioces, ut in Barbaris quidem, dominationeque noua: quamquam multa eum secuta esse incommoda necesse est, in primisque illud, quod equalium, quod suorum, quod ciuium denique consuetudine, & conspectu caruit. Dignitatem igitur potentes retineant, sed bono modo; audiantque, negotijs curisque vacui, domesticos amicos, & quidem humaniter, benigneque respondeant: interdum etiam ultro ipsi appellent, familiariter quoque garriant, dentque se se ad lenitatem: ut intelligant homines tenues non tamen seruiliter se tractari. Est enim hominis natura minime dominationis patiens; quo magis seruitutis, ac famulatus species, quæ ut in suis appareat, de industria quidam efficere solent, occultanda est, atque opprimenda. Sed est etiam in nonnullis malitia quædam simulata comitas, qui, quo diutius amicorum operis fruantur, gratis homines miseros, atque abiectos spe producunt, & clementie, bonitatisque simulatione lactant, ut annorum multorum labores vna cum blanda appellatione compensentur. Tollatur igitur meretricius hic mos; malitiaque, & fraus non ex hac consuetudine solum,



lum, sed e tota vita pellatur: nec, pecunia fraudare quem-  
piam si turpe putamus, uitę, atque ętatis alienę fructus in-  
tercipere, frustrariq; per bonitatis speciem homines vel a-  
micos, uel certe familiares, tenues quidem, atque inopes,  
rectum, honestumque censeamus. Callida est etiam, ma-  
litiosaque eorum interpretatio, qui, quod tenuibus amicis  
non iniuste, aut grauius imperarint, quodque in eos inge-  
nio leni & clementi sint, uigilias, labores, curas, pericula,  
damna omnia dissoluta illis esse existiment, affatimque sa-  
tisfactum autument: quasi uero id initio spectatum sit, ut  
obsequium obsequio, ac non pecunię fructu, atque emolu-  
mentis compensaretur. Neque enim citharędum, in epu-  
lis qui caneret, ijdem si conduxerint, atque is ubi postridie  
mercedem exigat, assidere hominem iubeant, audireque se  
uicissim vel modulatus canentes, non iniusti sint: non e-  
nim commodata oblectatio est, eandem ut reponere ę-  
quum sit, sed quasi vendita. Quomodo autem superiorum  
incommoda, & contumelias inopes perpeti decet, neq; id  
patienter solum, sed etiam demisse; ita uicissim, si quid of-  
fensum ab inferioribus forte sit, si quid repertum uel in na-  
tura est, uel in moribus uitij, ęquo animo, tolerabiliterque  
ferre id superiores debent. Quam enim difficile sit ad alie-  
num arbitrium, sensumque uiuentem, ut cum dicta, tum  
facta, tum ipse mediusfidius motus, gestusque ad alienam  
uoluntatem dirigatur, nihil offendere, nusquam incurrere,  
ex eo intelligere licet, quod ne, ad nostrum quidem iudici-  
um, ad libidinemq; cum uiuimus, facile nobismetipsis satisfa-  
cere solemus. Prouideant igitur, ne, si quid aut quotidiano  
in ministerio minus apte, minusue eleganter forte ceciderit,  
aut, in rebus mandatis gerendis, non exquisitam quandam  
sollertiam, industriam, diligentiam, celeritatem pręstite-  
rint tenues amici, continuo exscendant, atq; efferantur i-  
racundia: quod faciunt quidam, & sane furenter, & sæpe.  
Nihil est enim facilius, quam per alium efficere, quod uel-  
lis, qua id ratione commodissime fieri possit, optantem co-  
gitatione designare: sed facientes multa impediunt, multa  
inter-



interturbant, & retrahunt. Quamobrem cum indulgere potentes in opum peccatis æquum est, tum se se ipso excutere perscrutarique decet; ne, si quid forte in animo mendii latuerit, quam ipsi culpam sustinere debent, eam amicis attribuant: sæpe enim usu venit, ut superiorum inconstantia, peruersitate, festinatione, iracundia, leuitate bene, ac prudenter institutæ, procuratæque res, accurateque, ac diligenter administratæ conturbentur, secusque cadant: Ex quo illud e vetere comoedia:

*Quam arduum, dii boni, negotium est,*

*Dementi hero cum seruitutem seruias.*

Caueant igitur hoc quoque: neque in amicos stomachum erumpant, cum irati sibimet ipsis esse debeant. Quoniam autem non beneuolentia, neque caritate adducti, sed præmiorum illecti spe, quemadmodum antea quoque dictum est, ad hanc coniunctionem accedunt, procurandum est, ut, qui suas partes diligenter, accurateque peregerint, qui obseruantiam, & sedulitatem, fidemque, & sollertiam præstiterint, ne laborum suorum præmio, ac mercede fraudentur. Ac quo modo ad inferiorum quidem officium pertinet, ut ne quicquam acerbius exigere videantur, neque potentem amicum flagitent, neue vigeant, sed tantum admoncant, & rogent, idque uerecunde (longe enim ab obsequio, atque obseruantia recedit, qui ad summam illam rationem, ac veritatem ius suum persequitur, eamque ob causam indigne parentes ferre solent, cum a liberis in iudicium vocantur: exæquari enim cum ijs se nolunt) sic hæsitantis est, atque adeo iniuriam cogitantis cunctari, expectareque; dum admoneris, ut, quod debeas, dissoluas. Est enim plane debitum, ne forte errent, ut, quorum vita in nostris commodis consumitur, eos remuneremus. Non igitur beneficium se se dare arbitrentur, neque in gratiæ loco potentes, atque opulenti ponant, cum bene de se meritos tenues amicos facultatibus augent, ac locupletant: sed ita existiment, obsequij se, atque obseruantię præmium soluere, iustum quidem ac debitum: quaque ipsi mensura operas, indu-

striamque



striamque ab illis exegerunt, eadem retribuunt mercedem, imitenturque terræ, agrorumque consuetudinem, qui, a quibus diligentius coluntur ac laboriosius, ijs vberiores fructus ferunt: præterquam enim, quod officio facient satis, vtilitati etiam consulunt: grati enim habebuntur ac benefici: atque ea re omnium erga se voluntates, studiaque amicorum excitabunt, vt summa alacritate, summaque contentione adsint, obsequantur, obtemperent. Illud etiam summo opere vitandum est, in quod plerique solent incurrere, vt domesticis, familiaribusque amicis male ne sit, neue cibaria restrictè nimium dent, ne vilissima quæque, & contemptissima confectentur, ne algeant, ne esuriant: nam id quoque in mercedis, non in gratiæ loco ponendum est, vt illi, sua quisque pro dignitate, alantur. Qui vero aut demensum quasi seruis, exigue sordideque præbent; aut, si quis quid commiserit, si quis vsu iam cessauerit, id cibo & potione subducenda vindicant, dupliciter reprehendendi sunt; & quod illorum in se cum odia, tum etiam voces irritant, a quibus diligi, colique velint; & quod, per quos lautitiam, magnificentiamque ostentari, elucereque volunt (nullam enim aliam ob causam tantos suscipiunt sumptus) per eosdem illorum Sordes, auaritiaque detegitur, atque effertur. Huc accedit, quod aspere, auareque tractati, de potentis amici benignitate cum semel desperarunt, in posterum quoque eum contemnunt. Itaque neque dant operam, vt illius sibi gratiam concilient, & si quam etiam collectam habent, dilabi facile patiuntur: neque enim gratis diligere, ac ne diligi quidem, nisi ex ea re ad se vtilitas redeat, volunt. Itaque aut nulli, aut vilissimus quisque in officio est: vtilitas enim, quæ huiusmodi necessitudinem constituit, eadem tollit. Quamobrem sua quoque interesse potentes statuere debent, vt, quoad fieri possit, alacres, speique bonæ plenos inferiores amicos habeant, amantesque sui, vltroque, ac libenter obsequentes: id assequuntur, si leniter, si humaniter vtentur imperio, & si bene, benigne que merentibus fecerint. Nunc vero imitantur plerique

H



ciuitatum quarundam leges, non sapientissimas illas quidem, quæ pœne, supplicijq; metu detertere improbos ab iniustitia tantum conantur, satisque habent, si illud præstiterint, uti facinorosis inutile sit peccare, aut plane etiam eruminosum. Rectius autem est eas sequi, quæ regiæ a Xenophonte appellantur: eæ enim efficiunt non modo, ut peccare inutile, perniciosumque sit, sed etiam, ut recte facere sit fructuosum, cum præmia bonis, fortibusq; proponant. Studeant igitur potentes, ut voluntario amicorum obsequio utantur: ita enim demum potentia iucunda est, si in volentes eam exerceas: in inuitos autem, ac repugnantes, imperium ijs dedisse mihi deus videtur, quos dignos iudicauit, qui ita adfecti uiuerent, quemadmodum Tantalus, quem apud inferos ferunt semper secundæ mortis metu torqueri. Callidum est etiam quorundam, versutumque consilium, qui domesticos inferiores amicos inter se congruentes metuunt, eoque in discordijs dissidijsq; in familia commouendis, odijsq; fouendis, atq; alendis sunt occupati: conspiratam enim in patrem familias consentientem domum aiunt, dissidentem autem inter se cum eo conuenturam: qui si in improbos inciderunt atque infideles amicos, quid est, cur cauere eos, quam coercere, aut omnino ijs carere malint? Sin probos, integrosque nacti sunt, metuere nihil attinet: qui autem esse potest discrepantium inter se amicorum usus? Addiscant igitur imperij gerendi rationem: neque enim facilis quædam res est, aut peruulgata: ac, si verum querimus, ne humanitatis quidem usque quaque, sed magna ex parte diuinitatis: verum ea doctrina ab alia quadam arte petenda est, quam qui tenebunt, næ illi facile præstabit, ut ab ijs, qui inter se vel fraterne diligant, colantur ipsi, atq; amentur plurimum: ea tamen illud habet præceptum saluberrimum, quo iubentur, qui cum aliquo imperio sunt, eorum quibus dominantur, voluntates, beneuolentiamque collectam, & comparatam habere: nam & dominatio tutior est ac munitior, & obtemperantium usus tum fructuosior, tum longe, multumque iucundior. Quo magis accu-  
sandi



sandi sunt, qui æternum cum familia sua bellum susceperunt qui non modo suorum patrocinium non suscipiunt, sed etiam ipsi oppugnant, & quasi aduersarijs atque inimicis, quibus possunt locis, incommodant, ac, quo quemq; industriorem, fidelio remque experti sunt, eo deprimunt magis, veriti scilicet, ne, si semel emerferint, vel ad alium se conserant, vel rem suam agere velint: rectius autem erat, quomodo veteres efficiebant, ut e seruis sibi liberos haberent, eos, qui liberaliter seruirent, sic hos a mercenaria, & seruilis, ad gratuitam, & liberalem amicitiam illos euocare: neque, vero rectius tantum, sed etiam utilius. Quod est enim prædium, quæue possessio tam opima, tamque omnium fructuum ferax, & fertilis, quam amicus est? Quantum vero interesse putamus, per gratuitos ne amicos res nostra, nosque ipsi curemur, an per hosce, in quibus amicitiae simulachra vix illa quidem apparent? amicitia vero ipsa plane longe abest. Etenim, qui vitæ suæ, velut usuram, locant, id fieri non potest, quin laborum mercedulam, spemque dubiam utilitatis spectent, se seque respiciant, deque se vni anxij sollicitique sint. Itaque, quomodo coloni, qui non suos, sed de dominis conductos, fundos colunt, nec arbores serere, nec fundum instruere, nec vero villam ædificare ornareue volunt, sed eam modo culturam adhibent, quæ præsentibus fruges, quam minimo fieri possit impendio, quam vberissimas habeat; sic id, quamdiu quidem, tamquam operarij aliqui, deferuiunt, nulla re augeri, aut amplificari superiores amicos student, neque dant operam, illi ne nudi, inanesque sint; sed, ipsi ut quam breuissimo temporis spatio quam plurimum auferant, in eo laborant. Vbi vero a quæstu ad caritatem, atque amicitiam ingenuam illam, ac gratuitam ducti sunt, iam, quasi agrorum domini, non illud modo attendunt, quantum ex ea coniunctione vno illis, aut altero anno reficiatur, quantumque ex ea re capiant, sed, uti nos ornatos, beneque cultos habeant, id vero curant, atque eniuntur. Itaque, amore ac beneuolentia complexi nos, omnem laborem suscipere, omneque adire periculum gestiunt

H ij



nostra causa non secus quidem ac sua: nec iam defatigantur aut conquiescunt, aut separatim sibi quicquam a nobis prospiciunt: quæ quidem amicitia, nisi superbia humanitatem obterat, nisi hominis ponamus naturam: immanitatem autem beluarum induamus, sua ipsa sponte oriat, atque alescat: nihil est enim, quod homini accidere iucundius possit, quam hominis consuetudo, præsertim congruentis: ut sapientem quoque, qui hæc tractant, in solitudine beatum fore negent. Nihil est autem procliuius, quam ut, quorum iucunditate oblectemur maxime, ea diligamus, atque amemus plurimum. Magna præterea est conuictus, et contubernij, ad hominum animos benevolentia implicandos, vis. nam bestiarum quoque nonnullarum animadvertere desiderium licet, cum ab ijs eas distrahas, quibus cum pacisci consueverint: ut, qui eum, cuius fidem experti sunt, industriam probant, mores laudant, cuiusque benevolentiam, atque amorem erga se perspectum, & cognitum habent, non corde ament, neque cum eo opes suas æquabiles faciant, naturæ mihi vim adferre videantur humanæ.



# PETRI BEMBI VITA.



ETRVS BEMBVVS VENETIIS  
natus est, annis post Christum  
ortum MCCCCLXX. patrem  
habuit Bernardum Bembum,  
hominem, cum vetere nobili-  
tate, tum doctrina, tum etiam  
dignitate clarissimum; nam res  
Venetum publica a certis no-  
minatim familijs administra-  
tur: eæ claræ habentur: reliqui

ciues; quamquam sunt eorum multæ amplæ honestæq; fa-  
miliæ, neque genus suum magnopere extollunt, & in sua  
quique re gerenda occupati, ciuitatis procuracionem fere  
non attingunt. Inter eas familias Bembi antiquissima stirpe  
orti, cum omni tempore in rep. floruerint, ampli in primis,  
illustresque numerantur. erat præterea Bernardus suo e-  
tiam priuatim nomine, propter iuris scientiam, qua pluri-  
mum excellebat, apud ciuitatem multum admodum gra-  
tiosus; & propter summam prudentiam, multiplicemque  
rerum vsum, propterque vitæ grauitatem, magna in homi-  
ne erat auctoritas. Hic cum a sua ciuitate ad populum Flo-  
rentinum legaretur, qua in legatione obeunda biennium  
domo abesse Venetorum legibus cogeretur, faciendum si-  
bi esse existimauit, vt petrum filium, quamquam admodum  
is tum puer erat, secum educeret; propterea quod Floren-  
tinorum instituta parum a Venetorum moribus illo tem-  
pore abessent: non dum enim sub vnius dominatione illo-  
rum



rum erat respublica, sed nobilitatis fere arbitrio regebatur; & quod ea ciuitas præstare ingenijs creditur, acui puerum, in quo iam tunc præclara indoles elucesceret, volebat: tum Italicam linguam, qua non elegantissime Veneti, illis præfertim temporibus, vterentur, emendari in illo, Florentinorum hominum consuetudine, existimabat posse: nam omnium Italiæ nationum commodissime eam loqui ciuitatem autumant. Nec vero patris consilium filij fefellit industria: sic enim excitatum puerile Bembi ingenium Florentiæ est, sic teneræ pueri aures, animusq; puro ac dulci illo Etruscorum sermone imbutus, vt iam inde a prima adolescentia, multa cum Latine, tum vero Thusce a se scripta ediderit, quibus nihil hominum auribus politius, nihil omnino elegantius, aut suauius accidere possit. Iacebat omnino temporibus illis eloquentia: inquinata enim loquebantur; nullus erat verborum delectus, nullum scriptorum discrimen. nam & ipse negligebatur Cicero, vel contemptui potius erat; & Cæsarem propter historiam modo cursim & negliger legebant, Terentium, Virgilium, bonos ceteros, in ludo tantum, idque per pauci, ediscebant: post puerilem illam disciplinam sumebat eos in manus nemo. duros, obscuros, asperos scriptores adamabant; confectabanturq; abditas, abstrusasque historias, aut fabulas: qui ijs ineptijs refferenti essent auctores, ij eruditi numerabantur: itaque vnus Ouidius de veteribus in honore erat. ergo, si verum quærimus, nihil ante Bembi ætatem Latine scriptum octingentis ipsis annis, aut eo amplius est, quod Romam illam veterem redoleat; aut magnopere lectione dignum sit: solæcismum enim vitabant, quantum quidem ex arte grammatica didicerant, idque ipsum haudquaquam semper: id vnum præstare qui poterant, Latine loqui sese putabant: nulli, qui purus ille, incorruptusq; veterum Romanorum sermo esset, nouerant, ac ne suspicabantur quidem. Par erat atq; idem eorum error, qui Italice scribebant: qui cum duos haberent scriptores, mea quidem sententia, vel cum Latinis, vel cum Græcis conferendos: nam alterius versus et suauis-



suauitatis plurimum habent & dignitatis: & varijs ingenij, aut etiam artis luminibus referti sunt, & animum sæpe permouent atque impellunt; vt de amore ne Græcus quidem quisquam melius; alterius oratio dulcis, copiosa, polita, ornata, mollis, faceta, rem ante oculos ponens, vt gerica, quæ legas, non narrari videantur. Hos cum haberent auctores duos, vtramque in suo maxime genere excellentem, scribebant ipsi inepte, abiectissimis verbis, nullus erat orationis ornatus, nullæ homine erudito dignæ sententiæ, nulla compositionis, aut numerorum ratio. licet in manus sumere, quæ tunc multi scriptitarunt, præter vnum Politianum, illumque ipsum minus dulcem, minus omnino elegatam, quam vt legisse Petrarçæ lectissimos uersus uideatur; ceteros ad vnum indignos dicas, qui in scriptorum numero habeantur. vnum scurrile vigeat genus; in eo sane ridiculi nonnulli; sed ipsi quoque multis in locis inertes ac languidi. Hanc igitur inter erroris atque inscitie caliginem Bembus ad veterum scriptorum tamquam lumen ac lucem respexit primus, primusque ab hominibus, magnis quidem hortationibus, magno suo labore, multis reclamantibus ac repugnantibus, impetrauit, vt Ciceronis, vt Virgilij, vt Cæsaris similes sese in dicendo, quam Apuleij, Macrobij, Statijque esse mallent; cum contenderet oportere, qui scriberent, eam dicendi formam, quæ optima esset, habere animo & cogitatione comprehensam; ad eam tamquam ad exemplum aliquod orationem scriptionemque suam dirigere; Demosthene autem, aut Cicerone perfectius in dicendo aliquid promere se posse qui profiterentur, sua quidem sententia nimium subire oneris, nimium suis fidere viribus; quorum etiam iam olim errore ac temeritate factum esse existimabat, vt malos multos scriptores haberemus: nam, cum nonnulli a Cicerone discedere, sui que plane esse vellent, cum aliter, atque ille, dicere studerent, quoniam is perfectus, absolutusque esset; deterius dicere cogeantur. Hæc Bembus cum dictitaret, cumque etiam litteris mandaret, egre ille quidem, sed multis tandem persuasit, spretos

ac



ac repudiatos antea scriptores optimos illos, repeterent: propositosque sibi ad imitandum haberent. quo quidem Bembi labore, quibusque præceptis, quantum eloquentia adaucta sit, cuius facile est noscere; si ea, quæ ante hanc illius disciplinam scripta sunt, cum huius ætatis scriptoribus conferantur. Ea obita legatione domum Bembus cum patre redijt, iam bonarum artium studijs incensus, iam eloquentiæ, ac scribendi magno quodam amore flagrans. itaque in Siciliam vsque ad Constantinum Lascarem Græcarum litterarum causa profectus, trienniumque ibi commoratus est; tantumque ingenio, labore, assiduitate profecit, ut Græce non modo optime sciret, sed etiam polite, luculenterque scriberet: atque in Sicilia cum esset Latine de Aetnæ incendijs scripsit ad Angelum Gabrielem: qui liber, ab eo editus, in manibus hominum eruditorum non sine aliqua laude versatur. Post eam peregrinationem celeriter Bembus affecutus est, ut maxima apud omnes Italiæ ciuitates, tum apud exterarum etiam nationes, eius esset ingenij admiratio: ita enim, uti res est, sic homines statuebant; perdifficile factum esse vnum atque eundem duabus linguis tam scite, tamque ornate copioseque uti posse; quodque pauci vno in sermone vnumquam præstiterunt, ut præclare scriberent, id ab adolescente Bembo & in Latina & in Italica oratione effici, omnibus, qui de ijs studijs aliquid iudicare possent, permirum videri necesse erat: præsertim id ipsum in vtraque lingua & prosa oratione & versibus, id quod Ciceronem ipsum expertum, sunt, qui negent assequi potuisse. Ac miramur profecto interdum, quid causæ sit, cur, cum oratori poeta maxime finitimus sit, negent fieri posse, ut idem orator bonus, idem egregius poeta euadat; idque non hominum modo existimatione, sed etiam re ipsa comprobatum esse: nullos enim, aut certe per paucos vtramque facultatem adeptos videmus: sed cum diuturno studio, magnisque lucubrationibus vtraque ars egeat, non suppetit ad vtramque tempus, atque otium: & quoniam longa exercitatione, assiduoque vsu consuescimus aut oratorie dicere, quod

vitio



vitio maxime datur versus scribentibus, vel poetice, quod contra in prosæ orationis scriptoribus vitiosum in primis habendum est: si quis vtrumq; studium copularit atq; coniunxerit, magnæ cuiusdam intelligentiæ, acrisque iudicij est, præstare alterum genus, ne incurrat in alterum. Præterea oratorum, poetarumq; ingenia atque naturæ contrariæ propemodum inter se sint, oportet: hi enim ratione atque humanitate reguntur; illos, furoris afflatus ac diuinitas quædam, impellit: atq; omnino proximis, coniunctisq; in rebus facilior a recto declinatio, ac lapsus est, reprehensio vero vel insignior: creat enim errorem similitudo; & cum uaria tum est, celeriter, propter rei similis comparisonem ac propinquitatem, inuersio animaduersa internoscitur ac reprehenditur. Neque ij tamen nos sumus, qui aut Ciceronis versus valde imbrobandos existimemus, aut Platonem atque Aeschinem (vtrumque enim versus in adolescentia scripti tasse memoriæ proditum est) malos, contemptosque fuisse poetas credamus. Post Siciliensem illam peregrinationem, per paucis interiectis annis, Ferrariam Bembus pater Prodominus missus est: eum magistratum, magnum in primis atque honorificum, illis temporibus Veneti, virtute belli partum, victoriæque tamquam insigne, gerebant in aliena ciuitate. eo quoque cum patre filius exijt: sicque eo in oppido per diu fuit, ut cum ab omni iuuentute, ab omni que nobilitate plurimum coleretur, tum uero Herculi Estensi, maximo ac fortissimo uiro, qui in ea ciuitate imperium obtineret, Lucretiæ Borgiæ, quam in matrimonio Alphonsus habebat, gratus in primis, acceptusque esset. Per idem tempus, cum annos natus esset haud amplius x x v i. eos sermones, qui Asulani ab eo inscripti sunt, confecit; opus omnium pigmentorum flore atque colore distinctum. feminas omnino cum adolescentibus de amore loquentes amœnissimis quibusdam in hortis facit, ita lectissimis verbis festiue ac venuste, ita sententijs copiose atque ornate, nihil vt eius oratione cum vberius, tum uero suauius modulatus esse possit. eos libros tanta hominum, mulierum etiam medius

I

fidius



fidius approbatione & tamquam plausu exceptos recentes esse meminimus, ut ex templo cuncta eos Italia cupidissime leſtitarit atque didicerit: ut non ſatis urbani, aut elegantes ij haberentur, quibus Aſulanæ illæ diſputationes eſſent in cognite. erat per id tempus Urbini Guidusubaldus Feltrius, vir maxime ſpectata, maximeque nobilitata virtute: is ſuæ ciuitatis tenebat imperium; atque cum eo Helſabetha Franciſci Gonzagij, qui itidem ciuitati imperabat, ſoror, nupta erat: cuius de mulieris laudibus mira quædam litterarum monumentis, cum ab alijs multis, tum etiam ab hoc ipſo Bembo mandata ſunt. Ac datum eſt proſecto Urbinatum ciuitati, ut non ſuos domi modo principes omni genere laudis claros atque inſignes habeat, ſed etiam, ut ex alienis ciuitatibus mulieres, quas illi in matrimonium duxerint, leſtiſſimæ ſere, præſantiſſimæque illi ſeminarum omnium obtingant: Nam præter eam, quæ a me appellata eſt, Helſabetham Gonzagiam, habuit Franciſcus maria huius Guidiubaldi pater ex eadem familia vxorẽ Eleonoram, quæ proximis diebus mortua eſt, omni muliebri laude præter ceteras ornatam atque illuſtrem. Nec vero de Victoria Farnesia, quando in hunc ſermonem venimus, ſileri vlllo modo poteſt (quamquam inuitus ſacio, ut de ijs, qui nunc ſunt, dicam aliquid) cuius quidem mulieris modeſtia ac pudor ingenuus illud proſecto præſtituſſet, quod Periclem aiunt diſſe, primam in muliere laudem eſſe, ut ne de virtute quidem illius vlla ad viros fama emanet: ſed nulla ratione occultari tanta primarię ſemine virtus poteſt, quin ad viros quoque emergat, ac ſuo ipſa ſplendore ſe prodat. Fortunatus igitur Guidusubaldus cum ſua illa animi magnitudine atque æquabilitate, ſuaque illa prudentia; tum vero hac tali coniuge, viteque ſocia. Sed cum Urbini quem admodum dicere incœperam, Guidusubaldus atque Helſabetha Gonzagia eſſent, hominum excellentium peraman-  
tes, perque hoſpitales, conueniebant ad eos ex omni Italia, ut quiſq; præſtanti aliqua in arte præcelleret: eo cum Bembo quoque forte veniſſet, præcipuo præter ceteros in ho-  
nore



nore haberi coëptus est: multa enim habuit Bembus, quę, ad hominum animos conciliandos, plurimum vaiere consueuerunt: nam & in forma summa quędam oris species ac dignitas inerat, & in statura ac proceritate decor, mira præterea in moribus suauitas quędam lenitasque amabilis; dulcisque cum sermo, tum tota vitę, victusque consuetudo mitis ac clemens: ad ea cum præclara ingenij vis ac natura accederet, expetebatur, scilicet vnus omnium, maxime ab illustri illo virorum, feminarumque conuentu: quibus rebus efficiebatur, vt multum domo abesset, Vrbini que fere viueret: quam rem multum etiam vicinitas adiuuabat, atque vltro citroque Pisaurum quidem vsque perfacilis atque expedita nauigatio: ita factum est, vt minus domi honores assuesceret admirari, minusque ambitionibus implicatum animum haberet. At uero id pater reprehendere, grauiter ferre, ac prope patrio iure, ut uxorem duceret, ut remp. capesseret, atque ex ordine magistratus peteret, imperio cogere: fit enim fere, vt qui in libera ciuitate, præsertim clara atque opulenta, viuant, omnia ad honores referri putent oportere, id vnum consecutentur & expetant, vt dignitates, ut magistratus adipiscantur: si quę sint laudes, quę alio pertineant, eas aut non agnoscunt, aut leues atque inanes iudicant: atque hæc liberorum populorum consuetudo, quam quam per se ipsa, vique sua fortasse minus probanda, est: nec enim compendij, honorisue causa, si ad ueram illam rationem dirigas, petendi magistratus sunt, ciuibusue alijs ullo studio, aut ulla contentione præripiendi; sed unius reip. ratio habenda est, cuiusque unius utilitati, salutique seruiendum; ut dignioribus concedamus; & sæpe delatus nobis maior aliquis, aut magistratus, aut imperium, aut curatio, si minus ei rei gerendę nos idoneos sentiamus, accipiendus non sit, aut etiam deponendus: nec enim errare patriam, pati æquum est. Sed, quoniam non viuatur cum perfectis hominibus, percommode popularis hæc ambitio cecidit: honorum enim cupiditate incensi, non ad suum se quisque format atque instituit arbitrium, sed ad populi, ci-

I ij uita



uitatisque iudicium, consilia, mores, vitam, voluntatemque; instituunt; dantque operam, non ut sibi ipsi, aut alijs fortasse quibusdam probati sint; sed, ut populo, ciuitati que, a qua honores scilicet expetant, placeant: ita fit, ut vna, eademque perpetuo permaneat ciuitatis forma, atque vna, eademque sit omnium ciuium communiter disciplina; neque singulorum priuatim studijs, voluntatibusque variatis, reip. quoque ratio atque institutio vertatur atque mutetur; quam quidem cautionem, prudentiamque, vna, præter ceteras omnes, Venetorum ciuitas semper adhibuit; ut domesticos suos mores diligentissime retineret, essetque plane sua, neque quicquam exterum infundi in ciuitatem, aut vlla inficere peregrinitate pateretur. Cum igitur Bembo pater in eum cursum, quem tenuerat ipse, quemque summa cum laude, plausuque consecerat, filium induceret atque compelleret; ille contra, alia spatia, cursusque alios animo agigaret, quamquam patri obsequi suadebat pietas, ciuium consuetudo hortabatur, propinqui, necessarii que, efflagitabant; tamen sic animo cogitabat, cuius ipse gloriæ cupidus esset, eam ad se non a suis modo ciuibus, sed ab omnibus etiam gentibus vltro deferri, prehensandum sibi eius rei causa ne minem esse, supplicandum nemini, nullius suscipiendas inimicitias, nemini os lædendum: vnam enim esse, ex omni laudum genere, ingenij gloriam, qua, sine ulla cuiusquam querela, perfrui, ad extremum vsque, homines soleant: honores imperitæ modo multitudinis testimonium præferre, ingenij laudem ac famam, etiam intelligentium hominum habere probationem: nec uero aut voluntatum mutationem, aut fortunæ temeritatem extimescere; sed stabilem, firmamque etiam ad posteros commendationem habere: postremo permultos omnibus ætatibus exoriri, quorum opera, pro sua cuiusque parte, resp. geri possit; at, cuius ingenij monumentis ciuitas ornetur, ne multis quidem sæculis vnum extare, aut alterum: satis vero iam Bembo, magnos honores in republica, ad illustrandam familiæ dignitatem esse consequutos; satis nobilitatam, maiorum suorum rebus



rebus gestis, suæ memoriam stirpis esse; quando & vetustissima templa a suis iam olim gentilibus constructa, ea scilicet, quæ Iuliano dedicata sunt, Bemborum nobilitatem illustrent, & pietatis sint testes; & Francisci Bembi eius, qui, multos annos ante Patriarcham Venetijs institutum, sacrorum antistes ac pontifex fuit, memoria, gentis vetustatem ostentat; tum maritima imperia, clarissimeque Francisci item Bembi victoriæ; tum Marci, qui a Cyprijs interfectus est; aliorumque multorum ob remp. susceptæ calamitates, interitusque, Bemborum et virtutis, & in patriam caritatis testimonio sint: nec verò ne in præsentia quidem defuturos, qui stirpis, gentisque gloriam tueantur atque adaugeant; habere sese Carolum fratrem, in quo mirificam ingenij indolem, maximam virtutis spem inesse intelligat; esse præterea cum alios nonnullos, tum Ioannem mattheum Bembum summa item virtutis & ingenij spe præditum adolescentem. Et vero hic quidem, nec Bembi de se iudicium sefellit, & multis, magnisque in rebus domi, forisque perutilis reip. ciuis est, semperque fuit: nam Carolus, priusquam patre prodesse per ætatem potuisset, extinctus est: vnam hanc litterarum atque ingenij laudem minus illos adhuc esse adeptos: eam se in suam gentem inferre cupere, ac propemodum etiam se id perficere, ac præstare posse compertum habere: sin honores sectari velit, certo scire, minus eam sibi rem ex sententia successuram; quam inuitus suscipiat, & iniucundam existimet; & multa præterea a natura impediamenta habere se, sibi ipse sit conscius: nam & blandiri ei qui possit, quem fortasse minus aut probet, aut diligat, pudore sese quodam ingenuo impediri; & existimationem suam vulgi uoluntati, comitiorumque casibus, & tamquam vndis, quotannis commissam esse, propter animi quandam aut libertatem, aut, si quibus ita videtur, fastidium, pati non posse; nullam autem omnino rem facilem esse, quam inuitus facias. Scire sese illam alteram honorum atque ambitionis incertam, ac periculorum plenam viam, plus fortasse utilitatis, plus apud parui, angustique animi homines splendoris



doris polliceri; sed eam se sequi malle, quæ plus veræ solidæque dignitatis habeat: ut enim fructuosos fundos parare vtilius sit; voluptarios autem, atque animi modo causa institutos, honestius ac magnificentius; sic illam ambitionis rationem vberiores in vulgus fructus fortasse ferre, hanc certe bonarum artium ac litterarum institutionem, plus apud præclara hominum ingenia magnificentiæ, plus honestatis ostendere: ac, ne multa, nihil ægrius factum est, multis filij contentione, multa contra patris, matris quoque Helenæ Marcellæ, primariæ femine, castigatione, sæpe etiam obiurgatione, quam, ut ne singulare ac prope diuinum Bembi ingenium, ad bonarum artium studia atque ad has mansuetiores musas natum, vulgo atque imperitiæ multitudini proderetur: sed peruenit tamen, ut, per parentes ac necessarios, perque ciues sibi suos aliquando vitam in litteris agere, idque vnum, relictis rebus, curare sibi liceret. Sed paucis post annis dum sese Bembus libris, litterisque obruit, dum solitudines, recessusque sibi pro foro, sibi pro curia, proque comitijs per summum otium, summamque tranquillitatem habet; Ioannes Medices Cardinalis, is cui Leo. X. nomen postea inditum est, Pont. Max. Romæ creatur. Mos, consuetudoque Pontificum est, ut si quid publicæ priuatæue rei incidat, quod prolato opus non sit, quodque secreto per litteras agi oporteat, si quando, aut regibus, aut ciuitatibus respondendum, aut si quid postulandum ab ijs sit, si quid denique paulo maioris negotij implicitum cum aliquo est, id, quasi per familiares epistolas, transigant: eas litteras cera obsignant; nam publicis decretis in plumbo signum est: earum litterarum scribendarum negotium datur hominibus, ob scribendi prudentiam, atque elegantiam, eruditissimis; ob muneris, locique dignitatem, grauissimis atque honestissimis, ob autem rerum pondus ac magnitudinem, summa fide, summaque probitate præditis: ij magna cura ac diligentia conquiruntur, magnis præmijs euocantur. Eum Leo morem cum vehementer probaret, cumque ad dignitatem pertinere arbitraretur, diligentissimeque

cum



eum retinere vellet, sine vlla dubitatione Bembum accersiri, eique muneri, negotioque præponi iubet. Magnam in spem, magnam in dignitatem vocabatur Bembus: munitissimus enim Leo, liberalissimusque & habebatur & erat: ipsi autem res erat familiaris pertenuis; vix ut necessarios sumptus suppeditaret, idque ipsum magno Caroli fratris, quem sui amantissimum, obseruantissimumque habebat, labore atque industria: confluebant præterea ad Leonis famam ac bonitatem, ut quisque in quaque excellebat arte, aut disciplina; ut propemodum homini erudito, Roma abesse, turpe esset. Huc accedebat reprehensores suos conuincendi studium quoddam; cum quanti suæ illæ artes fierent, quas illi nulli rei esse dicerent, quasque, tamquam nugas ac deliramenta, sæpe Bembo objicerent, ostendendi magna data esset occasio. nec vero a suo vetere instituto, aut a litteris abduci sese propterea arbitrabatur, quippe, qui ad scribendum inuitaretur, qua vna in re omnis sibi cura atque opera posita semper fuisset. Proficiscitur Romam Bembus, cum annos natus esset tres & quadraginta; præponiturque epistolis Pont. Max. nomine scribendis; eoque in munere gerendo datur illi socius, & tamquam collega, Iacobus Sadoletus, qui postea Cardinalis factus est. Scripsit eorum uterque eas epistolas cum plane Latine, quod ante id tempus neque acciderat ulli, nec adeo fieri posse ullo modo homines existimabant; ac, si uerum querimus, ne cogitabant quidem: nostri enim homines, sæpe etiam transalpinæ nationes, sic Latine scribebant, ut suæ quisque ciuitatis tamen loquendi formam, consuetudinemque retineret; ac Latinis uerbis, quamquam ne id quidem usque quaque, Gallice nihilominus, aut Italice, nescio quo pacto, loquerentur: sed eæ epistolæ cum plane Latine a Bembo, Sadoletoque scriptæ sunt; tum uero summa a doctissimis, exercitatissimisque hominibus adhibita est elegantia, summaque dignitas; id quod ex ijs libris intell. gere licet, qui a Bembo editi, epistolas a se Leonis. x. nomine scriptas continent. Cum itaque Pontifici Bembus, homini nec natura hebeti, nec in scribendo rudi,



rudi, cumulatissime satisfaceret, magno ab eo honore afficiebatur: tantum porro in illum suæ liberalitatis Leo contulit, ut, qui Romam pauper tandem uenisset, suis ex fructibus Sest. amplius c x x. caperet, Pontificis plane beneficentia diues factus. Fuit ætas, tempusque illud humanitatis suauitate nimia prope quadam perfusum; ut delectationum multarum studia sæculi illius licentiæ, propemodum omnium permissu, concessa essent: nec enim ne uoluptatum quidem quarundam blandimenta nimium seuerè aspernabantur; sed multa ad oblectationem, multa ad ludum data erant cuiusq; ordinis, cuiusque ætatis hominibus: nec uero religioni habebatur, honestos, grauesque homines in hortis uisos esse; aut paulo liberiore in conuiuio, tymphonia cum caneret, & mulieres accumberent, interfuisse. quam quidem sæculi illius nimium plane profusam hilaritatem, eorum temporum, quæ sequuta sunt, tristitia, uehementer corripuit, magnoque opere castigauit: quo magis uereor, id quod dicturus sum, ne multis secus, atq; est, de Bembo, existimandi aliquid det loci. Sed quoniam nobis susceptum id est, ut de illius uita, non de laude, dicamus, ne hoc quidem reticendum nobis esse arbitrati sumus. Ac fit fere, ut mores, consuetudinesq; locorum, aut ætatum, pro ratione sibi, proque disciplina homines habeant: denique, quod fieri uident, licere putant; atque id, quod in præsentia minus reprehenditur, in posterum quoque tolerabile, concessumque fore arbitrantur. atq; omnino apud omnes gentes, etiam, quæ natura grauias sunt, fieri consueuerunt moribus leuiores. In ea igitur morum, sæculiq; licentia, eximia forma mulier quædam perpulisse Bembum dicitur. neque, diu resistantem, continere eum se a lapsu potuisse, præsertim qui nullis dum sacris initiatus esset: uerum ea, ut temporibus, illis lapsio, ut hac ætate fortasse labes, eum habuit euentum, ut magno, si modo naturam audire uolumus, fructu compensaretur. Suscepit enim ex ea muliere liberos tres; qui ut nominentur a me, res propemodum postulat, nec ipsi nolunt; Lucilium, Torquatum, & Helenam Bembam



bam, feminam lectissimam, quæ cum Petro Gradenigo primario adolescente nupta est: cui etiam liberos ex se se peperit, totiusque orbis terrarum præclarissimam ciuitatem ciuibus nobilissimis auxit: vt, si qui sunt, qui in eo Bembum grauius accusandum censeant, meam illi quidem ad suam sententiam adscribant licet: sed ij tamen se meminerint id improbare factum, quod infectum esse, optare certe non audeant. Nec vero in litteris modo scribendis Bembi fidem atque eruditionem Leo periclitatus est; sed etiam in rebus agendis hominis prudentiam, sollertiamque plurimum adamauit. itaq; cum conspirare aduersus Galliæ regem cum Cæsare Maximiliano, cumque Hispaniarum rege Catholico, ita reip. temporibus postulantibus, cogitaret; misit de ea conspiratione Bembum ad Venetorum senatum, qui eam magnopere ciuitatem hortaretur, vti a Gallorum, qui bus cum consenserat, amicitia discederet, ac sese cum Pontifice, reliquisque conspirationis auctõribus, ducibusque federe & societate coniungeret. Habita est a Bembo in Venetorum senatu ea de re oratio pergrauis sane perque vehemens, quam etiam scriptam reliquit: perlegant eam nostri homines; nihil Italice scriptum, grauius ornatiusue ea oratione, dicent esse. Tenebatur præterea impendio magis Bembus studio signorum antiquorum, idque genus rerum reliquarum, credo, quod eam pulchritudinem, ordinem, partium conuenientiam, quam mente atque animo in scribendo vnus cerneret præ ceteris, ijs etiam minus liberalibus in artibus cum propemodum agnosceret, paulo magis commouebatur. atque omnino fingendi pingendique artem poeticæ ex altera parte aiunt respondere: illa enim animorum, hæ sensuum mulcendorum magistræ: quam quidem ingenij doctrinæque causam, ij, qui nostra ætate eoufque harum rerum cupiditate efferuntur atque insaniunt, magno vt propterea ære in alieno sint, cum afferre homines sine ingenio, sine litteris, non possint, quam morbi furorisque sui rationem allaturi sint, ipsi videant: quid enim attinet, cum animum partim per se, vique sua turpem rudemque,

K



demque, partim malevolentia, inuidia, perfidiaque inquit  
natum gerent: domum modo atq; hortos, villasq; , tot ver  
suris faciendis, tot frustrandis, fraudandisque creditoribus,  
affabre factis signis ex marmore, aut ex ære ornatas habere?

cumq; in dictis factisq; honestatis faciem numquam, ne  
in somnis quidem, aspexerint, decorem pulchritudinemq;  
tanto in ære ac lapidibus opere adamare? equidem nec do  
mum, nec villam, nec uero oppidum umquam, non modo  
exornatum, sed ne satis quidem mundum dixero, ubi illi  
cum ea fæditate, cum ijs animi sordibus habitent. Nam si  
qui sunt, qui talium rerum intelligentiam, tamquam suæ, in  
reliqua vita, munditiæ atq; elegantie, aut rectarum artium,  
in quibus ipsi excellant corollarium quoddam adferant, id  
quod in Bembo usu euenerat, ijs non modo suscensendum  
non est, sed etiam gratiæ habendæ sunt: at, qui omnium di  
sciplinarum expertes, in omni vita rudes atque agrestes, hu  
ius vnus studij commendatione nitantur, aut in eo non vir  
tutis quasi appendiculam, sed tamquam vitiorum ac scele  
rum suorum, ut ipsi sperant, integumentum, ut ego inter  
pretor, additamentum quoddam, quærant; ij non modo  
acriter vituperandi, sed etiam vehementer illudendi sunt.  
Sed cum tenui Bembo valetudine atq; imbecilla esset, cum  
que noctu magnis lucubrationibus, magnis vigilijs scribere  
necesse haberet: nam interdiu, cum a Pontificis latere di  
scedere vestigium vix liceret, cumque multi audiendi, salu  
tandi, deducendi, honestandi, ut Romanus ferebat mos,  
essent; relinquebatur otij nihil; grauem diuturnumq; in  
morbum incidit; ex quo cum ægre ac difficulter conuale  
sceret, nec recreari reficique videretur posse, de medici con  
silio, ipsius Pont. hortatu, cœli mutandi causa, Patauium  
petijt: atque eo anno Leo moritur. Incredibile dictu est,  
quanta animi alacritate, quantaque lætitia Romanis labori  
bus, curisque liberatus, longa sane, annorum nouem, ipso  
rum intermissione facta, optatum ad otium studiumque  
suum vetus sese Bembo receperit; nullum ut urbis urbana  
rumue rerum, aut deliciarum desiderium in eo resedisse, li  
quido



quido appareret. Et vero eos, qui a pueris, bonarum artium studijs dediti, etatem egerunt in litteris, mordere in adolescentia interdum solet, quod a rebus agendis absint: quod si casus eos forte aliquis ab otio ad agendum euocauerit atque traduxerit, nã illi rem totam, quam, incognitam dum haberent, admirabantur, expertam atque perspectam, præ suo uetere studio, contemnunt. quid enim in se continet, quod magnopere aut laude, aut etiam appetitione dignum sit, præclara ista agendi sollertia? si modo rem inspicimus, ac speciosa illa vocabula, communitas, utilitas, salus hominum, paulisper ab hac disputatione facessant, rogamus: quæ enim tota in re non ratio, sed, maximam partem, fortuna dominatur, quamque non prudentia, sed plerumque (non enim libet semper dicere) malitia, regit; quid aut gloriæ, aut iucunditatis inesse possit? quasi enim cum ludas tesseris, neque contra eius ludi formulam ut venias, aduersarioque ut fucum facias, animum inducere velis, si te is, qui cum ludas, contra sine vlla dubitatione circumueniat, atque decipiat, numquam tu tantum scientia atque artificio profeceris, ut cum illius dolo atque fallacia certare possis; sic in hominum vita hac, & tamquam alea, cum viri boni, ut a iustitiæ certa quadam præscriptione, ne latum quidem unguem, discedant, abduci sese nullis aut honorum, aut pecuniæ præmijs patiantur; alij autem vulgo fraude, præstigijs, sæpe periurio, perfidiaque pugnent, vincitur nimirum simplicitas calliditate, ingenuitas impudentia, pudor molestia, fides scelere, veritas mendacio: itaque tardi, parumque efficaces habiti boni inter improbos, ludibrio sæpe sunt.

Careant igitur in signi hac rerum gerendarum laude homines litteris dediti, animo non modo equo, sed etiam hilari; ac sic habeant, nihil fere honestati hominum, in vita hac communi, esse relictum loci; sed scelus pleraque, ac turpitudinem inuasisse; quamque operam dare se reip. maximam plerique prædicent, eam omnem, communis rei simulatione, in sua quemque priuatim vtilitate augenda positam, occupatamque, habere. Vnos omnino excipio Venetos; Nam

K ij

Chri-



Christiana quidem res communis Romæ, non hominum consilio, sed dei immortalis mente, regitur. Vnos igitur Venetos excipio, quorum præclarissima in rep. optabile statum esse versari: quam quoniam peregrinis nobis non licet capeßere; nec vero ea ciuitas, post hominum memoriam, prudentissima ac fortunatissima, nostræ, aut cuiusquam opis eget, illam, vt potest libertatis arcem, prudentiæ gymnasium, iustitiæ domicilium, veneremur: otium autem hoc ignobile litterarum, adolēcentes senesque retineamus, quam quidem Bembus prudentiam studio ac voluntate huius sententiæ auctoribus præclare emensus, re atq; exitu ad extremum vlq; præstare non potuit: nam, cum Patavij multos iam annos esset, in ciuitate quietis ac tranquillitatis plenissima, ab omniq; contentione ambitioneq; longe ac multum remota; cumq; omnem curam, cogitationem, operam, ad ea studia, quæ a puero adamasset, celebranda, contulisset, vel in ijs iam consumpsisset potius, magno quodam casu clementem illam vitam, quietam, tranquillamq; prope iam decurso spatio, atque ætate iam fere exacta, recusans atque ingratissimus coactus est mittere. Erat Romæ temporibus illis, vir summus atq; clarissimus, singulari prudentia, admirabili animi magnitudine præditus, Alexander Farnesius Cardinalis is, qui Paulus III. appellatus est, qui, simulac Pont. Max. factus est, ex tempore tanto imperio ac potestate accepta, vt initium rerum, actionumque suarum ab illustri aliqua laude duceret, faciendum sibi esse existimavit, vt, qui quaque in ciuitate, quibusque in terris homines essent, illustri quadam aut pietatis, aut prudentiæ, aut doctrinæ laude, celebrati; illos ultro ipse, eam dignitatem haudquaquam petentes, ac ne tale quidem quicquam suspicatos, amplissimum in cardinalium collegium cooptaret. ea res sperabat cum pontificatus, collegijque, tot clarissimorum hominum accessione facta, auctum iri maiestatem, tum, specimen se quoque suæ virtutis maximum cum dedisset, magnam de se famam, opinionemque esse facturum: itaq; semel atque iterum, magna cura, magna adhibita



bita diligentia, summos viros peruestigauit atque delegit; quibus grauissimam illam dignitatem, nimio a plerisque opere saepe frustra ac nequicquam expetitam, ultro mandaret: quo facto, opinione maiorem est gloriam consequutus. Sed, ut ut alijs ea res euenit, Bembo quidem perincommode cecidit, quod suo ex otio, suaque e solitudine dulci illa erutus, rursus in eam turbam, molestiamque senex rapere tur, a qua, vix dum inclinata etate, se se tamen cupidissime vindicasset: etenim, cum praestantes denuo gloria viros Paulus conquireret, atque indagaret, quos in collegium legeret, occurrit in primis homini Bembo: is forte Venetijs erat. Gaudeo, gaudeo, optima post homines natos, atque amplissima ciuitas, cum inuestigaretur perquirereturque virtus, ad te iterum potissimum ventum esse. etenim cum bonorum, prudentiumque hominum res Christiana publica egeret, sumpserat a te scilicet, iam antea, Gasparem illum Contarenum, Italici nominis lumen; in quo, cum summa probitas, castimonia, moderatio, prudentia cum summa doctrina atque eruditione contenderet, eius ipsius insignita pietate ac religione longe ea laudes omnes vincebantur: ergo de tua magnorum virorum copia bis suppeditatum paucis annis rei Christianae communi est: semel in Contareno; iterum in Bembo. Ad eum cum Pauli missu Carolus Gualterutius Fanensis, vir apprise bonus, nausque & industrius, venisset cum diplomate, cumque eius dignitatis insignijs, ille enimvero recusare ac deprecari, neque abduci, nunc demum etate confecta, pati se posse dicere, a quiete ac solitudine illa, quam vnquam, rerum omnium iucundissimam, antiquissimamque, iam inde a prima adolescentia habuisset; magnas tamen sese Pontifici, magnas collegio gratias agere atque habere; quod senectutem suam honorificentissimo de se iudicio, clarissimoque decreto tanto opere honestatam uoluissent. cum in eo, multos iam dies, perseueraret, neque de sententia depelli posse videretur, nihil propius factum est, quam, ut Romam Gualterutius, re infecta, reuerteretur. Non sum nescius multos fore, qui nostrae oratio.



rationi hac in re parum fidei habeant: plerique enim omnes, quid de aliena voluntate credendum sit, de sua coniecturam faciunt: itaque incredibile multis visum iri intelligo, Bembum id vere atque ex animo aspernatum esse, quod omnes, fere summa cupiditate, expetendum atque optabile esse existiment; tametsi scribimus hæc recenti huius facti memoria, multisque, qui in agendo adfuerunt, superstitibus, quos, mendacij atque impudentiæ nostræ conscios ac testes, habere, cur velimus causa nulla est. Sed quoniam par eorum peccatum esse censemus, qui mentiri in historia audent, atque eorum, qui dicere verum reformidant, mendacij speciem, verum cum dicturi essemus, non horruimus. Erat perinuidiosum futurum, respui tantam dignitatem, præsertim quæ non honoris modo splendorem, sed etiam muneris contineret officium: eam enim ob causam collegium dicitur Cardinalium a maioribus institutum, ut ij & adsint Pontifici, & ad omnia reip. tempora præsto sint; egerimeque laturus eam rem Paulus erat; quod minui Christianæ ciuitatis maiestas, cuius ipse princeps constitutus esset, videbatur, atque eius priuatim & consilium condemnari, & auctoritas contemni, qui non beneficium modo Bembo a se datum existimaret, sed etiam onus quoddam officij pro sua potestate impositum: ut si de suo ille honore putaret sibi liberum esse reculare, dicto certe Pontificis audientem non esse; in eo uero & collegium, quod sanctum esset, & Pontificem uiolari. itaque adcurrunt ad eum vndique amici ac necessarii; agunt, hortantur, obsecrant, si sua ipse gloria minus moueatur, gentis ac posteritatis tamen memoriam nomenque respiciat; ac tantam dignitatem in domum suam illatam ne ipse a sese abiudicet. Parum primo Bembus eorum moueri oratione; ut pte qui eadem se penumero audisset iam olim prope omnia, ac refutasset: vbi vero ad eum Petrus Landus adiit, qui ciuitatis, haud multo post, princeps fuit; qui vnus apud Venetos magistratus amplissimus est, idemque perpetuus; isque longa atque accurata oratione cum eo agere cœpit, cum ostenderet quantum ea re subiturus esset



set offensionis atque inuidiæ; quam indigne Pont. Max. quam grauer omnem sacerdotum amplissimum ordinem eam ignominiam ferre necesse esset; cumque adderet numquam hæc, sine nutu atque consilio dei immortalis, accideret solere; diligenter videret, ne diuino numini refragaretur; tum vero, animo sane suspenso ac perturbato, hominē Bembus in præsentia dimittit, rem in diem posterum differt; & quoniam religionem sibi iniecisset, diligentius deliberaturum sese pollicetur. Postridie eius diei, cum res homini in religionem plane venisset: fuit enim non uersuta hac, atque ad hominum opiniones captandas simulata, quam in multis videmus, rugis supercilioque horridam, tristitia; sed, vere atque ex animo, pietatis colentissimus; proximum in sanum mane ingressus est. Erat tum forte sacerdos ad aram, atque historiam de ijs, quæ a Christo dicta, aut gesta in terris sunt, quod euangelium appellamus, clara voce, ut mos sacrificium facientibus est, effari incœperat: uix dum pedem in templum intulerat Bembus; ac sacerdos Petre, ait, sequere me. ea vero illi uox, dei prope ipsius ore miti, uisa est. Itaque, cum omnem ex animo dubitationem sustulisset, quasi dei accitu, Romam proficisci statuit. magnus fit domum eius omnium hominum atque ordinum concursus, frequens gratulatio, maximus totius ciuitatis plausus. ille uero, paucis post diebus, siluas, recessusque suos, in quibus placatam, tranquillamque vitam prope omnem traduxisset atque exegisset, crebro appellans, atque identidem respectans, Romam ire perrexit. Vere hoc dicere possum; sic homini hoc discessu hilaritatem prorsus excussam, ut eius pristinam iucunditatem, suauitatemque amici, familiaresque ex illa die desiderauerimus, atque, in omne tempus amissam esse, doluerimus. Cultus est Romæ Bembus cum a bonis plerisque omnibus Contareno, Sado leto, Cortesio, Morono cardinalibus amplissimis, hominibusque eruditissimis; tum uero præcipue a Reginaldo Polo, homine, dei immortalis, dubio procul, beneficio, ex ultima usque Britannia ad nos uecto, uel de cælo potius, si modo



do dictu fas est, lapso; cuius de laudibus, quàmquam de tam præclara ac plane diuina virtute nemo satis digne vquam loquetur, alius mihi profecto dicendi locus dabitur. hoc certe haud facile in præsentia dijudicare audeam; plus ne eam insulam, multis vulneribus Christianæ reip. per summam impietatem infligendis, nocuisse dicam; an, quod in illo solo talis, tantusque vir ortus & procreatus sit, vnde veræ, planeque Christianæ pietatis, vitæque exemplum petere mus; profuisse. Is igitur cum Bembo familiarissime vixit; cumque senis optimi multas, magnasque animi dotes maxime fecit; tum vero apertum, simplexque hominis ingenium, suæ ipsius voluntati atque naturæ consimile ac par, plurimum semper admauit. Sed, cum diligentissime Bembus coleretur a multis, summo etiam a Paulo honore afficiebatur; tantaque apud eum fuisse gratia dicitur, vt nullam vquam rem ab eo postularit, quin perfecerit atque abstulerit: sed enim hoc non solum auctoritatis, gratiæque, fuit, sed etiam moderationis & pudoris. Tum ea erat Bembi, in dicenda sententia, libertas, ea simplicitas, eaque in omni vita clementia atque ingenuitas inerat; vt, si ante eum Paulus mortem obijisset, quod natura postulare videbatur, aliquot enim annos illum Paulus antecessit ætate, creatum iri eum Pont. Max. plerique compertum haberent. Sed, cum equo Bembus forte veleretur, paulum in ostio ad parietem latus offendit, qua ex plaga, homo senex ac debilis, in febriculam incidit; atque ex ea, cum sensim extenuari, conficique se intelligeret, cumque mortem multos dies quasi præstolatus esset, animo non modo forti, sed etiam æquo; vt de sua illa migratione cum amicis interdum etiam iocaretur; diem suum pie, sancteque obiit. Cultus erat iam pridem omni officio Bembus ab Hieronymo Quirino Ilmerij filio; homine partim genere ac nobilitate, partim fide, munificentia, humanitate, morum suauitate ac dulcedine, clarissimo. Is illi statuam mortuo posuit nobili artificio factam ex marmore, atque eam celeberrima Antonij in æde Patavij locauit; inscripsitque in basi in hanc fere sententiam:

propterea



propterea a se illam statuam Bembo statutam, atque in publico positam esse, ut cuius animi simulacra orbis terrarum cerneret, eius ne corporis quidem desideraret imaginem. Fuit omnino perpolitum Bembi ingenium, perque acre; maximeque perspicax, acutumque iudicium; plurima in alios, in se nimium pæne multa inquirens; in seligendis, collocandisque verbis, multum ponebat operæ, atque in ea re magnam cum prudentiam, tum vero etiam diligentiam adhibebat: hoc enim vnum sibi persuaferat esse, quod in oratione nouitatem, & quasi patrijs moribus conseruatis, peregrinitatem tamen quandam effingeret; quæ, cum multum omnibus in rebus admirationis habeat, ob id ipsum plurimum etiam non modo dignitatis, sed etiam iucunditatis adferre solet. ac profecto, quantum intelligere nos possumus, præclare hoc, quod difficillimum semper habitum est, Bembus præstitit, ut, cum minus fere usitate loqueretur, hospitibus speciem tamen effugeret. quod si qui sunt, qui vulgi opinione ducti, quotidianam hanc tritam, communemque dictationem in hominum eruditorum, aut versibus, aut prosa oratione vel postulent, vel expectent, atque ob eam causam Bembi oratione, quæ a plebeio ac peruagato hoc tabernariorum atque opificum sermone longe dissonat, minus delectentur; ij erunt ex eorum numero, qui de ijs studijs existimare aut leuiter, aut nihil possint. C. quidem Cæsar, ut litteris proditum video, & ipse bene loquendi laudem, non populi consuetudine, sed multo studio, multisque litteris, & ijs quidem reconditis & exquisitis, assequutus est; & cum de ratione latine loquendi ad Ciceronem ipsum accuratissime, pluribus quidem libris, scriberet, verborum delectum originem dixit esse eloquentiæ. Iure igitur Bembus, maiore quadam cura, in verbis eligendis torquebatur; præsertim cum Etrusce scriberet: itaque noua, splendida, decoraque eius in primis oratio est: parum enim fidei consuetudini semper habuit; quod ea partim varia atque inconstans, partim etiam vitiosa atque corrupta esset; & quoniam ne Romam quidem, nec adeo Athenas illas ipsas Atticas,

L

qui



quibus temporibus eloquentia maxime floruit, diutius tenere illud potuisse scriptum legerat, vt ne barbarie earum infuscaretur atque inquinaretur oratio; repudiandum sibi hunc sermonem, qui nunc est, statuebat esse; atque eum, qui fuerat in Etruscis olim hominibus purus atque emendatus, cum minus dum exterarum nationum in Italiam confluxerat, addiscendum: qui cum illi non de populo, futili inaninique doctore, discendus esset; sed e veterum libris, grauissimis auctoribus, percipiendus; illud etiam eadem opera adsequebatur, vt eius, dignitatem, grauitatemque haberet oratio: nam quotidianus quidem, vulgarisque hic hominum sermo, e sordidis artibus maximam partem ductus, multum ex officina, multum e taberna, e sella que redoleat, necesse est. Sunt igitur Bembi de ratione Etrusce loquendi libri tres in dialogo mirabiliter scripti; quibus profecto effectum est, ut quod homines Etrusce loquantur, non bene modo iam consuetudinis sit, quam tamen fluxam atque instabilem videmus esse, sed iam etiam scientiae ac rationis, quae mutari nullo modo possunt: quamquam video non deesse, qui, cum cogitandi laborem ferre ipsi aut nolint, aut etiam nequeant, Bembi scripta non tam expurgata, quam religione nimiaque prope uadam attenuata esse contendant. Sed sit sane suus cuique modus: difficile est enim, in omni re statuere quatenus: & tamen, si cum aliorum libris Bembi scripta conferantur, facile iudicium erit: mihi quidem eius oratio vehementer probatur: non modo, quia elegans, noua, splendidaque est, &, vt ita dicam, nobilis; sed, quia est etiam, Isocrateo prope more, vber atque ornata. Sunt etiam eius versus Etrusce scripti, & quidem permulti, graues atque pleni; vt hanc quidem laudem, si modo nos de ijs rebus existimare aliquid possumus, Bembo a ceteris omnibus concedi, necesse sit: in ijs est carmen de Caroli fratris morte: videor mihi hoc vere affirmare posse, neminem vmquam tam plane, tam ornate, tam dolenter quemquam luxisse, atque illis Bembus versibus fratris obitum lamentatus est. Scripsit praeterea volumina epistolarum aliquot: quarum



quarum paulo magis decoram video a nonnullis locutionem existimari . suum cuique omnino iudicium ; eamque ob causam difficillimum est, omnibus æque placere : nam, vt Theognis ait, laudatus a Platone poeta,

οὐ δὲ γὰρ ὁ ζῶν

Οὐδ' ὅντων πάντας αἰσθάνει, οὐτ' ἀνέχων.

mihi quidem, cum has epistolas cum ijs, quæ a Græcis, Latinisue scripta olim sunt, contuli; valde hæ cum illis congruere videntur . Sed pollutas pleriq; lue quadam etiam nunc aures habemus ; nec plane dum e vulgi fæce enatauimus atque emerſimus : paucos enim adhuc bonos auctores Etrusca habuit lingua, quibus lectitandis nostrorum hominum expoliretur, expurgareturque iudicium . Itaque homines ornatæ, factæque orationis insueti, nec pulchritudinem intelligunt, aut cernunt, & splendore ipso præstrikti læduntur; præsertim qui in veterum Græcorum ac Latinorum libris vsque adeo versati, volutatique non sint, vt illorum virtutes aut transferre ipsi in sua scripta, aut in alienis agnosce re non possint : atque Etrusce quidem a Bembo scripta hæc sunt . Latine vero de Aetna ad Angelum Gabrielem scripsit adolescens ; quem video libellum illi postea seni non valde probatum fuisse : de Virgilij Culice, & Terentij fabulis librum vnum: de Guidoubaldo Feretrio, atque Elisabetha Gonzagia ad Nicolaum Teupolum librum itidem vnum, qui valde doctis omnibus probatus est ; a Gabriele quidem Faerno, homine eruditissimo atq; huius generis acerrimo existimatore, in cælum fertur . Sunt etiam Bembi, præter eas epistolas, quæ Leonis nomine ab eo scriptæ sunt, suarum quoque priuatim epistolarum volumina ; ac seorsum epistola de imitatione ad Ioannem Picum libri prope instar, sane perlegenda. sunt prætera eius versus Latini multi, dulces, elegantesq; ; vt me quidem æque propemodum, ac veterum illorum poetarum scripta, delectent . scripsit etiam magna cura, magnaque assiduitate ciuitatis suæ historiam, nudiusculam illam quidem : est enim vnum Cæsarem imitatus; sed puram in primis atque illustrem .

L ij



quorum pariter magis decorum videtur nobilibus hominibus  
non existimant. Iam quidem omnino indubium est quod  
ob causam diffinitionis est omnibus adque placere. Nam  
v. Theophrastus in laudibus Platonis poetas  
et de deo dicitur. Quod si quis vult  
Omnium autem videtur et aliter  
nihil quidem cum his capitulis cumque quod  
tunc scripta omnia sunt contraria. Valde cum illis con-  
trarietur. Sed polluitur plerique quodam cum nunc  
ante habemus. Nec plane quodam vultu faciemus  
que emittimus. Pueri enim adhuc bonos auctores. Iam  
et habuit singulas. Pueri scilicet nostrorum hominum  
exponitur. Iamque homines  
omnes. Sed quod  
telligunt autem con-  
tur. Preterea  
bis videtur adco-  
tunc autem transcripsi in ista scripta. Iamque agnosce  
re non potest. Atque scilicet quidem a Platonis scriptis  
fuit. Iamque vero de Aemilio ad Augustum. Caput scilicet  
pater adolecentis. Quam videtur libellum illi postea sen non  
valde probatum fuisse de Virgili. Cuius & Terentii  
fuit librum vtrumque de Gualtero de Platonis scriptis  
fuit Gonzales ad Nicolaum. Tunc scilicet librum istum  
vtrumque. Qui videtur de omnibus probatus est. A Gabriele  
quidem fuit. Iamque homines eruditissimi ad hunc genus  
carum eruditores in istis scriptis. Iamque boni  
preter ea epistolae. Quae legimus nomine ad totum istum  
istum quodque primum epistolam volumus. Ac scilicet  
istum epistolam de instructione ad Iohannem. Iamque librum  
istum sane perlegendum. Iamque praeceps eius versus latini  
et dantes. Et quidem. Iamque quidem adque per modum  
et veterum illorum poetarum scriptis. Iamque  
tam eruditum. Iamque magnum. Iamque eruditum. Iamque  
tam eruditum illam quidem. Iamque cum vnum. Iamque  
istumque quidem in istis scriptis.





GASPARIS CONTARENI,  
VITA.



VM permultum inter laudationem atque historiam interesse oportere facile intelligerem; propterea quod illa virtutis modo præconium quærit: hæc veritatis in vtramque partem testimonium continet; sæpe mihi de GASPARIS CONTARENI vita cogitanti veniebat in men-

tem, vereri, ne, si eam litteris mandassem, laudare me hominem magis quam, qui eius vitæ cursus fuisset, narrare voluisse, multi arbitrarentur. qui cum commemoratum a me de illo nihil viderent, quod esset a laude seiunctum, quæ reprehensionem habitura fuissent, dedita opera a me prætermissa esse existimarent. Sed cum laudatoris sit, de cuius laude dicit, eius bona verbis amplificare, aliquid etiam alieni adfingere; vitia oratione attenuare, aut etiam silentio præterire, in altero facile præstare possum, ut hic meus commentarius plurimum a laudatione dissentiat: nec enim sermone nostro Contareni virtutem augere conandum nobis est: in altero, ut de eius vituperatione indicem nihil, non nos, sed res ipsa laudationi persimilem narrationem nostram efficiet. Quod si qui erunt, qui cum plus de aliena virtute prædicari sentiant, quam quantum de sua ipsi sibi polliceri soleant; aut egre id ferant,



rant, aut orationi meæ fidem non habeant, ij sic cogitare debebunt; dici hæc a nobis de eo, qui iam non sit: quique cum suæ ciuitatis probis viris omnibus, tum aliarum gentium, exterarumq; nationum clarissimis quibusque hominibus notus, beneq; cognitus fuerit. quorum cum magna pars sit superstes, nulla nobis causa est, cur de mortuo mentientes, tot viuorum, illustrium præsertim hominum, vanitatis impudentiæque nostræ testimonia colligere velimus: clarorum autem virorum laudibus, fauere potius quam obrectare omnes debebunt. mihi certe aut de Contareno tacendum fuit: aut de eo, ni mentiri forte maluissem, cum laude dicendum.

VENETORVM Ciuitas optime morata, optimeque constituta est: id ex eo intelligere licet, quod vna temperatione, vnis legibus, sine vlla seditione, sine ullo intestino malo, annos eorum respublica amplius mille manet: quodque a paruis initijs profecta ad eam opulentiam atque ad id imperium, quod videmus peruenit: complures vrbes, easque magnas atque florentes, socias vectigalesque habet: Corcyræ, Cretæ, Cypri, multis magnisq; insulis, transmarinisque prouincijs dominatur. Classem instructam paratamque habet, quantam nullus rex, nullæ nationes valeant comparare. Ea ciuitas una omnium, de quibus memoriæ proditum sit, libertatis æquabilitatisque maxime amans, maximeque retinens est: quippe quæ durissimis quondam Italiæ temporibus, seruitutem fugiens, e continenti sese in vndas æstusque coniecerit; fortunisque omnibus relictis, vnam modo secum extulerit libertatem, atque in ea tuenda tot sæculorum spatium versata, studium voluntatemque, usu etiam atque exercitatione corroborauit. Itaque libertatis fortasse nomen alibi quoque gentium inuenias; libertatem ipsam puram atque incorruptam, ab omni metu vacuam, vtinam aspicere in aliis ciuitatibus, vti quondam fuerat, deorum nobis beneficio aliquando liceat. Illud salutare institutum mordicus a Venetis retentum est, vt reipublicæ attingendæ,



tingendę præter quam ijs, qui initio in ciuitatem conue-  
nerunt, quique germani Veneti & tamquam aborigines  
sunt, potestatem præterea facerent nemini; nisi si quan-  
do deliberata re, bene de republica meritis, eius vrbis in-  
quilinis, alijsue quibusdam, id ius nominatim ad hodie-  
rum diem concessum est. Ex eo igitur priscorum gene-  
re ciuium Aloisius Contarenius fuit, cum prudens pater-  
familias & locuplex, tum præstans senator & nobilis: at-  
que is Polyxenam Malipetriam in matrimonio habuit,  
feminam primariam; ea, cum aliquot iam peperisset pue-  
ros, neque ij diutius viuerent, ad amicas æqualesque di-  
citur rursus pregnans retulisse; a quibus, ut sunt plerę-  
que mulieres religiosę, admonita esse dicitur; vti qui na-  
tus esset puer, ei nomen imponeretur vnum ex ijs nomi-  
nibus, quibus vocati ij reges sunt, qui ad Christum deum  
nostrum paruulum ac lactantem venerunt: fore enim vt  
vitalis esset. Cum salua igitur paucis post diebus peperis-  
set, puerum nominari GASPAREM iussit, qui primus  
eius familię hoc nomine appellatus est. Is vbi adoleuit  
magna in eo ingenij indoles erat, magna ad litterarum  
studia propensio: itaque facile Aloisius pater, consilium,  
quod de puero ceperat, mutauit: mercaturis enim illum  
faciendis, rei que augendę, quippe cui multę atque am-  
plę multis in locis res rationesque cum multis essent con-  
tractę, filium scilicet natu maximum Venetijs destinaue-  
rat: est enim fere in liberis ciuitatibus, mercaturis rem  
querere, nobilitati quoque non modo non turpe, sed, si  
bono modo fiat, etiam honestum. verum vbi pueri inge-  
nium naturamque, maius quiddam spectare atque polli-  
ceri intellectum est, consilium illud de mercatura fundi-  
tus pater abiecit; neque ulla in re filij voluntati ac studio  
defuit. Is, vbi quod satis esset operę Antonio Iustinia-  
no, Laurentioque Bragadeno Venetijs visus est dedisse;  
nam ij publice a ciuitate constituti erant, qui iuuentu-  
tem in dialecticis, atque in philosophia erudirent: Pata-  
uium profectus, Petro Pomponatio Mantuano, magno



nobilique philosopho, in disciplinam sese tradidit. Erat in adolescente naturæ vis peracris illa quidem, & ut mihi videbatur, peracuta, sed tamen nescio quomodo magnitudine & firmitate potius præstans; & quod maxime rem continet, ad sapientiæ studia accommodatum & tamquam philosophum inerat ingenium: memoria omnino valebat plurimum: huc accedebat animi ac victus uitæ que totius constantia quedam, ut, quam semel instituisset rationem, de ea non defatigatione, non pigritia, non voluptate depelleretur. Opinio est in omni vita re venerea illum omnino usum esse numquam, defixa mens scilicet in eo studio, cui se ab ineunte ætate dediderat: eoque capta atque alta, nihil præterea concupierat. itaque celeriter assecutus est, ut æqualium magister, grandiorum natu magistrorumque tamquam equalis, & compar haberetur. certum temporis spatium, horarum sane haud amplius trium, meditationi & bibliothecæ attributum, & tamquam sepositum habuisse dicitur, cui tempori nec umquam quicquam detraheret nec fere adderet; qui reliquus erat dies in congressionibus amicorum, colloctionibusque consumebatur: eæ de litteris scilicet erant, ut in suo studio, ne cum vacare quidem videretur, cessaret. Idque ipsum, nihil agens, ageret tamen urgeretque propositum, & tamen animum a contentione relaxaret. Illud etiam narrari nobis ab eo ipso meminimus, cum diceret numquam se in omni adolescentia commisisse, ut mane aliquid postridie aggrederetur ediscere, quin prius ea quæ pridie percepisset, diligentissime reminiscendo recordatus esset: vitandam enim a sotorum consuetudinem aiebat, qui crudi sese tamen ingurgitant, quoque magis cibo replentur, oneranturque, minus virium, minus valetudinis habent. in eo igitur cursu, cum sedulitate magis quam contentione aut labore admirabiles progressus efficeret: atque eos, qui in eodem curriculo erant, longo intervallo antecederet, mortem Aloisius pater obiit. Duo de viginti ille annos natus erat eo tempore.



re. liberorum autem magnum sane numerum, filios septem, quattuor filias, præterea magna cum multis contra etiam implicitaque negotia Aloisius reliquerat. Atque odiosum omnino negotium est homini in cogitationis ac doctrinæ studiis occupato, familiaris rei procuratio; ut minus mihi mirum videri soleat, Democritum, nobilem quondam philosophum, ut ea cura, eoque impedimento liberaretur, omnes fortunas suas, sicuti litteris proditum est, abiēcisse. Verumtamen quamquam inuitus ac merens discedebat a litteris, tamen Patauio profectus est: atque eandem illam animi moderationem æquabilitatemque adhibens, fratribus partim in Apuliam, partim in Alexandriam (ibi enim magnas societates Aloisius pater habuerat) distributis, partim Venetijs relictis, bene domi constitutis rebus Patauium reuersus est: studiumque haudquaquam longo intervallo a se intermissum, cupide renouauit. in ea vrbe doctissimorum hominum plena, ac liberalibus artibus affluenti, aliquot annos commoratus est: cum in principibus iam philosophis numeraretur, atque eius nomen plurimum in dies increbresceret. Atque hoc loco postulari exigique a nobis arbitrati sumus, ut, qui eius progressus & quale tamquam iter ad percipiendas fuerit disciplinas, demonstraremus. A primis igitur dialecticæ elementis profectus sic omnem philosophiam perlustrauit, ut illius singulas tamquam oras non videret modo atque inspiceret, quod plerique facimus, sed in vnaquaque etiam illius quasi regione commoraretur & habitaret: itaque illud assecutus est, nihil in ea ut arte, ita copiosa & magna atque varia, tam esset magnum atque arduum, aut tam minutum atque paruum, quod eius aut diligentiam lateret, aut fugeret intelligentiam: nihil autem tam abstrusum aut reconditum, quin promptum illi expositumque, quamuis subito, esset atque ex tempore. Eius nos rei permagnum quondam specimen cepimus: nam cum florentiæ forte essemus, qua ille Roma profectus, iter in Germaniam habe-

M



bat ad Caesarem; erant in ea vrbe, cum alij complures in ea philosophia, quæ de natura est, docti atque exercitati, tum duo præter ceteros PETRVS, Victorius & FRANCISCVS Medices, quorum erat utriusque & natura admirabilis & exquisita doctrina; tum studium ardens in utroque ac peracre vigeat, flagransque & singularis in utroque industria; sed alterius breue tempus doctrinæ augendæ & declarandæ fuit; Victorius qualis vir, quantusque iam tum esset, ea quæ nunc est eius doctrina, libri quæ ab eo editi declarant; ij per eos dies ad Contarenum sane ventitabant, a quo nos quoque non fere discedebamus: hoc affirmare possum, cum omnis inter eos sermo esset de physicis, nullius rei mentionem esse factam a summis illis viris, ingenio præstantibus, animo vacuo, otio abundantibus, studio incensis, tempore paratis, a bibliotheca & litteris recentibus, quin eam Contarenus, & memoria teneret, & intelligentia comprehensam haberet, & oratione tam facile explicaret, quam quæ facillima sunt. Præstabat id non tam credo memoria, qua tamen valebat, ut antea dictum est (natura enim quoque plurimum ille excellenti fuit) quam ipsa, via ac ratione percepta, doctrina: sic enim cum ipsum dicere solitum esse accepimus: Non modo certam artium multarum inter se quandam naturalem esse dispositionem, ut aliam alia suoque loco deinceps tamquam subsequatur, & cum priori posterior quasi coagmentetur: sed vnius quoque eiusdemque cuiusvis scientiæ si quis ordinem, & tamquam seriem conturbauerit atque resciderit, ad exitum perueniri non posse: magnoque in errore versatos superioris ætatis homines aiebat esse, qui multa properantes transilirent; aut vllam artem ediscere se posse dissipatam arbitrarentur, aut mutilam atque hiantem: amputatis enim interseccisque disciplinis progredi perueniri que ad scientiam non magis posse, quam interruptis iter pontibus confici. Vnum autem omnino sibi comitem ac monitorem ad Aristotelis iter, multis sæpe obstructum difficultatibus, Thomam Aquina-

M



Aquinatem asciuerat, hominem non contentionis, sed veritatis amantem. qui & subtilitatem habeat, nec ultra, quam par est, progrediatur acumine, atque idem articulatim partiteq; ac distribute doceat; doctus etiam Græcis Latinisq; litteris erat; Poetas Homerum, Virgilium, Lucretium, Horatium lectitauerat atq; didicerat. Itaq; cum non artis factitandæ, sed eruditionis liberalisque doctrinæ fruendæ causa, philosophiæ se dedidisset, omnes tamen artifices, magistrosque omnes, non scientia modo, sed fama quoque & celebritate facile superabat. Erat hominis vita atque victus non tam excultus atque expolitus, quam cum grauitate quadam simplex ac lenis placatusque; oratio inculta illa quidem atq; inornata, sed hoc ipso, quod omni careret fūco elegans ac cum auctoritate, nulla mollities, nullæ, ne in adolescentia quidem, animi aut corporis deliciæ; sermo nulla assentatione suffusus, nulla animus maleuolentia infuscatus. Et cum festiuitas leposque haud magnopere adesset, aberat etiam rusticitas atque tristitia. Quin etiam hoc ab eo dici memini; de uorare se se certorum hominum (qui in aliqua vitæ parte claudicaret) incommoda aut etiam vitia solere, simulac de bonis quibus illi excellerent, aliquid degustasset. Ac cum Galeatius Florimontius, qui nunc Suessæ episcopus est, vir cum omnibus honestis artibus perpolitus, tum præcipue castus atque integer, tum religione ac pietate in primis incensus; in notandis autem reprehendisque amicorum vitijs vnus omnium maxime acer ac liber, castigatior nonnumquam etiam subamarior, atque is a Contarenis in fratris locum diligebatur. Cum ille igitur nobis audientibus nequire se satis mirari diceret, illum, qui omnium esset mundissimus ac sanissimus, cum hominibus quibusdā, quos ipse appellabat, id quod nobis minime necesse est, qui turpitudine aliqua, tamquam morbo, adfecti atque inquinati haberentur, tam sæpe cōflicari. Quæ ille cum sane commotus ac stomachans diceret. Quid nos, inquit Contarenus, numquam ne ab-

M ij



finthio aut scamoneæ radice curari nos patimur? Quid  
 ni? inquit ille. Ergo, inquit Contarenus, earum potio-  
 num exorbemus sapores tæterrimos, ut succo epoto, illi-  
 us iuuemur vi salutaris; horum vitia, si qua sunt, non de-  
 uorabimus, & tamquam amaritiem perferemus atque exsor-  
 bebimus, ut illorum tamquam vescamur virtute, atque  
 alamur bonis? quid autem ipsis nobis fiet, si amandum  
 statuerimus, nisi qui perfectus absolutusque fuerit, esse  
 neminem? laudare se, quod in quoque probaret, liben-  
 ter aiebat, quod reprehenderet, vituperare non se neces-  
 se habere. Hanc animi equitatem, hanc tam præclaram  
 maximarum artium doctrinam, alia longe ijs maiora bo-  
 na decorabant. Summa integritas, summa innocentia,  
 pietas, non hæc quæ facie, motu, amictu commendatur,  
 quam in multis cernimus, simulata, & specie, atque ora-  
 tione hominum opinionem captans, sed solida, nuda, sin-  
 ceraque, in mente atque in animo inerat. quibus ille re-  
 bus instructus, cum magnum eius esset nomen, magna  
 que non solum laus, sed etiam admiratio, aliquanto citi-  
 us, quam constituerat, Patauio decessit. Nam cum omnis  
 prope dixerim terrarum orbis eo tempore contra Vene-  
 tos conspirasset, tæterrimumque ei ciuitati bellum intul-  
 lisset, afflictis Venetorum opibus, Patauio ipso obsessus, nec  
 multo post amisso, maturius omnino, quam in animo ha-  
 bebat, inuitus, non dum discendi siti scilicet expleta, do-  
 mum se se recipere coactus est. Erat eius ætas non dum  
 firmata, ut reipublice operam nauare posset: itaque in ijs  
 sese studiis aliquot annos continuuit, cum eius domus tam  
 quam bonarum artium gymnasium quoddam ab ijs, qui  
 doctrinæ desiderio tenebantur, frequentaretur. Verum  
 tamen ad rempublicam ubi primum accelsit, eius inge-  
 nium, quod de Hortensio est memoriæ proditum, tam-  
 quam Phidiae signum, simul aspectum ac probatum est.  
 itaque cum tres & triginta tum haberet annos, a ciuitate  
 ad Cæsarem Carolum hunc V. in Germaniam orator  
 (sic enim Veneti appellant) est missus. Legationis mu-  
 nus



nus magnam apud Venetos habet dignitatem, magnam ad summos honores magistratusque adipiscendos commendationem; sepeque a multis vna petitur, & in comitio suffragijs oratores magna ambitione creantur.

Gerebat illis temporibus in Italia bellum Cæsar cum rege Galliæ, cum quo illi antea quoque continentia bella interceslerant, atque cum eo Pont. Max. Leo X. se se coniunxerat: cum rege Veneti conspirauerant, atque omnis impetus belli ad mediolanum confederat, nam eam urbem Gallis Venetisque defendentibus, Cæsaris ac Leonis copiarum oppugnabant. Ad eum, qui cum bellum suæ erat ciuitati, planeque ad hostem ire se Cōtarenus intelligebat, apud quem exploratoris, non legati locum obtinere eum necesse esset, atque ipsa res cogeret. Accedebat etiam quod Cæsarem quibuscum inimicitias exerceret, ijs solere esse amariorem audierat: illisque maxime, qui Gallorum fauerent rebus. Itaque animo sane commoto ad Cæsarem adijisse dicitur; nam & sponte ipse sua verecundus, ingenuo quodam, quod tamen sine segnitia esset, pudore fuit. Verum eadem illa doctrinæ, castitatis, ingenuitatis, innocentie opinio, multo ante eius aduentum ad exterarum quoque nationes perlata, Cæsaris illi animum voluntatemque conciliauerat; nam amare ille plurimum ingenuos apertosque hominum animos dicitur. Itaque ut semel in primo illo, qui ei cum Cæsare fuit, congressu, hilari vultu acceptus & comiter appellatus est, faciles ad eum inde semper aditus habuit: & illo, quamquam ciuitati erat iratus, non modo pacato, sed etiam propicio usus est; ac paulatim, cum eam, quæ antea de se fuerat, opinionem magis ac magis in dies confirmaret atque augeret, iam ipsi Cæsari non modo gratus, sed etiam familiaris erat.

Itaque cum certior factus esset, Gallorum Venetorumque copias in Insubribus suas superatasque, Gallos ex oppido esse expulsos cæde & fuga suorum, qui eam rem nuntiarent Contareno misisse dicitur, atque ijs præcepisse, ut de incommodo, quod Veneti acceperant, retigerent



rent, neque illorum copias in eo proelio dicerent interfuisse: eam in illo sese corporis imbecillitatem aspicere, ut excruciarum eum illam noctem suæ tanta illa patriæ clade nuntiata nolit. In Hispaniam Cæsar constituerat reuerti, neque per Gallorum fines, qua proximum erat iter, quod exercitum non habebat, ire poterat. itaq; per Belgas profectus ad Oceanum perrexit, atq; ibi nauibus conscensis in Britanniam appulit, paucisque intermissis diebus rursus naues soluit, atque in Hispaniam contendit. toto hoc itinere eum Contarenus prosequutus est; cumque in Hispaniam peruenissent, biennium apud eum est commoratus, atque in ea legatione omnino quinquennio consumpto Venetias redijt. Cum illud re confirmasset, quod a Græcis quibusdam poetis mandatum verbis video: Magnam gratiosi nuntij esse vtilitatem. Nam cum omne id temporis spatium inimico inter se animo Cæsar & Veneti essent, ac fere continenter bello inter se contenderent: multa ille tamen ob eam, qua suo nomine erat apud Cæsarem, gratiam, obtinuit: multa suæ ciuitatis mandata confecit: magno quoque vsui reipublicæ fuit: simulque illud est assequutus, ut multarum magnarumque rerum diuturna tractatione ac consuetudine, tot nationum naturis, moribus, institutis cognitis atque perceptis, magnum rerum agendarum vsum, magnamque haberet prudentiam. Itaq; cum diligentiam, operam, curam, prudentiamque suam ciuitati mirifice probasset; absens & in senatum lectus est: qui honos Venetorum legibus non fere diuturnior anno & mensibus quatuor est: & quod olim, exiguis etiam tunc ciuitatis rebus, precibus rogandi erat, t, qui domesticis suis relictis negotijs, ad consilium de publicis capiendum conuenerent, Rogatorum concilium appellatur: eiusque permagna & potestas est & dignitas; quippe cui omnis respublica permissa sit, vicissimque in hac ciuitatis amplitudine ac dignitate a clarissimis quibusque ciuibz summis opibus, summa contentione expetitur. Magnæ præterea aucto-



auctoritatis est in ea ciuitate magistratus, cui ab eo nomen inditum est, quod præcipua, magna atq; ampla procuratio demandata illi est, erarij ac vectigalium; quæ in continenti, Veneti magna atq; ampla habent, nam eum magistratum illi Sapientes terræ firmæ appellant. hanc quoque potestatem Contarenius statim renuntiata legatione, maxima totius ciuitatis voluntate, omnibus suffragijs adeptus est. Habuit de ea ipsa legatione, more maiorum, orationem in senatu vberem ac plenam, cum de Cæsaris ingenio, voluntate, institutis, opibus, copijsq; disfereret; earumque nationum, ad quas adijisset, mores, leges, facultates, consilia exponeret: quæ cum ab eo distinctius scilicet atque eruditius dicerentur, quam Veneratorum hominum aures audire ad eam diem consueissent; tanta diligentia, tantoque silentio atque attentione audiebatur, vt vocis bonitas, qua ille sane exili fuit, non magno opere desideraretur. Non sum vulgi opinionis, iudicijque nescius: arbitrantur enim philosophiam, hominum, vitæque huius communis quasi corruptelam esse quandam: atq; eos, qui in studijs cogitationis ac doctrinæ, paulo vterius progrediente ætate versati sint, homines in solitudine atque in angulis educatos, curiæ lucem aspicere, aut in huius ciuilis turbæ, ac fori strepitu & concursatione, & in rerum agendarum tumultu, & tamquam acie, sine magna animi titubatione negant ausuros esse consistere, hominum consuetudinis imperitos, legum, morum, sermonum, voluntatumque ignaros, atque a communi vita & hominum sensibus, victuque longe multumque abhorrentes: sic uulgo existimant. Sed falluntur sane, multoque id aliter euenit. Nam, qui, tamquam inermes, ad prælium & pugnam; sic nullis aut leuibus doctrinæ præceptis, quasi armis, instructi ad rem publicam accedunt, ij artem, quam facere intendunt, vnam quidem omnium maximam ac difficillimam, reipublicæ patriæque periculo discere coguntur; atque, vt in veteris Græcorum prouerbio est, dolio faciendo figlinam, aggrediuntur



aggrediuntur percipere: idque ipsum de malis auctori-  
 bus, magistrisque sane inscijs atque improbis, vulgo & fo-  
 ro. Quamquam nobilitari homines ijdem Græci in foro  
 aiunt: qui si hoc sentiunt, virtutem, ut maiore in luce  
 posita locataque sit, ita magis magisque splêdescere atq;  
 illustrari, ipsi sane videant, vbi nam eam potissimum in  
 bono lumine collocent: sin illud præcipiunt, a populo,  
 bene viuendi rationem, tuendarumque ciuitatum disci-  
 plinam peti oportere, aut in foro cum reliquis mercibus  
 expositam virtutem venire, ne ego, mihi locum modo  
 demonstrari, magno emere possum. Sed non est ita.  
 Nam sponte quidem sua, aut prudentiam hominum ani-  
 mus atque ingenia non magnopere gignunt; aut huius  
 nobis ætatis, tamquam sterilitas quædam vehementer la-  
 mentanda est. quibus autem opinionibus imbutæ eo-  
 rum mentes, & tamquam consitæ, ad rep. e populi di-  
 sciplina, & quasi cultura prodire soleât operæ pretium  
 est attendere. Nam ij, qui animum philosophiæ præce-  
 ptis excoluerunt, regendarumque ciuitatum artem edi-  
 dicerunt; neq; timidi sunt, quod scientia earum rerum,  
 quas quisque tractet, animum addere, non adimere so-  
 let; neque audaces ac temerarij, quod stultitia ac temeri-  
 tas plurimum ab arte ac sapientia dissident. Reipublicæ  
 vero gubernator ille de populo, nec ignauiam a verecun-  
 dia segregare, neque præcipitem aut pertinacem ciuem  
 seiungere a forti atque constanti magnopere nouit, nisi  
 usu demum atque experientia doctus, cum sæpe lapsus,  
 sæpe deceptus multa in rep. offenderit, & ciuitatis pericu-  
 lo ac detrimento (ut antea a me dictum est) prudentiam  
 didicerit. Philosophia autem, quæ vel maxime in effin-  
 gendis, atque ad virtutem conformandis, hominum sen-  
 sibus atque motibus occupata sit, & vt vt illi morati tan-  
 dem sint, quemadmodum cum ijs consiliari non incom-  
 mode queamus, vias rationesque tradat, neque ab homi-  
 num abhorret moribus, & qui sit optimus reipublicæ sta-  
 tus, intelligit, & quibus artibus, inclinatæ ruentesque ci-  
 uitates



uitates subleuentur, tenet; & ad eas, quę non optimis institutis ac legibus temperatę sint, accommodari se se tamen non recusat: remediaque temporum, locorum, casuumque incommotis adhibet salutaria. eadem multa de hominum vitijs, quęque eorum cautiones sint præcipit. eadem qui, cuique arti, cuique fortunę, cuique animi aut corporis affectioni, mores sensusque comitari soleant, comonet. Ad eam doctrinam tam fructuosam, tamque optimam vbi vsus quōque atque exercitatio accessit, tum uero præclari illi ac singulares ciues existunt: qualis vel in primis Contarenius sua in republica fuit: qui cum ingenuarum artium in gremio educatus & tamquam philosophiæ alumnus quidā, ad agendum descendisset, maximoque sibi usui ea præcepta, quę olim imbiberat, esse intelligeret; suos ciues hortari non desistebat, vt ea peruestigarent, quę de naturis humani generis, deque rerum publicarum gubernationibus a philosophis explicantur. Nec uero occultabat hoc ipse de se; nam a principio, cum primum in senatum lectus fuit, sæpe factum esse aiebat, vt in suggestum ascēdere, sententię dicendę causā, cum cuperet, ausus non sit; quod pudore quodam & rei insolentia retraheretur: eamque rem magno sibi dolori esse solitam; itaque in animo habuisse, nisi eum animi timorem ac verecundiam peruinceret, ad rempublicam posthac non accedere, suumque locum alijs concessurum, quibus ad dicendum animus nō deesset: nec enim uerum esse, fortibus ac strenuis ciuibus ab ignauis timidisque locum præripi. Verum nihil necesse fuit, talis ciuis prudentia ac consilio remp. priuari. nam paucis mensibus, cum se se animo facile confirmasset, sic sententiam dicebat, ut neminem magis prudenter, magisve composite loquutum vnquam fuisse constaret. Docebat ille quidem verbis, quam maxime poterat, proprijs, cum partite ac distincte, tum memoriter ac copiose. animos autem cum oratione minime conaretur impellere, auctoritate ipsa vehementer permouebat & fide, lingua celeri ac uolubili le-

N

porem



pore et ornatu illum oratorium neque adhibebat, neque adhiberi æquum esse censebat: animos enim civium inflecti atque incitari, quo maxime tempore sedatos rectosque eos esse oporteret, cum consilium capturi de rep. essent, turpe atque inutile esse existimabat: eosque, qui magno quodam conatu orationis vim ad sensus atque impetus animorum & motus commouendos admouerent; si id suæ privatæ utilitatis causa susciperent, improbe; si reip. causa, arroganter sine controuersia facere aiebat; quod tantum sibi sumant, ut non communi remp. consilio regi velint, sed suo; quamque ipsi probarent sententiam, in eam ceteros ciues non adducere, sed compellere studerent. Eodem tempore Contarenus Brixie prefectus renunciatus est. cum magistratum Capitaneum Veneti appellant: quo cum proficisci cogitaret: iamque impedimenta imposita in lintrem haberet, repente horribilis nuntius adfertur; Romam a Cæsaris militibus captam, Pontificem Max. in arcem compulsam, urbem ipsam diripi ac vastari. quibus rebus Venetias nuntiatis, magnus subito cum dolor, tum etiam terror inuasit. Itaque mutato consilio Contarenus, cum vereretur alijs armis Brixiam egere, quam, quibus se se ipse assuefecerat, consilio atque auctoritate, eum magistratum recusauit. atque interim otium a rep. nactus, studijs scilicet suis illis pristinis obsequabatur. Bellum, cum grauis hæc plaga accepta est, cum Cæsare Veneti, ac Clemens VII. Pont. Max. communiter gerebant; sed totius imperij summa tradita erat Franciscomariæ Vrbinatum principi, quem illi ducem appellant; eum Veneti suarum copiarum seorsum ducem habebant; nam ciuem terrestres copias ducere, per leges non licet: ac cum deditione facta, Clemens iam complures menses in custodia a Cæsaris militibus asseruaretur, cumque urbis depopulandæ, vastandæ, incendiandæ modum homines feri ac barbari sibi statuerent nullum; cui rei Cæsarem, quod longe abesset gentium, cum maxime cuperet, negant potuisse occurrere: com-  
 moti



moti rei indignitate atq; acerbitate Christianorum principes plerique omnes inter se de Pont. Max. e custodia educendo conspirauerunt. eius rei causa concilium Ferrariae indictum est, quod Alphonsum Estensem, qui eius urbis imperium, a maioribus acceptum, eo tempore obtinebat, maximi animi hominem, rei que militaris peritissimum, adiungi sibi vehementer studebant: a quo cum propter consilium ac virtutem, tum propter oppidi opportunitatem, opes, bellicae instrumenta, quibus ille abundaret, earumque rerum omnium facultates, quae ad bellum uti erant, multa, magnaue auxilia subministrari sibi ad id bellum intelligebant posse. Eo Galliae Britanniaeque reges Legatos miserunt cum mandatis homines nobilissimos; idem & ij, quibus Pontificis Max. salus priuatim curae erat, fecerunt, & Mediolanensis dux Franciscus Sfortia. Eodem Veneti Contarenum mittunt: maxime enim eorum reipublicae intererat eam conficere, propterea quod cum Pontifice, quemadmodum dictum a me est, societate & federe coniuncti, continentibus bellis, non longe ab suis finibus, cum Caesare contenderent. Eo concilio peracto, atq; haud ita multo post pontifice liberato, ad eum Cōtarenus, suae ciuitatis iussu legatus profectus est. Magna erat eo tempore omnium rerum perturbatio, magni Galliae, Italiaeque totius uidebantur motus impendere. quod & Clemēs ipse iniquissimo animo contumeliam, quam acceperat, ferre existimabatur, quod per pacis simulationem circumuentus in hostium potestatem uenisset, quod superbe crudeliterq; tractatus, & in deditionem receptus tamdiu in custodia fuisset retentus, atque ad extremum quod non dimissus, sed elapsus e manibus & cathenis esset: quod omnia exempla cruciatulque in suos editi Romae atque in omnibus vicis, & oppidis essent. Accedebat quod Florentini Hippolytum atque Alexandrum Pontificis fratrum filios, qui ipsius potentia in ea urbe imperium antea obtinuissent, e ciuitate eiecerant. quod ille grauissime atq; in

N a di



dignissime ferebat: eius dolor quam in partem erumperet, expectabatur ab omnibus. Eadem Galliæ regis causa erat: atque condicio: nam & bello superatus captusque, tantum se de uetere uirtutis opinione, deque bellica gloria deperdidisse, maximo erat illi dolori, & sui liberorumque suorum mercatu (ut ipse existimabat) nundinationeque illa Cæsaris hostili scilicet in eum odio exarserat. Tum Veneti multis de causis Franciscum Sfortiam in regnum restitui volebant: atque eam rem ad suam rem publicam magnopere pertinere arbitrabantur. quibus omnibus rebus efficiebatur, vt, in tanta animorum incitatione & discordia renouari in Italia bellum necesse esse, omnibus videretur. Interim Clemens cum Cæsare in gratiam redierat, amicitiamque conciliauerat: & quo liberius in patriam iracundiam exercere posset, iustissimas suas in Cæsarem minuerat inimicitias; & suas illi iniurias aut condonauerat, aut uicissim pacis simulatione, idoneum doloris sui ulciscendi tempus expectabat. Atque cum Cæsaris duces & exercitus, illius nomine Florentiam oppugnarent, faciendum sibi esse existimauit, vt propius ipse accederet: itaque Bononiam se se contulerat. Eo Cæsar quoque ex Hispania venit, ut a Pont. Max. cuius unius ea potestas est, diadema ceteraque imperij insignia acciperet, atque ei aduenienti cum obuiam Contarenus extra urbem processisset, dicitur eum Cæsar per quam longo sane interuallo a se visum agnouisse, atque ijs oculis, eaque vultus hilaritate eum aspexisse, ut id a multitudine, quæ visendi causa prodierat, & omnes vias oppleuerat, animaduerneretur; atque ex ea re coniectura fieret, rem inter Cæsarem & Venetos conuenturam: id quod exitus comprobauit. Nam præter omnium opinionem, in tanta animorum incitatione & discordia, tot ultro citroque illatis acceptisque iniurijs ac detrimentis, cum pacificationi locus vix ullus videretur esse relictus, recessum tamen ab armis est, paxque inter omnes constituta. Quæ res per Contarenum  
acta



acta magna ex parte & confecta, cum suæ ciuitati gratissima atque optatissima accidisset, mirifice eius & gloriam & auctoritatem auxit, vt nullam rem tantam, aut tam difficilem esse censerent, quin eam ille animo & cogitatione suscipere, & consilio tueri, & auctoritate atque industria conficere posset. Memoria teneo me Romam illis temporibus venisse; tantus erat omnium, qui in ea urbe tunc aderant, de Contareni doctrina, prudentia, continentia, pietate, consensus, tantaque admiratio, vt non amarent modo eum, qui tunc erant ciuitatis principes, sed etiam vererentur & colerent. Atque omnino multa præclare legibus sancita sunt apud Venetos, in his, quod vetantur legati ab his, ad quos missi sunt, vlla aut munera, aut beneficia accipere; quod vtinam aliæ quædam ciuitates aut reperissent, aut repertum a Venetis, imitari saltem vellent; ne suos ciues (id quod usu fere euenit) plebsque foris venales, domi hostes haberent. quamdiu enim absunt neglecta, quam susceperunt, rei publicæ cura, a quibus locupletari se sperant, eorum gratiam aucupantur, atque ijs se se venditant: ijdem domum reuerfi, beneficij ac muneribus alligati, atque deuincti, quam patriæ caritatem debent, eam alienis, sæpe etiam hostibus, præstare ac persolvere coguntur. ita dum alij aliorum aut regum aut nationum rem gerunt, deserta nimirum a ciuibus publica res eorum iam pridem labat & corruiat. At Contarenum eæ ciuitates, apud quas magna cura, summaque fide ac diligentia rem suam publicam gessit, præclarissimis muneribus donauerunt: tot enim tamque variarum gentium constantissimo consensu mirifice probatum, summoque laudatum opere, maxima dignitate, estimatione, gloria muneratum, ditatumque domum dimiserunt. Seuerissimis legibus Venetijs ambitus constitutus est; suffragium ne per se, neve per alium quemquam rogent interdictum est. itaque cum a ciuitate ipsa yniuersa, non a singularibus ciuibus nominatim, petendi magistratus sint: idque sæpe (ijdem enim eosdem magistratus,

certis



certis intermissis temporibus, crebro gerunt) vna virtute nixam omnium ciuium ambitionem esse oportet: vt qui sæpissime amplissimas dignitates adepti sint, ij nõ amicorum aut propinquorum diligētia, aut tenuiorum hominum officii, aut etiam fortasse auaritia, sed ipsius reip. certissimum de se testimonium habeant: nam multis locis reprehendendi erroris sui ciuitati facultas datur: itaq; sæpe vsu venit, ut, qui semel primo aliquem honorem cunctis suffragijs assecuti sint; ijdem, iterum petentes, repulsam ferant. Quo maior eorum ciuium splendor est, qui omnium dignitatum cursum & tamquam spatia & circuitum iterum & sæpius sine vlla offensione confecerint; ij clarissimi apud ciuitatem sunt: ijs honos ab omnibus ætatibus, omnibusque ordinibus habetur, ij cum opibus & potentia ne infimos quidem ciues antecedant, dignitate, existimatione, auctoritate, gloria anteferuntur omnibus: eadem est enim ciuium omnium parque species, vna toga, eaque simplex; nullus omnino non modo comitatus, sed ne comes quidem; ut primi ciuitatis (si quis illorum consuetudinis ignarus interuenerit) vni de multis facile uideri possint. Sed ij, quoquo venerint, salutantur, appetuntur: ijs in vijs deciditur, obuiam itur: in curia, in foro assurgitur: vt mihi virtus nudata phaleris omnibus, aduenticijs ornamentis exuta, in vna ea ciuitate sua ipsa pulchritudine & lumine nitere ac splendescere semper sit visa. Prorsus visendæ Venetiæ sunt, non propter vrbs modo eximiam pulchritudinem, nouitatemq; antea inauditam. etenim maximā formosissimamque vrbs, in medijs excitatam æstibus se se e fluctibus erigere, quis non miretur? naues onerarias maximas, passim ad priuatorum ianuam religatas, triremes in plateis nauigantes, quis sine magna admiratione ac voluptate aspexerit? Mihi quidem sic videtur, hanc profecto vrbs si conspiciata modo esset antiquitas, Neptunum nimirum aliquem ex profundo ac latebris excitasset, atque eum celsissima illa tecta struentem ac fabricantem fecisset:



set: qui, tametsi nullus scilicet vñquam fuit: tamen si sit, aut esse si possit aliquis, nullum illi attribui munus aut opus illa vrbe præclarius posset: aut quod magis diuine conueniret naturæ. Sed hæc oculorum, illa animi ex eius vrbis cognitione voluptas capitur, vt equidem sentio, vel maxima, quod vnæ dominantur apud eos leges: ijs & magistratus obtemperant, & ciues eque ad vnum omnes: atque eo usque mihi potentiam execrata prudentissima ciuitas videtur, vt neminem vnum vlli magistratui præesse passa sit. terni, quini, feni, deni imperia, potestates, singulos magistratus gerunt. ut non solum dominos, quo nulla tætrior, nulla oculis detestabilior obijci species potest, aspiciendum ciuibus non sit, sed nedominum quidem imago & similitudo, aut effigies. Quamobrem spectatum exteræ nationes alacri animo Venetias eant; nec vrbis modo causa, quod dicere institueram, sed uel maxime ciuitatis; pulcherrimo totius orbis terrarum spectaculo se se ad eam diem caruisse profecto intelligēt.

Postquam Roma Contarenius redijt, confestim ad summos honorum gradus sine ulla dubitatione uel controuerfia elatus est. nam & maturius, quam ciuitatis consuetudo antea tulisset, Sapiens magnus factus est, & Cōsiliarius. qui duo magistratus summi apud Venetos sunt. neque dubium erat quin, si quis ex diui Marci Procuratorum collegio demortuus esset, eius Contarenius in locum substitueretur. ea una procuratio perpetua Venetorum legibus est; id vnum ad honorum perfunctionem Contareno afuit. Itaque sic in republica versabatur, vt etiam si litteras omnino non didicisset, illustrissimum tamen ciuitatis locum obtinere eum necesse esset. sic autem doctrinæ gloria celebrabatur, vt, tametsi rem publicam attigisset nunquam, ciuium omnium, qui fama ac nomine excellent, clarissimus suo tamen nomine fuisset futurus. Accedebat Christianæ theologiæ singularis quedam atque exquisita cognitio: eaque non scientiæ modo aut ostentationis disceptationisve, sed vitæ ac disciplinæ cau-



causa comparata: ad eius enim præcepta animum mentemque referens, omnes suas cogitationes, consilia, actiones, vitam denique omnem conformauerat atque direxerat: ut non modo ad philosophorum regulas bene beateque, sed etiam ad Christianorum diuinum hoc præscriptum pie sancteque uiueret. Est Venetijs quidam, quasi Romanorum, qui quondam fuit, campus ille atque comitium, quod magnum ab illis concilium nominatur. ad id concilium omnes, quibus ferre suffragium per ætatem licet, statutis diebus conueniunt. ibi cum Contarenus forte esset consiliarius, custosque positus fortibus, quibus Veneti in petendis magistratibus utuntur; nam quorum fors exijt, ij pronuntiant quem potissimum sua sententia ei magistratui, cuius comitia habentur, gerendo idoneum esse existiment: itaque mirifico casu accidit, ut ibi cum esset, in vniuersæ ciuitatis conspectu atque oculis, publice Roma allatæ litteræ sint, in quibus res omnibus noua, omnibus inopinata; illi quidem certe ipsi prorsus incredibilis, scripta esset, cooptatum Contarenum a Paulo Pont. Max. in Cardinalium collegium esse. Legerunt eas inter se litteras primum eius collegæ; a quibus satis magno interposito ille interuallo, ad sortitum urnas, ut dixi, absidebat. Itaque excepta inter legendum vox ab ijs, qui proximi confederant, susurro primum & rumore dubio, bonam euenire, felicem, faustamque eam illi dignitatem precante, ad aures Contareni profluit, ille vero respuere, nec adduci posse ut eam sibi rem narrari saltem pateretur: atque omnino ne aures quidem ad audiendum præbere. Verum recitatis palam litteris magna vniuersæ frequentiæ approbatione ac lætitia, inter se collocuti confurrexerunt collegæ, atque ad eum cum magna, cum lætitiæ, tum etiam obseruantia significatione adierunt. quod ille cum vehementer commotus recusaret, ac se se id ætatis ad aliud vitæ genus negaret posse traduci, ad curiæ vestibulum ab ijs, vniuerso eo concilio comitatus, deductus est. Cumque collegæ,  
hominis



hominis honestandi studio, domum reducere eum summa contentione pergerent, prorsus non tulit. Erat eo tempore inter collegas Aloisius Mozanigus, grandior natu vir, qui apud ciuitatem gratissimus cum esset, princepsque consilij publici haberetur, sæpe a Contareno de re publica disenserat: is ad eum gratulatum cum alijs non adiit, credo quod pedibus erat admodum infirmis. hic clara voce, ut a cuncto exaudiretur senatu, rei nouitate percitus, adiurans, cum frontem feriret ac Paulo malediceret, adfirmasse dicitur maximam ab eo ciuitati iniuriam fieri, quod eam ciue priuaret, quem illa vnum omnium habuisset optimum. Consilio demisso, id enim is conuentus nomen habet, vniuersa ciuitas domum ad Contarenum læta atque alacris confluere cœpit. ille vero suspensio animo incertusque etiam nunc quid ageret, minus multo erat, quam ceteri, hilaris; nec mehercule iniuria. quid enim honos ille homini in re sua familiari ampla atque illustri, in republica principi, in toto orbe terrarum claro atque nobili, afferebat, præter molestias ac labores? mutanda, vitæ victusque quinquagesimo demum anno ratio tota & consuetudo; suæ ciuitatis dediscendi mores, alienæ ediscendi, haud parum quidem ab ea, ad quam ille se se exercuerat, disciplina abhorrentes; viuendum ad vnius hominis non semper prudētissimi, pæne arbitrium atque nutum; comitatus magni alendi, sæpe diu eodem censu; aliæ cogitationes, consilia, instituta, officia, actiones, persona suscipienda prorsus alia. Sunt hæc homini, æquabilitatis ac dignitatis potius, quam potentie atque opum cupido incommoda vehementer odiosa, grauiora ac molesta, præsertim si quis antepartis honoribus tamquam ex saturatus, & parta iam gloria contentus est. Sæpe mihi narrauit vir omnium clarissimus atque grauissimus, quem Romæ his paucis annis a sua ciuitate legatum, summa apud duos Pontifices Max. auctoritate summaque gratia vidimus, Paulum & Iulium tertios (in vtriusque enim tempora eius legatio incidit) Matthæus Dandalus: se se, cum

O vehe-



vehementer auctor Contareno fuisset eius honoris accipiendi, qui non ab eo expetitus, sed ad eum delatus esset, magna contentione ratiocinandoque vix egre ad extremum homini persuasisse, ne committeret, vt Pauli consilium, in quod non ille temere incurrisset, sed sine ulla dubitatione duce Deo deuenisset, aspernari videretur: præsertim his reip. Christianæ temporibus: multos enim fore, qui eam rem aliorum acciperent, atque ille faceret. quique in Romanam ecclesiam impietatis scelerisque ne farij Gasparem Contarenum, virum vnum omnium maxime pium, maximeque religiosum, subscriptorem habere gloriaturi, se seque in eo impudentissime iactaturi essent; quippe qui, cum a Pont. Max. ne beneficium quidem accipiendum sibi esse statueret, quid de causa illa tota iudicaret nemini dubium relinqueret. Hæc cum Dandalus diceret; adderetque, eos, qui Contareno æquissimi futuri essent; suspicatuos tamen esse non ob animi magnitudinem atque æquabilitatem, tantam illum dignitatem a se remouisse, sed propter imbecillitatem atque ignauiam defugisse: perucit homo grauis atq; eloquês, omnique necessitudinis genere cum eo ab adolescentia coniunctus, cum propter affinitatem, tum præcipue propter morum, voluntatum, studiorum similitudinem, vt dubitantem confirmaret: atque in suam sententiam diu multum cunctantem ac tergiuersantem perduceret: qui maximam partem eorum, quæ a me posita in hoc commentario sunt, nos docuit. Omnino verum id est, quod ait apud Euripidem Theseus, cum Herculem, quo tempore ille Athenas in exilium venit, multis honoribus ac beneficijs prosequeretur: sic enim ait. Laudem feremus omnium pulcherrimam vniuersa a Græcia, Fecisse cum memorabimur bonis bene: quod ille Græce optime, nos Latine vt potuimus. Verumtamen is est virtutis splendor, vt non modo ij, qui eius compotes sint, honore digni habeantur, sed etiam si qui honorem illis, qui adepti eam sint, habeant, honorati ipsi & clari ob eam rem euadant.



dant. Id, quod Theseus de se sperabat, Paulus etiam assequutus est: nec enim dici potest quantum in Contareni dignitate amplificanda suam ipse gloriam propagarit. Quamquam fuit ille suo quoque nomine insignibus laudibus ornatus, virque egregie magnanimus & plane maximus. Ab hoc tempore aliud tamquam vite exordium & quasi origo, Contareno nascitur. Antiquiores habentur Venetum mores, propterea quod inquinari se externis consuetudinibus ea ciuitas passa non est. Victu & cultu non modo a luxuria longe absunt, sed etiam de lautitia hac, quæ plerasque Italiæ ciuitates nuper inuasit, per multum circumscripserunt: quippe qui prisco more esse se principes, quam videri malunt. consuetudo autem eorum moderatioq; vite cotidiana discrepat illa quidem fortasse non nihil, sed ita, vt ad summam expolitionem desit forsitan aliquid; firmum autem quiddam ac solidum certe subsit, & leuitate atque ineptijs vacet. quod Romæ contra mihi visum est fieri: aptiores enim in conuictu & congressionibus Romani homines sunt: sed accersito quodam interdum genere, minimeque vernaculo. vite autem cultus lautior est, atque, vt video nonnullos existimare, etiam delicatior. in principibus quidem luxus pene regalis; magnus equorum, iumentorumq; numerus, multitudo familiarium; lauta, splendida, sumptuosa suppellex: ut dedisse mihi operam videantur non modo re magni vt essent atque clari, sed etiam specie ac pompa. Neque eo hoc dico, quod exterarum rerum, quæ ad dignitatem ac decorem pertinent, rationem non habendam esse existimem, aut quo mihi id arrogem, vt vtriusque ciuitatis studia rectiora sint, diiudicare me posse profitear: sed illud affirmo, hanc quasi migrationem e sua in alienam, non illam quidem deterius, sed longe longeque aliter moratam ciuitatem Contareno, ingrauescente iam ætate, subitam ac repentinam necessario molestam fuisse. Verumtamen ita vite victusque mutatio facta ab eo est, vt ingenium tamen, institutaque illa sua pristina re-



tineret: nec vlllos spiritus, tanta facta accessione dignita-  
tis atque fortunæ, sibi sumeret: sed probitas, affabilitas,  
& eadem, quæ in priuato fuerat, facilitas atque humani-  
tas (quamquam inuidiosa illa, tantoque opere a multis ex-  
petita purpura recens induta erat) integumentis inuolu-  
ta, & quasi personata elucebat tamen, & agnoscebatur  
ab omnibus. Nam cum intempestiui ipsi complures,  
molestique sæpe essent, propterea quod omnibus præ-  
sto ille semper erat, admonitus est a suis, non tam faciles  
eius ordinis ceteros se se præbere consueuisse, sed certam  
diei horam constitutam habere, antequam adiri ad se non  
paterentur: neque cuiq̃ sui potestatem facerent. Qui-  
bus ille respondit non se putare honorem illum sibi soli  
esse datum, sed eius partem amicos, partem inopes homi-  
nes & egentes iure sibi optimo vindicare. ad quorum ar-  
bitrium viuendum sibi esse statueret, non ad suum: nec  
enim æquum esse amicorum clientumque negotijs, tem-  
pus, idoneum quod sit, a se præscribi, sed ab ijs ipsis, quid  
rerum suarum occasiones ac momenta exigant, statui o-  
portere. Itaque vt quique ad eum veniebant, statim ad-  
mittebantur, ac quibus operam suam semel esset pollici-  
tus, fidem in eo religiosissime seruabat; vt sæpe tenuium  
aut miserorum hominum causa ad summos reges iterum  
& sæpius adire non dubitauerit: cum id præcipue Chri-  
stiani esse officij contenderet, id maxime hominum ge-  
nus auxilio iuuare, quod maxime opis & auxilij egeret.  
Quod iudicium ipsius etiam faciebat, vt reliquias Græ-  
cæ nationis, multis grauibque malis conflictatas, soue-  
ret, ac; quibuscumque rebus posset, subleuaret. accede-  
bat autem huic animi propensione erga illos, vt miseros  
& durissima seruitute oppressos, quod memor erat vete-  
rum beneficiorum, quæ vniuersi mortales ab erudita ea  
gente acceperant: inde namque & bonas antes, & cuncta  
ingenua studia profecta per omnes terras manasse affir-  
mabat. Nam quin maiores eorum pietatem Christia-  
nam, cultumque hunc optimum nostræ vitæ strenue ad-  
iuuissent,



iuiſſent, dubitari non poſſe dicebat. cum Baſilius, Chryſoſtomus, Nazianzenus quaſi ſigniferi huius ſanctiſſimi doctorum. hominum gregis fuiſſent, qui pectora noſtra excoluerunt, ac ſcriptis laboribusque ſuis ueros ritus, ex ploſis inde falſis opinionibus, eo inſeuerunt. quare oportere nos, ſi grati eſſe uelimus, lapides etiam ſtirpesque eius telluris amplexari, ne dum homines, cum quibus tot artiſſimis uinculis coniuncti ſumus, omni amore prolequi non debeamus. uigebat autem eo magis in animo ipſius hæc opinio, quia illos ipſos ſummos theologos, quos appellauit, ut philoſophos quoque eiufdem gentis, cotidie in manibus habebat. & eorum laboribus, uigilijs que ſe inſtructum eſſe recordabatur. Benigniore eum eſſe, cum res non pateretur, quod proximum erat, fidem diligentiffime præſtabat, ut ad diem, quibus deberet, ſemper perſolueret. quæ res, a potentiſſimis non paucis neglecta, efficere ſolet, ut multis in locis ſit fides anguſtior. neque hoc tantum maioribus, in nominibus cuſtodiebat: ad tempusque his, qui ſe grandiore pecunia iuiſſent, reſpondebat (quod tamen ut faceret ægre & urgente tantum aliqua neceſſitate committebat) uerum etiam aduerſus tenuiores homines, quibus aliquid deberet, ſe talem præbebat. quæ culpa maioribus, eorundem inherens, inquinat non parum eorum ſplendorem; miſerosque illos creditores ad deſperationem & laqueum aliquando adigit. Declarat quâto pere maculam hanc fugeret: quamque omni in re iuſtitiam coleret, vox edita aliquando ab ipſo, quum forte audiſſet diſcetem ſuum iubere minutum quendam opificem cras redire: caſtigatum enim illum iuſſit pecuniam eam ſtatim diſſoluere: addiditque, ſi unde id faceret, non eſſet, ſumeret ex abaco vas, ipſumque diuenderet: arbitrari enim ſe tenuem illum hominem magis mercede ſua, quam ſe argento illo, menſeque ornatu egere. Eodemque pacto toto animo abhorrebat ab indignis graui & honeſto uiro queſtibus: non pauci enim ne deſit ipſis pecunia in minime neceſſarijs ſumptibus, & ut inane



nem splendorem retinere possint, cogunt illam illiberatissima quauis ratione ac sordidissima. Quum igitur eo tempore, quo Bononiam legati nomine obtinebat, qui, pars illius muneris obeundi, illatarum iniuriarum causas audiebat, ita cum eo egisset (putabat enim Contarenum eiusdem animi esse, cuius plerunque sunt, qui negotijs illis implicantur.) Esuribimus profecto: nullum enim emolumentum parit imposita mihi cura: cunctaque in ciuitate concordie atque otij plena sunt: inquit ille: Voluptatem magnam mihi nuntias, cupioq; hunc statum rerum permanere, videreque diem illum, quo ego, vt habeam sumptum vnde faciam, mulam etiam, qua vehor, cum omni ornatu proscribere cogar. Non putavi autem alienum esse has etiam ipsius voces memorie mandare. quum praesertim huiusmodi breuia dicta, quia ab intimis sensibus proficiscuntur, subitoque prolata sunt, in singulis factis ac motibus animi, vt reliquis etiam casibus humanis, videantur in primis mores voluntatemque eorum, vnde erumpunt, indicare: eademque voces multum valere non sine causa semper existimatae sint ad homines informandos, illosq; etiam emendandos, qui contrarijs vitis tenentur. quam causam fuisse puto, cur plures & docti & prudentes viri sedulo multas collegerint, & volumina etiam ex ipsis confecerint. Saepe multumq; ineunte adolescentia cum iracundia, quae paulo sibi consueuisset esse molestior, quasi luctatum, ad extremum prostratam illam & domitam aiebat oppressisse: non modo enim turpe, sed etiam miserum sibi semper visum, ira incitatos a consilio atque nobismetipsis abscedere, quod de se Terentianus ille predicaret, Prae iracundia Menedeme non sum apud me: Bibulum autem illum, qui cum L. Libone fuit ad Oricum (quamquam hoc de Scribonio ab inimicissimo homine memoriae traditum est, & qui quacunque re potuit, existimationem eius semper violauit) sibi nullius pretij hominem videri fuisse, qui cum de compositione agendum esset cum Caesare, ad colloquium non pro



prodiit, ob eam rem, quod furenter consueuisset irasci; ne res maximæ spei, maximeq; vtilitatis eius iracundia impedirentur. Itaq; non modo stomachantem, sed ne commotum quidem visum illum a se vmq̃ esse, qui cum eo familiarissime vixerunt, affirmant. vt nimirum prope patiens ac lentus existimaretur: neq; ijs, qui in epulis, in cubiculo ipsi ministrarent, sæpe cessantibus, sæpe etiam peccantibus, non modo non conuicium faceret, sed ne verbo quidem malediceret. Quod igitur de non nullis doctis viris memoriæ proditum est; vt Socrate, Stilpone Megareo; quum illi natura propensi essent ad aliquod vitium, effecisse tantum eos studio ac diligentia sua, vt nullum vniquam in vita ipsorum vestigium rerum illarum appareret, id vere de hoc nostro prædicari potest: in illisque sine dubio Contarenius enumerari debet, qui vitiosam naturam compreserint: ac quidquid illic aliquod maius malum, si creuisset, ferre potuisset, tenerum adhuc & imbecillum fregerint, & omnes eius fibras extirparint. Superbiorem ipsum (de quo etiam supra non nihil significatum est) copia bonorum, quæ aut a fortuna acceperat, aut ipse suo labore industriaque quæsuerat, non fecerat. in quod vitium passim multi, minoribus multo ornamentis decorati, ruunt. & sane hanc culpam ille, vt scopulum aliquem, magnopere vitabat. quod si vmq̃ in sermone aliquo aliquid a se forte prolatum intelligeret, quod tenuem modo vmbra illius mali retineret, valde dolebat, vt contigit quodam tempore. Cum enim Paulus 111. loqueretur cum ipso de augendo numero sumorum antistitum, ostendissetque se in animo habere quosdam in eum ordinem cooptare, Contareno minime probatos (quod ille etiam præ se ferebat, atque id tunc palam dicebat) videns ipsum suæ voluntati refragari Pontifex Max. inquit, ijs ipsis verbis. Insitum fuit semper Cardinalibus, vt nouis repugnarent, ne sibi alij dignitate exequerentur; respondit igitur ille commotior quam solebat. Noli sanctissime pater ita de me existimare: cognitum. n. tibi



tibi plane est, quot ego nominarim, idoneam prorsus materiam huic operi efficiendo: & vnde fingi possint personæ tantæ dignitati sustinendæ aptæ. nam quod ad me attinet, non puto purpuram hanc maximum esse eorû, quos in vita assecutus sum, honorum. Extrema hæc verba, illa occasione edita; statim vt domum redijt, doluit sibi excidisse. vt qui noluisset specimen aliquod a se vmq̃ datum, aut superbi hominis, aut inanis huius honoris & gloriæ cupidi. Quin etiam dictitabat amplissima sacerdotia plus in se oneris, quam splendoris habere: quoque maiora illa forent, eo molestiæ plus sollicitudinisque continere. quare se sæpe vicem dolere solitum eorum, qui Pontifices Maximi creati forent. quia pondus Aetna grauius humeris suis sustinerent. cuius iudicij Seleucus quoque rex quondam fuit: ille namque dixit; quæ vox eius monumentis litterarum mandata est a doctis viris, vt errorem eorum coarguerent, qui falso putant opulētissimos quosque homines beatos esse, magnisque semper voluptatibus frui, cernentes splendorem vitæ illius ac florem; inquit igitur ille, nescire priuatos illius status incommoda: ideoque magnopere falli in iudicio de illo faciendo. quod si scirent tantum, quam arduum sit, ac molestiæ plenum, tot epistolas scribere ac legere, futurum prorsus vt diadema abiectum iaceret sine honore vlllo: nec quemquam inuentum iri tam stultum, qui ipsum tolleret ac capiti suo imposeret. nec tamen non multo maioribus grauioribusque curis premi necessario illos, si munus suum fideliter obire vellent, qui vitam moresque eorum, quibus præsunt, regendos susceperunt, animosque ab omni labe purgandos, quam qui in eo tantum eximio statu rerum suarum, regnoque conseruando, occupati sunt. Quum igitur hoc crimen Contarenius vehementer reformidaret, ac, si quis vere existimare posset, vacuus prorsus ab ipso foret, non tamen penitus potuit ea suspicione carere. Erat ille in omni suo sermone, factoque integer ac liber: remotus ab omnib. blandicijs orationis: acerr-



acerrimus inimicus vanitatis illius, assentationisque, quæ nunc in locum inuasit simplicis veritatis, libertatisque loquendi, merito quondam magnopere probatæ. ob quod etiam ingenij bonum ferunt eum Carolo Cæsari valde acceptum fuisse, quum ob alias etiam animi dotes ab eo diligeretur. Hæc igitur probitas nuda, experisque omnis fuci ac fallaciarum: quæque, vti eo venerat, ita se Romæ in longe alijs moribus, institutisque conseruarat, causa fuit, vt superbiæ a non nullis insimularetur. quasi ille contemnens ceteros præ se, quidquid sentiret de omni re contra commoda illorum diceret: nec sua quicquam interesse putaret potentioribus aduersari. quam ansam quidam arripientes, ipsum, vt contumacem & inhumanum, apud Paulum 11 I. criminati sunt. quod nimis libere in senatu contra ipsum sententiam diceret, atque honestissimos quosque viros offenderet. ipse vero id diuerso consilio faciebat: neque vt impediret commoda aliorum, sed vt religioni suæ & ei, quod rectum esse sentiebat, feruaret. Vt autem, quod non verum esset, nec ordine factum, quamuis intelligeret se apud aliquos offensurum, accusabat, ita gratiam aliorum astuta simulataque oratione non aucupabatur: cui rei ostendendæ in vtramque partem exemplum hoc satis accommodatum erit. Contigit aliquando, vt eo astante in senatu ageretur de Camarino in potestatem tradendo vni alicui Pont. Max. nepotum, eo genere iuris, quod feudum appellant. admonuit igitur Contarenius Paulum, vt ante quam de tanta re quicquam statueretur, colendæ iustitiæ causa, vacuæque a culpa conseruandæ sanctissimæ sedis, mandaret vt iura Varanæ familiæ, quæ diu in possessione eius oppidi fuerat, diligenter noscerentur: ne iniuriæ aliquid ipsa in ea re acciperet. Hæc sententia, præsentis animo dicta, illa ipsa die per vrbem sparsa disseminataque est: quare Hercules Varanus, qui Romæ tunc erat, statim domum ad Contarenum venit, gratiasque illi maximas egit, causamque ei suam totam commendauit; cui quidem ille, eadem animi

P sim



simplicitate, quod tamen quidam ab agresti inhumano-  
que ingenio profectum potius dicerent, respondit.  
Non necesse erat te mihi isto nomine gratias agere. quod  
enim feci tunc, vt equitati officioque meo satisfaccrem,  
feci. nec quicquam amplius cogitationis suscipiam de ista  
re, prater id, quod mihi fides mea præscripserit, nisi ali-  
quid a Pontifice ipso, quod eo faciat, curæ meæ manda-  
tum fuerit. Blandus aliquis, illa occasione vsus, studuisset  
gratiæ illi, sine vlllo suo labore partæ, nouam gratiam ad-  
dere: animumque honesti viri inani spe, falsisque pol-  
licitationibus, lactasset. Quare mihi venit in mentem ar-  
bitrari non paucis in rebus simile fuisse Contareni inge-  
nium naturæ moribusq; Dionis Syracusani: vt enim reli-  
qua, in quib. ipsis inter se magnopere conuenit, taceam,  
non deerant etiam in regia illa Dionysij filij (vt ab erudi-  
tissimis viris memoriæ proditum est) qui castissimi illius  
& integerrimi viri maximas virtutes & sane easdem has,  
propinquis vitiorum vocabulis deformarent; ac grauita-  
tem superbiam esse dicerent: libertatemque loquendi  
contumaciam vocarent: qui Dion, cum induci non pos-  
set, vt vna cum alijs peccaret, qui se omni genere vitio-  
rum contaminarent, eorum peccata videbatur dissimili-  
tudine vitæ coarguere. Fertur tamen ille durior fuisse  
natura, tristiorque. vnde temperare indolem illam  
summo studio ipsum debere a doctissimo viro, studiosis-  
simoque gloriæ ipsius elegantissima voce dictum est: hor-  
tatus enim est Plato vt Gratijs hostias imolaret, suasitq;  
vt aliquid etiam daret moribus suorum temporum, insti-  
tutisque reliquorum mortalium. non quia id omnino ve-  
rum esset, sed quia ad congressus hominum frequentan-  
dos, benevolentiamque eorundem retinendam, obse-  
quium sæpe necessarium foret. Atque hæc priuati offi-  
cij sunt, illa publici; quod malas consuetudines tollendas  
curauit, illas veteres renouandas; quod multarum legum  
præclarissimarum auctor suasorque fuit; quod in dicen-  
da sententia numquam inuidiam reformidauit; multaq;  
con



contra collegarum suorum commodum sæpe suscepit atque perfecit. Vitiosa quadam consuetudine duabus, sæpe etiam pluribus ciuitatibus, vnus & idem dabatur custos, qui Græco verbo episcopi appellantur: neque in ijs ipsis ætatis progressus expectabatur, qui annalibus Pontificum Maximorum legibus constitutus est; adolescentuli, sæpe pueri, maximis administrationibus præficiuntur. Has atque huiusmodi alias prauas corruptasque consuetudines sua Contarenus sententia delebat: moresque sacerdotum hominum, nimium nonnumquam deformatos emendabat, magnaue sua ipse offensione communem reipublicæ leuabat inuidiam. Non eadem condicione est collegium Cardinalium ceterarumque ciuitatum senatus aut consilium; nam illæ ex ea, quam habent, ciuium copia in suos senatus; qui aptissimi visi sint, legunt. in collegium Cardinalium e toto orbe terrarum, qui aut doctrina, aut nobilitate, aut prudentia, aut probitate, religione, pietate excellunt, si Pontifici Maximo visum sit, eos cooptare licet: eoque factum est, vt summa is ordo amplitudine, summa auctoritate, summo splendore, omni ille quidem tempore fuerit; quippe e Christianorum flore decerptus atque collectus. Verumtamen ijs, de quibus institutus mihi sermo est, temporibus præcipuum quoddam in eo lumen enituit: propterea quod Paulus Pont. Max. magni atque acris iudicij vir, eximia singularique virtute homines nactus, ad eam illos dignitatem vltro ipse euocauerat. vt ei collegio, quod per se antea esset clarissimum, ea re lucis tamen permultum attulisse videretur. Ex hac virorum clarissimorum copia, cum mittendus ad Cæsarem Legatus esset, Contarenus potissimum ad id munus delectus est: causa mittendi ea fuit. Vehementer erat Cæsar anxius sollicitusque, quod Germani, qui plurimum armis possunt, neque præsto illi in bellis erant, neque eum pecunia iuuabant; propterea quod maximis inter se seditionibus de religione contendebant, atque intestinis dissensionibus distenti, nullo



illi vsui esse poterant. Abiecti quidam perditique ac desperati homines, xxxx. fere abhinc annis, iam pridem receptas rataque disciplina Christianae sententias in controuersiam reuocauerunt, multitudinique persuaserunt imperitiae, uti a Romano Pont. quod caput Christianae reip. atque ecclesiae est, desciscerent, se seque in libertatem vindicarent. quod malum tarde initio serpens, ab ijs neglectum a quib. opprimi id & poterat & debebat, paulatim infimae plebis, vulgiquae mulierum, animis, legum vinculis laxandis & dissoluendis, pollicendaque cupiditatum multarum licentia, in fraudem inductis, paucis annis opinione magis adcreuit. idemque nefarius furor, postquam populare existimari coeptum est pietatem euertere, multos quoque principes inuasit. Alios metus impellebat, veritos ne a suis desererentur, si ab illis dissentire pergerent, partim rerum novarum studio, partim leuitate & stultitia, quod Deo immortali, legibusque spernendis, fortitudinis opinionem facere se se de se nonnulli arbitrarentur; partim etiam auaritia, quod sacerdotum maximas amplissimasque possessiones publicatas, inter se partiebantur. multi tamen, quibus esset Deus pro sua ipsorum pietate propicius, veram integramque pietatem constantissime complexi, nullis permulceri illecebris, nullis illicitis praemijs, nullo timore depelli se se passi sunt. eaque a maioribus, quae acceperunt, instituta ad hoc usque tempus fortissimo animo retinuerunt. Sed tanta inter utrosque extitit non modo contentio ac disceptatio, sed etiam concertatio atque pugna, tantumque exarsit odium, ut maximae, bellicosissimae, florentissimae, atque adeo, ante hunc furorem, religiosissimae, optimaeque de rep. meritis nationis vires, opes, & copiae absumptae, in se se ipsa conficienda atque delenda, sint. Quibus rebus permotus Caesar animo & cogitatione in ea cura desigebatur, si per compositionem minui id malum sedarique discordiae possent. qua de re cum omni contentione cum Germaniae ciuitatibus ageret; primo Christianorum omnium concilium in ijs maxime locis indici postula-



fulauerunt, quo adire tuto ipsi possent; is erat locus nusquam gentium: quippe cum ab omnibus defecissent, nec ullis se se gentibus committere auderent, præterquam in eorum ipsorum finibus; ad id concilium vêturos eiusque decretis iudicijsque staturos se se pollicentur. id eo ab illis consilio fiebat, quod Pontificem Max. numquam eo descensurum sibi persuaserant. Verum ubi probari a Paulo 11 I. condicionem, ac ne de loco quidem, cuius iniquitate deterritum iri eum maxime sperabant, recusari senserunt; paulatim regredi, neque in eo quod ultro ipsi postulauerant, manere; dirimi controuersias per colloquium posse; id breuius, expeditius, certiusque esse, dicere; longum esse expectare, dum ex vltimis terris conueniretur. Omnia sibi Cæsar experienda existimabat, si vlla ratione mederi ei tanto malo posset. Itaque deliguntur homines docti ex vtroque numero vnden. ad colloquium venit; magna contentione, magna pertinacia, ab ijs, qui se ipsi Protestantes appellant, disputatur, atque in omni genere calumniæ delitescitur: eos ij, qui ratas veteres sententias esse volunt, Catholicique appellantur, acriter refellunt, constantissimeque in sententia perseuerant. Ad extremum, cum concertationum exitus nullus reperiretur; nec quicquam inter eos conueniret, prorsus disiunctis discordibusque opinionibus, infecta re, a colloquio discedunt: quod, quoniam se absente factum erat, Cæsar sperans Germanos suum aspectum atque auctoritatem reueritos, aliquid de pertinacia atque calumnijs remissuros, iterum deligi homines iubet, qui colloquendi causa Ratisbonam conueniant: atque eo ipse proficiscitur, vt maiore auctoritate de concordia ageretur, si mulque magnopere a Paulo 11 I. per litteras petit, legatum vt ad se mitteret, qui ad rem tantam & tam grauem maxime esset idoneus. Paulus e tanta præclarissimorum hominum facultate & copia Contarenum sine vlla dubitatione delegit, atque hominem in Germaniam mittit; quod is & magnum iam antea eius gentis propter eas causas



fas, quę commemoratę a nobis sunt, haberet vsum, & Cęsari esset gratissimus: idemque innocentię, doctriņę, prudentię, facilitatis, animique moderationis, magna apud Germanos opinione excelleret: quiq; (id quod Cęsar magnopere postulauerat; maximeque ad rem pertinere arbitrabatur) in disputando minime esset ambitiosus, minimeque pertinax: eo cum venisset mirabiliter acceptus a Germania est, & magno in honore apud Cęsarem fuit:

Nam cum omnes Germanię principes, tum rex Romanorum ipse, officij, honorisque hominis causa, domum ad eum venit; & in sacris cerimonijsque solemnibus, datus ei locus est secundum Cęsarem primus: nihilque earum rerum, quę ad homines magnos honestandos adhiberi consueuerunt; in eo prętermissum est. quę, tametsi ordini scilicet debebantur & dignitati, tamen cum alacrius aliquanto, tum etiam cumulatius, quam antea solita sint, personę dicuntur esse persoluta. Accedebat quod Cęsar, iucundissima eius consuetudine & sermonibus delectatus, sæpe hominem ad se extra ordinem vocabat: cumque de grauioribus negotijs, deque republica collocuti inter se essent, multa ad eum Cęsar de suis priuatim rebus referebat; multa de Geometria, multa de Geographia querebat; quibus ille scientijs, quod eę ad rem militarem (quę illi spectanda erat maxime) pertinent, operam multam illis temporibus dabat. illa autem cum in promptu Contarenius haberet, quod puerili disciplina erat in ijs artibus studiose versatus, omnia scilicet certa, dilucidaque respondebat. Quę cum de Contareni apud Cęsarem familiaritate ac gratia, apud omnem autem Germaniam auctoritate & fama, Romam essent allata; ventum est in spem fore, vt res conueniret, mitigatissimeque Contareni lenitate & prudentia Germanorum animis tæterrimę discordię tollerentur. quę res quoniam maiorem in modum illi glorię futura erat, homini vehementer inuideri cęptum est. Nec deerant etiam Romę, qui dicerent, nulla alia de causa ipsum Germanis gratum



tum acceptumque esse, nisi quia aduersarijs indulxisset; ac decreta, quæ pugnacissime defendere debebat, ijsdem prodidisset. Hæ vero graues acerbęque voces ab ijs, qui æquo animo laudem gloriamque Contareni non ferebant, emanabant: nec tantum illic, vbi plurimum ipsi obesse poterant, improbe mittebantur, verum etiam per omnem Italiam fusæ ac diffeminatæ, magnopere illius estimationem ac dignitatem lædebant. quas tamen ille, magno animo præditus, rei que ipsius naturæ non ignarus, primo contempsit, ad eum namque maleuoli hi sermones inuidorum in Germaniam vsque delati sunt; simulque sperabat exitum earum rerum innocentiam suam, fidemque patefacturum: cui sane ipse toto animo incubebat. Contigit tamen tunc, quod sæpe in magnis arduis que rebus vsu venit, vt negotium illud, Christianę reip. magnopere vtile, atque adeo salutare, in medio cursu fractum ac dissipatum sit. id autem magna ex parte factum est malitia fraudeque illorum, qui Cæsaris potentiam, quę multum compositis rebus, Germaniaq; pacata creuisset, suspectam habebant, suisque rebus periculosam existimabant. hi namque non modo veterum discordiarum fibras, vt oportebat, communis utilitatis causa non euellebant, verum etiam nouarum simultatum semina occulte iaciebant, in aures eorum, quibus commissa res erat, insusurrantes, ac falsos quosdam metus eo inferentes. Vt autem astuta hæc consilia rem remorabantur, & ne ad exitum adduceretur impediabant, ita subito exortum est, quod animos Germanorum ad longe alias curas traderet; finemque disputationi illi ac colloquio faceret: hoc autem fuit incursus Turcarum regis in Pannoniam cum maximis copijs, communisque hostis metus: nec enim effecit tunc timor ille, quod plerunque consuevit, magnopere exacerbatis animis, vt stimulum periculum tantum admoueret ad odia extinguenda. & gratiam reconciliandam; sed potius spem, quęcunque erat, malorum illorum sedandorum eo tempore intercidit, ac sustulit.



stulit. Missis igitur sermonibus illis, quod factum est extremo mense Quintili, ceperunt Germani arma: totosque se ad impetum illum coercendum, finesque suos tuendos contulerunt. Cæsar vero aliam rationem inijt eius periculi callido consilio propulsandi; quod a veteribus etiam ducibus non semel vsurpatum fuit, & satis tutum semper vtileque cognitum est: statuit. n. cum classe, quam maximam ædificauerat, ornaueratque, in Africam nauigare: magno namque spatio Solimanus inde remotus, auxilium illis locis ferre nullo modo poterat, & ne maiorem etiam aliquam plagam in Græcia acciperet, non sine causa metuere debebat. Urgebant præterea Carolum, vt hoc faceret, assiduæ preces Hispanorum, crebraque, damna stimulant, quæ cuncta illa maritima regio cotidie accipiebat, ob frequentem irruptionem piratarum. adeo vt mare pene omne clausum illic foret. Quare vt tam grauibz malis regnum illud suum liberaret, deleretque maculam, quam sibi videbatur suscipere ob tantam licentiam prædonum, statuit, vt dictum est, apparatui illius belli non deesse, sedemque nefariorum hominum, si posset, omni ratione euertere: quamuis inimici timoris ipsum arguerent, quod ferocissimum hostem declinaret, ac tellurem, quam maxime tueri debebat, tanto impendente periculo, destitueret: in Italiam igitur celeriter venit. Cum vero muneri, quod sustinebat, non sine magna animi sui molestia finem factum esse vidisset Contarenus, nec se posse amplius nauare operam reipublicæ, vna cum Cæsare reuersus est. Postea vero quam Tridentum ventum est, Imperatorem, vt se dimitteret, rogauit: velle enim se, quum commodè id facere posset, ecclesiam suæ fidei commissam, quæ non longe inde abesset, inuisere: ac, postquam publice non posset, priuatim religioni officioque suo seruire. Venerunt tamen eo tempore Roma a Pontifice Max. litteræ, quæ iuberent ipsum, persona legati retenta, apud Imperatorem esse, Mediolanumque vna cum eo proficisci. in quam urbem ille, vt veteris imperij iuris,



iuris, non multo ante receptam, volebat (vt moris est) cum pompa ingredi, indeque Lucam accedere. quo in loco Pontifex ipse Cæsarque statuerant simul congregari, ac de communibus rebus studiose agere. Accidit hoc in itinere res, quæ vehementer animum optimi viri commoueret: cum enim Brixiam ventum esset, ciuis eius loci, honestus sane vir, ac vetus amicus Contareni, qui ad ipsum salutatum venerat, quæsiuit ex eo simpliciter, quæ mens ipsum impulisset, vt capita, quæ ferrentur prolata ab aduersarijs, adeo absurda, & a vera ratione aliena, in Germania comprobaret. cui statim respondit ille; eas esse meras nugas, rumoresque prorsus inanes, & quos omnium aures respuere deberent. se namque, ne dum anceps quod esset, & in quo scrupulus aliquis resideret, sine auctoritate Pontificis Max. concessurus aduersarijs fuisset, ea etiam quæ rata in primis sunt & firma aliter recepturum non fuisse. non destitit auctor eius sermo nis, sed addidit; rem aliter, atque illi putaret, se habere: neque enim incertam esse, ac nullo auctore prolatam famam illam: se namque litteras vidisse ab eius ordinis homine scriptas, summo viro, quem etiam nominauit, quæ id commemorarent, ac verum esse contenderent. non potuit tunc homo lenissimus sibi temperare, quin stomacharetur exclamaretque; Digna vero merces hæc est meorum laborum: si vera sunt, quæ narras. statimque vt innocentiam suam, existimationemque tueretur, misit epistolam ad Pontificem Max. qua valde questus est de iniuria illa, sermoneque improbissimo, quem Roma profectum, ac per omnem Italiam ab iniquissimis dissipatum, contra dignitatem suam comperisses: rogauitque simul, vt, si penitus eum non aspernaretur, saltem se indicta causa ne condemnaret: nec quicquam de illa re secum statueret, ante quam ipse ad eum peruenisset: sperare enim se facile causam suam probaturum, ostensurumque, laude se ac præmio, non reprehensione aut pœna vlla, ob ea, quæ in Germania gessisset, dignum esse. Cum Medio-

Q lanum



lanum peruentum esset, quæ ciuitas omni genere lætitiæ,  
magnificentiaque apparatus Cæsarem excepit, mirifice  
suo quodam facto Contarenum Carolus decorauit, ac,  
quid sentiret de virtute, singularique probitate hominis,  
notum testatumque omnibus esse voluit: lateri enim suo  
ipsum in omnia ea pompa hæere voluit: cumque hoc il-  
le modestiæ causa recusaret, sequereturq; aliquanto post,  
mandauit humanissimus princeps vni e famulis, vt pæne  
inuitum ipsum traheret ac prope se collocaret, omneque  
id tempus, donec eo perueniret, quo paratum illi hospi-  
tium erat, consumpsit cum eo iucundissimis sermonibus.  
id vero quum personæ dignitatiue datum non sine cau-  
sa aliquis arbitrari posset, tunc tamen existimare, mul-  
tum etiam ad hoc valuisse iudicium, quod fecerat de ho-  
mine, quod putaret, vt qui veræ gloriæ non ignarus es-  
set, eam rem non minus sibi, quam Contareno, laudi &  
honori futuram. Et sane litteris mandatum est, eius no-  
minis primum Augustum Cæsarem, quum primum A-  
lexandream, quam bello ceperat, ingressus est, in magna  
copia honestorum ac clarorum virorum, Areum, grauif-  
simum & eruditissimum hominem, sibi adiunxisse, fa-  
miliariterque cum eo solo in tanta illa lætitia, fortunæq;  
suæ magnitudine locutum esse. quem etiam, vt magis  
eum ciues sui suspicerent ac fortunatum iudicarent, ma-  
nu teneret: erat enim philosophus ille Alexandrinus.  
Sed aliæ quoque res, dum illic mansit, indicio esse potue-  
runt, quantopere Contarenum diligeret: id quod ani-  
maduersum ab alijs opulentis viris, qui in eo comitatu e-  
rant, fecit vt omnes ipsum colerent, ac de illo celebra-  
do quasi inter se contenderent. Cæsar, qui, vt supra o-  
stendi, mare transire statuerat, quæ ad cursum illum ne-  
cessaria erant, studiosè parabat: imperaratq; vt Genuam  
classis, propinquosq; in portus cogeretur. quare, vt id ce-  
lerius fieret, statuit sibi in eam urbem accedendum, inde  
que Lucam eundum, quo Pontifex Max. se venturum si-  
gnificarat. Contarenus igitur breuiore via se Lucam

mural

con



contulit, atque illic, quod maxime cupiebat, post paucos dies Pontificem Max. vidit; qui sane hilari vultu, nulloque signo edito offensionis, ipsum accepit. nec multo post eodem Imperator venit, qui non cessauit etiam in alijs magnis rebus, quas cum Paulo III. egit, multa predicare de prudentia, industria, probitate legati; quibus omnibus virtutibus, in munere illo obeundo, usus fuerat in Germania: nec non questus est, quod Romæ multa falso iactata forent contra fidem & dignitatem ipsius, quum ille integre sincereque personam eam sustinuisset; ac negotia cuncta cum fide administrasset. cui statim sapientissimus senex: quique ignarus non erat artium malarum quibus plerique Romæ vtuntur, aut inuidia commoti, aut, si alios deprefferint, sperantes se in locum illorum inuasuros, respondit, sibi eximie cognitam esse ac probatam Contareni virtutem; seque eam ob causam ipsum tunc in Germaniam misisse; tantumque oneris ei imposuisse; facturumque etiam breui, vt nemo dubitare possit de beneuolentia sua erga illum, ac, quo denique loco eum haberet, se omnibus declaraturum. Non contentus autem hoc Pontifex, vt omnem scrupulum ex animo Contareni euelleret, gauderetque ille secum tam prompto erga se animo fortunatissimi hominis ac tam preclaro testimonio suarum virtutum, notum esse voluit ipsi eum sermonem: simulque suaserit illi, vt contemneret maleuolas voces improborum, nec putaret eas quicquam valere ad existimationem suam violandam. fontem etiam huius mali aperire volens, testimonium citauit veterum poetarum, qui naturam inuidiæ versibus suis expresserunt, moremque illam habere tradiderunt, vt summa loca feriret non minus, quam venti editissima quæque appetere, ac violentius verberare consuerunt: omnique demum ratione, qua potuit, ostendit se eum valde carum habere: cumque etiam gratias amanter egisset pro susceptis laboribus, fecit ei potestatem, vt tot itineribus defatigatus Romam reficiendi sui causa breuiore via accederet: ipse nam

Q 2 que



que vicinitate inuitatus, Bononiam profectus est; indeque Ariminum venit, ac Flaminia denique via Romam reuersus est. non dum autem duobus mensibus transactis, memor eius quod dixerat, de augenda dignitate Contareni, legatum ipsum Bononię declarauit: quę publica cura prouinciaque reliquas omnes superat, quas intra suos fines imperiumque status reip. possidet. Ille igitur hoc nouo onere sibi imposito, vt qui non minus rebus gerendis, quam contemplandis factus erat, Martio mense se in prouinciam contulit. factumque est, vt vi. K. Aprilis in urbem ingrederetur: qui dies apud eos maxime celebris agitur, consecratus genitrici eius, qui salutem nobis dedit. summa igitur letitia totius ciuitatis exceptus est: conataque est illa, quam spem conceperat animo de probitate & prudentia ipsius, externis etiam rebus, honoribusque omnibus indicare: certo enim sciebat futurum sibi illum potius esse optimum parentem, quam durum aliquem & auarum dominum, aut etiam fortunarum suarum expilatorem. in quo certe illi falsi non sunt: vt primum enim res illas attigit nullo negotio cognitum est, non minus ipsum in rebus iudicandis clementia vti & æquitate, quam summo illo iure, quod sepe merito reprehenditur, ac, si quis vere existimet, quod alio nomine appelletur dignum est. Totos dies ille causis audiendis, controuersijsque tollendis operam dabat: nec vnquam molesto sane hoc, & odioso munere, præsertim homini in alijs curis studijsque educato, defatigabatur. hoc autem faciebat: naturamque ille suam, consuetudinemque flectebat, quia veræ glorię deditus erat, ac prodesse mortalibus, quacumque re poterat, studebat. quare quodcumque munus obiret, dignum viribus operaque sua, in ipsum tota mente incumbebat. Erant hæc curę cogitationesque hoc tempore Contareni; procurabatque ille comoda eius nobilissimę ciuitatis: cum repente, inopinante illo, Romalitterę venerunt, quę ipsum ad aliud munus traducerent, in quo sane ille diutius versatus fuerat, quodque omnes



mnēs numeros honestatis in se habebat. Cum enim fedari numquam potuissent vlla vllius opera irē inter Franciscum Gallorum regem, & Carolum V. Imperatorem, sed cotidie magis nouis iniurijs inferendis inflammarentur eorum animi, gerereturque aut pararetur ab ipsis semper bellum tæterrimum, quod in singulos dies reip. Christianę grauisissima vulnera imponeret, & ad internicionem denique redigeret maxime pias nationes, officij sui esse ratus est Paulus Pont. Max. tanto malo, si vlla ratione posset, mederi; tantumque & tam seuum incendium extinguere. quare mittendos sibi esse censuit seorsum ad ambos potentissimos reges, legatos, prudentissimos viros & tanto oneri sustinendo pares: præclare enim sciebat, quanta vis esset in ministris ad vnamquamq; rem efficiendam; hancque curam, omnium maximam, requirere personas in primis sapientia & auctoritate præditas atque ornatas. & non minus gratas acceptasque principibus ijs, quorum animos delinire ac flectere deberent. Elegit igitur, quem ad Cæsarem, in Hispanijs tunc degentem, mitteret, Gasparem Contarenum: & ad Gallorum regem ire voluit Iacobum Sadoletum; ambos viros probos, atq; omni ingenij laude florentes; &, vt collegas in amplissimo sacerdotio, ita multis honestis artibus inter se coniunctos, ac maxime bonis omnibus probatos: quę res gesta est sextili mense. Erat eo tempore Sadoletus Romę. quare significauit per litteras Pontifex Contareno, quid de illo statuisset: mandauitque, vt, quę ad iter necessaria erant, expediret: locum namque ipsius in honestissimo illo munere intra paucos dies in viam se daturum. Hoc accepto nuntio ille, qui nullum vnumquam utilitatis aliorum causa laborem recusarat, quamuis etate iam confectus esset, & satis imbecilla valetudine, æquo tamen animo tulit sibi onus illud imponi. quod si animam etiam in ea legatione se profusurum esse certo scisset: tanta erat pietate præditus, & ita dicto audiens esse summo Pontifici cupiebat, vt ipsam prorsus repudiaturus

non



non fuerit. Appropinquabat sane illi mors; quæ tamen longe alia ratione, & vbi minime expectabatur, ipsum oppressit: nec enim (vt a me nunc diligenter narrabitur) aut laboribus, aut defatigationibus nouis accelerata est.

Agebat Contarenius ætatis suæ annum LIX. in his curis, quas ostendi, toto animo occupatus: partem tamen illarum iam in id munus, quod instabat, deriuans. Incumbens igitur illis, quæ multæ profecto ac graues erant, molesto anni tempore, vt par esset ipsis sustinendis, aliquando reficiendi sui causa se in propinquum vrbi locum conferebat: vbi manens & æstum declinaret, quo conficiebatur domi, & aliquantulum a perpetuis suis laboribus animum relaxaret: nam si quid maioris momenti subito euenisset, facile illuc adibatur; vbi etiam potestatem sui omnibus faciebat. Locus autem valde animo ipsius, temporique illi accommodatus, ac quo plurimum varijs de causis delectabatur, erat facellum Diuæ Mariæ a Monte vocatæ, cuius possessio procuratioque est sodalium Diuæ Iustinæ. Acciderat autem, vt illis ipsis diebus, qui primi Sextilis mensis fuere, fratris filius, illius salutandi & visendi causa, Bononiam veniret, qui superiore anno Patuij inter sodales illos receptus fuerat: vocabatur vero nouo nomine, vt consuetudo est eorum, qui se sacris aliquibus initiant, Placidus. cum autem probus adolescens esset, feminaque non nullarum virtutum in se contineret, a Contareno diligebatur. ille igitur primo apud suos in vrbe mansit in Diui Proculi dicato ipsis domicilio. vt tamen eo facilius frui posset Contarenius, ipseque itidem sitim suam expleret videndi virum, quem maxime optabat, secum sanguine coniunctum, cuius etiam visendi alienigenæ desiderio flagrabant, impetrauit a suis, vt se illic esse paterentur. quæ causa reliquis causis addita est frequentandi recessum eum, diutiusque illic commorandi. Hic collis ab vrbe abest spatio mille passuum, amoenissimus, & natura & arte factus ad animum multis modis paciscendum, atque omni honesta voluptate explendum. & sane,



fane, qui desideria optimi huius viri, gaudiaque cognita haberet: quod non magno negotio omnibus contingere potuit, qui familiariter cum eo vixissent: facile iudicaret paucos illos dies, quos illic traduxit, iucundissimos ei fuisse omnium, quos in vita vnquam degustasset: vivebat enim cum sui amantissimo fratris filio, cumque alijs non nullis comitibus illius, eorumdemque sacrorum socijs, honestis sane viris & eruditis: rem diuinam crebro faciebat; omnisque sermo illic erat de rebus, quibus maxime capiebatur. Cum igitur, vt traditum a me est, calores essent maximi, crebro in porticulam quandam declinandorum illorum causa veniebant: & vt illic frequentius deambulabant, ita etiam aliquando posita mensa cibum capiebant: vergit enim illa ad septemtriones; urbemque ipsam quasi ante pedes positam prospicit, planitiemque omnem, quæ ipsam cingit: quin etiam remotiores vrbes illinc commode cernuntur Mutina, Ferraria, aliaque nobilia oppida. quare non sine causa expectitur prospectus ille, paritque oculis incredibilem voluptatem: quamvis tunc, capto iucunditate illius Contareno, nihil tale timenti, exitium comparauerit: aura enim illa lenis, quæ flabat: frigidiusculusque aër; cum temperamentum corporis ipsius rarius esset, paruoque momento sæpe commoueretur; facile ad imas partes penetravit, sanguineque inflammato abscessum in latere creauit, e genere eorum, quæ ἀποστήματα Græci vocant. quare statim febris consecuta est, quæ septimo die ipsum consumpsit; quamvis magna diligentia summorum medicorum curatus sit: simul ac enim primum cognouit se ægrotare, Bononiam reuersus est. Ipse autem in primis naturam vimque eius morbi mature perspexit: tribus namque diebus, ante quam animam efflaret, omnem rem Ludouico Beccatello, vni e familiaribus suis, quo plurimum in rebus maioris ponderis utebatur, enarrauit. Dixit igitur grauitatem eius morbi non apparere: reconditasque corporis partes magis ipsum oppressisse, quam exterior

res



res male habere: in promptuque esse. addiditque genus id morbi periculum magnum in se continere: quod si vires corporis ex forent, ut spatio trium quattuorve dierum resisterent, sine dubio morbum ipsum impetum suum remissurum: se tamen magnopere vereri, ne contra ipse deficiat; naturaque penitus frangatur: intelligere enim se venæ motum valde imbecillum esse. Cui ille, qui salutem ipsius omni studio prospiciebat, respondit, rogans ut abduceret paulisper animum ab his molestis cogitationibus, rationemque omnem sui curandi in prudentia diligentiaque medicorum positam esse vellet: affirmans præterea Deum optimum maximum, quem semper ille pie coluisset, ipsi præsidio futurum: esse autem accurate incumbendum valetudini recuperandæ, ut cito mandatum sibi munus obiret, iterque ad Imperatorem faceret. Ille vero statim hilari vultu, ad alium longe maiorem Imperatorem sibi iter instare, dixit, idque ipsos breui cognituros: neque tamen se hoc dicere, quia mortem valde perhorrescat, parumque animo æquo ferat se e vita discedere: intelligere enim se præclare quot quantaque beneficia a Deo acceperit, quorum etiam pleraque commemoravit, non gloriæ causa ostentationisque, cui tunc locus minime erat, verum ut se gratum esse erga auctorem illorum significaret. Inquit igitur se ortum esse ea in ciuitate, quæ nulli earum cederet, quæ in vniuerso terrarum orbe existunt: e familiaque, quæ haud postremum locum in ea rep. teneret: consecutumque itidem illic esse honores non paruos: & ut domi, ita etiam foris gradus maximos dignitatis adeptum esse: vtramque vitam se cum laude aliqua coluisse: & eam, quæ in contemplatione rerum versatur, & eam, quæ rebus agendis incumbit: peruenisse ad ætatis annum LIX. quem terminum vitæ non multi attingere potuerunt: quare secum quoque hac parte non male actum esse: canereque se debere vna cum sacro Hebræorum vate carmen, quod ad æquum gratumque animum significandum pertinet, nomenque illius



lius laude gloriaque cumulandum, quia non tam liberaliter se gesserit erga multos, neque tot bonis expleuerit omnem populum gentemque. Vnum tantum sibi molestum esse, quod, ut optabat, commodis quorundam tenuiorum hominum non prospexerit, qui sibi, postquam ad sacrum illum honoris gradum ascenderit, fideliter ministrarint: sperare tamen se Deum optimum max. Pontificemque, cuius dignitati toto animo inferuierit, fortunas eorum subleuatueros. Nec oblitus est suo opportunoque tempore mandare custodi ipsius, ut priuilegium, quod beneficij loco a Pontifice impetrarat, ad delicta penitus abstergenda traditum, sibi legeret, dum mente orationeque consisteret. Cum hæc animo versaret, sane constanti ac forti, atque hoc sermone semet consolaretur; suos, qui præsentès aderant (ij autem erant, ut quisque maxime illi acceptus probatusque fuerat) angebat, atque ita perturbabat, ut lacrimas vix tenere possent: a quibus tamen sibi diligenter temperabant, quamuis intelligerent ne magna quidem copia ipsarum spectante illo effusarum, posse ipsum commoueri, & e statu illo animi deijci. Eadem vero hominis prouidentia in intelligendo, prædicandoque suis vitæ suæ fine, exitu ipso comprobata est, quæ in ceteris rebus iudicandis significandisque sæpe apparuerat: crescente enim semper vi morbi, remedijsque omnibus superatis, oppressus ille est; animamque efflauit. K. Sept. meridie. Quamuis autem horas circiter sex antea voce orbatus esset, non tamen sensu animi, intelligentiaque extremo illo tempore caruit, ut certis quibusdam notis indicijsque perspectum est; confiditque clementia conseruatoris nostri, ut Christianum virum decet; & cum aliter non posset, se spem omnem suam in eo collocatam habere nutu, admonitus diligenter de hoc, significauit. Ut vero se constantem in hoc, maximeque piæ præbuit, ita, quæ moris est consuetudinisque, non solum magno, verum etiam alacri animo geri, custodiri que passus est. quæ sane, ut nuntia mortis, perterrefa-

R ciunt



ciunt plerofque; ac valde omnes, qui non firmas radices egerunt in persuasionem Christianam, perturbant. Reliquit vero ille discessu suo suos omnes mœroris ac luctus plenissimos: vt vniuersam quoque ciuitatem dolore magno adfectam, quæ sane, quacumque ratione potuit, funus illius honestauit, & quam molesta ipsi optimi custodis mors fuisset, planum fecit. die autem, quæ secuta est mortem ipsius, funus ductum est. Orationem de laudibus eiusdem, & honeste acta cuncta vita, habuit Romulus Amazeus, disertus & nobilis orator, qui tunc in ea vrbe, domicilio quodam vetere omnium disciplinarum, & humaniores litteras docebat, & negotia publica reip. administrabat. corpus in Diui Proculi depositum est, eo consilio, vt Venetias postea comportaretur, in sepulchroque maiorum ipsius, clarissimorum virorum, collocaretur: Paulus III. nuntio allato de obitu Contareni, ægre admodum illum tulit: declarauitque quanti hominem fecisset, omni genere liberalitatis vsus erga domum illius. nec tantum Pontifex Maximus, qui sæpe opera ipsius fideli & vtili vsus fuerat, verum etiam Romæ ceteri probi viri morte ipsius vehementer conflictati sunt. nam, quantum luctum eadem in patria excitarit, non facile dici potest. omnes denique, qui aliquando doctrinam illius gustarant, singularisque probitatis hominis specimen aliquod acceperant, publicam illam cladem existimarunt. Cuius autem collega quoque ipsius in amplissimo sacerdotio Petrus Bembo quantum dolorem cepisset ex graui morbo Contareni, desperataque iam a medicis salute, notum omnibus esse voluit: in epistola enim ad Flaminium Tomarotium, quomodo adfectus animo esset audito casu illo, & propinqua morte optimi & honestissimi viri, diligenter narrauit. Verbis ipsis, quum illustri loco posita sint: alioque sermone edita, supersedebam. Possem etiam aliorum multorum, doctorum & excellentium virorum, testimonia citare, qui quantum damnum morte illius factum esset, scriptis suis testati sunt:

in



in quibus etiam non nulli, qui ab eo vehementer dissen-  
tiebant de ratione viuendi, veroque cultu Christiani ho-  
minis, & acerrimi aduersarij opinionum, quas ille in Ger-  
mania defendit, extiterunt: magnifice tamen de eru-  
ditione continentiaque illius in illis ipsis libris, quibus  
sententias ipsius oppugnabant, locuti sunt. quod fere  
vsu venire non solet, vt a quibus de veritate homines dis-  
sentiant, non eosdem etiam conentur deformare, atque  
ita auctoritate omni ipsos spoliare. Et quoniam de do-  
lore, quem illo tempore cepit Paulus 111. mentionem  
feci, libet etiam commemorare, quod ab eodem illo fa-  
miliari Contareni, & omnibus officijs cum eo coniuncto,  
Ludouico Beccatello, honesto in primis & fide digno vi-  
ro, accepi, ad id confirmandum vehementer accommo-  
datum: declarat enim mansisse diu in animo Pontificis e-  
gritudinem hanc, ac leui quoque momento refricari so-  
litam tantam plagam. nisi forte aliquis putet sapientissi-  
mum illum senem cotidie magis, in magna penuria ta-  
lium virorum, cognouisse quantum incommodum olim  
acceptum fuerit obitu eius viri, qui vt quietorum tempo-  
rum ornamentum ingens, ita perturbatorum præsidium  
firmum erat: quum enim ad se illum euocasset, opera  
ipsius quibusdam in rebus vsurus, diligenter ex eo quæsi-  
uit, an præsens forte ille adfuisset, quum fato Contare-  
nus functus est: rogauitque vt diceret aliquid de institu-  
tis & vita illius. cui statim, mihi affirmauit ille, se respon-  
disse id, quod erat: mirificam fuisse Contareni integri-  
tatem fidemque in ijs omnibus rebus gerendis, quæ man-  
data illi ab ipso forent, intelligeretve ipse sua sponte, face-  
re ad dignitatem Romanę reipub. conseruandam: virum-  
que illum vera probitate præditum fuisse, non ficta ac si-  
mulata, quam personam plerique, vt eo perueniant, quo  
cupiunt, sibi callide imponunt: vnumque omnium Con-  
tarenorum veteres ac maxime ratas opiniones & animo pro-  
basse, & verbis etiam semper defendisse. quo sermone ac-  
cepto commotum Pontificem Maximum, qui deambu-

R 2 labat,



labat, stetit, manuque iterum percussisse mentem prope positam, dixisseque non sine gemitu quodam ac suspirio, quod indicavit, euulsam fuisse penitus omnem ex animo ipsius suspensionem, quæ quondam eo inculcata de illo vocibus maleuolorum fuerat. Amisimus profecto magnum virum, ac valde utilem reip. nostre ciuem. sed, vt alia, ita hoc magno constantique animo ferendum.

Quoniam autem non semel dictum est in hac vita de magna labe animi quorundam, quum ab ipso illo vitio magnopere Contarenius abhorreret, qui alienam personam induentes (vnde Græco vocabulo, sumpto ab actoribus fabularum, vulgo *ὑποκριταὶ* appellantur) & eam quidem semper meliorem, vel optimam potius omnium, longe alij videri volunt, quam vere sint; atque ita magnis in rebus imponunt simplicibus hominibus, nihil inde mali suspicantibus, vnde plurimum ipsos expectare oportebat; non alienum esse duxi de hoc etiam disserere: & si enim numquam defuerunt, qui fallacias & dolos horum nefariorum hominum aperirent, ac maxime illos esse cauendos in vita admonerent, numquam tamen ita probe viri eruditi & instructi fuerunt, vt satis possent artes eorum intelligere, atque insidias etiam vitare. In primis autem in pietatem nostram Christianam, quæ tota in simplicitate animi fundata est, radices egit, atque incommoda sepe magna apud nos peperit hæc fraus. Quo maiore odio digni sunt hi pessimi mortales, qui in re, quæ quo magis pura integraque est, eo magis probatur, astutis consilijs vtuntur, ac dolos malos exercent. Hoc etiam aliquo modo significasse videtur doctissimus vir Plato, qui, hoc genus humanum notans, inquit, postremam iniustitiam esse, videri velle optimum virum, quum minime sis. Idemque ab Aeschilo, non solum graui poëta, sed etiam docto in disciplina Pythagorea prolatum est, quum ferret in cælum magnis laudibus Amphiaræum, summum illum augurem, eundemque sanctissimum virum: inquit enim ipsum non studuisse quod mul

ti



ti faciunt, ut videretur optimus, verum ut esset. nam quod nos, malis multis doctos, reddunt etiam aliquando dubios & incertos, faciuntque, ut probos honestosque viros ab improbis & impuris distinguere nequeamus; non dici etiam potest quantopere hoc pacto obliint, cum apud Euripidem etiam sapiens antea semper habitus Thefeus, eo nomine suspectam habuerit eximiam probitatem, castitatemque filij: in simulatus enim falso Hippolytus, quod cubile ipsius violasset, quum se ille apud eum purgaret, quod vita sua ab eo scelere valde remota esset, fidem ea de causa non fecit: timuit enim pater ne tenuis victus, cultusque, quo filius delectabatur, abstinentiaque a vescendis animantibus, simulata foret: simulque ne disciplina Orphei, quam ille profitebatur, familiaritasque demum Dianæ, in qua se valde iactabat, ficta esset. quare in alteram partem miserabiliter peccauit. Sed eo redeamus vnde digressi sumus. Idem etiam intimus consilij Cōtarenus: nec minus studio sus famæ existimationisque huius optimi, ac pudentissimi viri, quem sibi in vita tamquam viuum quoddam exemplar probitatis proposuerat, notam, quam improbe vitæ ipsius inurere præposterus quidam amicus studuit, hoc pacto deleuit. Narrat enim forte euenisse, ut illo ipso tempore, quo grauius Contarenius egrotabat, Bernardinus Ochinus, illæ nouæ condendæ Franciscanæ familiæ dux & auctor, Bononiam venerit, Romam ad causam dicendam euocatus: in simulabatur enim in ijs contionibus, quas Venetijs habuerat, non nulla dixisse, quæ veteribus decretis Romanæ reip. aduersabantur: additque habuisse illum litteras ad se scriptas a Giberto episcopo Veronensi, quibus a se petebat, ut diligenter ageret cum legato, ut hortaretur hominem ad sistendum se in iudicio: coramque ad ea, quæ ipsi obijciebantur, defendenda: quum cognouisset ipsum timide ad id descendere, egereque stimulo quopiam & auctoritate magni alicuius & grauis viri: neque enim adhuc Gibertus hominis leuitatem inconstantiamque perspexerat:



xerat: is autem vesperi venerat, quoniam iam cenassent omnes, legatus tamen adhuc in lectulo vigilaret: qui, quoniam speraret morbum postridie leuiorem fore, ut commodius eum audire posset, loqui que cum suo familiariter, iussit ut præberentur illi, quæ ad curandum corpus pertinerent: contigisse vero contra, ut ea nocte morbus ingrauesceret: quare mane legatum totum distentum fuisse in remedijs, quæ medici adhibenda iusserant, fumen dis, nouisque curationibus: unde factum fuerit, ut neque de hospite illo, neque de alia vlla re agi cum eo potuerit. Bernardinus interim, cui in primis mala sua mens, malusque animus cognitus erat: atque umbras etiam, ut, qui si bi alicuius sceleris conscij sunt, faciunt, reformidabat, coepit vereri ne astute illic detineretur: putabat enim fingere morbum legatum. quo metu homo oppressus (nam hoc verum esse non multo post e consilio, quod cepit perspectum est) non cessabat Ludouicum urgere, ut rogaret legatum potestatem sibi faceret abeundi; in quo ille ipsi non obtemperabat, putans breui fore ut melius esset legato: videbatur enim sibi prospexisse cupere illum magnopere cum Bernardino loqui; qui sane usque ad id tempus magnum sibi nomen ex facultate illa dicendi, & opinione sanctitatis conciliarat. Cum autem, magis magisque semper timore crescente, instaret, Ludouicus importuno sane tempore coactus est, cum æstu febris in lectulo legatus iactaretur, eo irrumpere, rogareque ut pateretur ipsum abire: in quo sane humanissimus vir ei morem gessit. quumque ad eum Bernardinus introductus esset, hæc ipsa verba protulit. Vides quo in statu sim. excusatio hac apud te iusta sit: & ora, ut Deus opt. max. mihi propicius sit: feliciterque institutum iter perage. cui ille tantum, demisso (ut moris est) capite respondit se prorsus ita facturum: illicoque abiit. Hic est sermo, quem Bononiæ habuit cum sanctissimo, & modestissimo viro Bernardinus. nec verbum præterea additum est. qui tamen postea, quum susceptam vitæ rationem deseruisset:



set: acerrimumque se hostem Pontificiæ potestatis præ-  
buisset, vt se sapienter id fecisse ostenderet: a perdita que  
causa & flagitijs multis contaminata, merito defecisse: ha-  
bereque se multos socios eius consilij probare vellet, non  
veritus est criminari amicum, memoriæq; ac litteris pro-  
dere: questum secum esse eo tempore Contarenum de  
moribus institutisq; Romanorum antistitum: & infecta  
tione sæua atq; iniusta bonorū: huiuscemodiq; alia mul-  
ta scribere prorsus inania, & quæ non solum a veritate  
abhorrent, sed etiam vitæ eius, cui adfecta erant, nullo  
modo conuenirent. quæ cuncta Ludouicus (vt est vir o-  
ptimus & omnis officij, quod in amicitia coli debeat, o-  
bseruantissimus) asseuerabat, refellendi eius mēdacij cau-  
sa, & purgandæ innocentia viri illius mortui, quem vi-  
uum magnopere dilexerat, nec tantum hoc se ita habere;  
testimonio suo confirmabat, sed alios etiam testes huius  
rei producebat, qui præsentibus illic adfuerant: in quibus  
etiam nominabat Iulium Contarenum, fratris legati fi-  
lium: qui post eius mortem & ob naturæ probitatem, &  
ob commendationem patrui, creatus est Pont. Ciuitalis,  
cui præfecturæ regendæ præpositus antea fuerat. Cum  
hoc tanti momenti sit ad integritatem Contareni o-  
stendendam, abstergendamque maculam illi falso asper-  
sam, volui totam rem, vt factam eam accepi: ac pene ijs-  
dem verbis, quibus mihi exposita est, commemorare.  
Rebus autem gestis ab eo dum vixit enarratis, nunc quæ  
monimenta ingenij reliquerit, fructusque otij ipsius in-  
dicabo. prius tamen, quod adhuc valet aliquid ad confir-  
mandam doctrinam hominis, testimonium de ea re gra-  
uissimi & eruditissimi viri citabo: quod additum supe-  
rioribus testimonijs, quæ prodidi de eximio ingenio ipsi-  
us, præstantique cognitione omnium disciplinarum, ve-  
ra esse declarabit: simulque non sinet quempiam dubi-  
tare, quomodo ille, in vita plerumque occupata, tot tam-  
que præclara opera efficere potuerit, quæ multum etiam  
posteris profint, perpetuoque testentur, qualis ille, quan-  
tus



tusque vir fuerit. Ludouicus igitur, cui cognomen ferrei oris fuerit, nobilis philosophus, & qui multos annos in Bononiensi gymnasio summa cum laude & admiratione omnium, qui aliquando ipsum disputantem audierunt, matrem eam omnium optimarum artium coluit, mortuo Cōtareno, quum sermo ipsi esset institutus cum honestis quibusdam viris de damno, quod eo tempore factum esset interitu illius, plurimisque animi dotibus, ac maximis virtutibus, vna cum eo extinctis, inquit doloris plenus: (nam virum eum valde dilexerat, in familiaritatemque se eius insinuarat illo tempore, quod legati nomine urbem eam rexit.) Ego, quod mihi videor meo iure facere posse: nec enim malum me omnino esse existimatorem harum rerum arbitror; adfirmo hunc hominem omnibus, quos aliquando cognoui in philosophię studijs merito laudatos, qui sane non pauci fuere, pręstittisse & scientia multarum rerum; & iudicij firmitate; ipsumque vere philosophi grauissimo nomine dignum fuisse iudico. Certe quum ego de aliqua re, propria eius studij, cum eo differebam, videbar mihi prę illo minus quidam philosophus esse, vel potius nouus quispiam auditor, & plane rudis eius artis, quam profiterer. quare ad ipsum sæpe me conferebam, vbi locus aliquis obscurior mihi negotium facesseret: in qua quęstione quum paulo antea ipse toto animo versatus essem, & aliquas etiam horas, euolutis pluribus voluminibus, pręterita die consumpsissem: ille vero, vt existimari potest, spatio multorum annorum nullam cogitationem de se ipsa suscepisset, ita tamen apte & exquisitę nodos illos dissoluebat, vt videretur diu multumque non multo antea de ea cogitasse. quare (inquit) sæpe ego pene stupidus euasi; mihi que potius cum cęlesti aliqua natura, quam cum mortali homine visus sum loqui: idque nunc, quia res ita se habet, verumque id prorsus est, prędico, nulla alia causa impulsus. quis enim non videt assentationi nunc locum non esse; quę pręterea a persona, quam sustineo longe semper abesse



habere debet? Hæc asseueranter tunc ab illo prolata quum essent, auxerunt magnopere opinionem, quam, qui aderant, de præstanti Contareni ingenio antea in animis habebant. Sed etiam scripta, quanta fuerit eruditio ipsius, aperiunt: quæ sane, ut ordine a me tradantur, hæc sunt. Edidit iuuenis adhuc (xxx. enim tertium ætatis annum tunc agebat) librum contra iudicium Petri Mantuani doctoris sui; nec tamen ea de causa minus pius, quamuis contra pietatem facere videretur, fuit: ille enim in omni sermone suo adfirmare solitus erat, ex opinione sententiaq; Aristotelis existimari debere animos nostros esse mortales. quum contra ipse, sedulo aduersus eum disputans, citatis multis locis, & tamquam tabulis obsignatis, ostendit longe aliter principem Peripateticorum de ea re sensisse: viderique potius immortalitate donatos ipsos Aristotelem esse voluisse. cuius opinionis antea Plato, vnde didicerat, sine vlla dubitatione fuerat. Argumenta autem illa firma ad probandum & grauia fuisse, opusque totum valde elaboratum, perspicitur; quia acutissimus ille phisicus in libro, quo defendit opinionem illam suam; acriter oppugnatam ab eo, quem instruxerat, tradit eum librum & doctissimum omnium & vberimum esse, qui omni tempore materiam illam persecuti sunt: additque videri prorsus eum diuina opera & manu fabricatū fuisse. Scripsit etiam de Elementis libros quinque; in quibus viam omnem, rationemque Aristotelis diligenter expressit: misit autem illos ad Mattheum Dandalum fororis suæ virum: cuius hic supra mentio cum magnis verisque ipsius laudibus facta est. Addidit his, in altiore philosophiæ parte, libros quattuor, quos dicauit Paulo Iustiniانو, nobilissimo & clarissimo suo ciui. qui odio rerum humanarum, quum pertæsum esset varietatis ipsarum; ut facilius diuinas contemplaretur: deoque ipsi toto animo seruiret; in Etruscos montes cœtumque Camaldulensium se contulerat. Hi libri ei, qui attente legerit, nullo negotio patefacient, quæ fuerit vis animi ipsius, & quan-

S

ta



ta prudentia in rebus grauioribus tractandis. Sed idem etiam (vt melius adhuc intelligatur factum illum natura & studio fuisse ad personam eam iustinendam, quam ipsi multo postea sapientissimus Pontifex, multumque semper omni in re prouidens, imposuit) iuuenis adhuc, vitamque colens liberam, ac nullis sacris astrictam: occasionem hanc eius rei nactus, quod familiaris ipsius Pontifex Bergomas destinatus fuerat, ipsum instituere cupiens, duos libros scripsit de officio eorum sacerdotum: finxitque ita atque informauit talem virum, quales si forent, quibus tantum hodie commissum est, non laboraremus. quis enim non fateatur pias in primis castasque fuisse cogitationes ipsius: totaque mente ac studio solitum esse in illis volutari optimum virum, postquam alium instruere & ornare in ea vita ausus est, quam ipse adhuc non attigerat: nec vnquam cogitarat, praecepta illa sibi vitilia aliquando futura? Præterea, quum orta quaestio esset in senatu de Pontificis max. potestate, diuinitus ne illa stabilita foret, an humanis consilijs regeretur: quumque multum de ea re illic in vtramque partem disputatum esset, domum reuersus, vt quid ipse de eo sentiret, ostenderet: omnique errore ciues suos liberaret, spatio vnus noctis libellum confecit, qui nunc excusus in manibus versatur. Sed, vt iisdem etiam in suo proprioque ipsorum munere prodesset: effigiemque eius reipublice; in qua natus erat, exprimeret, quinque libros confecit de magistratibus, req; publica Venetorum, qui itidem diuulgati sunt. Postquam vero in amplissimorum antistitum collegium cooptatus est, perlectis diligenter synodis omnibus, quæ varijs temporibus ob emendandum statum Christianæ reip. coactæ sunt, in breue quoddam corpus grauissimas quasq; ipsarum collegit: seruato temporum ordine: materiaque omni, quam persecutæ sunt, demonstrata. Vtile vero mirifice potuit esse volumen illud ei synodo, de qua tunc summis contentionibus agebatur: quamque Paulus III. aduersarijs, reconciliando

rum



rum animorum gratia, proponebat: multumque opis ad  
ferre illis omnibus, qui in eo certamine versari deberent.  
misit autem opus hoc multarum vigiliarum ad eum, cu-  
ius maxime intererat, quid de ea re fieret: & qui eo tem-  
pore tota mente in illam curam incumberebat. Absolu-  
to autem illo, par huic opus; & quod eundem finem ha-  
beret, aggressus est: scripsit enim quattuor libros de riti-  
bus cerimonijsque nostrę religionis persuasionisq; Chri-  
stianę, quę Sacramenta appellant: quibus libris comple-  
xus est materiam illam omnem, & quę radix visque ipsa-  
rum fuisset, declarauit: quidque demum pie credi, & cu-  
stodiri de illis deberet, veris rationibus, argumentisque sa-  
tis firmis comprobauit. nam ipsum, argumento hoc sum-  
pto, si, quod pollicitus erat, præstare voluisset, debuisset  
omnem quęstionem, de qua nunc tot tantęque lites &  
concertationes inter dissidentes partes reip. existunt, ex-  
plicare planum & exploratum est. quare sic quoque præ-  
clare instruxit & armauit illos, qui pro veritate commi-  
nus congressuri erant cum hominibus magno errore in-  
flatis, & causam eam malam obstinate defendentibus.  
Ut autem libellum alium, admodum vtilem prauis opi-  
nionibus ex animis hominum euellendis, conficeret, oc-  
casionem hanc habuit. Factum est, quum ille Bononiam  
legati nomine obtineret, vt vir prudens, salutisque gre-  
gis illius, qui fidei ipsius potestatique commissus foret,  
vt pastorem bonum decet, valde studiosus, ad eum veni-  
ret, medicinam ab eo petens; rationemque accipere cu-  
piens, quasi saluum ipsum incolumemq; redderet, quum  
grauiter egrotare non paruam partem ipsius cognosset:  
quam tamen totam rem ille ita tractari volebat, quum  
honestam nobilemque ciuitatem regeret, vt ne ignomi-  
nia illa notaretur, & tamen remedium cito adhiberet, ne  
magis malum serperet. Consilium ipsius quum mirifi-  
ce probasset Contarenius, multa animo reuoluens, vt e-  
rat summus & accuratus medicus huius pestilentis mor-  
bi, statuit demum ita rem esse agendam. Confecit tam-

S 2 quam



quam institutionem quandam breuem Christiani hominis: collegitque, quæ magis mordere animum debent, probra omnia: & ita, vt aperire ipsa oporteat cum dolore sacerdoti: illum autem commentariolum *καθημερινόν* appellauit. qui sane non vni illi ciuitati sanandæ factus videretur, sed Christianis omnibus in officio retinendis, & ab illa contagione liberandis. eum vero grauis ille vir ad suos comportauit, diuulgatumque studio quodam & arte effecit, vt vulgo reciperetur, cunctique se viæ illi tenendæ, legibusque seruandis astringerent. statim enim probatus fuit omnibus, exceptis paucis illis, qui plane per diti ac desperati forent: posteaque & ipse formis excusus est. Quum autem, vt gesta tunc res est, temporique illi aptum fuit, nomen & ciuitatis & præfecti ipsius in sacris rebus curandis celauerim, illa postea patefacta, quum in commodi nihil amplius inde nasci possit, deberi puto personam etiam a me indicari. Moronus enim Mutinensium episcopus is fuit, qui & ipse non multo post ob singularem prudentiam in rebus gerendis, præclarasque alias animi dotes, auctus dignitate est a Pontifice maximo: cuius amplissimi sacerdotij insigne Bononiæ manibus suis legatus capiti ipsius imposuit. Illustrauit etiam scholijs quibusdam suis Contarenus multos obscuros locos in epistolis Diui Pauli, quum ipsas accurate legeret. quo sane in studio toto animo occupatus erat, cum mors eum oppressit. Sed etiam epistolas ipse non paucas conscripsit eruditas, & optimorum præceptorum plenas: vt libellos etiam nonnullos alios, aliquam occasionem illorum conficiendorum nactus: præcipue autem studijs amicorum, varijsque eorum temporibus seruiens. in quibus est quæstio diligenter explicata, perdifficilis sane, magnique semper momenti habita ad vitam bene beateque degendam; qua traditur liberam esse potestatem nostrâ, omnique nexu causarum ac necessitate solutam. veteres illi *τὸ δὲ τὸ ἐφ' ἡμῶν* ipsam vocabant. & qui de fato disserunt, re huic contraria, necessario de ipsa disputationem suscipiunt.



fulcipiunt. eum vero librum misit ad Victoriā Colu-  
mnā : feminā lectissimā, & quæ ob eximium amo-  
rem erga virum mortuum, admirabilemque ingenij lau-  
dem in condendo carmine, maximo quoque honore di-  
gna est. Sed etiam, vt sorori suæ, quæ se in castissimum  
coetum mulierum Muranarum coniecerat, morem gere-  
ret : animumque ipsius suauissimo cibo aleret in ea solitu-  
dine, cui se dicauerat, interpretatus est duos Hebræorum  
illorum cantus Italico nostræ ætatis sermone : cum enim  
ille doctrina ingenioque suo prodesse quoque alienis stu-  
deret; non visus sibi est posse suis vllō modo deesse.

Quin etiam, eodem honesto desiderio incensus, vt vtili-  
tatibus fratrum suorum seruiret, qui crebro, mercaturis  
faciendis operam dantes, nauigabant, confecit libellum  
de æstu maris, &, quam causam reciproca illa fluctuum  
agitatio haberet, diligenter monstrauit : qui tamen liber  
amico ipsius commodatus, magno adhibito studio, recu-  
perari numquam potuit. Sed ne omnia diligenter mi-  
nutiora ipsius opera, quæ plurima sunt, enumerem : in  
quibus tamen appareret specimen illius doctrinæ ac iudi-  
cij, finem faciam : possum enim vere adfirmare, quodcum-  
que temporis vacuum a negotijs nanciscebatur, in his re-  
bus ipsum consumere solitum : omnesque vigilias suas  
eum consueſſe temporibus amicorum necessariorumq;  
suorum consecrare : neque enim ostentationis & gloriæ  
causa huiuscemodi scriptiones suscipiebat : in hisque se  
dies atq; noctes macerabat : quamuis iustus inde honos,

nec magnopere reprehendendus consequatur : sed,

vt dixi, voluntati amicorum, commodisque

indulgens : siue studijs suis memo-

riæque seruiens, a scriben-

do nunquam ces-

sabat.

\*







# PLVRES ORATIONES THVCYDIDIS,

*conuerſæ ab eodem : nec tamen omnes continentes :  
quod ſuſpicari licet factum eſſe , quia non  
nullæ ipſarum , interiectæ inter  
has , perierint .*

*Corcyraeorum contio ad Athenienſes .*



VI ſubſidium ad eos rogatum Athenienſes veniunt , a quibus nullam pro magno aliquo beneficio gratiam , nullumque ex ſcœdere auxilium deberi ſibi intelligunt , id quod nos in præſentia facimus ; ij primũ eam rẽ , maxime quidem vtilitati illis eſſe doceant oportet : ſi minus , certe non detrimento : deinde memores ſe ſe gratosque fore : quarum quidem rerum ſi nulla plane confirmata eſt , minime debent irasci , cum eorum nihil , quę poſtulauerant , impetrauerunt . Miſerũt igitur nos Corcyræi , qui ita vos auxiliũ rogemus , vt hæc firmiſſima ( vt ſperant ) ad vos adferamus : quamquam accidit , vt vnum idemque noſtrum inſtitutum cum vobis nobis noſtris cũ poſtulis minime congruere videri poſſit , tum vero nobis hoc tempore inutile ſit : nam , qui antehac nõquam cuiquam noſtra voluntate ſocij fuerimus , nunc idipſum ab alijs implorare cogimur : vnaq; in hoc Corinthiorum bello propter id ipſum deſerti ab auxilio ſumus , deque eo , quod antea nobis prudentiæ aſcribebatur , cum minime cogeremur alieno arbitrio , cũ alterũ auxilio iuua remus , ipſi periclitari in bello , id modo nobis reliquũ eſt , vt incõſulti homines , imbecilliq; animi iudicemur . Tam eſi proſtigauimus nos quidẽ proxima nauali pugna ipſi  
per



per nos Corinthios: verumtamen, quoniam maioribus comparatis ex Peloponneso, reliquaque ex Græcia copiis bellum nobis inferre parant, neque domesticis nos opibus illorum impetum vlllo modo sustinere posse confidimus, summumque nostrum periculum agitur, si forte sub horum imperium redigamur, opem cum a vobis, tum a ceteris omnibus cogimur implorare: est autem æquum ignosci nobis, si non malitia, sed opinionis errore, ea audemus, quæ priori otio nostro sunt repugnantia. Quod si ea, quæ volumus, a vobis impetrabimus, nempe calus hic nostræ necessitatis, multis vobis nominibus decori erit: primum quod non incommoda alijs ferentes, sed iniuriã accipientes ope vestra tuebimini: deinde quod maxime necessario nostro tempore amplexi nos, testatum beneficium vestrum clarissima memoria, maximeq; sempiterna collocabitis: tum valemus nos classe post quidem vos plurimum. Ac spectatẽ quã magnam vobis fors occasionem ostendat, quam hostibus vestris acerbam: etenim ex copiæ, quas vobis esse adiunctas magnæ pecuniæ, magnæque gratiæ anteponeretis, sine periculo, sineque sumptu, non modo vltro se se vobis offerunt, sed adferunt præterea in vulgus quidem gloriam, a nobis autem quibus subuenitis, gratiam, vobis vero ipsis potentiam: quæ quidem per paucis vniquam vna omnia obtigerunt, paucique ita opem ab alijs imploratum veniunt, vt non minorem illis, vnde auxilium sibi postulant, vacuitatem periculorum atque ornamentum apportent, quam ipsi inde ablaturi sint. Bellum autem, in quo nostra extare poterit vtilitas, si qui vestrum sunt, qui nullum fore arbitrentur, ij errant longe: neque sentiunt Lacedæmonios metu vestri bellum iam animo conceptum habere: Corinthios autem cum vobis esse inimicos, tum apud eos plurimum posse: atque eo nunc operam dare, vt antea vos occupent, & cum suo hoc in nos conatu implicent, ne propter commune odium contra se nobiscum conspiretis, neque eos alterutrum frustretur, quin aut nobis damnum, aut



aut sibi firmitudinem comparent. Vestrum est igitur recipiendis in amicitiam Corcyreis, cupientibus quidem eos preuenire, preoccupareque ipsorum insidias, potius quam contra aliquid insidiarum moliri. Quod si contendunt non esse rectum suos a vobis colonos recipi, illud docendi sunt: colonias, quamdiu illis benigne sit a vetere ciuitate, tamdiu illam colere solere: vbi autem iniuria inferatur, alienari ab ea: non enim vt seruitutem perpetuantur deductę sunt, sed vt iuris æquabilitatem cum ijs, qui domi remanent, retineant. Iniuriam autem hos facere, id vero manifestum est: cum enim in iudicium de Epidamnno vocarentur, armis maluerunt quam iure experiri. sitque adeo vobis pro disciplina id, quod in nos propinquos cognatosque suos patrarunt, ne vos in fraudem deduci patiamini, neve, quod vos rogarint, temere faciatis. quem enim gratum hostibus fecisse maxime raro penituerit, is quam diutissime tutus erit. Nec vero nobis recipiendis frangitis fœdus, quod cū Lacedæmonijs iētū est: cauetur enim quæ Græcię ciuitates fœderi adscriptæ nō essent, eas vtri commodum sit licere sibi socias adiungere. Estque omnino illud haud quaquam ferendum, si his quidem licet naues ex fœderatis complere, prætereaque reliqua ex Græcia, nihiloque secius ex his, qui sub vestro imperio sunt: vobis autem cum hoc ipso auxilio, tum reliqua omni ope interdicerent: ponentque in iniuria, si, quæ vos rogamus, ea auferemus a vobis. At verò nos longe sane plura habebimus, in quibus vos, nisi exorari vos sinetis, accusemus: nam nos quidem, quibus periculum intenditur, neque vobis sumus inimici, repellitis: hos vero, qui & hostes sunt vobis, & nos oppugnatum veniunt, tātum abest vt prohibeatis, vt etiam e finibus vestris conductas copias habere eos patiamini: id quod minime æquum est fieri a vobis: sed aut interdicare debetis ijs, qui vestræ ditionis mercede apud aliquos militant, ne apud hos mereant, aut nos quoque omnino quidem, vt videbitur, iuuare: maxime vero vt aperte in amicitiam receptos, tueamini. Osten-

T di




di igitur, quod initio proposueram, multis de causis hanc rem vobis vtilitati esse, precipue que quod eosdem habemus inimicos, quod manifestissimum est argumentum: eosque haudquaquam infirmos, sed qui nocere ijs, qui a se defecerint, valeant. Nauali vero & non terrestri auxilio oblato, non idem habet incommodi ipsum repudiare. Itaque prohibendi vobis omnes sunt, si quidem possitis, classes habere: sin minus, firmissimi quique amici vobis adiungendi. Siquis vero ex vso vestro ea, quae a nobis dicuntur, esse existimat: metuit autem, ne, si haec secuti eritis, fœdus rumpatur, is tenere debet, suum hunc metum, adiunctis viribus, pauciori hostibus fore: quod autem illis animum auget, qui nos sententia sua non recipiunt, minime firmum cum sit, apud validos hostes fore a metu vacuum. Nec vero existimate de Corcyra magis nunc consuli, quam de ipsis Athenis: quibus quidem haud recte sane prospiciunt, qui praesentia modo intuentes, ad id bellum, quod impendet, quodque adeo prope iam iamque adest, ciuitatem sibi adiungere dubitant, quae conciliata alienataue magnas in vtramque partem habitura sit opportunitates: est enim posita in eo cursu, qui est ex Italia atque ex Sicilia: ut cum inde ad Peloponnesios ire classem, tunc illinc eo transmittere, facile prohibere possit, tum summa eadem ad alia omnia est opportunitate. Atque, ut per breui comprehendam, vosque cum vniuersos, tum vero singulos doceam, minime vobis commitendum esse, ut nos destituatis. Tres omnino Graecis sunt classes non contemnendae: ea quae apud vos est, nostraque, atque haec Corinthiorum. quarum si vnam deseritis, necesse est duas in vnum coire: atque ita, ubi nos prius Corinthij opprefferint, cum Corcyrae simul Peloponnesijsque classe decertabitis: quod si nos receperitis, nostras naues, quibuscum bellum aduersus eos geratis, ad vestras adiungatis.

Corinthiorum



*Corinthiorum contio ad Athenienses.*



**Q**UONIAM Corcyrei hi non modo de se se recipiendis, se de nostra etiā iniuria, deq; eo, quod oppugnari se a nobis rectum esse negent, disseruerunt, nos quoque necesse est vtraq; de re pauca prius memorare, quam ad reliquam orationem accedamus: sic enim & de nostris postulatis certius, quod cōstituatis, habebitis: &, quod hi vos rogant, nō sine causā respuetis. Aiunt igitur sua factum esse temperatā, quod neminem antehac sibi socium adiunxerint: illi vero non virtute, sed malitia id instituerunt, quod facinorum suorum nec socios, nec vero testes habere, nec adeo, eos cum inuitarent, erubescere volebant. Tum ciuitas ipsa opportuno loco posita, cum proficisci ipsi nauib. minimum cogantur, & alios necessitate ad se appulsos, quam plurimos excipiant, eos iniuriarum disceptatores constituit, quas ipsi alijs inferūt grauiores omnino, quam vt vllius faderis pactio pati possit: atque in hac pulchra a faderibus solutione, in qua se iactant, non illud spectatum est, ne in alienae societatem iniuriā traherentur, sed illud, ipsi vt per se iniuriam facerēt: atque, vbi plus viribus valerent, vim inferrent: vbi clam essent, fraudarent: vbi quid adripuissent, nulla esset verecundia. Etenim viri boni si essent, quemadmodum dicūt, quominus fontes fuissent, eo illustrius suam virtutem, cū equo pariq; iure viuerent, ostendere potuissent. Sed nec in alium quemquam, nec in nos tales extiterunt: cumque nostri sint coloni, semper a nobis dissiderunt: nunc bellum etiam faciunt. Dicunt autem non se ad iniuriam patiendam deductos esse: verum nos quoque negamus propterea a nobis eos in coloniam missos esse, vt contumelia ab illis adficeremur, sed vt principatū teneremus, &, quo ad decet, ab illis coleremur. Reliquae itaque coloniae ma-

T 2 gnope



gnopere nos obseruant, diligimurque a colonis plurimum: perspicuum est, si maiori ipsorum parti placemus, his solis recte nos meritoque displicere non posse: nec, contra quam decet, bello persecuturos ipsos fuisse, nisi insigni aliqua accepta contumelia: & tamen si aliquid aliquando a nobis peccatum esset, dolori nostro concedi id ab illis æquum erat: nos autem horum moderationi vim afferre turpe putare. Verum contumelia & diuitiarum affluentia elati, cum alia multa in nos deliquerunt, tum Epidamnium, oppidum nostrum, quoad intestinis malis vexatum est, non vendicarunt, ubi vero non subsidio venimus, vi captum occuparunt. At petiisse dicunt, uti hac de causa iure antea inter nos disceptaretur: qua quidem in re animaduertendum est, non qui iustitiam prætexat, quique, ubi in tuto sit, tum demum in ius eat, eum aliquid dicere: sed qui, priusquam in certamen venerit, factis pariter atque oratione equitatem retinuerit. Nam hi qui dem non ante oppidum a se oppugnatum, sed ubi eam rem minime a nobis negligi intellexerunt, iustitiæ tandem splendorem obiecerunt: atque huc veniunt, nec satis habent, quæ ipsi ea in re peccarunt, nisi vos quoque non belli, sed maleficij socios habere postulent, atque a nobis dissentientes secum consentire iubeant: illi vero tum adire vos debuerunt, cum procul aberant a periculo: neque id tempus expectare, cum & nos iniuriam accepimus, & ipsi in discrimen venerunt, cumque vos, qui minime illorum potentiæ participes fuistis, nunc illis auxilium impertiamini, quique ab illorum facinoribus multum afueritis, æque atque ipsi a nobis accusemini: sed communicata pridem potentia, quæ deinde consecuta essent, ea quoque communia habere, nec tam inique inuidiam modo suorum vobiscum facinorum partiri. Docuimus igitur, cur & nos iustitia confisi huc venimus, & ij violenti iniusti que sint: nunc, cur eos a vobis recipi ius esse negemus, attendite. Quamquam enim fœdere cauetur, quæ ciuitates adscriptæ non sint, ijs licere cum alterutro



se se coniungere : tamen haud ijs ea coniunctio permissa est, qui alteri iniuriam faciant, sed ijs, qui cum nemini se se subtrahant, praesidio egeant : quique ijs, a quibus recepti sint, si prudentes fuerint, pro pace bellum conflaturo non sint. id quod vobis, nisi audire nos voletis, usu venire necesse est : non enim his tantum adiutores, sed etiam nobis pro fœderatis hostes efficiemini : etenim si cum ijs vos coniugatis, minime selectis vobis cum ijs pugnare necesse habebimus. Est igitur æquum maxime quidem utrosque ut reiiciatis : sin minus, contra atque illi postulant, nobiscum ut contra eos conspiretis : cum Corinthijs etiam fœdus iecistis, cum Corcyreis autem ne inducias quidem umquam vllas pepigistis : Nec vero hunc morem institute eorum, qui ab alijs defecerunt, recipiendorum : quando ne nos quidem, cum a vobis Samijs defecissent, deque illis tuendis reliquorum Peloponnesiorum in contrarias partes sententię distraherentur, contra vos suffragium tulimus : aperteque restitimus, cum contenderemus quemque ad se pertinentes socios punire ius esse. Quod si, qui aliqua in re deliquerunt, eos ad vos receptos tuebimini, profecto extabunt de vestris haud pauciores, qui ad opem nostram confugiant. Quare contra vos magis eam rem, quam contra nos inducetis in morem. Ac iustas quidem postulandi causas, firmasque Græcorum legibus has habuimus. quibus autem vos admo-  
neamus ac rogemus, ut eam nobis gratiam, quam debetis, referatis, hæc habemus : quam quidem nos, qui neque hostes vobis sumus, ut damno : nec rursus amici, ut molestiæ vobis futuri simus, nunc repetimus. Etenim cum longarum nauium quondam egeretis, ad Aeginetarum bellum id, quod supra Medorum res gestum est, naues a Corinthijs xx. numero accepistis : atque hoc nostro beneficio : itemque illo de Samijs, cum perfecimus nos, quominus illos Peloponnesij armis defenderent, consecuti estis, Aeginetas ut superaretis, & Samios vlcisceremini : idque ipsum eo potissimum tempore accidit, cum homi-  
nes



nes in hostem elati, omnia præ vna victoria contemnunt; cum & eos, qui præsto sint, tametsi antea hostes erant, tamen amicos putant: quique obstant, etiam si forte amici sunt, pro hostibus habent; quin proprias etiam res propter præsentis contentionis studium facere deteriores solent. Hæc vos animo repetere, hæc iuniores de maioribus natu discere debetis, atque ita statuere, paribus nos beneficijs remunerari vos æquum esse; nec vero sic existimare, rectum quidem hoc esse, sed vtile fore bellum: vbi enim minimum turpitudinis, ibi utilitatis est plurimum. Tum autem bellum quidem, quod cum futurum Corcyraei dicerent, eius vos metu territantes iniuriam facere iuebant, incertum est: nec eo decet suspensos vos certas iam, præsentisque cum Corinthijs inimicitias suscipere; potiusque uestra erit moderationis, si quid antea suspitionis propter Megarenles susceperatis, id nunc obliterare: posterius enim beneficium; tametsi leuius est, tempore quidem illatum, vel ad grauiores delendas iniurias satis virium habet. Nec vero quod maritimas pollicentur copias, mouere id vos debet: firmiore enim potentia muniti sunt, qui ab æqualium iniurijs sibi temperant, quam qui quod adest tantum, quodque præsens est cogitantes, cum periculo augentur & crescunt. Et quoniam in id ipsum incidimus, in quo illud apud Lacedæmonios usurpatum est a vobis, suum quemque socium punire ius esse, nunc idem a vobis responsum expetimus: qui nostro cum suffragio beneficium consecuti fueritis, vestra sententia detrimentum inferre nobis non debetis. Par igitur pari referte: atque illud cogitate, hoc vobis tempus datum esse, in quo & qui adsint, amici in primis iudicentur: & qui obsint, hostes: ac Corcyraeos hosce neque in societatem repugnantibus nobis recipite, nec iniuriam facientes adiuuate. Atque hæc si ita feceritis, cum officio fungemini, tum optime vobis ipsis consulietis.

Corinthiorum



*Corinthiorum contio ad Lacedæmonios.*



**Q**UOD vos fidentiores reddit Lacedæmonij de vestris publicis priuatisq; institutis, facit, vt minorem fidem habeatis alijs, siquid dixerimus: atque ex hoc modestiam vos quidem conseruatis, sed ijdem in maiore externarum rerum ignoratione versamini. Nam cum sæpenumero, quæ nobis ab Atheniensibus damna impederent, prædiceremus; non vt vnumquodque dictum est a nobis, sic vos percepistis, sed ita arbitrati estis, suarum quemque potius priuatim inimicitiarum causa ad dicendum accedere: eoque non antea quam illa euenirent, sed cum geruntur iam, hosce conuocatis socios, in quorum conuentu vt loquamur, magnopere scilicet ad nos pertinet: quoniam & ab Atheniensib. contumelia adfecti, & a vobis neglecti, plurima de quibus queramur, habemus. Ac si quidem illi oculte iniuriam Græciæ inferrent, planum id nobis esset faciendum, vtpote cum eius rei vos essetis ignari: nunc autem quid opus est longa ijs oratione, quorum alios in seruitutem adductos, alijs insidias, in quibus nostri in primis socij, factas videtis? quæ illi ad bellum, si quod forte gerendum fuerit, iamdudum præparata habent. Quorsum enim pertinuit, Corcyram repugnantibus vobis occupare? aut Potidæam obsidere? quorum alterum est oppidum maximo ad res Thraciæ vsui, alterum permagnum scilicet nauium numerum Peloponneso suppeditabat. Atque hæc culpa euenerunt vestra, qui post Medorum res primum munire eos urbem passi sitis, deinde longos muros constituere: atque adeo hoc quoque tempore non modo ijs, quos illi in seruitutem adduxerunt, sed vestris etiam socijs libertatem vos adimitis. siquidem non is, qui seruitute opprimit, sed qui, prohibere cum possit, aspernatur, is verius id agit; præsertim cum sibi vindicandæ



dicandæ in libertatem Græciæ laudem asciscat. Vix igitur nunc tandem conuenimus: ac ne nunc quidem certa de re: neque enim amplius, fiat vobis iniuria nec ne, sed quo maxime modo eam repellamus, quærendum erat. Nam hi quidem deliberata re, molientes iam abiecta cunctatione incertos animi inuadunt: tenemus enim quam Athenienses via, atque vt pedetemptim alios aggre-  
diantur. Ac quamdiu quidem latere se vos, propter vestram tarditatem, arbitrati fuerint, minus confident: vbi vero animaduuerint intelligere quidem vos quæ gerantur, sed ea negligere, tum vero acriter incumbent. soli enim vos ex omnibus Græcis Lacedæmonij cunctamini, neque vi cuiquam, sed procrastinando resistitis: solique non crescentes statim hostium opes, sed posteaquam duplicatæ sunt, tum demum eas tollitis. At enim cauti dicti estis. In eo igitur oratio plusquam res valuit. etenim & Medum ex vltimis orbis terræ finibus, antea in Peloponnesum inuectum scimus, quam vos satis ad occurrendum parati essetis: & ijdem nunc Athenienses, qui haud quaquam tam longe quam ille, sed admodum prope absunt, negligitis: defendereque bellum quam ipsi inferre mauultis, fortunæq; cum longe validioribus, quam vos estis, certantes vos permittere: propterea quod & Barbaros ipsos quamplurima fefellisse tenetis, & ipsos vos Atheniensibus magis ijs rebus, in quibus ab illis offensum est, quam vestro subsidio restitisse. Nam spes quidem vestra quosdam iam, qui vobis credentes, eo imparati erant, perdidit. Nec vero existimare vos velim, odij potius, quam obiurgationis causa hæc a nobis commemorari: obiurgatio enim errantium est amicorum; accusatio autem iniuriam facientium inimicorum; tum nos, si quisquam est alius, idoneos esse profitemur, qui alterum reprehendamus: præsertim cum multum inter vos, atque illos intersit: id quod minime vos sentire nobis videmini, minimeque ratiocinati esse, quales Athenienses sunt, quibuscum futura vobis res est, quamque multum, atque



atque adeo quam prorsus vobis antecellant: illi enim & ad nouandum prompti, & ad excogitandum acuti, & ad ea perficienda, quæ mente præceperint celeres sunt. vos contra quæ habetis conseruatis, nihil excogitatis, vixque necessaria quæ sunt, obitis. Illi rursus, & supra vires audent, & supra consilium experiuntur, & in rebus aduersis bona spe sunt: vestræ autem consuetudinis est, minus etiam, quam vires, quamque consilium vestrum ferat, suscipere, neque firmis rebus confidere, & aduersis leuatum iri vos desperare. Præterea illi strenui, vos tardi: illi multum peregrinantur, vos domi maxime manetis. sic enim illi existimant, sua protectione aliquid sibi quæsitum iri: vos vero in eis quoque, quæ prompta iam parataque habetis, si ad alia aggressi fueritis, detrimenti aliquid accepturos vos putatis; iidem superatis hostibus plurimum progrediuntur, ac minimum, ipsi victi si sint, recedunt. Præterea corporibus quidem, tamquam maxime alienis: mentibus autem, ut proprijs, ubi patriæ profuturi sint, utuntur: atque ea, quæ animo perceperint, cum re non adsequuntur, suis se priuari rebus arbitrantur: quod si quid inuaserint, eoque potiti sint, parui id præ ijs, quæ effecturi sint, pendunt: sin autem conata minime perfecerunt, alia rursus sperando id damnum sarciant: soli enim ea, quæ concupierunt, vno eodemque tempore sperant ac tenent: propterea quod quæ in animum ut facerent induxerunt, confestim aggrediuntur, ijsque in rebus omnem ætatem cum industria ac labore exigunt: & quoniam continenter in querendo sunt occupati, partem quam minimum fruuntur; nec vero aliud esse, diem festum agere, putant, quam quæ agenda sunt, administrare: desidiosum autem otium eque in molestijs numerant, atque operosum negotium. Quo circa recte aliquis sic breui comprehendens dixerit, tales eos extitisse natura, ut neque ipsi quiescere possent, nec alios paterentur. Atque hac vobis tali constituta aduersaria ciuitate Lacedæmonij tamen cunctamini: atque ita statuitis, non

V ijs



ijs mortalibus otium quam maxime esse diuturnum, qui re sane ac factis iustitiam colant: animi tamen eius esse intelligantur, ut, si quis iniuria prouocauerit, minime id laturo sint: sed eo equitatem metimini, ut neque alijs graues vos sitis, & dum iniuriam acceptam vlscimini, ne aliquid incommodi ipsi capiat: id quod vix adsequeremini, si vobis vestrae similis ciuitas finitima accidisset.

Nunc vero, id quod antea ostendimus, nimium antiquis institutis cum ijs agitis. Necessario enim, ut in artibus, quae nouissime gignuntur, ea excellunt. Ac quicta quidem ciuitati optimum est institutis stabilibus uti: qui vero multis occurrere coguntur, ij multa noua excogitent necesse est: eoque Atheniensium res propter varios illorum conatus magis, quam vestrae renouatae sunt. Verum sit in hunc vsque diem vestra cunctatio definita, ferteque cum alijs, tum vero Potidaeatis auxilium ita, uti polliciti estis: atque in Atticam confestim impetum facite, ne homines amicos, cognatosque vestros inimicissimis prodatis: reliquosque nos ad aliam aliquam amicitiam per desperationem detrudatis: nec enim in ea re quicquam aut in deos, fœderis testes, aut in homines, qui audituri hæc sunt, peccabimus: rumpunt enim fœdus, non qui destituti ad alios se se conferunt, sed qui, quibus auxilio se se futuros iureiurando sanxerunt, eos destituunt. Quod si promptos præbere vos voletis, permanebimus: nec enim sine scelere vestram commutare amicitiam possumus, aut quemquam inuenire, quo cum eque ac vobiscum

conflueuerimus. Hæc prudenter statuite: da-

teque operam ne Peloponnesum, cu-

ius principatum obtinetis, minus

amplam, quam a maioribus

accepistis, ha-

beatis.

\*

Atheniensium



*Atheniensium oratio ad Lacedæmonios.*



NON ob eam causam Lacedæmonij legati nos quidem sumus, vt, socios vestros cōtradiceremus, sed vt de quibus nos ciuitas misit, ea ageremus. Verum tamen cum haud paruum nos increpantium vociferationem audierimus, adsumus: minime nos quidem, vt ciuitatum criminationibus respondemus, quando neque nostra, nec vero illorum ad iudices tamen oratio haberetur: sed ne vos tantis de rebus facile socijs adlensi, minus prudens consilium caperetis: & simul ad omnem istam orationem, quæ habita est in nos, dicere volumus, docereque nos non immerito, quæ possidemus, tenere, & nostram non indignam esse ciuitatem, quæ aliquo in numero habeatur. Ac valde quidem prisca commemorare nihil attinet, quorum auditionem magis, quam aspectum eorum, qui audituri sunt, testem habeamus. Medicas autem res, atque ea, quorum conscij vos estis, vsurpare, quamquam molesti est ea rum rerum assidua prædicatio, tamen necesse est. etenim si ea, quæ tunc cum periculo gessimus, vtilitatem habuerunt, atque eius vos re participes fuistis, iniquum est nos verborum fructu, si quis est, vsque quaque priuari; nec vero deprecandi potius quicquam, quam testificandi ostendendiq; causa, qua cum ciuitate certamen vobis constitutum sit, nisi prouideritis, verba faciemus. Itaque & ad Marathonem cum Barbaro nos manum per nos conseruisse dicimus, & ille cum post rediisset, neque eius impetum vllō modo terra possemus sustinere, vniuersa ciuitate in naues imposita classe ad Salaminam vna cum ceteris decertasse: quæ quidem res eum cohibuit quominus, ad vnāquamque singulatim ciuitatem classe adpulsa, Peloponnesum vastaret, cum illæ contra tantum nauium numerum opem inter se mutuo ferre non possent: cuius

V 2

quidem



quidem rei eius ipsius factum maximo est argumento: naturali enim pugna victus, ut qui non iam easdem haberet copias, confestim cum maxima exercitus parte domum reuersus est. Quæ cum ita ceciderint, aperteque intellectum sit, in nauibus fortunas Græciæ constituisse, tria nos ad eam rem maxime vtilia subministrauimus, nauium maximum numerum, ducemquem hominem prudentissimum atque animi eximiam quandam alacritatem. Ac nauium quidem quadringentarum numero duas tertias partes, aut paulo eo pauciores, ducem vero Themistodem, cuius in primis opera perfectum est, uti nauibus in freto confligeretur; quæ res sine ulla dubitatione rem Græciæ publicam conseruauit. Itaque eam ob causam maxime ille homo peregrinus omnium, qui ad vos vnumquam accesserint, in honore apud vos fuit: animum vero summe promptum, summeque fortem præ nobis tulimus, qui cum pedestribus copijs subsidio nobis venisset nemo, cumque reliqui ad nos vsque iam in hostium essent potestatem redacti, statuimus vrbe relicta, corruptisque rebus nostris, communem tamen sociorum, qui reliqui erant, salutem non deferere, neque committere, ut dissipati inutiles illis essemus, sed nauibus conscensis fortunam experiri: nec vero suscenfere, quod nos antea non defenderatis. Itaque illud adfirmare possumus, non maius nos a vobis beneficium accepisse, quam dederimus: vos enim incolumibus etiam tunc oppidis vestris, atque ut ea incolere in posterum vobis liceret, cum de vobis iam solliciti maximam partem non de nobis essetis, nobis succurristis. Itaque quamdiu nos incolumes fuimus, subsidio non venistis: nos autem ea vrbe, quæ iam nulla erat, nos commouimus: proque eo, quod tenui iam spe tenebatur, decertantes, vos pro nostra quidem parte, nosque ipsos saluos conseruauimus. Quod si aut initio ne agri vastarentur metuentes, Medo, id quod alij fecerunt, nos dedissemus, aut postea naues conscendere, utpote amissis iam omnibus bonis, ausi non essemus, nihil profecto erat, cur vos  
cum



cum haud quaquam satis magnam pro hostium classe nauium facultatem haberetis, prælio velletis contendere, omniaque illi sine vlllo labore ex sententia successissent. Num igitur Lacedæmonij cum propter summam, quæ in nobis eo tempore fuit, animi alacritatem, tum propter existimandi prudentiam; propterque imperium hoc, quod obtinemus, digni videmur, qui non tanta inuidia apud Græcos simus? Nec enim id ipsum imperium per vim occupauimus; sed cum uos, quod reliquum esset cum Barbaris belli persequi recusaretis, socij se ad nos contulerunt, &, vt ipforum duces in bello essemus, rogauerunt, quod nos ad hanc vsque diem re ipsa primum coacti produximus, maxime quidem timore commoti, deinde dignitate, postremo etiam vtilitate: nec enim tutum iam visum est, multorum odijs in nos excitatis; nonnullis etiam, qui defecissent a nobis, euerfis, cum vos non æque atque antea amicos, sed suspectos atque inensos haberemus, deposito imperio in periculum nos committere; præsertim cum, ij, qui a nobis desciscerent, vobis se se adiungerent. Nec uero accusandi sunt, qui in maximis periculis vtilitati consulunt. Vos itaque Lacedæmonij sic Peloponnesi ciuitatibus præestis, ut uestrum in ea re commodum propositum habeatis. Quod si imperio eo tempore in perpetuum, id quod nos fecimus, retinendo, odia in uos concitassetis, exploratum habemus, cum socijs non secus, ac nos sumus, molesti essetis, coactum uos iri aut fortiter illis imperare, aut ipsi periculum subire. Quare nihil nos mirandum, nihil a communi hominum consuetudine abhorrens, fecimus, quod & delatum nobis imperium recepimus, neque nunc gloria, metu, vtilitate, maximis quidem rebus, inducti illud deponimus. Nec vero id adeo nunc primum ortum est a nobis, sed ita semper comparatum fuit, vt potentior imbecillio rem coërceat. Tum vero digni eo nobis videmur esse, ne vobis quidem secus iudicantibus, quoad vtilitatis quidem rationem haberi placuit.



placuit. nunc autem ad honestatem abitis, qua propo-  
fita nemo tamen unquam, cui viribus aliquid consequi  
liceret ab eo commodo obtinendo remotus est. Satis  
vero magnam laudem ijs merentur, qui cum, hominum  
secuti naturam, alijs dominantur, pro potentia non ini-  
qui sunt. Itaque siqui ea, quæ nos obtinemus, accepe-  
rint, illos perfecturos putamus, ut qua nos sumus æqui-  
tate appareat: nam nobis quidem vituperatio, potius  
quam laus nostram ob æquitatem comparata est. Quod  
enim in rerum contractarum controuersijs cum socijs  
nostri iuris iacturam facimus: quodque illi apud nos eis-  
dem legibus iudicio nobiscum contendunt, litigiosi ha-  
bemur: nec cuiquam in mentem venit cogitare, quid sit, cur  
ceteris, qui alibi gentium rerum potiuntur, minusque  
æqui, quam nos, sunt ijs, quos in ditione tenent, vitio  
id non detur: ubi vim adhibere licet, litigare nihil atti-  
net. At hi adfuerunt iam æquo parique iure nobiscum vi-  
uere, si paulum modo de eo, quod ipsi æquum esse opi-  
nantur, aut propter nostrum iudicium, aut propter  
eam, quæ imperio comitatur, potentiam, aut quoquo-  
modo, imminutum fuerit, non propterea, quod maxi-  
ma illis pars remissa est, gratiam habent, sed aliquid  
ademptum esse egrius ferunt, quam si a principio, re-  
pudiatis legibus, aperte iniuriam facere instituissemus.  
Namque illud ne ipsi quidem sic disputerunt, inopem  
potenti non decere succumbere, sed nescio quo pacto  
circumueniri iudicio se, quam vi cogi, iracundius homi-  
nes ferunt: in altero enim par pari iniuriam infert: in al-  
tero qui plus potest imbecilliori vim adfert. Itaque cum  
a Medis multo tractarentur asperius, sustinuerunt: no-  
strum autem imperium acerbum videri nihil mirum: sem-  
per enim id, quod instat præsensque est, ijs, qui sub alte-  
rius ditione sunt, graue est. Quod si sublatis nobis ad  
vos summa imperij redeat, ne vos beneuolentiam, quam  
propter nostri metum collectam habetis, siquidem eam  
mentem, qua fuistis, cum contra Medos imperium bre-  
ui



ui tempore obtinuistis, conseruatis, celeriter effundetis. Vos enim nec admisceri se alios vestris inter vos legibus permittitis, & qui aliquo exitis, neque ijs ipsis utimini, neque ijs, quibus reliqua Græcia viuere consueuit. Quamobrem etiam atque etiam deliberate: nec enim parua res agitur, neque aliorum adducti voluntate ac querela proprium vobismet ipsis laborem imponite: atque in bello, quam multa improuisa accidunt, priusquàm id susceperitis, prospicite: vbi enim longius ductum est, in graues & acerbos casus desinere consueuit: a quibus eque utrique absumus, atque vtram in partem euasurum sit, incertum periculosumque est. At homines mouendis bellis præpostere faciunt: rem enim præcipiunt, quod erat posterum: vbi vero iam plectuntur, tum demum ad orationem redeunt. Nos igitur, qui nullo dum tali in errore neque ipsi sumus, neque versari vos videmus, edicimus vobis, vt dum integrum est, dum recta capere vtrisque consilia licet, ne fædus rumpatis, neve iusiurandum violetis: de controuersijs autem iure ex fædere disceptetis. Si minus, deos periurij vindices testati, qua vos præeuntes nos deducetis, ea vos belli auctores ptopulsabimus.

*Contio Periclis.*



**N** pristina ego mea sententia maneo Athenienses, Peloponnesijs cedendum non esse: quamquam intelligo non eadem alacritate homines bellum cum suadetur, suscipere, & cum vsus venit, gerere solere: sed aduersis in rebus animo immutari consueuisse. Hoc igitur quoque tempore faciendum mihi esse video, vt non dissimilis fere sim auctor consilij. Quamobrem, qui mihi assensi fueritis, communi sententiæ, si quid forte secus ceciderit, vt opem ferre memineritis, æquum erit: aut ne si ex sententia quidem



dem successerit, vllam vobis prudentiæ partem vindicetis. Fieri enim potest, vt aduersi rerum casus temeritatem ipsi in se habeant, non minus, quam hominum cogitationes: eamque adeo ob causam, vbi quicquam contra ac ratio postulet, euenit, fortunam accusare solemus. Lacedæmonij igitur cum iam antea inimico se in nos animo esse præ se ferebant, tum vel maxime id hoc tempore aperte ferunt: cum enim in fædere sit; si quid controuersiæ oriatur, vti de ea re iure inter nos disceptemus: ab vtroque autem, quod vterque habeat, teneatur, numquam nec ex iure agere nobiscum, cum iudicium nos non reculaturos profiteremur, nec iudicium ipsi accipere voluerunt. Bello scilicet malunt, quam oratione de controuersijs disceptare: nec iam huc expostulatum, sed imperatum, veniunt: iubent enim discedere nos a Potidæa, & Aeginæ leges suas iuraque reddere: tum plebiscitum, quod de Megarensibus factum est, rescindere: Græciam etiam suis vt legibus vti permittamus, qui ad nos nouissimi venerunt, edicunt nobis. Nec vero, quod ad Megarensium plebiscitum adtinet: id enim illi obijciunt in primis, quo etiam sublato bellum futurum negant, existimare vos velim, paruam ob causam bellum vos habituros, si de eo delendo recusaueritis, neque arbitrari culpam in uobis residere, quod leui de causa ad arma ieritis: nam parua hac in re vestrum omne firmamentum agitur: quo enim animo sitis temptamini, atque in hoc si parueritis, perinde quasi metu adducti in eo quoque dicto audientes futuri sitis, continuo maius aliud aliquid imperabitur: quod si contra enitemini, efficietis profecto, vt illi faciendum sibi esse intelligant, vt se se nobis æquiores posthac præbeant. Protinus igitur considerate, vtrum obedire nullo dum damno facto malitis, an, id quod mihi vtilius videtur, parua æque & magna de causa bellum suscipere, neque vlla in re succumbere, atque earum, quas habetis, rerum possessionem sine vlllo metu in posterum retinere. Etenim cum pares, ante  
factum



factum ea de re iudicium, paribus satisfactionem impetrant, siue ea de magnis, siue de paruis sit controuersis, eadem est libertatis imminutio. Quod autem ad bellum atque ad vtriusque nostrum facultates adtinet, nihilo nos inferiores futuros esse de me, dum singula persequor, cognoscite. Sua Peloponnesij manu agros colunt & officinas exercent: pecuniam nec priuatam, nec in ærario habent. Diuturni præterea belli, atque etiam transmarini rudes insolentesque sunt, utpote bellis inter se ob paupertatem leuibis contendere adfueti: qui uero huiusmodi sunt, neque naues complere, neque terrestres exercitus sæpius summittere possunt, præsertim cum a priuatis suis rebus absint, & de suo impendant, & mare præterea clausum habeant. Huc accedit, quod bella prompta magis parataque pecunia; quam vectigalis extortaque vi sustinet: at homines agricolæ, atque opifices promptiores ad bellandum corporibus sunt, quam pecunia: illa enim ex periculis salua exitura sperant: hanc antea consumptum iri metuunt: præsertim cum id, quod vltimo euenturum verisimile est, bellum sua opinione longius ducetur: nam vno quidem proelio vel totius Græciæ impetum Peloponnesij, quique cum illis consentiunt, sustinere possunt: bellum autem contra haudquaue suo similem hostium apparatus gerere, nullo modo poterunt: quippe qui commune concilium, vt si quid subito opus sit, celeriter administretur, nullum habent: & pares in dicenda sententia alienigenæque inter se cum sint, de suis quisque rebus sollicitus est: hæc autem exitus habere nullos consueuerunt, cum alij aliquos vlcisci maxime cupiant, alij res suas quam minimum detrimenti capere: cumque longo interuallo conueniant, breui de republica consultant, maximam temporis partem in re quisque sua agenda destinetur: tum singuli suam sibi negligentiam minime obfcuram putant: alijs enim curæ fore, atque ita sibi quoque prospectum iri sperant. Itaque, dum hoc fin-

X guli



guli separatim opinantur, interire vniuersam rempublicam non intelligunt. Valde etiam rei illos pecuniariae angustia morabitur: tarde enim illam conficient, eoque cunctari cogentur. At rei gerendae occasio instabilem celeremque motum habet. Nihil est autem, quod circumvallari nos ab ijs metuamus, aut cur eorum timeamus classem: nam urbem huic parem opponere, etiam si per hostem liceat, difficile est: nedum intra hostium fines, idque ipsum nostras nobis pariter contra munitiones obijcientibus. Quod si castellum communierint: alicuius illi quidem agri nostri, incursionibus, transfugisve ad se recipiendis, nocebunt parti: sed vallo simul circummunire nos, & quominus classe, qua valemus plurimum, ad eorum fines penetremus, eosque vlciscamur, prohibere non poterunt: plus enim nobis maritarum rerum exercitatio ad pedestre bellum, quam illis terrestrium usus ad nauale attulit. Nec vero nauticarum rerum scientiam facile illi adipisci poterunt: quandoquidem ne vos quidem plene dum eam percepistis: quamuis a Medicis confestim rebus in id magno studio incubueritis. Qui igitur homines agricolae, iidemque maris insueti, quibus ne exerceri quidem per nos licebit, quia semper cum magno nauium numero in statione contra illos erimus, quicquam quod opere pretium sit, efficere poterunt? contra paucas enim naues in statione manentes fortunam pugnae temptarent, cum multitudine freta erit inscitia: tanto autem nauium numero circumsepti quiescent, inexercitataque imperitiores erunt, eoque etiam ignauiores. Artis enim, si quicquam aliud, res nautica est: nec subcisiuis operis, cumque vacamus, ediscitur, sed ipsa potius nullum ab operis vacuum tempus relinquit: at enim pecuniam, quae Olympijs, quaeque Delphis est, tollent: nautasque, quos peregrinos habemus, maiori stipendio allectos a nobis conabuntur abducere: ipsique, atque inquilini naues

op-



opplebunt. Magni omnino id referret: nisi illis nos aduersarij simus: nunc autem, præterquam quod nos hostes habent, illud quoque, quod maximum est, accedit, quod gubernatoribus, reliquisque nautis, ciuibus vtimur Atheniensibus: ijsque cum numero, tum scientia inter reliquos totius Græciæ omnes, præstantibus. Tum nemo e mercede conductis domo cum periculo exulare, ac minori proposita spe, maioris paucorum dierum stipendij causa, cum ijs se se coniungere, atque eandem belli fortunam subire volet. Ac Peloponnesiorum quidem res hoc fere loco sunt: nostræ vero cum ijs incommodis, quibus eos laborare a me demonstratum est, uacant, tum haud paulo meliores sunt: etenim si intra fines illi nostros pedestres copias introducent, nos in ipsorum nauibus proficiscemur, nec vero cum Peloponnesi pars modo aliqua, Attica autem uel omnis vastabitur, conferenda tamen hæc erunt: alios enim illi agros parare sine proelio ac dimicatione non poterunt: nos magnam agrorum vim cum in insulis, tum in continenti habebimus: maximum est enim maris imperium obtinere: id quod ex eo intelligere licet: etenim insulam si incoleremus, qui magis vacui a periculo forent, nec capi vmquam expugnarique possent? id ipsum igitur, quam proxime potestis, animo in præsentia versantes, spretis agris ædificijsque, maris modo, atque vrbis custodiam retinete: neque earum rerum iactura & dolore incensi cum Peloponnesijs manum conferite: longe enim nobis multitudine antecedunt, vt, si eos deuicerimus, paulo post tamen contra haud quaquam minores eorum copias de integro pugnandum nobis sit: sin autem aliquid offendemus, etiam a socijs quibus nostra nixa est ciuitas, relinquemur: nec enim, vbi non satis virium ad se se bello persequendos nobis superesse animaduuerint, in officio continebuntur. Quamobrem non de agris nobis ædificijsque nimio opere deplorandum

X 2 est;



est; sed de corporibus: neque enim per ea homines parantur, sed illa homines parant. Quin equidem, persuaderi si id vobis posse confiderem, hortarer vos, vti vltro ipsi ex vrbe egressi ea sponte vestra corrumpere, quo perspectum Lacedæmonijs esset, nihil hæc vos mouere, nec eorum quidem causa obtemperaturos esse. Multa præterea ad spem victoriæ habeo, modo non vno eodemque tempore bellum gerere atque imperium propagare velitis; neque præterquam, quæ bellum hoc habet pericula, vltro aliqua addatis; nam me quidem nostra propriaque peccata, magis, quam hostium consilia terrent. Verum alio loco hæc quidem vna cum factis ipsis exponentur. nunc cum ijs responsis hos dimittendos censeo: Megarensibus nos fori & portuum potestatem facturos, cum Lacedæmonij neque nos, neque socios nostros oppido prohibebunt; quando neutrum ne fieret, fædere exceptum est. Ciuitates autem suis legibus vti iubebimus, si, cum fædus quoque icimus, suis eas legibus vtentes habebamus: & cum suis ipsi quoque ciuitatibus permiserint, vt non quomodo Lacedæmonijs commodum est, sed vt suo quæque arbitratu leges habeant institutas: tum iudicium nos ex fædere accipere paratos esse: neque bellum priores illaturos, sed inferentibus restituros: hæc enim cum iusta sunt, tum vero digna, quæ ab hac ciuitate respondeantur. Illud autem tenendum est, necessarium esse bellum: idque quo alacrius suscipietur a nobis, eo minus acriter instabunt hostes. Maxima vero, quæ sunt pericula, ea cum priuatis, tum populis, maximam etiam gloriam pariunt. Itaque parentes nostri, cum Medos contra, initijs haudquaquam tantis, orsi consisterent, fortunis relictis omnibus: cumq; plus consilij, quam secundarum rerum, plus animi, quam virium haberent, Barbaros propulsarunt, atque hæc, qualia nunc sunt, effecerunt: quibus ignauiores nos esse haud quaquam decet. Hostem igitur om-



omni ratione repellamus, atque enitamur, uti hæc neminora, quam acceperimus, posteris nostris prodamus.

*Oratio, qua Pericles laudavit ciues suos,  
in hoc bello interfectos.*



PERIQUE eorum, qui antea ex hoc loco dixerunt, eum, qui orationem hanc ad verus institutum addiderit, collaudarunt; propterea quod eam de ijs, qui in proelijs interfecti sepelirentur, haberi præclarum esset: mihi vero satis futurum fuisse videtur, si ijs, qui in re virtutem præstiterunt, rerum etiam honos haberetur, cuiusmodi hæc sunt, quæ hoc tempore circum sepulchrum illud publice comparata videtis: neque uno in homine recte secusve ad fidem faciendam dicente multorum laus in discrimen adduceretur: difficilis enim est in dicendo mediocritas ea de re, in qua vix opinio veritatis comprobetur. nam conscius quidem auditor ac benevolus minus fortasse pronuntiatum arbitrabitur, quam quod ipse tenet cupitque: imperitus autem vel redundare aliquid, siquid maius, quam suum efficere possit ingenium, audierit, propter invidiam existimabit: eo enim usque aliena laus audiendo toleratur, quoad quisque se quoque, quod de alio audit, de se præstare posse confidit: in quo autem superari se sentiunt, inuident, eoque fidem non habent. Verumtamen, quoniam a veteribus comprobatum est præclare hoc habere, me quoque necesse est legi obsequi, dareque operam, ut ad cuiusque vestrum opinionem voluntatemque, quam possum proxime, oratione accedam. Ordiam igitur a maioribus primum: æquum est enim, simulque ad hoc tempus accommodatum, hunc illis memoræ honorem tribui. Etenim cum terram hanc ijdem



dem continenter tenuerint, liberam eam per virtutem posteris deinceps ad hoc usque tempus tradiderunt. Atque cum hi laudem merentur, tum vero etiam magis patres nostri: cum enim ad ea, quæ acceperant, tantum addidissent, quantum hoc est imperium, quod obtinemus, magno id labore partum nobis reliquerunt; id quod multum quoque ab ipsis nobis præsertim, qui grandiores nati sumus, propagatum est, ciuitasque omni pacis bellicque apparatu quam copiosissime instructa. Atque ego bellicas res, quoque modo singula bello parta habeamus, ac si quando vel ipsi, vel patres nostri, aut a Barbaris illatum nobis, aut a Græcis magno animo bellum propulsauius, ne longior notis de rebus fuisse videar, præteribo: meque ad horum laudationem conuertam, si quibus studijs adepti hæc sumus, qualique rebus quibusve moribus hæc magna euaserunt, ante dixerō: hæc enim cum huic tempori congruere, tum vniuersæ ciuium atque exterorum frequentię auditu non inutilia esse existimo. Nam ea nostra respublica est, quæ non aliorum instituta æmuletur, multique nos sibi proponunt exemplar potius, quam ipsi alios imitemur: ac nomen quidem; propterea quod non a paucis teneretur, sed gereretur a multis, a populi sibi potestate inuenit: legibus vero priuata quidem in re eadem est iuris omnibus æquabilitas constituta: dignitate autem ut quisque in aliquo excellit, ita alijs in republica præfertur: neque in honoribus mandandis, certo potius generi, quam virtuti fauimus: nec vero ob paupertatem, qui aliqua modo re prodesse ciuitati possit, quamquam dignitatis splendor absit, repellitur. Libere vero nos cum in republica administranda gerimus, tum vero in quotidiana inter nos vitæ consuetudine minime sumus suspiciosi: neque alijs, si quando voluptate potiantur, irascimur: nec vero tristitiam, minime noxiam illam quidem, sed tamen odiosam visu præteximus. Ac qui in priuata vitæ con-

sue-



suetudine minime difficiles sumus, a republica violanda metu omnium maxime deterremur: & cum magistratibus continenter dicto sumus audientes, tum vero legibus paremus: ijsque in primis, quę de ijs, qui per iniustitiam opprimantur, iniuria prohibendis scite sunt, quęque cum scriptę non sint, communi omnium consensu ignominiam irrogant. Multa vero apud nos animo ad requiem conceduntur: sunt enim nobis certa anniuersaria sacra instituta, ludique: tum lauta priuatis res domestica atque elegans est, cuius quotidiana oblectatione tristitiam excutiant; adportantur autem propter vrbs magnitudinem ex omnibus terris ad nos omnia: contingitque nobis, vt eos fructus, quos hæc terra gignit, atque eos, qui apud alias gentes nascuntur, æque proprios habeamus. In rei vero militaris studio, ijs rebus hostibus antecellimus: vrbs enim nostra omnibus semper patet, neque vlla lege peregrinos pellimus, ab vllave disciplina, aut spectaculo excludimus, quod minime absconditum siqui ex hostibus aspexerint, adiuentur: nec enim commentatione, aut dolo tam in re gerenda, quam virtute propria nitimur. Atque illi quidem sic educantur, vt statim a pueris magno labore se se ad fortitudinem exercent: nos vero lenius instituti, nihilo secius eque, atque illi, equalibus nos periculis obijcimus. cui rei illud argumento est, quod neque singulatim Lacedæmonij intra fines nostros, sed vniuersi exercitum ducunt; & nos, vbi in aliorum fines inuasi-  
mus, haud magno negotio, pro suis dimicantes fortunis bello plerumque superamus: cum vniuersis autem copijs nostris nulli vmquam hostes conflixerunt; propterea quod vno eodemque tempore maritimis rebus studemus, & diuersis in locis terra bellum gerimus. Quod si aliquando cum aliqua exercitus nostri parte manum conseruerint, ac nonnullos prælio vicerint, omnes se se nos fudisse gloriantur, victique ipsi rursus si sint,  
ab



ab vniuersis nobis superatos se prædicant. Quocirca si ab otio magis, quam a laborum exercitatione atque a virtute, natura nobis potius, quam legibus tradita, profecti venire in discrimen velimus, super sit nobis, vt laborem in rebus asperis, antequam venerint, ne præceperimus, & vbi ad eas iam ventum sit, non minorem quam ij, qui continenter laborando male habiti sint, virtutem præstemus. Atque cum ijs in rebus ciuitas nostra admiratione digna est, tum vero etiam in alijs: elegantiam enim cum parsimonia adamamus, & sapientiæ studio sine desidia delectamur: diuitiarum vero fructum in illarum vsu, vbi tempus postulet, potius, quam in verborum magnificentia ponimus. nec uero cuiquam turpe apud nos est de sua paupertate confiteri, sed eam non re euitare id vero multo est turpius: præterea ijsdem rem suam familiarem, ijsdem publicam gerere licet: quinimo ne ij quidem, qui in opere faciundo occupantur, penitus sunt in republica rudes: soli enim nos, si qui hæc non attingunt omnino, non inertes eos, sed rudes rei publicæ ciues iudicamus. In deliberando autem ijsdem aut recte de rebus dijudicamus, aut recte nobis in mentem venit; neque ij sumus, qui ita existimemus, dicta factis obesse, sed illud potius si, antequam oratione edoctus fueris, rem susceperis. Itaque in eo quoque maxime præcellimus, quod ijsdem excellenti animi magnitudine sumus, & quidquid agimus considerate cogitateque agimus. At ceteris inscitia confidentiam adfert, cognitio ignauiam. Optimi vero iure illi habentur, qui cum asperas ac iucundas res facile internoscant, ne sic quidem vllū adire periculum recusent. Quod autem ad benignitatem adtinet, contra nos, ac vulgo adsolet, facimus: non enim accipiendis, sed dandis beneficijs amicitias nobis comparamus: firmitus enim in eo, de quo bene promeritus sis, vtpote quæ propter beneuolentiam debeatur manet gratia: quam vero retuleris, ea imbecillior est. non enim



enim beneuolentia adductum beneficium contulisse, sed, quod te debere intelligeres, dissoluisse arbitrantur : tum soli omnium non utilitatis cogitatione, sed ipsius liberalitatis fidētia audacter benefici sumus. Atque, vt in pauca conferam, cū vniuersa nostra ciuitas totius Græciæ quasi ludus est, atque institutio, tum singuli quique, vt mihi quidem videntur, corporibus ad uaria multipliciaque rerum genera cum dignitate ac lepore habiles sumus. Atque hæc non in verborum magnificentia temporis causa posita esse, sed factorum veritate niti, hoc ipsum ciuitatis nostrę imperium, quod ijs moribus partum habemus, ostendit : sola enim ex omnibus huius memoriæ, si quis periculum de se fecerit, ditionem vincit ac famam : solaque ea est, a qua neque bellum inferentes hostes calamitatem accepisse pudeat : neque, in quos dominetur, parere se se indigno quærantur domino. Magna vero opum nostrarum monumenta (neque enim eæ intestatę sunt) cum habeamus, cum ijs, qui nunc sunt, hominibus, tum vero etiam posteris magnam nostri admirationem relinquemus. Nec adeo Homerus laudator nobis, adhibendus est, aut alius quispiam, qui versibus in præsentia modo delectet, sed ab existimatione rerum gestarum veritas discrepet : ad omnia enim maria, terrasque omnes, virtute nobis aditum patefecimus : atque omnibus in locis sempiterna secundarum, aduersarumque rerum monumenta extruximus. Pro tali igitur ciuitate cum hi, quod eam sibi eripi pati non possent, fortissimo præstantissimoque animo dimicantes occiderunt, tum ceteros pro eadem omnem excipere laborem decet : cuius etiam rei causa in ijs, quæ ad eam pertinent, fui ipse longior ; quo scilicet ostenderem, non pari vobis conatu intendendum esse, atque ijs, quorum in republica hæc paria non sunt : simulque vt horum laudationem ijs, quæ a me exposita sunt, argumentis confirmarem : pleraque enim ad eos ipsos pertinent : nam in quibus ego ciuitatem lau-

Y      daui,



daui, ijs horum, taliumque virtus illam ornauit. Nec adeo multorum Græcorum res gestæ æque, atque horum, par orationi pondus habere reperientur. Atque equidem reor, horum hunc exitum, qui & primus indicauit & postremus confirmauit, hominis declarare virtutem: nam, qui ceteris rebus minus aliquando prohibi fuerint, eos bellicam suam in patria tuenda virtutem extollere æquum est: male enim facta benefactis delent: magisque profuerunt publice, quam priuatim nocerunt. At horum nemo vel propter diuitias, quod ijs diutius frui magnificeret, languidior fuit; vel propter paupertatis effugiendæ, atque aliquando abundandi spem, periculum distulit: hostium autem pœnas sumere sua ipsorum salute optabilius cum ducerent, simulque statuerent omnium periculorum hoc esse pulcherrimum, illos vlscisci, atque has appetere laudes voluerunt; & incertum quidem rei bene gerendæ euentum spei mandarunt: id autem, quod semel a se approbatum haberent, factis committendum statuerunt: cumque plus in eo ponerent, vt, pugnando si quid aduersi accidisset, ferrent, quam vt cedendo salutem consequerentur, verborum quidem ignominiam fugerunt; rem autem corporibus subierunt, minimoque fortunæ ac temporis momento cum summa potius spe, quam pauore vlllo tenerentur, e vita discesserunt. Atque hi quidem merito tales in patriam extiterunt. Qui autem reliqui sunt, ij eam debent in hostem mentem dari sibi optare, quæ offensio- nis, non virtutis habeat minus; nec ex oratione solum vtilitatem attendere, quam pluribus apud vos, quibus ea nihilo secius nota est, persequi facile licet, quantum in conseruanda patria, hostibusque propulsandis boni in sit, commemorantem; sed potius eius vires quotidie reintu- entes, illius amore incendi: quæ cum magnæ nobis vi- sæ fuerint, illud cogitare debemus, ab ijs parta hæc esse, qui recta cum cognoscerent, tum etiam auderent, qui- que



que cum turpitudinis verecundia rem gererent : nec vero si quid conati aliquid offenderant , faciendum sibi esse existimabant , ut sua propterea ciuitatem virtute priuarent , sed premium omnium præclarissimum ipsi permittebant : cum enim corpora publice traderent , priuatum , quæ numquam consenesceret , laudem acquirebant : clarissimumque monumentum consequebantur , non tam quidem illud , in quo siti ipsi sunt , quam in quo apud omnes quæcumque aut verborum , aut rerum occasio se se dederit , illorum gloria perpetuis laudibus celebrata conditur . Clari enim viri vniuersum orbem terrarum sepulchrum habent , atque eos non tantum domesticis in bustis inscripta elogia apud suos celebrant , quantum apud exterarum nationes non scripta , nec operum magis , quam cogitationis vniuscuiusque animo , ac menti illorum memoria obuerfatur . Hos igitur vos nunc imitati beatam vitam in libertate : libertatem vero in fortitudine ponite , atque in re bellica periculum subire nolite spernere : nec enim miserorum est magis , quibus nulla meliorum sit rerum expectatio , mortem contemnere , quam eorum , quorum vitæ in contrariam partem conuersio etiam nunc agitur : præsertim quibus siquid aduersi euenerit , magna mutatio futura sit : vehementius enim viros quidem generosos cum turpitudine coniunctum incommodum angit , quam cum animi robore communi in spe simul nata sensuque carens mors . Quo circa ne vos quidem , quicumque horum parentes adestis , miserabor potius , quam consolabor : nec enim ignoratis varijs vos multiplicibusque miserijs natos : præclare vero cum illis agitur , si quibus decora hæc obtigerint , qualis horum interitus est , vesterque luctus , quibusque vitæ fuerit felicitas æqualis . Nec vero me fugit , quam difficile factu sit , hæc cuiquam persuaderi : præsertim cum persæpe futurum sit , ut aliorum res secundæ , quibus vos quoque aliquando florueritis , vobis memoriam



refricient: nec enim cum ijs, quę nunquam experti sumus, bonis caremus, dolori ea res est, sed cum ea, quibus adfueuimus, eripiuntur. Veruntamen qui quidem liberos etiam nunc procreare per ætatem possunt, consolari sese nouę spe sobolis debent: filijs enim alijs suscipiendis, cum priuatim eorum, qui extincti sunt, obliuiscuntur, tum vero ciuitati dupliciter proderunt; quod ea neque ab hominibus deferetur, & protectior erit. Nec enim euenire potest, vt æqui bonique aliquid ab his cogitetur, qui collatis in commune pro virili cuiusque parte liberis, periculum non æquauerunt. Qui vero maiores natu estis, quibus maxima vitę pars, quod lucro est apponendum, beate acta est, quę reliqua sit, breuem fore cogitate, atque eam ipsam ista horum gloria eleuate: sola enim laudis cupiditas senescit numquam: nec vero languida atque iners ætas pecuniam modo, quod non nulli dicere solent, consecratur, sed dignitatem. Magnum vero certamen horum filijs, fratribusque paratum video: eum enim, qui non sit, extollere omnes laudibus consueuerunt. Itaque cum excellenti virtute fueritis, vix tum demum non pares, sed aliquanto tamen deteriores, quam hi, dicemini: viuus enim inuidetur ab eiusdem laudis emulis: qui vero e medio exceßerunt, eos hominum beneuolentia sine vlla obtrectatione honorat. Quod si mihi de mulierum quoque officio non nihil dicendum est, quę quidem viris estis orbatę, breue est, quod de re tota præcipiam: etenim si vestra congruere cum natura voletis, magno id vobis honori erit, cum quam minimum de vestris cum vitijs, tum etiam bonis ad homines fama emanabit. Hęc nos quoque non inutilia habuimus, quę huic legi obsecuti, oratione persequeremur. Ac vobis quidem partim iam, qui humanantur decorati sunt, partim vero eorum liberis, quoad e pueris exceßerint, ex hac die publice alimenta ciuitas præbebit, quę vtilem in primis talium certaminum coronam



ronam ijs, reliquisque omnibus decreuit. Etenim qui maxima virtuti pramia proponunt, eorum fortissimi ciues rempublicam gerunt. Sed iam, vbi suum quique luxerint, discedite.

*Contio Periclis ad Athenienses.*



INIME mihi inopinata vestra in me accidit iracundia: etenim in simulari me sentio, eamque ob causam contionem aduocaui: uti, si quid aut mihi iniuria intensi estis, aut aduersis in rebus animo succumbitis, admonerem vos atque expostularem. Nam equidem sic existimo, magis vniuersa republica stante fortunataque, priuatos iuuari, quam singulorum ciuium secundis rebus, illa afflicta: ut enim priuatim aliquis fortuna sit optima, euersa tamen republica ipsum quoque concidere necesse est: at contra, qui in beata ciuitate miser ipse sit, multo magis seruetur incolumis. Quod si ad singulorum ciuium tolerandas calamitates satis respublica virium habet; illius autem ærumnas ferre singuli nequeunt, quid est, cur non omnes illi opem feramus? cur ve domesticis incommodis examinati reipublicæ conseruandæ curam dimittamus? id quod vos facitis, meque huius belli auctorem, vosque adeo ipsos, qui mihi ea de re adfensi estis, accusatis. habeoque ego vos infestos, qui sum is maxime, qui & recte sentire, & id, quod sentiam, commode nihilo, quam alij, minus eloqui possim: idemque patriæ amans, idem incorruptus integerque sim. Namque cogitare si quis potest, sed oratione, quod vult, plane explicare nequit, perinde est, quasi nihil illi in mentem venerit: qui vero vtrumque præstiterit, is, si insensus ciuitati sit,



ti sit, haud quaquam eodem modo amice quicquam dixerit. quod si adsit id quoque: pecuniæ autem non resistatur, profecto vniuersa illa hanc vnam ob rem venalia sint. Quocirca si hæc in me præter ceteros modica esse rati, de suscipiendo bello mihi adsenſi estis, iniuste nimirum nunc, quasi iniuriam fecerim, culpam sustineo. etenim si vtrumvis licet, bene alioqui constitutis rebus, summæ stultitiæ sit bellum suscipere: cum autem ita res redisset vt vel cedentibus continuo in alterius ditionem cadendum esset, vel resistentibus cum periculo dimicandum; qui illud reſugerit periculum, magis quam qui exceperit, reprehendendus est. Atqui equidem idem sum, nec a pristina sententia discedo, sed vos immutati estis: etenim cum hæc vobis persuadebantur, integri scilicet eratis: cum penitet, detrimentum accepistis. Ergo propter consilij vestri imbecillitatem factum est, ego vt non recte sensisse videar: quoniam id, quod molestum est, doloris quidem sensum in vno quoque iam efficit; vtilitatis vero fructus remotus adhuc obscurusque est: tantaque rerum, commutatione facta, idque in breui, imbecillus animus vester est ad constanter in sententia permanendum: frangunt enim animos, atque abijciunt, quæ subita atque improuisa præterque omnem rationem eueniunt: qualia sunt quæ vobis acciderunt, in primisque pestilentia. Verumtamen qui tantam ciuitatem incolatis, quique in ea dignis institutis educati sitis, omnem fortunam subire paratos esse decet: neque gloriam vestram obscurari pati: æque enim homines solent eos, qui quam habent dignitatem, eam per ignauiam amittunt, accusare; atque eos, qui qua indigni sint, eam sibi per temeritatem arrogent, odisse. Quapropter rem familiarem deplorare desinite, ad salutem reipublice incumbite: nam quod ad laborem adtinet, qui necessario in bello sustinendus est, ne nimis magnus ille sit: ac nihilominus tamen hostes superaturi simus, ea quidem de re satis profecto vobis esse debent,



bent, quæ alias sæpe in eam sententiam a me dicta sunt; nihil esse, cur merito reformidare bellum hoc deberetis: sed illud tamen ostendam, quod neque venire vobis in mentem de vestris ad imperium obtinendum opibus mihi videtur, nec ego antea commemoravi, nec vero ne hoc quidem tempore dicerem, veritus scilicet ne inflatus gloriari viderer, nisi timore vos præter modum exterritos intelligerem. Etenim vestris vos modo socijs imperare arbitramini: ego vero illud defendo, cum duo sint omnino, quæ perspicuum habeant usum, mare scilicet, & terra; alteri vos vniuerso dominari, non modo quoad tenetis nunc, verum etiam quoad progredi voletis: tanta enim nauium facultate nauigantes vos, non rex, non vlla alia natio est, quæ impedire hoc tempore possit. Quamobrem maiores omnino hæc mihi opes videntur, quam ut cum agrorum ædificiorumque, quibus priuari vos magnum ducitis, usu comparanda vobis sit. Minime igitur grauiter hæc ferre, sed potius leniter: diuitiarumque istas, delicias, huius magnitudinem imperij spectantes, parui pendite: atque ita cogitate: si in libertatem incubuerimus, illamque conseruabimus, eam ipsam facile per se hæc esse recuperaturam: qui vero alterius parent imperio, ij ea quoque, quæ antea parta habuerint, amittere consuerunt. Nec vero committamus ut vtraque re inferiores, quam patres nostri fuerunt, deprehendamus; qui non ab alio tradita hæc, sed suo parta labore, & tenuerunt, & conseruata a se, nobis prodiderunt: turpius est enim quæ habetas, ea tibi eripi, quam, quæ acquirere coneris, ea adsequi non posse. In hostes autem animo non fidehti modo, sed etiam despicienti ire debetis. Nam fiduciam quidem, fortunata stultitia, vel ignauo pepererit; despicientiam vero conscientia modo, quantum quisque hostibus consilio antecar, id quod in vobis est, efficit: si quidem pari fortunæ conditione animum prudentia communit aduersariorum contemptione: & spei, cuius in rebus du-

bij



bijs omnis vis ac robur est, nihil magnopere confidit: sed suis viribus consilioque, cuius prouidentia multo est certior, nixa est. Ciuitatis igitur maiestati, quam propter imperium obtinet, quandoquidem ea vniuersi gloriari soletis, succurrite: nec enim laborem fugere, aut ne honores quidem consecrari debetis: nec vero existimate vna modo de re esse certamen, an pro libertate seruitutem habeatis: sed etiam de imperio amittendo agi, deque periculo, quod vobis ab ijs imminet, quos propter imperium infestos inimicosque habetis: quod quidem vobis imperium; ne, si qui sint quidem, qui metu atque inertia adducti hoc tempore ad iustitiam remigrare velint, deponere iam liceat: iam enim illud quasi tyrannidem obtinetis, quam occupare, iniustum habetur; deponere, periculosum est. Nam hi quidem per breui rem publicam si hæc alijs persuadeant, aut sicubi ipsi per se suo arbitrato viuant, euerterint: nec enim stabilis est inertia, quæ non industriæ comitatu instructa sit: nec in ea ciuitate, quæ imperium obtineat, sed in ea, quæ alteri pareat, ad tranquillam est seruitutem utilis. Vos vero neque a talibus ciuibus induci vos patiamini: neque mihi, cui de suscipiendo bello adfensi estis, ne si irruentes quidem hostes ea in nos fecerunt, quibus par fuit imperium recusantes, affici, insensu sitis. Nam pestilentia quidem hæc, omnibus improuisa, vnaque omnium rerum maxime inopinata accidit: propter quam certo scio aliquanto me etiam magis odio vobis esse, haud meo quidem merito, nisi si quid etiam vobis boni, non ratione, sed casu, euenerit, id quoque mihi assignaturi estis: sed quæ diuinitus accidunt, vt necessitas cogit: quæ ab hostibus inferuntur; vt virtus postulat, ita ferenda sunt: isq; mos ciuitati antea fuit. eum vos manere finite; cogitateque huius vrbs nomen summa esse apud omnes mortales gloria: propterea quod in rebus aduersis animo non deficiat, quodque maximum ciuium numerum, labores-



que quam plurimos, bellis gerendis consumpserit, maximasque ad hoc usque tempus opes habeat: quarum quidem in perpetuum, si quid etiam aliquando nobis accidat: naturalis est enim rerum omnium imminutio, posteris memoria relinquitur, quod & Græci Græcis quam plurimis imperauimus, & maximis bellis partim cum vniuersis, partim cum singulis contendimus, urbemque omnibus bonis vndique refertam ac maximam incoluimus. Atque hæc, inertes qui sunt, fortasse reprehendent: qui vero moliri aliquid, atque agere cupiunt, etiam æmulantur: quibus autem opes nullæ sunt, inuidebunt.

Sed omnes, qui hoc sibi sumunt, ut alijs imperent, odio si inuisque in præsentia sunt. Verumtamen qui maximis in rebus inuidiam subeunt, prudens consilium ineunt: odium enim minime diuturnum est: at splendor in præsens, atque in posterum gloria perpetuis laudibus celebrata, sempiterna est. Vos igitur id, quod in reliquum tempus honestum futurum est, nec est in præsentibus turpe, cogitatione præcipientes, omnibus iam paratis rebus vtrumque vobis conseruate: neque ad Lacedæmonios de pace mittite, neque præsentibus malis præmi vos præ vobis ferte: Nam qui rebus aduersis animo minime franguntur, & re maxime resistunt, ij & populorum & priuatorum fortissimi sunt.

\*

Z

Oratio



\*



*Oratio Plataeorum legatorum ad  
Lacedemonios in  
exercitu.*



EM iniustam facitis Archidame atque Lacedemonij, minimeque vobis ac patribus vestris dignam, qui exercitum in Plataeorum fines introducatis; Pausanias enim ille Cleombroti filius, Lacedemonius, cum Græciam Medorum dominatu, vna cum ijs Græcis, qui pugnae illius, quæ apud nos facta est, periculum subire non recusarunt, liberasset, immolatis in Plataeorum foro Ioui liberatori hostijs, omnibusque adhibitis socijs, urbem atque agrum Plataeis reddidit, suisque legibus uti voluit, nec bellum illis ullo tempore quemquam iniuste, aut servitutis iniungendæ causa facere; si minus, auxilium omnes socios, pro suis quemque viribus, ferre. Hæc igitur patres vestri virtutis nobis atque alacritatis, qua in adeundis periculis illis fuimus, premia tribuerunt. At vos contra, quam illi censuerunt, facitis: vna enim cum Thebanis, nobis inimicissimis, servitute oppressum nos venitis. Quamobrem deos, in illo fœdere testes interpositos, tum patrios vestros, nostrosque hosce penates, testati, edicimus vobis, ne quam Plataeorum finibus iniuriam inferatis: neque iusiurandum violatis, sed, quemadmodum Pausanias sanxit, nostris nos legibus uti permittatis.

\*

Archidami



*Archidami, Lacedæmoniorum regis,  
defensio.*



EQVVM vos quidem Platæci dicitis, si modo cum dictis facta consentiēt. In libertate igitur, quam Pausaniæ permissu habetis, cum ipsi remanete, tum vero alios, qui illorum socij periculorum vobiscum eo tempore coniurarunt, nunc autem Athenien-  
fium imperio subiecti sunt, vindicate: horum enim ceterorumque libertatis recuperandæ causa tantus hic conatus, bellumque hoc excitatum est, cuius vos equum est maxime quidem participes esse, ac vos quoque iusiurandum conseruare: si minus, at saltem quiescere, remq; vestram agere, neutriusq; esse partis: atque in amicitiam quidem vtrosque recipere: in belli autem societatem neutros. & his quidem contenti erimus.

*Defensio altera Archidami, contra responsum,  
quod dederant legati illi.*



T vos urbem Lacedæmonijs nobis atque ædificia tradite, finesque monstrate, tum arbores, & si qua præterea habetis, quorum iniri numerus possit, nobis adnumerate: ipsi autem in quascumque commodum est partes, tantisper dum bellum est, cedite, atque eo confecto, nos, quæ acceperimus, reddemus vobis. Interim apud nos deposita

Z 2 habebi-



habebimus, colemusque, & quod vobis futurum sit satis, pensitabimus.

*Contio Plataensium, legatorum ad suos ciues,  
renuntiantium legationem, qua functi  
fuerant ad Athenienses.*



**C** antehac Plataenses, ex qua die vos sibi socios asciuerunt, omisisse se se vos tueri Athenienses negant, tum hoc quoque tempore vestras iniurias pro suis se viribus nō neglecturos esse confirmāt. Itaque a vobis per iusiurandum illud, quod maiores vestri iurarunt, ne quid noui consilij capiat, postulant.

*Contio Cnemi, praefecti classis Lacedaemoniorum, cum instaret navalis pugna.*



**S** VPERIVS Peloponnesij nauale praelium, si qui forte sunt, qui eo commoti, futurum quoque extimescant, non iustam causam ad formidinem habent: minus enim paratis nobis, quod vos non ignoratis, commissum est, cum ad pedestrem potius expeditionem, quam ad naualem pugnam nauigaremus: aduersa praeterea multis in rebus fortunam vlti sumus: tum nonnulla etiam nos, utpote tunc primum nauali proelio decertantes, propter insolentiam fefellerunt. Quapropter neque ob ignauiam victi sumus, nec ani-



animum; qui non plane superatus sit, sed aliquam etiam  
 nunc in se habeat excusationem; aduerso rerum euentu  
 retundi decet, sed ita existimare casu labi homines posse,  
 sed animo semper eosdem erecto stare. Nec vero vbi vir-  
 tus adsit, inscitiae quemquam excusatione usum timere li-  
 cet, nec vos tantum usu posteriores estis, quantum virtu-  
 te anteitis: horum autem scientia, qua maxime exterremi  
 ni, siquidem fortitudinem habeat, quæ didicerit, ea cum  
 ventum in discrimen sit, & meminisse, & explicare pote-  
 rit: sine animi vero magnitudine nulla in arte satis est in  
 periculis præsidij: excutit enim memoriam pavor: ars  
 autem sine animi robore nullo est vsui. Illorum igitur  
 artificio vestram virtutem obijcite: timori autem, qui  
 propter aduersum prælium in animos vestros inuasit,  
 quod imparatos tunc vos offenderint, opponite. Itaque  
 eo illos vincitis, quod & nauium numero præstatis, &  
 prope vobis amicam terram; vbi parati in armis præsto  
 vobis milites sunt, prælium committitis. Fit autem fe-  
 re, vt qui plures, paratidresque sint, ij victoriam conse-  
 quantur. Itaque omnia vobis ad vnum firma esse repe-  
 rimus, nec accidere posse, vt vlla in re merito labamur:  
 quin ea ipsa, in quibus antea offendimus, comparata nunc  
 pro disciplina nobis erunt. Magna igitur fiducia guber-  
 natores nautæque suum quisque munus obite: nec vero  
 locum, qui cuique attributus sit, deserite: nam nihilo fe-  
 cius a nobis, quàm a superioribus ducibus instructi in præ-  
 lium proficiscemini, neque nos cuiquam, cur tur-  
 pis esse debeat, causam relinquemus. Quod  
 si quis omnino decreuerit ignauus es-  
 se, is pro delicto poenam sustine-  
 bit: fortes autem pro vir-  
 tute præmium se-  
 rent.

Contio



*Contio Phormionis, ducis Atheniensium,  
ad exercitum naualem.*



**V**M perterritos vos nauium multitudine milites animaduertam, cumque turpe factu existimem, quę minime formidolosa sunt, ea extimescere, conuocaui vos. Nam illi quidem, primum quod victi antea superatq; a vobis sunt, ac ne ipsi quidē pares vobis se se esse confidunt, propterea non æquum in certamen descenderunt, sed nauium multitudinem coëgerunt: deinde id vnum, quo maxime freti ad vos eunt: magnos enim in re militari quasi suo sibi iure spiritus sumunt, nulla alia re confisi sperant, quam quod cum propter vsum, quem in terrestribus habent, pleraque ex sententia gesserint, idem quoque in re nautica vsum venturum arbitrantur. At hoc, si ea id in re illis adiumento est, nos certe hoc tempore plurimum præstabimus: nec enim illis in virtute cedimus, sed, quod alteri in altero maiorem habemus vsum, propterea maiore sumus fiducia: huc accedit, quod Lacedemonij; qui propter auctoritatem imperium in socios obtinent, inuitos plerosque in periculum trahunt: numquam enim longe superati illi iterum rem prælio committerent. Ne igitur illorum formidaueritis audaciam: multo vero vos illis maiori iustiorique estis formidini; tum quod antea superastis, tum quod ita animum illi induxerunt, nisi præclarum quoddam virtutis specimen daturi essetis, numquam vos commissuros fuisse, vt contra consisteretis. Nam qui numero præstant aduersarijs, sicut hi, copijs magis, quam animo nixi, prælium ineunt: qui vero multis partibus sunt inferiores, neque vlla necessitate coguntur, propter excellens



cellens animi robur resistere audent. quæ reputantes hi,  
rei admiratione commoti, potius quam consentaneo ap-  
paratu nos metuunt. Multi vero exercitus, quod usum  
in re militari non haberent, sunt etiam qui propter timi-  
ditatem a paucioribus sunt superati: quarum rerum vtra  
que a nobis hoc tempore longe abest. proelium vero ego  
minime intra sinum mea quidem sponte committam, nec  
adeo proficiscar: etenim scio paucioribus nauibus, celeri-  
tate & scientia præstantibus, contra maiorem nauium mi-  
nus peritarum, numerum aduersariam esse locorum an-  
gustiam. Nec enim modo & ratione quisquam, nisi ex  
longo intervallo prospectus fuerit, incitare se in hostes,  
neque, cum forte laborarit, tempore regredi poterit; nec  
vero hostium naues diducere, nec celeritate eludere, quæ  
sunt propria munera nauium, remorum pulsu & celerita-  
te præstantium: sed naualem pugnam pedestrem facere  
necesse habeat, in quo maior nauium numerus plus po-  
test. Hæc igitur ego, quoad fieri poterit, providebo.  
Vos pro nauibus estote parati in armis, præsertim cum  
paruo interposito spatio incurfus futurus sit: quæque ius-  
si eritis, celeriter administrate, atque ordinem in re geren-  
da, ac silentium plurimi facite, quo modo multa bellicis  
in rebus, præcipueque naualibus pugnis prodest admini-  
strare: ac pro pristina virtute vestra illis resistite. Ma-  
gnum vero certamen, vtrum Peloponnesijs rerum nau-  
ticarum spem præcidatis, an de Atheniensibus ma-  
ri metum augeatis. Iterum igitur atque ite-  
rum vos moneo, vt plerosque horum vi-  
ctos a vobis esse memineritis: se-  
mel autem superatus animus  
similiter eadem expe-  
riri pericula ne-  
scit.

\*

Contio



*Contio Alcylenarum ad Lacedæmonios.*



CIMVS Lacedæmonij, socijque in more positum hoc esse Græcorum, vt qui in bellis defecerint, pristinamque amicitiam deseruerint, ijs, a quibus recipiuntur, quatenus ea re iuuantur, lætitiæ sint; sed iidem, habiti veterum amicorum proditores, improbi iudicentur: idque iudicium haud sane iniquum est, si modo qui defecerint, atque ij, a quibus se se disiunxerint, parem inter se nacti sint animi voluntatem, paresq; cum viribus, tum præparatione fuerint, neque vlla iusta defectionis causa intercesserit: quæ quidem nobis atque Atheniensibus secus obtigerunt: nec ea re improbi cuiquam videri debemus, quod in honore apud hos in pace habiti, in periculis illos deserimus: differendum est enim nobis de iustitia in primis ac fide, præsertim qui in societatem recipi postulemus: nam nulla est neque priuatis stabilis amicitia, neque populis firma societas, quæ non mutua virtutis opinione, & morum reliquis in rebus similitudine nitatur: studiorum enim dissimilitudines rerum quoque discordias gignunt. Est igitur nobis societas cum Atheniensibus inita bello Medico, illo scilicet tempore, cum vos negotio destitistis: illi autem extrema belli persecuti sunt: nec tamen Græciæ seruituti Atheniensium addicendæ, sed eius Medorum dominatu liberandæ, societatem coiunimus: itaque quamdiu æquo illi imperarunt iure, duces eos alacri animo secuti sumus. At postquam ex Medorum quidem inimicijs permultum remitti: sociorum autem seruitutem in angustum ab illis adduci animaduertimus, me

tuere



tuere sane iam tunc incepimus: sed cum singuli seorsum ab alijs, id quod in tam magno varioque sententiarum numero accidere necesse fuit, se defendere socij non possent, omnes seruitute oppressi sunt, præter nos atque Chios. Ergo nos, quibus leges ac libertas nomine dumtaxat relicta est, socij consortesque belli fuimus, cum iam Atheniensibus ducibus parum fidei haberemus: erant enim nobis pro disciplina, quæ illi antea gesserant: neque enim consentaneum est, ut eos sustulerint, quibuscum vna nobiscum ictum habuerint fœdus, & reliquis, ubi se patrandi facultas ostenderit, non idem parent.

Etenim, si omnes etiam nunc libertatem retineremus, minus esset metuendum, nequam illi nouam rem molirentur: nunc autem, qui plerisque seruitute oppresserint: nobiscum autem æquo adhuc iure viuant, verisimile est grauius id, quam ante, esse laturos: quibus scilicet maxima succubuerit pars, cum ijs solos nos exequari: idque eo magis, quod illis opes, nobis solitudo atque inopia adaucta est: solus enim vtrinque par mutuusque metus fidelis est fœderum custos. Nam si qui sunt, qui moliri contra quippiam cupiant, quoniam id nulla re superiores conantur, deterrentur: nobis autem ob eam causam libertas relicta est, quod orationis honestate, consilijque itinere ac fallaciæ, aditum sibi ad dominationem occupandam facilius munire posse, quam virium via armorumque, sperant. Testimonioque simul id esse voluerunt: ego namque fœdere socios nullo modo belli eius participes futuros fuisse, nisi ij, in quos illi impetum facerent, in aliquo deliquissent: tum potentissimos quosque in maxime infirmos primum concitarunt, ut eos ipsos cum ad extremum referuassent, amputatis circumcisisque reliquis, imbecilliores ad expugnandum haberent. Nam a nobis si duxissent initium, omnibus cum sua vi etiam tunc integris, tum locum, ubi consisterent habentibus, non tam facile eos subegissent: nonnihil etiam no-

AA

stra



fra illis classis terroris iniecit, ne quando aut ipsa per se, aut vobis, aliquibus ve alijs adiuncta, eos in periculum arcesseret, tum multum quoque, nostro in ciuitatem eorum, ac principes deinceps obsequio ad incolumitatem profectum est. Nec tamen ne sic quidem, nisi hoc interuenisset bellum, diu hoc prestare nobis videmur potuisse: coniecturam enim de alijs facimus. Quæ nam igitur ista firma fuit amicitia? quæ ista secura sane libertas? in qua inuiti nos mutuo amplexaremur, atque illi in bello nos metu adducti colerent, nos illis contra in otio idem præstaremus, ac fidem, quam beneuolentia confirmare plurimum apud alios consuevit, nos timoris præsidio munitam haberemus: metuque potius, quam amore copulati in societate contineremur: atque vtricumque patrandi impunitas prius addidisset animum, princeps is peccandi initium facturus esset. Quocirca si quis est, qui nos sceleris condemnet, propterea quod, cum illi ea, quæ in nos edituri erant flagitia, traherent, ipsi anteuertimus: nec itidem dum certum sciremus, siquid de eo acturi essent, expectauimus, non rectam ille rationem init: etenim si illorum infidijs nostras opponere nobis licuisset, illisq; retrahentibus eodem nobis modo cunctandi data esset facultas, quid erat causæ, cur equi paresque cum illis essemus, eorum obtemperare imperio? Cum igitur, vbicumque vellent, vti in nos impetum facerent, illorum esset arbitrij, nostri quoque arbitrij est, vt, vbi visum sit, anticipemus obsistere. Has nos defectionis, Lacedæmonij socijque, defensiones causasque habuimus, cum audientibus ad intelligendum iure nos fecisse, perspicuas, tum vero ad perterrendos nos, atque vt salutem aliqua nobis ratione quæreremus hortandos firmas: antea quoque nos quidem id conatos, quo tempore, cum etiam nunc pax esset, de defectione ad vos misimus, atque a vobis reiecti eo conatu destitimus. Nunc autem a Bæotijs inuitati e vestigio paruimus: duplicemque-rati sumus defeccio-



defectionem nostram futuram; alteram a Græcis, ne vna cum Atheniensibus vexandi nobis essent vniuersi, sed vna cum libertatis auctoribus seruitute liberandi; alteram, vt ab Atheniensibus deficeremus, quo minus posthac ab illis tolleremur, sed ipsi anteuertere. Verum præpropera imparataque paulo magis nostra defectio fuit: quo etiam magis receptis nobis subsidium celeriter mittere debetis, vt, & quibus decet, auxilio esse vos cognosci possit, simulque hostibus vt detrimento sitis. Nam tempus quidem magis nunc idoneum est, quam vnquam antea: Athenienses enim & pestilentia exhausti sunt, & sumptibus: naues autem illorum partim circum vestra sunt litora, partim contra nos dispositæ sunt: vt verisimile sit, si pedestribus copijs simul & nauibus in eos hac quoque æstate impetum feceritis, nullam eos nauium facultatem habituros. Quare aut vobis ad se proficiscentibus non resistent, aut ab vtrisque discedent. Nec vero existimare quisquam debet, pro alienis fortunis proprium vos subire periculum: si quis est enim, cui Lesbus longinqua videatur, illi propinqua ex ea vtilitas exabit. At non in Atheniensium finibus bellum geretur: verum in illorum, quibus Athenienses iuuantur: ex sociorum enim vectigalibus pecunia illis reficitur, quæ quidem edomitis nobis, etiam adaucta erunt: propterea quod nulli posthac deficient, vnaque ad Atheniensium facultates nostræ addentur, simul & durior nos erimus condicione, quam ij, qui seruituti antea addicti sunt. Quod si vos auxilium prompto nobis animo feretis; cum ciuitatem nauibus abundantem, id quod vobis maxime deest, adiungetis vobis, & Athenienses, abductis illorum socijs, facilius delebitis, fidentius namque cuncti se ad vos adplicabunt; tum, in quo accusamini, quod ijs, qui ad vos defecerint, non subuenitis, eius rei culpam effugietis. Quod si libertatis vindices profiteri vos cognitum fuerit, bellicas opes vestras multum ea re confirmabitis. Vos igitur spem illam,

AA 2

quam



quam in vobis Græci repositam habent: Iouemq; hunc olympium cuius in templo non secus ac supplices sumus, veriti, Mitylenæis in fidem atque amicitiam receptis succurrite: noliteque nos respuere, qui proprio capitis nostri periculo commune omnibus emolumentum, si quidem ex sententia successerit: contraque, si nihil a vobis impetrauerimus, magis etiam commune detrimentum adferamus. Tales igitur vos præbete, quales vos viros esse Græci confidunt, qualesque noster hic postulat metus.

*Contio Teutiapli.*



Go Mitylenas protinus contendendum Alcida ducesque Peloponnesij, prius, quam de nostro aduentu auditum sit, quo in statu sumus, censeo: existimandum est enim, multa nos apud hostes, quippe qui modo vrbe potiti sint, sine præsidio offensuros: maxime quidem mari, qua nec illi hostium incursum verentur, & nobis vsu euenit, vt plurimum valeamus: sed pedestrem quoque manum, credibile est, vtpote ratam se vicisse, dispersam incautius in tectis esse. Itaque si improuiso simul, & noctu, in homines impetum fecerimus, spero equidem ab ijs nos adiutos; si qui reliqui in vrbe sunt, qui nobis cupiant, esse victuros. Nec vero periculum reformidate, sed ita cum animis vestris cogitate, nullis alijs in rebus inane illud belli, quod fertur, quam in talibus esse positum: quas quidem qui ipsi in se cauerint duces, atque eas vbi in hoste animaduernerint, rei bene gerende occasionem non dimiserint, ijs quam plurima ex sententia eueniunt.

\*

Quasi



*Quasi argumentum duarum, quæ sequuntur  
orationum, ex auctoris verbis  
expressum.*



VM populus Atheniensis multis de cau-  
sis Mitylenensium defectionem acerbis-  
sime tulisset, simulatque eos per Pache-  
tem receptos esse certior factus est, ple-  
biscitum confestim per iram fecit, vt  
omnes puberes interficerentur, ac sine  
vlla mora cum eo plebiscito celeriter misit, qui in om-  
nem Mitylenensium ciuitatem sæuire eum extemplo iu-  
beret. Postridie eius diei, deferuescente iam iracundia,  
multi rei acerbitem accusare: plerosque tam immanis  
sententiæ pænitere; Mitylenensium vero legati, qui for-  
te Athenis aderant, vna cum ijs Atheniensibus, qui ip-  
sorum rebus fauebant, vbi molliri ciuitas visa est, in spem  
miseri veniunt mitigari populum posse, atque ad huma-  
norem aliquam sententiam traduci. Qui cum per ami-  
cos anxij sollicitique id agerent, cumque omnibus ad pe-  
des prostrati supplices flentesque iacerent, atque eos, qui  
pridie quoque ab alijs dissenserant, plebiscitumque illud  
improbauerant, adiutores haberent; ecce tibi Cleo Cle-  
neti filius, hesternæ illius sententiæ auctor, vir natura v-  
nus ex omnibus ciuibz violentissimus & auctoritate idē  
apud populum longe maxima: is plebis inconstantiam in-  
crepitans, vt ciuitatis labantem iam voluntatem con-  
firmaret, & plebiscitum, quod se maxime con-  
tendente auctore factum esset, tue-  
retur, aduocata contione,  
ad hunc fere mo-  
dum loquu-  
tus est. Contio



*Oratio Cleonis.*

INTELLEXI equidem & sæpe alias, & maxime hoc tempore, cum vestra vos de Mitylenæ sententiæ penitet, liberos populos alijs imperare nequire: ad sueti enim securè inter vos, minimeque insidiosæ vitæ rationi, eundem morem erga socios quoque vestros retinetis: nec quidquid, aut illorum oratione adducti peccaueritis, aut misericordia commoti dissolutiones fueritis, non socijs gratum, sed periculosum vobis langorem vestrum esse intelligitis: haud animo reputantes imperium hoc, quod obtinetis, tyrannidem esse: illos contra vos consilia inire, vobisque inuitos parere. Haud vos beneficijs magno quidem vestro detrimento dandis, sed cum viribus magis, quam illorum in vos beneuolentia vt valeatis perficeretis, dicto vt vobis audientes sint, eos adducetis: illud certe minime omnium ferendum, si, quæ semel statuerimus, eorum firmum erit nihil: neque intelligemus commodius administrari rem publicam, quæ minus præclaris legibus, verum stabilibus vtatur, quam eam, quæ optimas leges habeat, sed parum ratas: plusque habere vtilitatem incertam modestiæ compotem, quam intemperanta præditam perspicaciam: meliusque fere ab ijs, qui paulo sunt tardiores, quam ab ijs, qui ingenij præstent acumine, res publicas geri. Nam hi quidem antea legibus prudentia, & in omni de republica disputatione superiores discedere videri volunt; quasi vero non maioribus in rebus antea prudentiam ostentarint: atque ijs quidem rebus ciuitates hi labefactant. Qui vero intelligentiæ suæ minus confidunt, ij nec suo plus, quam legum consilio tribuunt, nec se idoneos esse arbitrantur, qui recte dicentis sententiam refutent: & cum existimatores in neutram partem propè

si



si sint, potius quam aduersarij, plerisque in reb. recte sta-  
 tuunt: id quod vos quoque prestare debetis, neque elo-  
 quentię ui, & prudentiæ contentione elati contra, atque  
 ipsi sentiat, ciuib. vestris suadete. Nam quod ad me ad-  
 tinet, in eadem equidem sententia perseuero, atque eos  
 miror, qui de Mitylenæis iterum retulerunt, moramque  
 quæsiuerunt, id quod ijs utile est, qui iniuriam intulerint;  
 siquidem iracundia demum obtusa, qui læsus est, in eum,  
 qui læcessierit, inuadit: at cōtra, cum vindictio quam ma-  
 xime propinqua iniurię acceptę est, tum, paribus nixa vi-  
 ribus, iustissimas penas repetit: tum eum quoque admi-  
 ror, quicumque illē futurus est, qui contradicetur sit, &  
 faciendum sibi esse existimet, vt Mitylenensium scelera  
 vtilitati nobis, nostras autem calamitates detrimento so-  
 cijs esse ostendat; atque aut eloquentia fretus id, quod vo-  
 bis summe placitum est, non ita decretum esse pugnabit,  
 aut, suo compendio ductus, eleganti elaborataque oratio-  
 ne ad aliam vos sententiam traducere conabitur. Res cer-  
 te publica talium concertationum præmia alijs tribuit, pe-  
 riculum ipsa subit, cuius fane quidem rei culpa in vobis re-  
 fidet, qui certamina hæc perperam administratis: etenim  
 dictorum spectatores, rerum autem auditores esse con-  
 sueuistis. Nam & de futurarum rerum euentu ex diserto-  
 rum hominum oratione statuitis, & quæ facta iam sunt,  
 nihilo plus fidei ijs, quæ oculis cernitis, quam ijs, quæ san-  
 do auditis, habentes, quanta ea ornatę orationis vbertas  
 fecerit, tanti æstimatis: qui, cum ea dicuntur, quæ a con-  
 suetudine abhorrent, per facile capi soletis: quę vero ap-  
 probantur in vulgus, ea respuitis, in vnaquaque re noui-  
 tati feruientes: visitata autem & quotidiana contemnen-  
 tes: datisque operam maxime quidem pro se quisque, ta-  
 lia quędam vt dicere ipsi possitis: si minus in eo inter vos  
 pugnatis, vt ne tardius, quæ dicta sunt, percepisse videamini:  
 quod si qua acutius aliquis dixerit, in ijs vos, & ap-  
 probatione & intelligentia vestra præcundis prompti: in  
 pro-



prospiciendo autem, quos ea euentus habitura sunt, tardi  
 estis: cumque alia prope dixerim omnia, quam quæ in  
 vita hac communi versantur, vestigietis, ne in ijs quidem  
 ipsis, quæ ante oculos posita sunt, sapitis satis; ac prorsus  
 audiendi voluptate deliniti, sophistarum potius spectato-  
 ribus, quam de republica consultantibus similes confide-  
 retis. Quibus ego a rebus abducere vos conor, doceoque  
 Mitylenæos vnam quidem ciuitatem, maximam vobis se-  
 cisse iniuriam. Nam si qui sunt, qui cum imperium  
 nostrum perferre non possent, aut si qui hostium coactu  
 a nobis defecerint, veniam equidem illis tribuo: qui ve-  
 ro & insulam incolant, & mēia habeant, quique cum  
 hostes nostros mari modo vereantur, quo tempore trire-  
 mium præsidio aduersus eos muniti essent, cum suis le-  
 gibus viuerent, cumque honos illis a nobis, vt quibus  
 maxime haberetur, hæc patrauerint, quid aliud egisse  
 eos dicamus, quam vt insidiarentur nobis, magisque in  
 nos eos inuadere, quam a nobis euadere voluisse? (defe-  
 ctio certe eorum est, quibus per vim inferatur iniuria) de-  
 disseque operam, vt vbi cum inimicissimis nobis sese con-  
 iunxissent, tollerent nos: id quod acerbius est, quam si  
 ipsi per se, nacti vires, bellum intulissent. Nec vero alio-  
 rum calamitates, qui, cum a vobis defecissent, in potesta-  
 tem nostram redacti sunt, sibi exemplo habuerunt: nec  
 adeo beatæ illorum res, ne in discrimen irruerent, illos re-  
 tardarunt. sed præcípites audacia, plusque quam quan-  
 tum suæ vires: minus autem, quam quantum voluntas  
 ferebat, spei habentes, bellum susceperunt, atque æqui-  
 tati vim anteposuerunt. Nam, quo maxime tempore  
 vincere se posse arbitrati sunt, nulla lacefsiti iniuria, impe-  
 tum in vos fecerunt: sic enim fere fit, vt eæ ciuitates, qui-  
 bus maxime nec opinantibus, vt, vel breue modo ad tem-  
 pus, fortunatæ sint, acciderit, insolentia efferantur: ple-  
 rumque autem quæ consilio ac ratione, quam quæ fortui-  
 to prospere hominibus euenerunt, stabiliora sunt: facili  
 usque



vsque fere aduersam fortunam refellimus, quam secundam conseruamus. Quod utinam nullo vnquam precipuo, præter ceteros, a nobis habiti honore Mitylenæi fuissent. neque enim hunc in locum eorum progressa esset audacia. Nam omnino sic est hominum ingenium, ut obsequentia contemnant, repugnantia admirentur.

Luant igitur nunc saltem scelere suo dignas pœnas, neque culpa in principes translata populus supplicio liberetur: æque enim omnes ad vestram perniciem incubuerunt: qui si ad vos se se contulissent (erat enim in illorum potestate) rursus nunc ciuitate fruerentur: verum, fortunam cum paucis experiri tutius arbitrati, vna cum ijs deficere maluerunt. Ac cum animis vestris cogitate, equem ex omnibus socijs non leui quaque de causa defecturum a vobis esse existimetis, si easdem ijs pœnas constitueretis, qui hostium coactu, atque ijs, qui sua voluntate a vobis defecerint, cum libertatem, si conata perfecerint, propositam habeant: sin autem minus, nullam tamen insanabilem plagam accepturi sint: at vos de vnaquaque ciuitate capitum, ac fortunarum vestrarum in discrimen venietis: & bene re gesta, tamen urbem recipientis perditam, & vectigalia, quibus opes vestræ nituntur, in reliquum tempus amittetis: siquid autem secus acciderit, ad eos, quos habemus hostes, alios addetis: atque id tempus, quod maxime in ijs propulsandis, qui inimici iam vobis sunt, ponendum erat, inferendo socijs vestris bello consumetis: non igitur spes ostendatur, siue quæ oratione persuadet, siue quæ pecunia paratur, fore ut illorum scelera humana patiamur: nec enim imprudentes nocuerunt, sed scientes insidiati sunt: misericordiam autem error habet. Itaque cum a principio equidem pugnaui, tum vero nunc contendo, ne id, quod antea sciuitis, irritum faciatis, neque tribus ad imperium obtinendum maxime inutilibus rebus, misericordia, orationis dulcedine, & clementia in fraudem induci vos pa-

BB

tia-



tiamini. Nam & misericordia paribus tribuenda est, non ijs, quos neque contra in futurum quicquam misereat, & in perpetuum hostes vobis esse ipsa res cogat: & qui dicendo aures vestras suauitate perculcent oratores, ijs alijs minoribus in rebus campus non deerit. Nam nunc quidem brevis voluptatis fructu nimio ciuitas multaretur: ipsis autem pro bene dictis bene facta commodaque tribuentur: clementia vero aduersus eos exercenda est, quos deinceps vobiscum coniunctos, non in eos, quos similiter, atque antea hostes habituri sumus. Atque vt in vnum conferam, si mihi assensi eritis, ea facietis, quæ iusta in Mitylenæos sunt, & in remp. vestram salutaria: sin aliter statuētis, nec illi gratiam habebunt, & ipsi vestro vosmet iudicio condemnabitis: iniuste enim vos imperium, si quidem iure hi defecerunt, obtinetis: quod si contra, quam deceat, tamen faciendum id vobis esse statuistis, contra quoque, quam honestum sit, vtilitatis causa in eos animaduertite; nisi forte principatum dimittere mauultis, & sine omni periculo ad officium vos conuertere: ac parces ab illis penas repetite, ne maior nostra, qui insidijs obstiterimus, quam eorum; qui insidias fecerint, videatur esse lentitudo: illud animo versantes, quales illos existimandum sit in vos futuros fuisse, si vicissent: præsertim cum ab ijs initium iniuriæ inferendæ ortum sit. Nam, qui sine causa quempiam læserunt, ij acerrime vrgere, sanguinemque solent appetere, superstitis scilicet inimici periculo commoti. Etenim qui ab eo, a quo minime fuit necesse, percussus sit, is capitalior, si forte euaserit, hostis est, quam qui pari etiam nunc condicione inimicitias gerit. Ne igitur vos ipsi prodideritis, sed mala, quæ ab ipsis accepissetis, vobis ante oculos atque in conspectu statuīte: faciteque vt etiam atque etiam recordemini, vt omnia minoris æstimaueritis, quam vt illi vestras in manus deuenirent: ac par pari nunc referte, neque in ipso negotio subito relan-



languescite: quantaque vobis acerbitas modo imminue-  
rit, memoria retinete: & cum ab ijs dignas pœnas repe-  
tite, tum in posterum documentum socijs vestris statui-  
te fore, vt, quicumque defecerint, morte multentur: hac  
enim re intellecta, minus posthac cogemini, posthabitis  
hostibus, cum socijs vestris bellum gerere.

*Hac quoque sunt expressa e Thucydide.*

*Ad hac Diodotus, Eucratis filius, qui in priore quo-  
que contione vehementer Cleonis sententia, de Mi-  
tylenæis necandis, restitisset, cum in sug-  
gestum venisset, ita re-  
spondit.*



**N**Ec eos, qui iterum de Mitylenæis re-  
ferunt, reprehendo; nec eos, qui ma-  
gnis de rebus sapius deliberari quæ-  
runtur, laudo: duas autem res maxime  
consilio inimicas, ac rationi esse existi-  
mo, festinationem, atque iracundiam;  
quorum alterum amentiam, alterum inscitiam, & leui-  
tatem habet. Quod si quis orationem rerum agenda-  
rum magistram negat, atque in eo pugnat, nã ille aut  
stultus est, aut sua id priuatim aliquid refert: stultitiæ  
est enim aliquid præterea esse statuere, quo futuris mini-  
meque perspicuis de rebus differi posset: priuatim vero  
interest, cum turpe aliquid persuadere in animo habeas;  
bene autem te de re minime honesta dicere posse diffi-  
das, bene calumniari, atque cum aduersarios, tum vero

BB 2 etiam



etiam auditores exterrere. Illi enim vero omnium maxime molesti sunt, qui alterius sententiam pretio addictam criminantur: etenim cum stultitiæ is, qui nihil forte persuaserit, arguitur, imprudens habitus magis, quam improbus discedit: cui vero obiecta est avaritia, is, & cum persuaserit, suspectus est, & cum id minus sit assecutus, præter stultitiam improbitatis etiam reus fit. Ac ne e rep. quidem id est, quippe quæ metu suis consiliarijs priuatur, multumque adeo illi prospectum sit, si huiusmodi ciuibus nulla ad dicendum facultas fuerit: minimum enim in se fiduciæ ad peccandum habebunt. Quandoquidem boni ciuis est, non metu exterritis ijs, qui contradicuri sint, sed æquo certamine contendente superiorem in dicendo discessisse iudicari: prudentis autem ciuitatis, qui plurima sapienter suaserit, cum haud honore amplificare, sed ne de ea quidem, quam is obtinet, dignitate quicquam detrudere: contraque, qui minus prudenter senserint, illis eam rem non modo fraudi, sed ne dedecori quidem esse censere: sic enim neque is, cui ex sententia euenerit, quo etiam pluri habeatur, contra, atque ipse sentiat, dicendo, gratiam aucupabitur: nec cui minus successerit, ipse quoque, quo sibi aliquid conciliet gratiæ, se se contioni venditabit: quæ contra a nobis fiunt. atque huc accedit, ut si quis sui quidem quæstus causa, sed quæ nihilo tamen minus ad remp. pertineant, dicere in suspicionem venerit, ob tenuis avaritiæ opinionis inuidiam, certo remp. utilitatis fructu priuemus: atque eo res deducta est, ut, quæ recta sunt, si simpliciter sincereque dicantur, nihilominus suspiciosa sint, quam quæ improba sunt: ut eque necesse habeat, qui maxime pernitiola suadere cupiat, populum inducere, atque is, qui salutare aliquid adferat, mendacio fidem facere: solaque hæc est ciuitas, cui propter peruersam calliditatem aperte sineque circuitione prodesse nemo possit: nam, si quis aliquid attulerit, quod perspicue bonum sit, delitescere tamen in

co



eo occulte fraudis aliquid ac furti veremini. Quare in tam suspiciosa ciuitate, institutisque his vestris, maximis de rebus dicentibus nobis longius prospiciendum est, quam vos, quibus breue ad cogitandum spatium fuit, prouidentis; præsertim cum suasio nostra legibus teneatur, vestra autem auditio libera solutaque sit: etenim si eadem, qui suasset, ac qui in eam sententiam est, pæna plecteretur, profecto haud paulo vos consideratius iudicaretis: nam nunc quidem, quacumque de re facti sitis iratiores, si quando aliquid forte offendistis, eius, qui auctor fuerit, sententiam vnam multatis: vestras autem, quæ multæ in eius erroris societate fuerunt, absoluitis. Ego sane equidem non eo in contionem ascendi, vt Mitylenensium causam agerem, nec vero eos rursum vt accusarem: nec enim de illorum iniurijs, si sapiamus, suscepta nobis est hoc tempore contentio, de nostra recte ineunda ratione: neque enim, ne si aperuero quidem plurimum eos peccasse, propterea occidendos illos censebo, nisi id reip. conducat: neque contra, quamquam non nihil illos loci veniæ reliquisse ostendero, nisi ea res ad remp. pertineat, ignoscendum statuam: puto enim de futuris magis vos rebus, quam de præsentibus consuli. Itaque in quo Cleo maxime nitabatur, cum contenderet multum in posterum ad defectiones coërcendas profuturum, si qui ei rei pænam capitis constituerit, in eo ego quoque ex altera parte futuris nifus, ab illo vehementer dissentio: enimvero haud æquum esse existimo præ illius speciosa ratione vtilem meam a vobis sententiam respui: etenim illius oratio, propterea quod magis ius sequeretur, ob præsentem vestram in Mitylenæos iracundiam fortasse vos traxerit: non enim iudicio cum ijs contendimus, vt iuris ratio habenda sit, sed de illis deliberamus, qua nam potissimum condicione plurimum reip. nostræ sint profuturi. Multa igitur singulis in ciuitatibus, eaq; haud quaquam huic paria, sed multo leuiora peccata capite sancita sunt: attamen  
elati



elati spe periculum non reformidant: nemo autem desperans conata se perficere posse maius aliquod facinus suscipit. Ac sæpe, quæ minus, aut suis viribus, aut externis auxilijs instructa ciuitas defecisse visa est, hoc freta id incoepit: natura enim omnes publice priuatimque ad peccandum ferimur; qui quidem i impetus nulla lege coerceri potest: nam per omnia suppliciorum sunt homines genera peruagati, si quid ab inferenda improbos iniuria deterrere possent: ac verissimile est grauissimis antiquitus criminibus mitiores fuisse penas constitutas: sed cum illæ temporis diuturnitate negligenter, capitalia pleraque euaserunt: perfringitur tamen id quoque. Aut igitur metus maior aliquis inueniendus est, aut ne in hoc quidem satis est roboris ponendum. Nam egestas necessitatem, audaciam porrigit, incitat: copiarum, contumeliarum, & arrogantiarum iniustitiam ministrant: tum ceteri itidem casus dolore, ut quisque maiore aliqua vi premitur, precipites in pericula trahunt: spes in primis, atque amor; illum enim præeuntem hæc subsequitur; atque hic ingressionem meditando, illa secundum fortunæ euentum proponens, pleraque turbant ac miscent: atque hæc, quoniam latent, perspicuis malis peiora sunt. Ipsa præterea fortuna multa ad instigandum congerit, nam nec opinantibus non numquam se se offert, atque imparatos in discrimen trahit, ipsasque præcipue, præter ceteros, ciuitates impellit, utpote quæ res maximas, libertatem aut etiam in alios imperium, propositas habeant, simul se quisque stulte, quam quanti sit, carius estimat. Atque omnino nec fieri potest, magnæque inscitie est, cum summo humanum ingenium studio ad aliquid agendum incubuit, legum seueritate, vlloue alio acerbioris genere deterritum iri, existimare. Quare nec pena capitis freti, tamquam eam vadem acceperimus, minus prudens consilium inire debemus: nec quicquam statuere, quo spes ijs, qui defecerint, ad sanitatem reuertendi, peccatumque




que suum celeriter corrigendi præcidatur; sic enim cogitate. Nam sic quidem, si qui, cum defecerint, sustinere se non posse sentiant, integri adhuc, ut, & quod impensum sit, in præsentia sarcire, & vectigal deinceps pendere valeant, in deditioem veniant: illo autem modo equos putatis fore, qui non se multo acrius, quam nunc, ad tolerandam obsidionem comparent, atque eam, quam longissime possint, producant: quippe cum nihil referre intelligant, tarde ne se se, an celeriter dederint? Quid igitur? ea res non ne vobis damno erit? cum in obsidionem sumptum facere cogemini, propterea quod nullum compositioni locum, reliquum feceritis, & vrbe potiti, perditam ciuitatem recipietis, vectigalque, quod ex ea percipitis, in reliquum amitteretis? Atqui hoc vno maxime hostibus resistimus. Quamobrem non est nobis committendum, ut seueri potius peccatorum iudices cum simus, damno afficiamur, quam ut moderatione in puniendo adhibita in futurum prospiciamus, ut integris ciuitatibus firmiora vectigalia habeamus. Nec vero in legum seueritate, sed in rerum procuratione satis esse ad custodiam præsidij existimemus, contra quidem, ac nunc facimus: etepim si quis cum liber esset, atque imperio per vim opprimeretur, iure se se in libertatem vindicaret, acerbè nos in eum receptum animaduertimus. Atqui liberorum populorum defectiones non acriter puniendæ, sed acriter cauendæ sunt, præripiendumque, ut ne in eam quidem cogitationem deueniant: at, cum in ditionem recepti sint, culpa quam minimum dilatanda est. Ac videte, quam vehementer hoc etiam nomine, si Cleonis sententiam secuti fueritis, erraturi sitis: nam nunc singularum vobis ciuitatum populus fauet ac cupit, nec cum principibus sua voluntate coniurat, cumque armis opprimitur, continuo defectionis auctoribus hostis est. Itaque multitudine nos aduersariæ ciuitatis nobis amica ac socia bellum gerimus. Quod si populum Mitylenæum



tylenum interfeceritis, qui a defectionis consilio afuit, & cum priuatim arma capiendi potestas data est, ultro nobis urbem tradidit, præterquam quod ijs, qui bene de vobis meriti sunt, necandis iniuriam facietis, id etiam statuetis, quo nihil nobilitati possit esse optatius: ciuitatibus enim ad defectionem impulsis populi auxilium paratum habebunt: siquidem exemplum vos statuetis, idem vos supplicium ijs, qui scelus in se admiserint, atque ijs, qui extra noxam sunt, constituere; quinimmo, si maxime illi in culpa sint, dissimulandum id esset, ne, qui vni nobis amici reliqui sunt, hostes fierent. Atque equidem multo hoc magis ad imperium tuendum conducere arbitror, si scientes iniuriam perpetiemur, quam si veliure, quos minime expediat, interfecerimus. Nam Cleonis quidem sententia penam, quæ utilitatem eadem cum iustitia copulet, inuenire non potest. At vos præstare hæc statuere; nec misericordiæ quicquam aut clementiæ tribuite; quibus rebus ne ego quidem abduci vos velim, sed ijs ipsis, quæ a me expositæ sunt, rationibus persuasi Mitylenensium, quos Paches pro fontibus misit, otiose causam cognoscite, reliquos oppido vti iubete: hæc enim cum in futurum recta sunt, tum in præsens hostibus formidabilia. Nam, qui consilio nititur, plus hostibus nocet, quam qui sine animi ratione viribus.

\*

Ioannis





193  
IOANNIS CASAE  
AD ILLVSTRISSIMVM,  
AC SAPIENTISSIMVM

Venetiarum Principem,

Franciscum Donatum

*In Historias Petri Bembi.*



VLTAE sunt artes, Illustrissime  
PRINCEPS, quod tu minime  
ignoras, cum ad vitam sustentan-  
dam inuentæ, tū ad cultum, aut  
etiam ad iucunditatem, volupta-  
temq; ab hominibus excogita-  
te: quarum in singulis qui excel-  
lenti quadam scientia aliquando  
præter ceteros præstiterunt, ma-  
gno apud omnes gentes in honore habiti sunt. nec vero  
iniuria id quidem: nihil est enim præstantius, nihil omni-  
no homini laudabilius, quam de hominum genere bene  
quoquo modo possis, mereri; eamque cognationem, quā  
a natura habeamus, nostra quoq; opera, hoc est dandis be-  
neficijs, arctius etiam astringere. Quod si harum commo-  
ditatum, vtilitatumq; effectoribus tantus honos habendus  
est singulis: quibusnam tandem aut litterarum, aut operū  
monumentis eius gloriā digne illustrabimus, si cuius ars,  
ac disciplina tanta sit, vt vniuersa illa contineat ac comple-  
ctatur? aut si quis harum omnium artium moderator, &

CC

tam-



tamq̃ architectus, quatenus quamq; , quoque modo progredi deceat, indicet atq; præscribat? est enim difficilis illa quidem, & ardua in præclaris nonnullorum hominum ingenijs, ceterarum omnium princeps, ac magistra, minime tibi quidem incognita, facultas quædam, quæ ciuitatû procurationē sibi vindicet, & reip. regendæ muneri præposita sit. atque eam artem ciuilem rationem, eandemq; prudentiam licet appellare, cuius quidem discipline qui compotes sunt, non vna modo, aut altera re separatim hominibus cōmodare, ac prodesse, sed vniuersam eorum gubernationem suscipere volunt: nec illud efficere solum conantur, illi priuatim vt libere, vt tuto, vt iucunde, sed vt bene etiam beateq; publice viuant. Quamobrem tanti, ac tam præclari operis artifices, non vt reliquarum artiû magistri laudibus solum extollendi sunt, sed etiā, si modo dictu fas est, in deorum immortalium numero, quibus cum humanarum rerum procurationem propemodum communem habeant, venerandi atque colendi. atque horum artificû vestro in senatu maxima omnino facultas est, semperq; fuit: id quod res ipsa declarat: nec enim tanta, tamq; opulenta, ac beata ciuitas vel constitui initio potuit, vel deinceps tantopere augeri & crescere; nec vero vno, eodemq; statu, & tamquam habitu tot sæcula, id quod nullis gentibus, vt totius vetustatis memoriam quam longissimæ repetamus, vsu euēnit, manere, sine eximia quadā prudentia, sineque admirabili ac diuino cum patrum vestrorû, tum vestro, qui nunc eam talem tantamque tuemini ac regitis, consilio. Ac video equidē pluribus, quam vos, gentibus aliquot annos dominatam olim esse ciuitatē vnam, aut alterā. verumtamen (libere enim dicam, quod sentio) imperiû bello partum sæpe feritatem, sæpe violentiā, atque iniustitiam, fortunę quidem certe temeritatem semper habet. at bene domi constituta res, sineque vllō ciuitatis motu tot sæculorû diuturnitate firmata, vna, eadēque reip. ratio moderata & concors, ea vero tota virtu-

tis



tis est, ac prudentiæ. itaque in bello illæ, atque inter arma  
 cum stetissent, in pace atque in otio conciderunt; quippe  
 quæ non ratione, sed viribus nixæ erant: nec enim quietis,  
 hoc est parendi vicissim atque imperandi, artes didicerāt.  
 vos pacis, id est iuris, atque æquitatis studia, quæ vincula  
 sunt ciuitatis, cum domi coleretis, nihilominus foris belli  
 gloria floruiſtis. etenim cū ciuiliſ illa, quæ modo a me ap-  
 pellata ratio est, duabus contineatur partibus, bellicarum,  
 atque vrbanaſ rerum ſcientia, & tractatione: illi, cum  
 bellicā laudem nimio adamaſſent opere, alteram reip. par-  
 tem incultā propemodum reliquerunt: vos vtramq; qui-  
 dem, ſed præcipuam, vt par fuit, maxime adepti, comple-  
 xiq; eſtis. ergo ex omni Italia, tamquā e tui bulento ac for-  
 midoloſo mari aliquo, tanta hominum viſ ad vos cōfluit,  
 veſtramque in vrbem ſe ſe, quaſi in portum, refert, vix vt  
 iam capere tantam multitudinem ſuis illa tectis poſſit: qui  
 cum e ſuis ciuitatibus in veſtram migrant, protectiores ab  
 iniurijs fore domi ſe ſe veſtrę aduenas, quam ſuę ciues, cer-  
 te confidunt. Maxima igitur laus veſtræ reip. vobiſq; ma-  
 gnis, clariſque in ea ciuib; debetur; quæ in eo munere,  
 quod de humanis omnino muneribus longe præſtantissi-  
 mum fit, vna excellat plurimum. præſtant enim alij alijs  
 virtutibus populi. vobis autem id vnum proprium peren-  
 neq; eſt, rem tueri publicam; hoc eſt humanum genus ani-  
 mi ratione, nō felicitate aliqua, quę caſum habeat neceſſe  
 eſt, & varietatem fortunæ propriam, cōſeruare: hæc enim  
 & ſtabilis ipſa eſt, & diuturnitatem atq; adeo, quoad res  
 humanę ferre poſſunt, perpetuitatē, quod veſtra eſt reſp.  
 conſecuta, parere conſuevit. Fortunati igitur ciues tui:  
 Te vero equidem ſemper beatum, ſemper gloriatione di-  
 gnum exiſtimaui: cum propter multas, magnasque virtu-  
 tes tuas, animi magnitudinem, cōtinentiam, ſuauiſſimos,  
 eoſdemq; caſtitaſ, religionis, pietatiſ pleniſſimos mores,  
 dulcem illam tuam, vberemq; dicendi copiam; tum vero  
 propter diuinam iſtam animi tranquillitatem, atq; æqui-



tatem. Cum enim tot annos in hac post hominum memoriam clarissima rep. summa cum gloria versatus sis, cumq; dignitatis præstantia quam plurimis semper anteieris: communis iuris æquabilitatem transisti numquam, ac ne cogitasti quidem. quin etiam (memini enim me de hoc ipso BEMBO sæpe audire) cum tua te virtus multos iã ab hinc annos ad summam amplitudinem perduceret; tuaq; præclarissima patria ad istum honoris gradum, quem vnum altissimum habet, ipsa te tollere cuperet, atque adniteretur, deque tua gloria sollicita esset: liberaisti tu eam omni cura, atque alijs quibusdam, in istum locum magna quadam properatione festinantibus, cum anteuertere posses, ultro cessisti. magnifica vero laus, honorem, tantum præsertim, cuius cupiditate ceteri inflammentur, tam modice concupiscere. sed eadem tamen ipsa resp. simul ac data facultas est, iamdudum tibi debitam, tibi que reseruatam dignitatem istam ad te scilicet eundem cupidissime detulit, neque tamen, ne sic quidem, æquabilitatem animi tui tu illam veterem amisisti. atque hoc ipso in honore maximo gerendo, cum gravitatem ac dignitatem sic adhibeas quasi reip. humanitatem, facilitatemque, vt tuam, retines. ita nec ciuitatis maxime clarissimæque maiestas desideranda est; nec optimi, præstantissimique ciuis humanitas requirenda. Quid, quod duarum maxime insignium virtutum, integritatis, ac prudentiæ tuæ, duos esse certissimos testes videmus, paupertatem alterius, summam alterius tuam apud omnes gratiam, atque auctoritatem? quo quidem ex testimonio intelligere omnes necesse est, ita te in rep. administranda ad octuagesimum vsque annum ætatem contriuisse, vt publicas res sic procurares, vt tuas; sic autem ab ijs manus abstineres, vt ab alienis: ita factum esse, vt, cum tu sic animum induxisses tuum, vt bono ciui gratis reip. seruiendum esse statueres; illa contra egregiæ tuæ erga se voluntatis tibi premium, quod habuerit præclarissimum, laudis & gloriæ tribuere cupierit. Ac mihi qui-



quidem in te intuenti verum omnino videri illud solet, quod a sapientibus traditum est, aiunt enim homines ferreis alios, alios æreis, quosdam argenteis animis gigni: esse etiam paucos illos quidem, sed tamen nonnullos, quibus aurea animorum natura data est, ijsque seorsum regendarum ciuitatum munus a Deo adsignatum: illos alios, quos sua quemque aut duritia, aut vilitas impellat, ferri: at vos ex illo aureo genere natura ipsos per vos locupletes atque honoratos, ad salutem ciuium, populorumque incolumitatem, vitamque omnium quietam & beatam ortos, nec honores concupiscere, & diuitias contemnere, & generosarum volucrum ritu, cælum modo spectare, vbi vobis ciuitatum rectoribus, ac conseruatoribus certum locum, ac diffinitum esse teneatis. Quæ cum ita se se habeant; tam præclari hominum maximorum coetus atque concilij instituta, tam diuturnæ reip. moderationem, tam eximie ciuitatis magistratuum descriptionem, opes & copias, tum res vestras domi bellicque gestas, a populis gentibusque alijs audiri, manareque ad posteros, non iam ad vestram modo gloriam pertinet, sed etiam ad eandem ipsam, in qua versamini atque exercemini, hominum salutis curam: habebunt enim exteræ nationes non modo, quod magnopere laudent, quodque admirentur plurimum, sed etiam quod imitari cupiant, vndeque exemplum petere possint, qualem esse optimam, firmissimamque rempublicam, ac statum ciuitatis maxime diuturnum, maximeque expetendum, oporteat. Quare rerum vestrarum historia hæc, quam Petrus Bembus Cardinalis vir idem clarissimus, idem scriptor vnus omnium politissimus, scripsit, merito & flagitata iam pridem a multis est, & expectata semper ab omnibus. quid enim aut ad delectationem iucundius, aut ad disciplinam (est enim historia vitæ magistra) grauius constantiusue esse possit, quam ciuitatis omnium prudentissimæ leges, mores, instituta, consilia, magnarum variarumque rerum casus atque euenta,

de



de omnium dulcissimo elegantissimoque auctore audires; eoque ipso nec in mendacio gratiam quærente, nec in veritate simultatem extimescente? fuit enim Bembi non stilius modo purus & elegans, sed animus etiam sincerus in primis ac simplex. qui cum summa iam senectute patriæ vestre rogatu, vel iussu potius, res vestras gestas scribere aggrediretur, neque ad hanc ætatem, memoriamque nostram peruenire se se scribendo posse confideret; sæpe mecum locutus est, & quidem crebro te appellans, cum permoleste ferret excludi se se tempore a tuarum laudum, tuique similium commemoratione. qua nos re commoti faciendum nobis esse duximus, ut eius historiam ad te potissimum mitteremus, optimi scilicet senis virique clarissimi, atque hominis disertissimi plenas grauitatis, plenas auctoritatis, plenas dignitatis lucubrationes; ad sanctissimum itidem, e germanoque illo Platonis auro senem, in clarissima post homines natos rep. principem, ciuemque vnum omnium facundissimum. Accipies igitur tu illam, non a nobis quidem, sed a Bembo per nos tibi missam: patriæque tuæ vtrumque gratulabere: eadem enim res maxime scriptione, ac memoria dignas ad historiam suppeditauit; eadem grauissimum luculentissimumque suarum rerum gestarum scriptorem, ac testem peperit.

*Ioannes Casa Ranuccio Farnesio Cardinali S.*



NON eram equidem nescius, eum iam in locum progressam esse virtutem tuam; ut amplissimo isto honoris ac dignitatis præmio diutius carere non posset. Cum enim superioribus mensibus, permultos dies ut tecum essem, mihi contigisset, facile, præsertim id curans atque attendens, intelligere potui non modo eximiam quandam ac prope diuinam  
ani-



animi, & ingenij in te indolē elucere, sed ipsos iam appare-  
 re virtutis fructus; eosque, præter etatem ipsam, plenos at-  
 que vberēs. Itaque non dubitabam, quin Paulus Pont.  
 Max. qui eo usque virtuti semper fuit, ut eam in alienis  
 ultro tam sæpe hominibus illustraverit, passurus non es-  
 set, uti illa in suis inornata iaceret. Sed, quamquam ex-  
 ploratum tu quidem meritumque ac prope debitum,  
 summum istum honorem assequutus es; tamen vel hoc  
 ipso nomine, quod istud honoris insigne, virtutis præ-  
 mium citius, quam aui tui, hominis sanctissimi, in te  
 beneficium omnes dixerint, tibi plurimum gratulor,  
 neque cuiquam concedo; quamquam omnium bono-  
 rum flagrare in te studia & voluntates, certo scio: ut  
 plus me voluptatis ac lætitiæ ex ea re ceperit. id, quod  
 ego tamen pro mea in te, fratremque tuum, virum  
 maxime illustrem, Cardinalem Farnesium, clarissimam-  
 que in familiam vestram obseruantia, mea ipse sponte  
 fecissem, tamen eo etiam non equidem magis, sed ne-  
 scio quomodo, libentius facio, quod excitarunt me  
 litteræ tuæ, quibus nihil excogitari potest humanius: in-  
 uitas enim me non ad gratulandum modo tibi dignita-  
 tem tuam, sed etiam ad eam tecum vna fruendam; in  
 quo ego cum suauissimos tuos mores, maximeque in me  
 propensam voluntatem tuam agnosco, tum dupliciter  
 lætor, & quod tantum patrocinium, quantum in tua es-  
 se auctoritate & gratia par est, promptum mihi paratum  
 que esse intelligo; & quod de tua bonitate atque huma-  
 nitate, tanta dignitatis accessione, nihil diminutum esse  
 perspicio. tamen numquam, id quidem aliter fore, pu-  
 tauī. Sed ad illud redeo; ut non modo istam tibi dignita-  
 tem gratuler plurimum, magnopereque gaudeam, ne for-  
 tunam quidem honori tuo defuisse, sed multo etiam ma-  
 gis ea re læter, beatumque esse te prædicem: ἀγαθὸς  
 ὃν ἀνὴρ ὁδὸν ἀμυνεῖς. Sic enim est profecto. nam,  
 cum fortuna bonis comitatur, vix tum demum laudē ha-  
 bet



bet & plausum ; improborum autem , aut etiam obscurorum hominum , prosperitatis inuidia est comes . Quo magis enitendum tibi est , omnique cura , studio , labore , industria perficiendum , vt hominum summam de te expectationem , quam prima tua isthęc ætas , tam vario laudis genere florens , tamquam ver futuram anni vbertatem ostendere solet , sic excitauit , non modo expleas , sed etiam superes . Perge igitur , qua cœpisti , eadem celeritate & cursu ad virtutem contendere : neque de tuo pristino labore , assiduitate , diligentia , industria , quicquam remiseris : breui enim & obrectatorum vocolas , si quæ concitate sunt , comprimes , & Pont. Max. amplissimique collegij vestri , in te cooptando , iudicium non comprobabis solum , sed etiam illustrabis ; perficiesque , vt nullum esse tam nouum , tamque exquisitum honorem , qui in amplificanda dignitate tua extraordinarius videri possit , omnes & intelligent & fateantur . Qua quidem in re , pro eo quanti te facio , sepe multumque de te cogitans , grauem tibi constitutam esse aduersariam video : est enim non ineptiarum modo , sed vitiorum etiam omnium altrix & procreatrix assentatio : ea igitur animum tuum , qui & natura firmus est , & educatione ac disciplina corroboratus , quamquam est illa quidem temeraria atque imprudens , fortasse non nihil verebitur . Sed eadem tamen , ætate , quæ tua lubrica est ac periculosa , tum potentia , quæ solet esse licentior , freta , adoriri te minime dubitabit . quæ cum & fallendi & impellendi omnes vias nouerit , omnium temporum momenta teneat , omniaque ad voluntatem loquatur , omnes autem cupiditates exsuscitet , eadem ijs ministret omnia , semouenda tibi a te est , proculque ab animo , atque auribus tuis eius præstigię & quasi cantiones , remouenda . Quod tibi quidem facile factu erit : est enim vna simplexque cautio . etenim , si eos audies , si ijs aures tuas dederis , quorum monitis ac præceptis animus tuus excultus , tamquam astrum , enitet ac splendet ; si eos , qui tibi hætenus

iter



iter monstrarunt, duces habebis, nihil errabis, atque ad  
virtutem, quamquam μακρὸς τὲ καὶ ὁρῶς οἶμος ἐπ' αὐ  
τῷ, quam celerrime peruenies. Verum sentio me ab  
eo, quod his litteris propositum fuerat, aberrasse longius:

fecisseque insolentius, qui te, in eo præsertim, in quo  
gratulatione magis vtendum fuit, cohortari

ausus sim. Sed dabis mihi profecto ve-

niam, tuæ laudis ac gloriæ studiis

incenso, si sim ardentius for-

tasse elatus, quam tua


summa digni-

tas,

pudorque meus

postulaue-

rit.



DD Petrus



# PETRVS VICTORIVS

## IO. CASAE ARCHIEP.

BENEVENTANO S.



VI alias quasdam ad te scribendi occasiones omisi, ne te in magnis Reipublicæ rebus.vehementer occupatum, magis impedirem, diuque mihi ab hoc officij genere temperaui: nunc quum casus rulerit, vt tecum communicare aliquid debeam de ijs, quæ ad studia litterarum pertinent, quibus te scio valde, atque ex animo delectari: facere non potui, quin statim ad te epistolam hanc exararim. Hoc autem si aliquis fortasse hoc tempore factum reprehenderet, atque ineptum putabit, te non omnino (quæ tua est humanitas) contempturum confido. Quin contra solet potius varietas rerum oblectare, & animum fessum grauioribus curis, assiduisque cogitationibus huiuscemodi aliquis sermo e sinu musarum promptus, reficere, atque recreare. Quum igitur hic adolescentibus nostris, qui Græcæ linguæ perdiscendæ studiosi sunt, Orestem fabulam Euripidis interpretarer, veni ad eum locum, vbi Helena persuasa ab Electra, filiæ Hermionæ parteis illas imponit portandi comam suam, ea de causa celsam, ceteraque, quibus moris erat ea ætate mortuos munerari; ad sepulchrum Clytemnestræ: vt honorem eum sorori haberet, seque magno dolore affectam esse ex acerbo illius interitu significaret. Post quæ verba, quum Electra, plena admirationis, exclamet: naturæque vim incredibilem esse in vtramque partem affirmet, siue boni aliquid, siue mali ab initio vitæ illa hominibus dilargitur, ac statim, quod in vniuersum protulerat, illi ipsi rei, de qua agebatur, ac

com



commodet: dixi, me putare, loqui ipsam de pulchritudine Helenæ: quam tantam fuisse ostendere vult, quemadmodum sane omnium sermone illa ferebatur, vt facto hoc, quod vnum maxime corrumpere ipsam ac labe factare potuit, violata nulla ex parte sit: adiunxique, in eam mentem venisse poëtam, eruditum valde atque ingeniosum virum, magnopere verisimile esse, vt quum in manibus Helenę personam haberet, induceretque illam fecisset, quod rationibus ipsius magnopere contrarium erat, deprauareque poterat id bonum, quo illa ceteris mulieribus antecellebat: cogitarit, an ipsi contigisset, quod alij, minore pulchritudine præditis, necessario euenisset: idque nullo modo factum esse ostendere voluerit: quod multum valet ad famam peruulgatam de illa, confirmandam: constantique omnium opinioni de eximia specie corporis ipsius respondet: simulque commemorauit, non me fallere, Græcas declaratiunculas aliter locum capere, & ab hac sententia discrepare, quarum tamen auctoritas apud me nulla foret, quum multis signis intelligi possit, ipsas alicuius esse, vel plurimum potius, qui superiore ætate vixerint, quum extinctæ iam ita in Græcia bonæ artes essent, vt vix scintille aliquæ veteris eruditionis in ipsa restarent: Nam quod ille putauit hoc Electram protulisse, quia pristinam & innatam malitiam in animo Helenę manere adhuc ex facto illo cognouit: leue admodum ac nugatorium me illud existimare ostendi, ad indicandam naturę ipsius prauitatem, quę multis atque insignibus facinoribus notata erat. Si namque, quod interpretes arguit ipsam fecisse, eo animo ac consilio Helena fecisset, in tenui re illa peccasset, nec satis iustam causam exclamandi Electra habuisset. Neque enim decet eam valde mirari, quum vsitatum aliquid quotidianumque sit: nec vocem eo tempore tollere oportet. Affinis enim tunc Helena illi culpę fuisset; cui omnes mulieres vulgo obnoxie sunt: cunctæ namque formę suę conseruandæ vehementer



ter studiose sunt: cauentque quicquam facere, quod gloriam illam suam imminuat. Ut autem hoc infirmum admodum argumentum eius rei demonstrandæ fuisset, ita quod ipse cogitauit, magni momenti esse ad id significandum affirmavi: quod etiam inde perspicui posset, quia Terentius in Phormione, quum induceret seruum admirabilem quandam ac nouam pulchritudinem Virginis cuiusdam commemorantem, facit illum his signis ipsam declarare: exponit enim eam inuentam fuisse huiuscemodi quodam habitu corporis, vestituque, qui tamen ipsam maculare nullo pacto potuit: comicus enim hic quoque eadem ratione insitam a natura, & ingentem fuisse pulchritudinem illam significare voluit: inquit igitur apud eum Geta. Virgo pulchra, & quo magis diceret, nihil aderat adiumenti ad pulchritudinem: capillus passus, nudus pes, ipsa horrida lacrumæ, vestitus turpis: ut ni vis boni in ipsa inesset forma, hæc formam extinguerent. Sed quid dico Terentium, studeoque hoc testimonio etiam illius comprobare? qui sane non omnino eodem argumento utitur, quum vetus ipsius interpretes Donatus tradat Apollodorum, vnde fabulam hanc vertit Terentius, fecisse tonforem ipsum nuntium, non adolescentem, qui forte in tronsstrinam venisset: qui tonfor apud eum diceret, se nuper puellæ comam oblectum abstulisse: totumque se effunderet, verisimile est in eam pulchritudinem celebrandam, quam facto illo, maxime inimico pulchritudini, non vidit immutatam. Addit autem idem eruditus Grammaticus, varietatis huius rationem reddens, se scire, hoc Terentium mutasse: ne externis moribus spectatorem Romanum offenderet. Nam quod videtur huic meę sententię aduersari in Græcis verbis: docui aliter capiendum esse, atque interpretes ille Græcus accepisset: intelligo, inquam, quod apud poëtam est  $\pi\alpha\rho' \alpha\kappa\rho\alpha\varsigma \omega\varsigma \alpha\tau\epsilon\rho\iota\varsigma$   $\tau\epsilon\lambda\iota\chi\alpha\varsigma$ : valet enim  $\pi\alpha\rho' \alpha\kappa\rho\alpha\varsigma$ , prope partem illam capillorum, quæ capiti heret, tamquam Electra dixerit,

xerit,



xerit, ad cutem Helenam comam totondisse: quem magnum ornatum muliebris corporis quum penitus, pietati feruiens, sibi dempsisset, non tamen ipsam inde turpem redditam. Nec existimari debere hoc insolens esse, quod poëta vocarit summos capillos parte in illam, quæ quasi radix ipsorum est: qui enim tondere cesariem incipiunt, ad eam partem postremo perueniunt: præcipueque in muliebri coma, quæ prolixa est valde, atque pendet e vertice, videtur ipsa recte summa appellari potuisse. Addidi etiam, me arbitrari, si poëta diuersa ratione vltimam partem capillorum intelligere voluisset, ipsam præpositionem *παρὰ* additurum non fuisse: quæ fortasse causa fuerit auctori eius scholij, vt erraret, qui hoc non animaduertisset, & magis communem, vsitatamque notionem eius nominis secutus esset. Cumq; molestum præterea sit, quod sequitur, *ἔστι δ' ἡ πάλαι γυνή*: qui enim quempiam eundem esse ait, qui olim fuerit, & naturam ipsius moresque, & formam, effigiemque corporis in eo conseruatam esse intelligere potest: grauissimusque scriptor ac magnæ inter Græcos auctoritatis, contrariam in partem vsurpet hanc vocem: confessus sum, hoc me magis perturbare: Plutarchus enim, solitus sæpe locis illustribus poëtarum sensus suos explicare, in Alcibiadis vita, institutisque connumerandis, vbi narrat, quomodo ille Lacedæmone vixerit, ac, quemadmodum ingenium suum ad tempus versarit, quum ostendisset, quid pronuntari de ipso potuerit, si quis tantum, quæ extra posita in eo forent, quæque ille simularet, spectasset: addidit, si quis contra mentem adhibuisset ad veros ipsius animi motus; factaque, exclamari recte potuisse, *ἔστιν ἡ πάλαι γυνή*. Quamuis enim summa arte celasset sua vitia, eruperant tamen illa nonnullis in rebus, & idem, qui Athenis fuerat, improbissimus scilicet ac flagitiosissimus iuuenis, illic quoque esse Alcibiades intelligebatur. Huiusmodi tamen voces antiquorum poëtarum, quæ sermone omnium  
postea



postea celebrabantur, ac vim prouerbiorum obtinebant, di storqueri sepe, ac longe alio sensu, quam quo primum editæ forent, pronuntiari solitas esse affirmavi: quod multis huius ipsius auctoris exemplis nullo negotio posset comprobari. Id autem huic ipsi loco me arbitrari euenisse, nec sane durum videri debere, a corporis aspectu ad animi vim indicandam hoc Plutarcho transtulisse; ut quod ab auctore de muliere prolatum fuerat, ipse, iisdem verbis retentis, manifesto viro accommodauit: quare me putare posse, hanc quoque tanti viri auctoritatem sustineri. Quod vero statim Electra Helenam execratur, & in odium Deorum immortalium venire optat, ut principium maximorum malorum & sibi ipsi, & fratri, & vniuersæ Græciæ, videri quoque sententiam meam ad iuuare: specie enim corporis, non prauitate animi Helena tanta exitia parauerat: similemque locum hunc esse Homericæ illi, quum grauissimi senes, qui Priamo assidebant, laudata pulchritudine eiusdem mulieris, atque in cælum testimonio suo sublata, intelligentes tamen, quanta incommoda ipsa Troianis hominibus intulisset, vtile rebus suis esse dixerunt, ut illa eo, vnde venerat, rediret, nec apud se diutius, futura semper ipsis, filijsque detrimento, maneret. Hæc mihi tunc, ut alia nonnulla huiusmodi occurrerunt, quibus sententiam meam comprobarem, ut fit, quum semel aliquis opinionem aliquam suam de aliqua re amare cœpit: tuetur enim eam studiose, atque omnia vndique ad eam confirmandam rapit. Exposui tamen me nulla alia re tantopere fretum ita asseuerare, quantum elegantis illius, ac necessarij sensus opportunitate: quam *φαιτα σίαν* si poeta reliquisset, putarem non sine causa in hoc loco acumen ingenij ipsius desiderari potuisse. Ecce autem postridie quidam ex ijs, qui me audiunt, ad me veniunt, & cum tabellis quidem, ut Cicero ait, obsignatis, qui docent, tibi longe aliter de hac re videri: afferuntq; epistolam quandam tuam veribus

bus



bus scriptam, in qua manifesto contra me stas. Co horru-  
igitur subito atque animo concidi, postquam vidi mihi  
tecum rem futuram, quem nulla in re aduersarium me  
habiturum vniquam putavi: & a cuius iudicio, si id scis-  
sem, numquam discrepassem. Magna est autem aucto-  
ritas tua merito apud hos: atque id & sua sponte ipsi fa-  
ciunt, vt probent, atque admirentur doctrinam; & ele-  
gantiam ingenij tui, et meis etiam assiduis v ocibus ad hoc  
incitantur. Quare quomodo me geram in hac re, non  
facile mecum statuere possum: atque id, quia veritatem  
huius rei non perspicio: neque enim metuerem opinio-  
nem meam condemnare, & palam me in errore versa-  
tum confiteri. Deceui igitur te huius questionis iudi-  
cem sumere, atque ita tibi omnem rem examinandam tra-  
dere, vt quum tu rursus, ipsa diligenter ponderata, osten-  
das te in illa tua vetere sententia perdurare: pollicear

prorsus me ita quoque firmiter crediturum:

& omnia, quæ contra facere viden-

tur, argumenta nullius

ponderis existima-


turum.

Vale, & me, quod iam pridem fecisti, ama.

Florentia Idib. Decemb.

MDLVI.

\*





## IOANNES CASA

ARCHIEP. BENEVENT.

PETRO VICTORIO S.



VVM forte ad quotidianas occupationes meas podagra accessisset sane molesta: redditæ, mi VICTORI, mihi sunt literæ tuæ. Eo factum est, vt serius ad eas tibi responderem, quam nostra summa coniunctio postulabat. Sed eas tamen litteras eruditionis atque elegantie plenas: amore autem singulari illo in me tuo etiam redundantes, gratissimas, iucundissimasque mihi accidisse scito. Quod enim vir omnium doctissimus, atque in iudicando acerrimus, pedetemptim, verecundeque dissentire a nobis agrediebare, in re præsertim haud magni apud me ponderis: veterem tuam erga me benevolentiam, amantissimique animi gratum obsequium agnoscebam. Quod autem Electæ orationem aliorum, atque ego, alijque multi acceperamus, interpretabare: idque stilo illo tuo subtili, atque expresse, qualis eruditorum hominum sermo inter se de studijs litterarum disputatiuū esse debet, de clarabas: in eo ingenij, doctrinæque, & eloquentiæ tuæ vis, lumenque mihi iam pridem cognitum elucebat. Verum tamen, quod ad me attinet, omni ego te molestia libero: siquidem in eo expeditissima mea ratio est. Nos enim poëtarum more vti se res dederit, ita vel populi, vel eruditorum hominum sententiam nostro quodam iure sequimur, atque alias si sit opus, aliter de eadem re dicimus. Quare, mi Victori, optimos adolescentes, mihi que iure carissimos, qui apud te erudiuntur in litteris, posthac, mea



mea quidem causa, sententiam tuam ne celaueris: neque id amicitie tribues, quod ab amicitia plurimum discrepat, ut expurgare iudicium nostrum non audeas. Atque adeo sic habeto, nihil mihi in litteris tam plane esse exploratum atque compertum, quam quod tu idem probes, atque confirmes: quamquam de his quidem Euripidis versibus nonnulla mihi in mentem veniebant, cur in pristina illa mea interpretatione propemodum perseuerarem. Primo enim vix mihi verisimile fiebat, calamitissimę virgini, in tanto capitis sui, fratrisque sui discrimine, otium ad contemplandam, ac predicandam Helenę pulchritudinem fuisse, præsertim quam odisset, quam etiam diris statim prosequeretur, cuique deos iratos atque infensos optaret: propterea quod se fratremque suum, totamque Græciam euertisset. Nam ita Helenę personam tractare Euripidem par fuit, ut Electrę personę, quam in manibus habebat, ne obliuisceretur. Deinde Helenę pulchritudinem, quę nulla ei mulieri sua culpa obtigerat, indigne ferentem Electrā facere, fortasse nihil attinuit: at lasciuiam, & formę, cultusque importunum illud studium, in sororis cæde, & luctu, in domus, familięque ærumna, atque excidio reprehendere, ac detestari: id vero cum Electrę persona congruere, nisi te aliter arbitrari viderem, plane putassem. Nam quod ait Electra, suę huiusce orationis initio, ad ingenium naturamque referri mihi aptius videbatur, quam ad corpus & pulchritudinem posse: sic enim interpretamur. Quam magnę ingenij sunt, ac naturę in vtramque partem vires: ferimur enim natura alij ad perniciem, alij ad salutem, ut quique proclives ad virtutem, aut ad vitia sumus: pessum dedit ergo Helenam non forma, sed ingenium. Nam pulchritudo quidē multis sæpe malo, multis sæpe saluti fuit. Quod video idem præcepisse eos, qui de finibus bonorum differuerunt: ut ea sententia, quam duobus his versibus complexus Euripides est, vix futura vera sit, si hoc

EE sensisse



senfisse illum defendimus : qui pulchritudinis compotes sint, salutare quiddam habere : at inuerecundum, impudicumque animi ingenium qui possident, ijs ea res semper calamitati est, numquam saluti. Helenę quidem certe non pulchritudo profuit, sed ingenium obsuit. Id igitur mihi accusare videbatur infelix Electra, pannisque obsita, torridaque : Helenam inclinata iam etate meretricium animum illum pristinum retinere, quum fugę infamiam illam subiisset, propter quam in publicum etiam prodire, non audere ipsa se fateretur. Castissima scilicet puella vehementer indignatur, queriturque, eam iam prope anum factam, ne malo quidem doctam, deterri a lasciuia ac petulantia posse. Ipsum quoque verbum Mulier, nescio quid vituperationis pręferre visum olim mihi est, quum illud nescio quid versiculorum lusimus. Est eadem, quę solet : non Helena, inquit, sed mulier. Illud etiam interdum suspicari mihi veniebat in mentem, si ad cutem totondisse Helenam capillum Euripides significaret, dicturum illum fuisse potius *εὐχρῶ*, aut *εὐβάδεια*, quam *παρ' ἀνδρᾶς τοῖς χῶ* : quod video doctis nonnullis idem placere. Sed hæc tu melius scilicet, vel longe potius omnium optime : nam nos quidem vehementer sane occupati, non tam vt aliquid statueremus, quam vt aliquid ad epistolam tuam rescriberemus, cursim hæc ad te exarauimus. Quare ad illud redimus, quod initio scriptum a me est : pro sexcentis mihi auctoritas, iudiciumque tuum rationibus semper erit : eaq; mihi loci huius, aliorumque omnium interpretatio erit certissima, quam tibi maxime probatam esse intellexero. Vale xi.

Calen. Febr.

MDLVI.

\*

FINIS.




217


# Series chartarum.

abACDEFGHIKLMNOPQRSTVXYZ  
AA BB CC DD EE.

Omnes sunt Duerniones.




*Florentia, apud haredes Bernardi Iuntæ.  
Anno Domini, 1567.*

















KONSERVIERT DURCH  
ÖSTERREICHISCHE FLORENZHILFE  
WIEN